



~~6
36-d
5~~

6
24 G
28

Ex Bibliotheca
majori Coll. Rom.
Societ. Jesu

A
300

45. 3. 18.

45
e e
18. 218

0-30 2/3





BIBLIOTHECA NA
ROMA
VITTORIO EMANUELE



BIBLIOTHECA NA
ROMA
VITTORIO EMANUELE




RECTOR ACADEMIAE

ALTORFINAE

LECTORI BENEVOLO

S.



T maximorum fluviorum par-
va admodum & contempta sunt
capita & fontes: ita scientiarum
quoq; omniumq; adeò studiorum
nostrorum, incredibile est, quàm exilia & ne-
glecta sint prima principia. Verùm in illis
quidem affluxu rivorum, multorumq; fluvio-
lorum, augmenta tandem expectare licet: in
his vero, certi tantùm ordinis & institutionis
ratio, incrementa & exoptatam ubertatem,
promittere potest. Est autem omnis recta insti-
tutionis laus in eo praeipue sita, ut, postquam
domi bonis moribus, tanquam usui dextra ma-
nus, assuesacti sumus, & ut ait Plato, didici-
mus rectè gaudere & odisse, cecus adhuc animus
noster, & ad rerum perspicientiam nunc pri-
mùm exsurgens, pedetentim à facilioribus &

dulcioribus, ad graviora & austeriora, deducatur. Quemadmodum enim oculus è tenebris, non potest subito clarissimam aspicere lucem, sed gradatim umbris quibusdam utens, ad solis radios, tuto progreditur: ita animus quoq; humanus (divinam illustrationem semper excipio) à summa ignorantia & caca caligine, ad opiniones primum & dubitationes, inde sensim & latenter, ad veritatis clarum intuitum provehitur. Quodnam autem tenue illud & non insuave institutionis initium sit, si animum advertere velimus, natura ipsa, tacito quodam voluptatis sensu, satis nobis demonstrat. Videmus enim ipsi, & clarè idem etià docet, gravis in primis auctor, Dionysius Halicarnassensis, postquàm animi nostri sensa proloqui possumus, vehementer nos verborum ornatu & frequentia, omniq; orationis comenda ac poliendo artificio, duci & delectari, immò in hoc studio impetu quodam animi, mirificè lascivire & deliciari. Et sanè lingua ista cura, quesitaq; lenocinia apparent his annis, in
sum-

summorum etiam virorum scriptis, si qua for-
tè, vernante adhuc aetate, ediderunt: ita ut
facile perspicui possit, majorem tunc, aut certè
non minorem, illis verborum fuisse curam,
quàm rerum. Neq; mirum: ut enim nobis ca-
nescentibus, unà quoq; canescit oratio: ita flo-
rentibus, floreat. Cum igitur primis studio-
rum annis, ab ipsa natura commendetur elo-
quendi facultas, quid ni in ea excolenda, pri-
mos quoq; labores, voluptate præsertim condi-
tos, impendamus? Verùm, quia exercitatio i-
sta non potest suscipi, nisi res etiam aliqua ei sint
subjecta. (graviorum autem rerum summa
adhuc impetum ost.) observarunt etiam illud
sapientissimi homines, fabularum tracta-
tione, maximè aetatem incuntem, capi. Ale-
xander enim Aphrodisiensis, qui solus dignita-
tem philosophia Aristotelica olim sustinuit, eos
pueros ceteris omnibus anteposuit, qui fabulis
delectabantur: quò dea admirabilis consi-
et: in admiratione autem ipsi discendi quadam
cupiditas. Atqui eadem hac Alexan-


dre aratio,convenit in Emblematu etia usum.
Ut enim fabulis, sic etiam Emblematis, ru-
dis adhuc animus, ab rebus evidentibus, sive
in natura expressis, sive ab arte factis, ad salu-
bria vita instituta, non sine insigni voluptate,
traducitur. Hac igitur prima illa exercita-
tio est, in qua adolescentia, nostro quidem judi-
cio, omni studio est continenda: qua ubi jam sa-
tis eam perpoliit, jam ad rationes aliquas pro-
babiles videndas, & ad argumentandū, men-
tis oculi attolli solent. Quamobrem aliud nunc
laboris genus subeundum, & orationibus in
partes contrarias, in ventrix humani animi
vis excitanda & exacuenda est. Rhetorica
enim & Topica rationes, quae persuadentes à
Seneca vocantur, & splendidibus vitris sunt
similes, quia exoterica sunt, & popularem in-
telligentiam vix superant, non ita difficilem
nunc habebant inventionem: cum praesertim
ad eliciendum, quid in quaq; re veri simile vi-
deri possit, certis praeceptis & locis, à philosophis
quoq; adjuvemur. Atq; hanc quidem exer-
cita-


citationis consuetudinem, Aristoteles etiam, ut
auctor est Cicero, vehementer comprobavit.
Adolescentes enim in thesi, non ad philosopho-
rum morem tenuiter differendi, sed ad copiam
rhetorum, in utramq; partem exercuit: quod
Strabo vocavit *ῥήσις ἀκρυβίῃ*. Et habent om-
ninò hujusmodi ancipites disputationes, in
quibus de universo genere utrinq; copiosè disse-
ritur, suum quoq; naturale voluptatis condi-
mentum. In hoc igitur altero exercitationis
stadio, postquam jam quoq; quantum est satis,
desudatum erit, tùm demum maturitas esse in-
cipit, ad eam rerum doctrinam animum trans-
ferendi, quæ rationibus cogentibus. Et ad amā-
tinis, ac principiis artis cuiusq; propriis, inniti-
tur. Hæc vero magna quadam studiorum
mutatio Et conversio jam est. In prioribus e-
nim tantùm rhetoricamur: in hac, sua quisq;
in arte, philosophamur: in illis prima fere ver-
borum, secundæ rerum cura est: in hac contrà,
prima rerum, posterior est verborum: in illis
suavitas quadam dulcis est atq; decocta: in
hac

hac, austera illa & solida. Itaq; etiam atq;
etiam videndum, ne immaturum adhuc ani-
mum, & erudiora studia, ad principes illas &
graviores artes, ipsamq; earum omnium ma-
ximam philosophiam, temerè propellamus. A
qua quidem præpropere festinatione (certissi-
mo multorum adolescentum naufragio) clara
voce olim juventutem revocavit Arcesilaus,
inclamans, Non esse vellus portandum ad fullo-
nem. Revocare etiam nos potest, egregia illa
animi & corporis comparatio, qua est apud
Themistium. Simile quid, inquit, animo acci-
dit, quod corpori. Nam parvuli primò sic ja-
cent, ut neq; flectere se, neq; ingredi valeat. De-
inde ut quadrupedes reptant. Tum erigunt
se & incedunt ut bipedes, nec indigent comite
qui manum prabeat. Adeò vero promovent
processu, ut jam & ad cursum vegeti, & ad om-
nes usus corporis firmi robustiq; sint: Eodem
modo animus primùm res tantùm nominare
potest, & intelligere qua nominat. Tum com-
ponere & meditari. Postremò universalia
qua-

quadam iudicia & notiones scrutatur, quas si-
mulatq; elicit, in seipso deponit atq; consignat.
Hæc autem omnia eò pertinent, primùm qui-
dem, ut qui apud nos, istam quam ostendimus,
studiorum viam ingressi sunt, latentur rectam
se esse ingressos, laudatam ab laudatissimis vi-
ris, & ab ipsa natura, certa voluptate com-
mendatam: deinde, ut absentibus etiam Aca-
demia nostra instituta comprobemus. Tri-
plicem enim illam quam diximus, exercitatio-
nem, perpetuò apud nos urgeri volumus: &
offerimus ex primo genere nunc classica adole-
scentum nostrorum progymnasmata, quorum
partem aliquam superioribus annis publicè
quoq; spectandam proposuimus. Exercitatio-
nes enim Aristotelea pro thesi & contra thesin
^{ἡτοιμασ} differendi, quas secundo loco suprà lau-
davimus, itemq; disputationes de artibus di-
dascalica, quæ tertiam laboris Academici par-
tem occupant, ad publicos jam professores
propriè pertinent: & certum est nobis, summo
) (quo-

quoq, studio ibi laborari, ut officij cuiusq, ratio
consiet, ne quid vel negligenter omittatur, vel
perturbatè & sine ordine, committatur. Tu
voluntatem nostram optimam, faustis
acclamationibus pro-
sequere.






Eidem Lectori.

Constitueramus quidem, his Emblematicis ac Symbolicis explicationibus conjungere doctissimas Orationes quasdam in principio ac progressu hujus Academiae instituta, ab anno Christi 1577. usque ad annum 1581. Rectore Clariss. viro D. Thoma Fregio P.M. habitas: sed cum illa alio consilio, ac, ut plurimum argumento diverso fuerint composita ac recitata, ac praeterea jam pridem typis elegantibus in hac urbe impressa, supervacaneum esse putavimus, eas rursus huc transferre, cum praesertim hoc modo noster liber facile in nimiam molem excrescere potuisset. Quod si forte eam editionem aliqui nondum viderint, ad eam quae ex officina Gerlaciana typographica prodit, candidum lectorem remittimus. Vale.







VI.

PANEGYRIS ANNI 1582.
SVB RECTORATV D.D. EDO-
NIS HILDERICI
Theologi.

*Oratio prima clāssis recitata à Phi-
lippo Rietero Noriberg.*



N ea schola nostra classe in qua ego
studiorum causa versor, scio multos esse adolescen-
tes, q̄ me ut aetate, ita ingenio, doctrinā, memoriā
& dicendi exercitatione longe superant. Proindeq̄
id, quod mihi nunc à Magnifico Domino Rectore imponitur,
majori laude & felicitate prestare potuissent. Sed tamen mo-
ueor &

veor & mandato praeceptorum meorum, quibus reverenter
adolescentes decet obedire, & insigni humanitate auditorum
omnium ordinum, Comitum, Baronum, nobilium, hospitum,
professorum & studiosorum adolescentum, ut tanto facilius
sim passus mihi has dicendi partes imponi. Quare veniam me
facile consecuturum spero: & ne longiori Exordio vobis sim
molestus, è vestigio conferam me ad explicationem symboli quod
in pulcherrimo numismate pramij loco ab Amplissimo Senatu
Noribergensi & Dominis Scholarchis hys datur scholasticis, qui
ex suprema classe praeceptorum iudicio ad publicas auctoritates
promoventur. Insculptum est numismati nobis donato
pulvinar, cum libro aperto & pugione. Quae imago haud dubie
sumpta est ex historicis Alexandri Magni. Hic enim adde di-
citur delectatus lectione Homeri, ut cum cubitum se conferret,
eius poemata cum pugione suo cervicali subiceret, ut cum exper-
gisceretur (somni autem parissimus fuit) semper ad manum
haberet praestantissimum autorem, cuius etiam nocturna lectio-
ne multarum virtutum praecepta & exempla cognosceret. Ima-
ginis insculpta usus inducat hac sententia addita: Virtutem
doctrina parit. Quo symbolo prudentissimus & amplissimus
Senatus Noribergensis sapienter nostrum ordinem scholasti-
cum monere voluit, ut cogitares excellentem virtutem sine a-
cerrimo literarum studio & eximia eruditione comparari non
posse. Quod verissimum esse, & ipsa ratio docet, & auctoritas
cum divina tum humana comprobatur, & exempla quam pluri-
morum laudatissimorum principum testantur. Ad ipsam
enim rationem quod attinet, qui non videt tantum differre
hominem doctum ab indocto, quantum differe dies à nocte,
lux à tenebris, visus à cecitate? Mentis enim est per do-
ctrinam lucem monstrare voluntati ea, quae sunt experienda &
fugienda

fugienda: Voluntas est, per virtutem ea facere, quae praecepit mens, & fugere quae eadem prohibet. Recte enim Poëta inquit: Quod latet ignotum est: Ignoti nulla cupido. Quae de re plura non dicam. Amor enim virtutum, & odium vitiorum in voluntate non possunt existere sine intellectu virtutum & vitiorum in mente. Hoc enim prorsus esset contra humana naturae conditionem. Idem ostendit divina autoritas. DEVS enim Deuter 17. capite per Moysen sic inquit: Describet sibi repetitione huius legis Rex in libro, ut sit cum eo, & legat in eo cunctis diebus vitae, suo quo discat timere Dominum DEVM suum, & observare cuncta verba legis. Postea Iosua cap. 1. ad Iosuan dicit Dominus: Non recedet ab ore tuo liber legis huius, sed in eo die ac nocte meditaberis, ut custodias & facias secundum omnia quae in eo sunt scripta. Divina igitur autoritas testatur, actiones cum omnium hominum, tum maxime principum certis notitijs & praeceptis regendas esse. Ideo & Sapientia apud Salomonem in proverbij, 8. cap. inquit: Per me Reges regnant & iudices iusta decernunt. Quod si quis habere humanae etiam autoritatis testimonium requirat, id hoc Platonis testimonio sit contentus, qui dicit: Eas demum Respublicas fore beatas, in quibus aut Reges philosopharentur aut Philosophi regnarent. In quo dicto Plato sapientissime vult cum potentia conjungi sapientiam. Recte enim apud Gracos dicitur: Τὸ ἰσχυρὸν αὐτὸ τοῦ, καὶ τὸ ἐμψυχὸν αὐτὸ τοῦ. Id est: Robur expers est intelligentia, intelligentia potentia. Sed quanta doctrina & disciplina videris, in natura vel malis corrigendis vel bonis augendis, id maxime in exemplis doctissimorum principum cernere licet. Historia enim ostendunt eos reges, principes & gubernatores, qui literarum studia coluerunt, indoctis principibus virtutis laude longe antecelluisse. Quanta enim virtus fuit in Davide

Rege Israelitarum, propter acerrimum sacratum literarum studium? Idem Rex, si statuisset doctrinam, piam assuefactionem & disciplinam nihil prodesse ad comparandam virtutem, non tradidisset summo & eruditissimo Propheta Nathan in disciplinam suam filium Salomonem. Cyrus primus Persarum Monarcha, & optima disciplina Persica ad virtutem institutus fuit, & à sapientissimo Propheta Daniele veram de DEO doctrinam didicit, Alexander Magnus, qui Persarum Monarchiam ad Gracos transtulit, in omnibus Philosophiæ partibus à summo Philosopho Aristotele eruditus fuit. In Romana Monarchia, quanta eruditione præditus fuerit Iulius Cæsar, id ejus ostendunt commentarij sapientissime scripti. De quibus audite, si placet, judicium Ciceroniæ. Commentarios quosdam scripsit rerum suarum valde quidem inquam probandos, nudi enim sunt, recti & venusti, omni ornatu orationis tanquam veste detracta. Sed dum voluit alios habere paratos, unde sumerent, qui vellent scribere historiam, ineptis gratum forsasse fecit, qui volunt illa calami stru inurere; sanos quidem homines à scribendo deterruit. De eodem scribitur, quod cum Pompeio interfecto, Alexandriam venisset, more scholastici in turba lectiones doctorum virorum audiverit. Augustus Cæsar & literarum & literatorum hominum maximus fuit fautor. De M. Antonino Philosopho Romanorum Imperatore expresse scribit Dion, multum cum doctrina adjutum fuisse ad exercendam virtutem, cum inquit: Ἀγαθὸν δ' ἦν, καὶ ἔδει πρὸς τὸν τοῦ εἰχεν: παμπόλῳ δὲ καὶ ὑποτασσάμενος ὡφελῆναι. Hic etiam cum esset Imperator, egressus annum quinquagesimum accessit ad auditoria Philosophorum. Constantinus Magnus tanta eruditione fuit præditus, ut ipse potuerit regere Synodum Nicenam, & in ea de summis articulis fidei inter alios

Episco

Episcopos & eruditissimos viros sententias dicere. Theodosius secundus sua manu descripsit libros novi testamenti, & in eiu^s quotidie aliquid legis. cui mos dicitur fuisse mane precatioes dicere & Psalmos canere cum conjuge & sororibus. Sed ut de alijs principibus doctis, quos alia regna habuerant, nihil dicam: An non inter Imperatores Germanicos hi clarissimi sunt, qui studia literarum coluerunt, & scholas publicas fundarunt? Quales sunt Carolus Magnus Gracarum & Latinarum literarum peritissimus, qui & si qua Imperij Romani ad Germanos transtulit: Fridericus Secundus, earundem linguarum & aliarum maxime callens, Mathematicorum, Physicorum & Medicorum studiorum instaurator felicissimus, & dignissimus qui summis heroibus annumetur, qui excellentem in omni genere doctrinarum eruditionem cum virtute & gloria bellica conjunxerunt: Maximilianus, Carolus, Quintus Ferdinandus, & Maximilianus secundus, qui Imperatores omnes & ipsi excellenti bonarum artium cognitione exalti fuerunt, & viros doctos in magno precio habuerunt: Quidam etiam libros scripserunt: Ut Maximilianus primus, cujus sylvam experientiarum non vulgarium citat alicubi Iac: Spiegelius: Ut Fridericus secundus, cujus extat liber de arte venandi cum avibus, cui praescripta ab ipso verba sunt memorabilia, & vobis ut spero non ingrata futura si etiam hic à me recitentur: Nos profecto, qui divina largitione populis praesidemus, generali, qua omnes homines naturaliter scire desiderant, & specie aliqua gaudent aliqui utilitate proficere, ante suscepta regiminis nostri onera semper à juventute nostra quaesivimus scientiam, formam ejus indefinenter amavimus, & in odore unguentorum suorum semper aspiravimus in de fesse. Post regni v. nostri curas assumptas, quamquam operosa frequenter negotiorum turba

nos distrahat, & civilis sibi ratio vendices sollicitudinis nostra
partes, quidquid tamen temporis de rerum familiarium occu-
patione decerpimus, transire non patimur otiosum, sed totum
in lectionis exercitatione gratuitè libenter expendimus, ut ani-
ma clarius vigeas instrumentum in acquisitione scientia, sinè
qua mortalium vita non regitur liberaliter. Satis ne magnum
hoc vobis, Auditores optimi, videatur cognitionis & scientia
studium in Imperatore? Sed brevitatis temporis jam obstat, ut
ne nominare quidem mihi liceat principes eos, qui in historijs
clari sunt propterea, quod cum belli pacisq; artibus solida eru-
ditionis laudem conjunxerunt: Qui certè incognoscendū
bonis artibus nihil temporis, nihil operæ, nihil studij posuissent,
si earum cognitionem ad virtutem & gloriam comparandam
nihil prodesse censuissent. Sed sicut ante dixi, & ipsam naturæ
humana conditionem & auctoritatem cum divinam, tum hu-
manam, & exempla doctissimorum principum omnium tempo-
rum diligenter consideraverimus, reperiemus verissimum esse
hoc symbolum: Virtutem doctrina parit Quare hanc sapien-
ter commonesactionem in pulcherrimo argenteo numismate
nobis propositam grato animo amplectamur, eamq; ipso opere
implere annisamur. Quo nihil gratius erit, Amplissimo &
Prudentissimo Senatui Noribergensi, qui nulli suntibus parcis,
ut nos adolescentes ad studium literarum & virtutis excitet,

D I X I.

ORA-

ORATIO SECVNDÆ CLASSIS,
RECITATA A GENEROSO DOMINO
BARONE GEORGIO ERASMO
à Tschernembl Austriaco.



Cum Iunioribus apud sapientes, graves
& eruditos viros, quales jam hic Convēsus multos
habet, faciēda sunt verba, nihil eos magis decere
arbitror quam brevitatē orationis. Quare & ego cum à
præceptoribus in hoc eruditissimorum virorum consessu aliquid
dicere jubear, odiosam sermonis prolixitatem fugiens, statim
me cōvertam ad qualemcūq; explicationem pulcherrimi sym-
boli, quod ab Amplissimo Senatu Noribergensi in argenteo nu-
miāmate nobis adolescētibz proponitur, qui ex secunda classe
in primam promovemur. Imago igitur, quæ in numiāmate
nobis attributo insculpitur, hæc est: Rhinoceros cornu, quod
in naribus habet, exacuit & limat ad petram. Quod hoc a-
nimal facere dicitur, cū pugnā inīturum est cū Elephan-
te, cujus abūm, quam scit se acuto cornu penetrare posse,
A 4 pugnans

pugnans praeipue petis, & in hac corporis parte Elephantem
vulneratum occidis. Quod si Rhinoceros in pugnando ab al-
bo Elephantis aberrat, ejus proboscide feritur, & dentibus di-
laniatur. Anno Christi 1515. Albertus Dürerus Noriber-
gensis pictor nobilissimus Regi Lusitaniae Emanueli pictura ele-
gantissima expressit vivum Rhinocerotem, quem Rex est Cam-
bodiae Indiae regione acceperat. Ex illa Düreri pictura suspicor
desumptam imaginem Rhinocerotis, quae in nostro numismate
conspicitur. Idem Lusitaniae Rex, ut horum animalium discor-
dia & pugnam experiretur, ea aliquando inter se commisit: sed
Elephas conspectum Rhinocerotem dicitur fugisse. Unde colligi-
tur Rhinocerotem animal esse animum, & quamquam mi-
nus est Elephantem, tamen fiducia sui cornu cum eo audere con-
gredi, & saepe victorem Elephantis existere. Atque hac bre-
viter sint nobis dicta de imagine Rhinocerotis, qui se non teme-
re committit pugna cum robustissimo & fortissimo hoste in-
eunda, sed se ad futurum certamen exacuendo cornu ad saxum
diligenter preparat, ut victoriâ potiatur. In numismate ima-
gini Rhinocerotis suum cornu ad petram acutus addita sunt
haec verba, ex Catulli carmine desumpta: Amat victoria cu-
ram. Cujus symboli haud dubie haec est sententia: Nullam
victoriam ab ullo hoste unquam reportari sine ingenti cura, sine
labore & sine aliquo periculo. Quae sententia multis exem-
plis praestantissimorum regum, principum & ducum ex historia
desumptis illustrari posset, si temporis brevitatis eorum com-
memorationem admitteret. Quid enim? An recens tot pra-
claras victorias ab hoste bellicosissimo & saevissimo Atoscho-
vita Stephanus Polonorum Rex sapientissimus, fortissimus &
felicitissimus, sine immensa cura, assiduo labore & maximo peri-
culo reportare potuisset? Cui Regi secundum DEVM immor-
tales

tales gratia debentur, quod multas Ecclesias Christi in Livonia
& vicinis locis à tyrannide Moschovitica liberavit. Sed
pratermissis bellicis victorijs paucis attingamus scholasticam
militiam. Nobis enim scholasticis de nostra militia inclutus
Noribergensis Resp. Senatus in hoc symbolo commonefactionem
proponere voluit. Habet noster ordo hostes non paucos, qui
nobis obstant, quo minus ad bonorum artium cognitionem &
virtutis possessionem perveniamus. Quorum è numero hi
quoq; sunt, quos Hermolaus Barbarus Venetus, vir de studijs
literarum optime meritis, in hoc versu nominat:

Venter, pluma, venus laudem fugienda sequenti.

Eisdem & Pithagoras in aureo suo carmine nominat, cum
inquit.

Κεχτάν δ' ἐδίξιο τῶνδε: χασρος μὲν πρῶτισα,
καὶ ὕπνος, λαγνείης τε.

Qui igitur in castris Musarum versantur, anxiosissima
studeant temperantia & sobrietati, ne à ventre, gula & crā-
pula turpiter vincantur, ut Sardanapalus & Bonosus Impera-
tor victi sunt. Verus enim est hic senarius: πᾶχ' αἶψ' ἄσπερ,
λεπτὸν δ' ἵπτεται νόον. Deinde Musarum tirones odisse debent
nimium somnum, alterum illum sui ordinis hostem, ne ejus mi-
serrima fiant mancipia. Cogitent exempla: Demosthenis pri-
mum, qui antelucanas operas fabrorum solitus est antever-
tere. Et item Alexandri Magni, qui minorem partem no-
ctis somno, majorem vigilijs & meditationibus, tribuere con-
suevit. Iulianus quoq; Imperator, alias malus & impius, no-
ctes disparitus suis in triplicia officia: Quietis, Republica &
Musarum. Quare & Plinius rectè nobis vigiliam commen-
dat, cum inquit: Vigilia in ijs, in quibus animus inquietus, ope-
re pascitur. Et idem Plinius in praefatione historiae suae natura-

lis ad Imp. Vespasianum exclamat: Profecto vita vigilia est.
Ut significes, quantum quūq; temporū somno tribuas, tantum
vita sua detrahere. Verissimè certè, nam & Plaso ait in 7. de
legibus, cum qui nimio somno deditus sit, nullius pretij hominem
esse, nec plus valere mortuo: quod somnus & corpori & animo
nostro & utriusq; functionibus impedimentum adferat. Nec
aliter Aristoteles: qui potius vigilias quam somnum vitæ cau-
sam esse pronunciat. Τὸ ἐγρηγορεῖν, inquit, τῷ ζῆν αἰτιον
ἴστω, ἢ τὸ ὑπαδύειν. Ex quibus mihi videtur Ovidius suos hos-
te versiculos expressisse, qui in omnium ore sunt:

Stulte quid est somnus, gelidæ nisi mortis imago?
Longa quiescendi tempora fata dabunt.

Tertius scholastici ordinis hostis est fædus amor prohibita
veneris, DEVM & homines gravissimè offendens. De quo
hoste extant versiculi Bacchylidis veteris Poeta Græci, quos
~~Alpharabius~~ ~~Alpharabius~~ latine sic reddidit.

Vt cum de statua facies formosa remota est,
Non decus in toto corpore truncus habet:
Sic reliqui mores spretij sine honore iacebunt,
Ni sint ornati laude pudicitiz,

Pretonius Arbiter quoq; de eo sic inquit:

Fæda est in coitu & brevis voluptas:
Et tædet Veneris statim peractæ.

Histres, quos dixi, hostes primum vincendi sunt sironibus
Musarum, & postea in alios multos domesticos hostes fortiter
impetus faciendus est, ut feliciter superentur, expellenda mul-
tiplices tenebræ nostris mentibus, ejicienda ex voluntatibus
innumerabilia vitia, domandi multi pravi affectus in cordibus
nostris

*nostris, ambitionis, superbis, emulationis, inuidie, avaritiæ.
Rectè Prosper inquit:*

Nunquam bella bonis, nunquam certamina desunt,
Et quo cum certet mens pia semper habet.

*De his tot & tantis hostibus sine cura, sine diligentia, sine
Labore, ut symbolum nobis datum nos monet, noster ordo nullas
obtinebit victorias. Præparemur igitur nos magna cum cura
ad omnium generum certamina, ut necessaria eruditione, & me-
diocri dicendi facultate instructi, cum acerrimis adversariis ve-
ritatis, legum & honestarum artium aliquando feliciter &
gloriosè pugnare, & per tales victorias Ecclesia Christi ac Reip.
magno usui esse possimus.*

D I X I.



B 2

ORA-

ORATIO TERTIAE
CLASSIS, RECITATA à VWIL-
HELMO THEODORICO
Marschalck ab Ebner.



Quadam Germania civitas ad Ca-
rolum Quintum Imperatorem legatum miserat,
adjuncto comite adolescente pulcherrimo, primarij
ejus civitatis viri filio. Cumq; legatus Imperatori
sue Reipub. negotium exposuisset, interrogat eum Imperator de
comite adolescente, cujus esset & cujus filius? Respondit lega-
tus, esse eum cujusdam primarij in sua Rep viri filium, & unà
secum missum, ut quadam digna memoria & videret & audi-
ret Imperator igitur hoc audiens, adolescentem colloquio
dignatur, eumq; de quibusdam rebus interrogat, quas ingenu-
um adolescentem scire oportet, ut domum u reversus gloriarì
posset, se cum Imperatore esse collocutum. Sed cum adolescens
piscem magis mutus esset, nec Imperatori ad interrogatoria quic-
quam respondere posset, Imperator legato, Tuus, inquit, comes
pulcherr.

pulchra est statua, significans pulchritudinem corporis & nobilitatem generis sine doctrina & virtute parum prodesse hominibus. Huius dicti Caroli Quinti Imperatoris mihi venit in mentem, cum considero in numismate hoc symbolum: Nobilitatis virtus non stemma character. De quo symbolo, omisso longiori Exordio pauca dicam:

Numisma, quod praeij loco munificentia inclyti Senatus Noribergensis tribuit ijs scholasticis, qui ex tertia tribu in secundam evehuntur, harum rerum, ut videmus, habet imagines: Grandior aquila unguibus suis arreptum pullum tenet, eumq; rectè intueri cogit adversum solem, cuius fulgentes radios si ferre oculus potest, agnoscit eum pro legitima prole & in nido retinet, atq; educat. Sin praebecillitate visus oculos à solis radijs avertit, pro spurio eundem habet, suaq; educatione indignum judicat, atq; è nido precipitat. Inter alias enim virtutes aquilarum etiam haec est, quòd visu maximè valeant, quodq; illaesis oculis sine lachrymis non conniventes, & ut Graeci loquuntur, αὐτὸς ὁπὸς ἀποῦντι, fulgorem radiorum solarium aspiciere possint. Ex hac aquilarum natura & virtute hac similitudo ducitur: Vt pullo aquilino ad aquilinam nobilitatem probandam non satis est, ab aquila generosis progeneratum esse, sed hoc etiam in eodem necessarium est, ut virtutem aquila dignam habeat, sine qua à parentibus pro legitima sobole non agnosceretur: Ita in genere humano, si quis pro verè nobili haberi velit, ei non satis est jactare nobilitatem generis majorum suorum, quod nobilitatis argumentum est levissimum: sed maximè hoc necessarium est, ut majorum suorum eximiam virtutem referat ac possideat: sine qua ne suorum quidem parentum iudicio ullus verè nobilis est, nec pro nobili habendus. Quapropter imaginibus nummatis nostri hac inscriptio rectè

additur: Nobilitatis virtus, non stemma, character. Id est, magis virtus, quam genus nobilitatem efficit, vel potius sola virtus, non majorum sanguis vera nobilitatis summum est argumentum. Magnam sapientiam & utilitatem continet hoc symbolum. Primum eos quibus generis nobilitas contigit, qua εὐγενὴς Græcis dicitur, sapienter monet, ut cum ea vera virtutis studium conjungant. Deinde eos, qui genere ignobiles sunt, hortatur, ut per acerrimum sapientia ac virtutis studium veram nobilitatem sibi comparent, quam Græci philosophi εἶσοχὴν vocant, quæ tanto τῇ εὐγενεῖ ἀντίσται, quanto propria virtus aliena virtute nobis utilior est. Tercio docet Ignobilitatem generis hominibus novis, qui nullis majorum imaginibus, sed virtute propria clari sunt facti, nihil obesse quominus & sint & habeantur verè nobiles. Postremo significat nobilitatem generis prorsus inutilem esse ijs, nec quicquam prodesse, qui mali & improbi sunt, & à virtute majorum suorum turpiter degenerant. Imò hos Aristoteles 4. de ortu animal: cap. 3. non dubitat monstra appellare. De hac postrema parte extat elegans Epigramma, gravissimi Theologi GREGORII NAZIANZENI, in quo multis rationibus demonstrat, τὸς εὐγενεῖς δὲ σποῖρας, id est, nobiles malis moribus pradios frustra gloriari de nobilitate sui generis. E quibus tanti viri rationibus hic aliquas proferre opera pretium est. Si, inquit, corpore admodum esses deformis, & τετρά laborares graveolentiā, ut tuum halitum oris nemo circumstantium ferre posset, & hac mala tibi aliquis objiceret, an prodesset tibi dicere: patrem habui formosum, patrem habui benè olentem? Item, si tibi quis objiceret muliebrem timiditatem & mollitiem, an satis faceres convicianti, si diceres, Majores mei multas coronas Olympicas sua virtute obtinuerunt? Ita si te aliquis rudem
& ma-

& malum hominem appellaveris, nihil te juvabit, si respondeas, majores tuos & parentes viros sapientes & bonos fuisse. Item, uter Musicorum est melior, illene qui inaurata cithara optimè canit? nimirum, qui vulgari cithara optimè. Similiter, ut landi rosa nihil decedit, etiamsi ea ex aspero frutice nascitur, & ut spina vituperatio non minuitur, etiamsi ea ex tenera proveniat terra: Ita qui bonus est, licet obscuros habeat aut malos parentes, tamen merito præferendus est ei, qui nobilissimum & optimum genus suum malis moribus dedecorat. Hac & plura alia GREGORIUS NAZIANZENSIS in Epigrammate, in nobilem degenerem scripto, sapienter & eruditè monet.

Qua cum ita se habeant, & judicia sapientum virorum magni nobis sint facienda, eaq; vera comprobent cum historia tum quotidiana experientia, sæpè mulsumq;, ut nos ad virtutis studium excitemus, de hoc symbolo cogitemus: Nobilitatis virtus, non stemma, character. Qui ex claris majoribus orti sumus, non confidamus eorum virtutibus & meritis, nec alios præ nobis contemnamus, sed ipsi quoq; majorum nostrorum exemplū sapientiæ, pietatis & virtutis studium colamus, & bene de Repub. de Ecclesia DEI, de tota societate humana mereri studeamus, memores versum Iuvenalis:

Tota licet veteres exornent undiq; ceræ
 Attria, nobilitas sola est atq; unica virtus.

Est versus Gregorij Nazianzeni, in dicto Epigrammate.

Δεῖται ἐμοὶ πᾶς οὐρανὸς ἐλευθερὸς ὅστις ἀγῖος.

Qui vero ex parentibus Ignobilioribus minusq; laudatis procreati sumus, aut patriā minus claram habemus, aut opibus non ita magnis abundamus, aut corporis dotibus destituimur: tamē propterea non desperemus, sed tanto magis studio literarū,

*pietatis & virtutis incumbamus, ut per hac media DEVS nos
 pro sua immensa bonitate ita evehat, ut fiamus salutaria orga-
 na Reipublica & Ecclesia DEI. Nam Psalmus 113. bonita-
 tem DEI huius verbis celebrat: Quis sicut Dominus DEVS
 noster, qui in altis habitat? Humilia respicit in calo & ter-
 ra, erigens e pulvere inopem, & de stercore erigens pauperem,
 ut collocet eum cum principibus, cum principibus populi sui.
 Quid quod etiam Ethnici obscuro loco natos, cum virtuti stu-
 dent, praeferunt ijs, qui sine propria virtute, stemmata ma-
 jorum suorum tantummodo jaectant? Ideo Iuvenalis Satyra 8.
 sic inquit:*

*Malo pater tibi sit Thersites, dummodo tu sis
 Aeacidae similis, vulcaniaque arma capeffas,
 Quam te Thetidae similem producat Achilles.*

Et Ovidius: 13. Metamorph,

*Nam genus & praevos, & quae non fecimus ipsi,
 Vix ea nostro puto.*

D I X I.




ORA-

ORATIO QUARTAE

CLASSIS RECITATA à HIERO-
NIMO HOLTSCHYHERO.

Noriberg.



Neo numismate, quod Amplissimus
Noribergensis Senatus nos donat, qui ex infima
classe ad proximè superiorem ascendimus, hac in-
scriptio legitur: Vivitur Ingenio. Quam in-
scriptionem legens, timidus ad dicendū accedo. Quid enim nos
adolescentes, qui vix in hanc vitā ingressi sumus, de vita asse-
remus dignum auribus eruditissimorum virorum & juvenum,
qui in hoc conventu conspiciuntur? Quid item praeclari de
ingenio, re maxime abdita minimeq; in sensus incurrente di-
ceremus nos pueri minimè ingeniosi, qui vix de rebus quoti-
dianis, & ante oculos positis tria verba proloqui possumus?
Ego vero pra alijs adolescentibus puerili etiam quadam timi-
ditate

ditate impediatur, quo minus ea, quae utcumq; didici, proferre queam. Auget hanc meam timiditatem & ingenij mei tenuitas, & imperitia rerum, quaecum puerili aetate conjuncta est. Sed quia Magnifico Domino Rectori modeste obtemperandum est, qui me jubet specimen aliquod edere mei in studijs profectus, pauca in medium adducam de Symbolo, quod ab inclito Senatu Noribergensi scholasticis nostri ordinis benignè attributum est. Videmus igitur nostrum hoc numisma in uno latere continere insculptum monumentum seu sepulchrum quoddam, cui species quadam hominis insistit, habens geminas in dorso alas & geminas in manibus tubas ori adnotas. Imago sepulchri haud dubiè nos monet, omnibus aliquando moriendum esse, atq; idcirco omnem superbiam, arrogantiam & fastum mature deponendum, omnia humana & terrena, quamvis splendida, tamen, utpote morti obnoxia, contemnenda calcandaq; esse, sicut vulgares hi rythmi idem nos monent:

Cum tumulum cernis, cur non mortalia spernis?

Tali namq; domo clauditur omnis homo.

Extat apud Gracos in libello Epigrammatum Distichon, quod de eadem repiè, & sacris literis convenienter nos commonefacit, quod tale est:

Γῆς ἐπέβην γυμνὸς γυμνὸς ὅ ὑπὸ γαῖαν ἄπαμι,

Καὶ τί μάτην μοχθῶ γυμνὸν ὁρῶν τὸ τίλα;

id est:

Nudus in hanc veni terram nudusq; redibo,

Quid crucier frustra? clausula nuda datur.

Species tamen quae sepulchro insistit, monet, aliquid esse quod cum homine non moriatur, videlicet excellens ingenium, quod comprehendit eximiam doctrinam, singularem virtutem, & insignem gloriam, quae omnia certa quadam ratione
inter

inter se coherent ut causa & effectus, eademq; mortem effugiunt. Ingenium enim parit doctrinam, doctrina virtutem, virtus gloriam, gloria immortalitatem. Alia igitur Imagini addita significans gloriam virtuti debitam, per totum orbem terrarum, & sursum in calum volare, nec sepulchro posse capi. Adducuntur & tubæ geminae, ut significetur, virtutes magnorum, & de genere humano bene meritorum virorum pleno ore solere cani, & passim predicari. Ac fieri potest, ut altera geminarum tubarum, poetas, altera historicos aliosq; soluta orationis scriptores denotet, quorum tubæ tam sunt sonoræ, tamque in canendo durabiles, ut ab ortu usq; ad occasum, & ab occasu usq; ad ortum, per omnia secula audiantur. Ac de poetica tuba Ovidius sic inquit :

Carminē fit vivax virtus, expersq; sepulchri,
Notitiā seip̃æ posteritatis habet,

Item Horatius :

Dignum laude virum Musa vetat mori.

Qualis & quanta sit tuba illa altera in celebrandis claris viris, quæ soluta oratione utitur, quæq; oratoria dici potest, satis ostendit epistola Ciceronis ad Lucium Luceium Quinti filium, in qua inter cetera summus orator sic inquit : Ardeo cupiditate incredibili, neq; ut ego arbitror, reprehendenda, nomen ut nostrum scriptis illustretur, & celebretur tuis. Per has igitur tubas, cum poeticam tum oratoriam, multi præstantissimi viri celebrati immortale nomen sunt consecuti, ut non minus per bonam famam apud posteros vivere videantur, quam olim suis ipsorum temporibus vixerunt. Commemoracionem exemplorum, quæ sunt apud scriptores innumerabilia, brevitatē causā omitto. Nec verò solum illa personæ quæ tuba vel poetica vel oratoria celebrantur, immortales fiunt, sed

ipsa etiam persona, qua huiusmodi tubis canunt, facile inclarescunt. Non minus enim immortalis factus est Homerus, quam ipsi illi Heroës quos divino suo carmine celebravit. Eodem modo judicandum est, de omnibus bonis scriptoribus, qui vel res cognitione dignas, vel personas virtute prestantes monumentis literarum commendarunt. Quicunque igitur cupidus est immortalis vel nominis, vel glorie, (omnes autem cupidi esse debemus) hic aut praeclare agendo & vivendo materiam praebeat tubæ poëticae & oratoriae, aut alterutra harum tubarum discat ipse praeclare canere. Ad utrumque comparandum, ingenium est necessarium. Sine ingenio enim nec laudabilis materia ad canendum suppeditari, nec haec quas dixi, tubæ praeclare possunt inflari atque usurpari.

D I X I



PANEL

PANEGYRIS, ANNI 1583.

S V B R E C T O R A T V

D. D. IOHANNIS BVSENREYTI
IVRECONSULTI.*Emblema Primacuria, explicatum per
Job: Andream Genderum.*

ETSI me pudor, quem mihi natura
tribuit, satis commonere poterat, ne in hunc lo-
cum, qui eloquentissimis ac eruditissimis omni
tempore patuit, omnino descenderem: Viri omnium
Ampliss: ac Nobiliss: Scholarchæ digniss: ac prudensiss: vos
denig, ceteris Aud: ac hospites gratiss: ac ornatisiss: quia tamen
à Magnifico Domino Prorectore jussus sum, ut in hac Am-
plissimorum

plissimorum virorum corona, specimen ingenioli mei edam:
ne forte id, quod in praesenti accepi premium indignè accepisse
videar, hanc provinciam nullo modo detrectare possum. Qua-
enam igitur hujus pramij sit imago: quodq; problema, dicam Audi:
paucis. Sed antequam dicam, quasi obtestorq; vos, tribua-
tu mihi hoc beneficium, ut dum hac summatim persequar, ora-
tionis meae cursus, aura lenitatis ac facilitatis vestra adjuve-
tur. Naturalis historia scriptor Plinius refert, quod etsi ser-
pentes hominem odio natu ali & sempiterno prosequuntur, &
quibuscung, possunt modis ladunt, insciant, interimunt: ho-
mini tamen contra serpentes, natura venenum concesserit pra-
sentiissimū. jejuni scilicet humani oris salivā. qua serpentes icte,
velut aqua ferventis, contactum fugiant, quaq; si in sauces
penetraverit, etiam moriantur. Hoc ut natura erga huma-
num genus singulare est beneficium: ita sobrietatis & veneris
luxusq; praeclarum est simulachrum. Quid enim venere est
venenatius? quid luxu nocentius? quid immoderata vitā pe-
ssitentius? hac bonarum literum est venenum: hac artium &
disciplinarum pernicies, hac omnis honesta vita morumq; pe-
ssis & corruptela: Hac mentis usum pervertit: omnem hu-
mana vita dignitatem commaculat: DEI in homine sculp-
tam imaginem debilitat: quin imò mente penitus & omnis
vera artis usura spoliat, & quasi Circes poculo in pusidissimas
bestias transformat. Quid porro corporis robur perdit? in-
temperantia: quid morborum iliada gignit? intemperantia:
quid deniq; omnium vitiorum gurgēs, & sentina est malorum?
Intemperantia. Non est, quod quis vestram sine exemplorum
appositione lentius hac à nobis dici miretur: vita atq; factis
omnium penè hominum abundè satis hoc comprobari potest.
Vultis igitur exemplis priscorum populorum apud vos utamur?
vultis

vultis ex antiquissimis historijs regum dignitate viros illustres, hic verò vitijs infectos repetamus? Alexandrum cui ex rebus actis & auctis Magni nomen est inditum, Alexandrum inquam hac luxuriâ, & immoderato voluptatum usu, còprolapsus esse accepimus, ut optimos etiam amicos, inter quos Clytū suæ nutricis fratrem, in convivio occiderit. Quò impietatis & crudelitatis insatiabilis Nero impurissimus non profiliit? cum vino gulaq; tam deditus esset, ut mutato nomine pro Claudius Tiberius Nero, Caldius Biberius Mero dici meruerit. Sed quid ego te Alexander, quid te Nero, ex tanta antiquitate repeto? quasi vero nobis magno numero non sint in omnibus provincijs nepotes, qui sua vita perditissima sibi morbos attrahant, periculis se exponant, & in mille vita discrimina conjiciant. Hujus ergo Veneris victrix est sobrietas. Hujus veneni antidotum est temperantia: Horum malorum medela est vita moderata. Sobrietas enim ebrietatem pellit, ebrietate pulsa animorum perturbationes & omnium generis mala pelluntur. Quanta sit hujus virtutis praestantia, ex Gracis etiam cognosci nullo negotio potest. Hi enim insigni vocabulo σωφροσύνη nuncuparunt, dictamq; voluerunt, teste Aristotele, quasi σώφρων τὴν φρόνησιν, quod mentem libatam conservet, prudentiam, omniumq; virtutum officia pariat, atq; tueatur. Nihil itaq; per D E V M immortalem honestius, nihil praeclarius, nihil praestantius, diviniusq; est temperantiâ, & omnium vita moderatione.

Sed de problemate satis, vel etiam plura quàm cogitasset. Nunc tandem, quod unum restare videtur, D E V M oremus sobrietatis & autorem & fautorem, ut suo nobis Spiritu, adsit, qui mentem nostram ac sensus ita regat

atq; gubernes, ut in tota vita nostra sobriè pieq; degamus, &
hac corporis mole tandem exuti & liberati, sempiternâ cum ipso
latitiâ perfruamur.

D I X I.

E M B L E M A S E C V N D A E
CYRIAE, EXPLICATVM PER ILLVSTREM
& Generosum D. Comitem Philippum
Otingensem.



Non minus sapienter quàm utiliter,
ab hujus inclyta Academia Proceribus consti-
tutum est Mag: Dom: Prorektor, ut, qui in infe-
rioribus censibus, ingenuis artibus operam dede-
re, prius cùm privatim, tum publicè sua industria specimen
aliquod darent suis praeceptoribus, quàm ad alias tribus trans-
ferrentur. Non solum igitur non caruissimè justinobadientia
reprehem-

reprehensione, sed ignavia simul & negligentia nomine suspectus fuisset, nisi, quod à tua Alagnis. mihi mandatum est munus, suscepissem. Quamquam autem non ignorem, non posse me satis commode & potè ostendere, qui sit propositi mihi Emblematis sensus: ideoq; præceptis fuisse in suscipiendis hisce dicendi partibus videri possim; tamen ne temeritatis vitium fugiendo in aliud gravius delabar, Emblemata paucis explicabo. Pingitur in hoc argenteo numo leo robustus, & vir: qui dum compedibus constringere leonem conatur: luteo caput ejus obvolvit: Huic pictura hoc symbolum est additum: Ingenium superat vites: quoniam aliud arbitror innui, quàm non tam viribus, velocitate aut celeritate corporis res magnas geri, quàm consilio, autoritate atq; sententia. Nam quis non persuadeat sibi, ea quæ summis difficultatibus obstructa, obscuritate resecta, ancipiti dubiaq; cōditione involuta sunt, acri cōsilio, mentisq; acie potius per vestiganda, enodanda, peragrandam esse, quàm corporearum viriū molem adversus ea comparādam? Vis enim humani ingenij tanta est, ut quò manuum nostrarum tela non pervenerint, eodem acutum consilium penetret. Potentia vero consilij expers, quoniam inconsultè & temerè agit, imprudenter & fortuito fertur, nec moram solum sibi, & impedimentum in agendo infert, sed mole sua ruit, totaq; destructa vaneſcit: adeo ut rectissimè dixerit Q. Curtius 7. lib. de gestis Alexandri, Consilio, non impetu opus est. Et Pericles judicabat, magis decere Imperatorem consilio & astu, quàm gladio multoq; sanguine fuso, potiri victoria. Compertum enim habeat, nihil non difficultatibus circumseptum, angustijs circumvallatum esse: ideoq; non tam in copias, magnasq; vires, quàm in acrem mentis industriam ad agendum intentam, spem esse deſigendam. Hujus vestigia persecutus est Tarquinius junior,

D

qui tum

qui tum demum nullo negotio civitates à bellorum ducibus
vinci posse censebat : sic medio Primates patrum prudentia
pollentes, sublatis essent. Sic Cicerone teste, Homerus non
Ajacem, non Achillem, sed Ulysssem appellavit πολίτῳρθον,
quod extrema belli Trojani consilio & prudentiâ profecutus
esset. Vnde liquet verissimum esse, quod nostrum symbolum
ait: Ingenium superat vires. Harum enim firmitas parit fi-
duciam: qua nonnulli nixi, non raro in periculum ac discrimen
adducti sunt. Nam Pompeio Thessalico praelio (ut ait Florus)
nihil magis exitio fuit, quàm ipsa exercitus magnitudo: In
magnam scilicet virium fiduciam, magnis viribus accingitur
fortuna (ut inquit ille.) Non igitur potentiâ, non fastu belli-
coso, non vi tumultuosa: sed vigilanti animo, sed acuto consi-
lio, sed prudenti & caute mente ad negotia tractanda acceden-
dum, res difficiles aggredienda, adorienda, conficienda sunt.
Qua cum ita sint, par est, ut, qui parum cauti & providi, ali-
quando tamen alios gubernaturi sunt, illi se adjungant, qui sui
ingenij aciem, longo rerum usu, ad bona deligenda, & rejici-
enda contraria exacuerunt: hos, inquam, sectentur puerorum
Prætextatorum more, qui olim Roma, cum patribus Senatori-
bus boni exempli causâ, in senatum ventitabant, ut eos qui-
bus præfecti fuerint, prudentiâ feliciter regant, non eversant
temeritate: ut deniq; civitas seu Respub. non inanimum: sed
vivum corpus sit. Civitas enim sine consilio est corpus sine
animo.

D. I. X. I.



EMBLE-

EMBLEMA TERTIAE

CYRIAE, EXPLICATVM PER IOACHIMVM

MVMÀ VVERNSTET.



Emadmodum antehac nihil unquam magis in votis habueram, quàm ut à toto studioforum grege, non tam statutus Academicis, quam fidelissimū praeceptorum nostrorum monitis studiosè satis fiat: sic nunc quoq; illud summa mihi esset iucunditati, si tua iussa exequi liceret, atq; ad problema mihi propositum suauiter & ornatè daretur respondendi facultas. Sed cum hanc mihi demandatam provinciam ingenij mei vires longè exuperare videam, neq; ea me sermonis venustate mentusq; acumine instructum esse noverim, ut quasvis quaestiones abstrusas indagare verbug; politis dilucidas reddere possim, difficilissimum sanè esse iudicavi, hunc ipsum publici

suggersti locum conscendere, atq; meo meorumq; commilitonum nomine in celeberrimo virorum clarissimorum confessu progressus nostri specimen proferre. Licet autem hoc arduum atq; difficile mihi fuerit visum: volui tamen hoc potius obire munus, tuarq; voluntati morem gerere, quàm detrectando temerarij & ingrati hominis notam contrahere. Spero etiam fore, ut ego quàm brevissimè, & quidem pro ætatis meæ ratione Symbolum hoc explicans, non minori quàm cæteri à vobis omnibus & singulis presentibus audiar benevolentia. Figura hujusce Congiarij nostri exhibet nobis globum quendam incendiarium, qui pro materia sua qua constat, sulphure videlicet, nitro atq; pulvere tormentario, in aqua supernatans lucentes edidit flammis. Qui licet interdum procellis aquæ prematur, atq; ita submergatur, ut flamma prorsus videantur extincta, omnisc; spectantibus spes aliquando emergendi sit adempta, subito tamen illesus ex undis exurgit, suarumq; flammarum fulgorem non minus quàm antea coruscantem magna cum admiratione profert. Atq; hic globus etsi millies supprimatur, semper tamen emergit, nullog; modo potest opprimi, neq; flamma ejus ulla ratione suffocari, quàm diu flagrandi materia non penitus sit absunta. Hoc Emblemata rectissimè, quatenus ego quidem puerili ætate rem intelligo, veritatis dignitatem & præstantiam mihi videtur innuere. Vt enim globus nunquam potest opprimi, licet interdum prematur: sic etiam veritas non prorsus obliteratur, neq; splendor ejus extinguitur, quamvis nonnunquam pessimis & caliginosissimis obruatur & obscuratur mendacij nubibus: Ea siquidem semper ita solent extenuari & evanescere, ut veritatis radij integrè queant resurgere. Unde etiam pulchrè & verè admodum Sophocles dixisse perhibetur: nullum mendacium senescere: Et Theophrastus: Ex calumnia


calumnia & invidia conflatum mendacium ad exiguum tempus durare, & paulatim flaccescere atq; interire. Proinde ex repentino & precipiti mendacij interitu luce clarius est, quàm solida sit veritatis constantia, ut videlicet nullo unquam tempore, quantumvis aliquandiu obscurata, penitus possit aboleri, sed relucere semper ac revelari soleat, non secus, ac sol omnium totius mundi luminum moderator ac princeps, tametsi fuerit aliquantulum obumbratus aut tenebris obductus, perpetuò tamen obscurari non potest: sed quasvis nubes tenebricosas tandem dispellit, suos clarissimos radios spargit, atq; hoc amplissimum mundi amphitheatrum illustrat. Videant nunc ij, qui veritatem temerè solent oppugnare, eamq; omnibus quibus possunt viribus conantur opprimere, an non irritam & inanem sumant operam; an non cum larvis (quod dici solet) luctentur; an non DEO bellum velut Gigantes inferant. Cum veritatis tanta sit vis, ut prastantissima hæc, & admiranda cæli & terra machina potius peritura sit, quàm veritas possit exterminari. Hujus rei exempla, quorum aliquot myriades nobis, si id agere vellemus, historia suppeditarent, omnia brevitati serviens, ut etiam post me dicturo tempus supersit, præterco unico saltem prius commemorato. Puto omnibus constare, laudabilem & memoriâ dignissimam Iosephi veritatem (cujus visa uberius descripta erit & sacra historia Geneseos petenda) varijs jam mendacijs oppressam, admirabili tandem DEI ter Opt. Max. consilio manifestatam fuisse. Licet fratres ejus parenti mastissimo impietatis sue factum occultare, eidemq; veste sanguine conspersa exhibenda, filium à feris dilanatum esse, persuadere conati sint? Licet etiam sceleratissima Poripharis uxor Iosephum veracissimum & castissimum pudicissimè violatè accusare non dubitavit: Horum tamen conatus steriles

D 3 fuerunt

fuertunt & irriti. Quapropter ne prolixior sim, Studiosi adole-
scentes, nostrum erit, qui jam ex insigni Reipub. Norbergen-
sis liberalitate hys premijs honorifice donamur, ut quotiescunq;
symbolum illud intuemur, de veritate alacriter, constanter &
& sincere tuenda & propaganda sedulo cogitemus.

D I X I.

EMBLEMA QVARTAE
CVRIAE, EXPLICATVM PER GENE-
ROSV M D. HEINRICVM BARONEM
Tschernembl.



THOC quidem certe est e pumice
aquam petere: a me adulescentulo ac in literis ty-
rone ejus argumenti explicationem poscere:
quod vel maturi aetate, ac bene exercitatus viri
faceffas

facessat negotium. Verum quia constat, hic non tam artem
 à me requiri: quàm obedientiam: age annitar & ego meo loco,
 ne peccè in ea parte, in qua peccanti, venia dari nō potest. Video
 hic navim, in fluctibus jactatā: video columbam volantem cum
 ramo oleagino: video densq; oleam in littore eminentem.
 Ex diluvij historia sumta sunt ni fallor ha icōnes. In hujus
 historia (quam sapè equidem tacitus admiror) maximarum re-
 rum inesse mysteria, certum est: sive ad spiritalis illius vite
 rationes eam referas (quia Ecclesia Christi in hoc seculo vivere
 incipit: fruitura illā cum DEO in aeternitate) sive externa
 vite rationes spectes. Ego qui de spiritalibus illis & abstrusis,
 non satis possum vel cogitare, vel loqui, in eo resistam, quod est
 facilius. Navis ista in fluctibus jactata Ecclesia est: cum uni-
 versa, tum pars ejus qualibet: Respublica scilicet DEO servi-
 ens: Schola pia: Oeconomia honesta. Nam totius & partis
 hic quidem est una eademq; ratio. Columba civem Ecclesia re-
 fert: Olea pacis signum est: quæ hic in ipso littore maris loca-
 ta, id notat, quod res est: dat DEVS, etsi faviente mari &
 fluctu, aliquid tranquillitatis: quemadmodum oleam illam, de
 quarum ramum suum decerpit columba Noë, in universali illa re-
 rum omnium internecione, vel conservavit, vel certè novam
 repenti produxit: Ita scilicet hodiè etiam concedit p̃ys aliqua
 halcyonia in severissima hieme: ac velut in Medæ sinu, colum-
 bula suæ nidulum suspendit, ac descendit. Cujus columba hoc
 debet esse studium, ut cum cætera operetur, quæ in avis hujus
 natura pinguntur, tum discendo & agendo, ea quæ sunt pia,
 sancta, honesta: (quæ verè sunt ramus oleæ, ac virgula divina:
 omnibus turbus hujus vite componendū idonea) His ergo discen-
 dis agendisq; ut prodesse studeat tota vita sua, optimè de se meri-
 ta nutricula: atq; ita ramum oleæ ad naviculam Noë, nutriceq;

D 4

sui, de-

sui deferat. Nusquam ò commilitones, nusquam apparet, in
 hoc nostro numismate corvus: is dico corvus, qui ab Noa nu-
 tricio emissus, libero mox volatu auferebatur: oblitus sui nu-
 trici; oblitus arca illius, in qua fuerat conservatus: in qua
 fortasse etiam invitus, toto illo anno, fuerat detentus: Perinde
 ut solent barbara ingenia, scholas & disciplinam omnem odisse
 ac detestari. Absint ò commilitones, à mentibus nostris mores
 isti, & ἀσέβεια ista corvina: Simus semper memores navica-
 la nostra, in qua benigne alimur ac fovemur: eiq; studeamus
 tota vita, qua debemus θεοπνεΐα reddere. Hoc si agerent, si
 huc incumberent à primis annis mortales: rectè constaturum
 erat id, quod habes brabèi nostri ἐπιγραφῇ: Pax aurea sæcli:
 ut scilicet & Ecclesia (quæ est Νῶε νῆσος) & vel potius Christi
 cymba) Et Reipublica illud sartum tectum esset, quod hodie in
 rebus humanis nihil esse videtur, nisi inane nomen, Pax &
 concordia & tranquillitas: absutura vero erant lites mala, &
 turba infelices, quibus hodie inter se colliditur orbis terrarum.
 Sed ut, quid ali; agant, prestare nos non possumus: ita illud no-
 bis ò commilitones, omnibus & singulis convenit, ut nobis
 semper hanc legem dicamus, ut Ecclesia, ut patriæ, ut Reipub.
 ut scholæ in cuius sinum, tanquam navim, recepti sumus: huius
 inquam veluti atq; alterius nostræ, paci atq; incolumitati ut
 pro virili nostra, ita uti jam monui, consulamus: Et cum ta-
 lis nutritula omnibus nobis hoc tempore, sis Noribergensis Res-
 publica, cum alijs rebus, tum eo ipso, quod tam constanter, tam
 benigne hanc Academiam, hanc navim nostram fovet: Nos
 officij nostri memores semper ad illius honorem atq; commoda
 nos adjungamus: & cum alijs rebus quibus possumus, tum pre-
 cibus pijs semper ei salutem ac faustitatem omnem à DEO ater-
 no optimo maximo, exoptemus. D I X I.

PANE-


V I I I.
P A N E G Y R I S, A N N I
1 5 8 4.

S V B R E C T O R A T V
D. D. T A V R E L L I M E D I C I.

Oratio prima classis, recitata

à

C A R O L O S C H E V R L
Noriberg.



V M à dicendo A. pueritiam meam
revocare soles, rerum inscitia & pudor ingenuus, qui
maximè ornat hanc aetatem: tum in hac publica actio-
ne, ita me multa perturbant, ut quantum leges, tuag, auctori-
E sas M. D.

tas M. D. Rector spei mihi afferunt, ad explicationem hujus Emblematis suscipiendam, tantum timoris rei dissuultus insuliat.

Primum dico de Emblemate explicationeq; ejus, quod ipsum etsi satis laudatum, majus tamen mihi dicendi onus impositum sentio, quàm in humeris meis coherere possit. Deinde id Emblemata, cujus animal non dicam à me, sed vix unquam in Germania visum est, cogor illustrare. Accedit ut rationis, quæ huic reclamat firmitate, & classicorum autorum, in hujus descriptione dissensione perturbet. Perturbat me A. etiam illud, quod tamen cum vos penitus recognovi, timere desino. Re enim temerarium est, sed v. patientia sit aequissimum. Nam puerum dicere apud Mag. Nobiliss. Clariss. & doctissimos viros, quorum auditor esse debebat, si per se ipsum consideretis, nefarium est: pueros enim in confessu seniorum & doctiorum tacere decet. Sed vestra A. præstans singulariūq; benevolentia, hunc mihi metum minuit. Non enim tam timeo, quid me deceat, quàm intelligo, quid de cæterisq; meis commilitonibus expectetur. Moveor etiam loci ipsius magnificentia, quod ego classicus auditor, & in hoc genere nunquam exercitatus, hoc Emblemata, quod à nullo unquam inveni tractatum, illustrare cogor. Dico enim in tanto conventu & frequentia literatorum virorum, in quo nihil nisi certum & eruditum proferri debet. Hac me cura, hac difficultas circumstat. Quare quoniam actio maxime debilitatur loco & rei perplexitate, vestrum est A. quid ego puer in hac actionis difficultate præstare possim, ad limatum prudentia vestra iudicium vocare, quo facilius tum equitas vestra, tum consuetudo audiendi benevolentia minuat hanc persurbationem meam.

Primum

Primum autem de Basilisco, qua gravissimis sunt certissimūq; monimentis testata dicam: deinde de Emblemate pauca subijciam.

Ad Basiliscum quod attinet, quem nonnulli, quod rex serpentum sit, regulum vocant, nomine notius, quam visu animalis: & varietas scriptorum, quod plurima de hac fabulosa narrarunt, historiam in dubium incertumq; vocarunt.

Galenus lib. 10. de med. simpl. Basiliscum se nunquam vidisse fasetur: & P. Aeginesa lib. 5. c. 20. scribit: hanc questionem raro oculis hominum occurrere, & propterea in hujus curatione nihil se expertum. Quid ergo, in rerum natura Basiliscum esse negabimus? Historia temporum reclamans, opposita Medicorum huic malo remedia contrarium ostendunt. Nicander enim in Theriacis hujus meminit. Erasistratus, ut Diosc. l. 6. c. 38. notat, signa hujus morsus notat, & auxilia prescribit, ut & Galenus & Aësius. Solinus c. 30. scribit: Pergamenses magnam pecunia summam pro Basilisci cadavere numerasse, quod reticulo aureo suspensum in Apollinis ade locarunt, ne vel aranea insexerent, nec alites involarent. Plinius lib. 8. c. 2. in solitudinibus Africa inhabitare scripsit, in Cyrenaica potissimum provincia. Scaliger exercitat. 24. h. d. 4. scribit: Leone Pontifice Maximo ad adem Lucia sub fornice stabulatum Basiliscum: cujus afflatu magna lue affecta Roma fuerit, eumq; illius precibus extinctum. Mercurialis lib. 1. c. 25. de venenis, se apud Imperatorem Maximilianum Basilisci cadaver vidisse affirmat, quod in thesauris sit servatū. Esse igitur constat: qui autem esse dixerunt, tanta sunt in varietate & diffensione constituti, ut quod me verā nesciam: in hoc tamen summi conveniūt auctores, Quod Basiliscus sit serpens duodecim non amplius digitorum, sive trium palmarum longitudine, ut

Plinio placet: Solino vero pend ad semipedem longitudinis est: corpore flavo è nigredine in cinereum vergente, capite acutissimo, in quo tres habeat eminentias, maculis subalbidis insignitas, ad diadematis formam: Vel ut Solinus loquitur, alba quasi mitrula lineatus caput: oculos habet rubentes: non ut reliqui serpentes corpus impellit, sed dum progreditur, anteriorem corporis partem in altum tollit & erectus incedit, & in cundo posteriori tantum parte adiuvatur. Huic error pedes affinxit. Hunc ex antiqui galli ovo in vitam venire qui dicunt, licet tota serè Europa falsa hac opinione imbuta sit, non solum cum ratione naturalipugnant, veramplius quàm res & veritas concedat, dicunt: ut Albertus Magnus demonstrabit, & ob id Nicander quoq; nullam huius generationis mentionem facit. Miror itaq; doctissimum alioquin Lemnium è dementia venisse, ut nugae has rationibus suffulcire conatus fuerit. Non enim alium quàm reliqua serpentes ortum habet. Serpentum vero omnium venenatissimus, Solo enim halitu, urit, corrumpit, & interficit obvia quæq;: Ita ut Lucanus, lib. 9. scribat per telum aut baculum, quo quis hunc serpentem ladat, ad manum usq; decurrere virus.

Quid prodest miseri Basiliscus cuspide Mauri
Transactus? velox currit per tela venenum
Invaditq; manum.

Addunt alij, si Basiliscus equum tangat, non solum equum, sed eum qui insidet mori. Nec hominis tantum, vel aliorum animantium exitio datus est: sed terra quoq; ipsius, quam polluit & exurit: rumpit quoq; saxa. Deniq; extinguit herbas, necat arbores, ipsas etiam corrumpit auras, ut aërem nulla alium impunè transvoles insectum spiritis pestilenti.

Sibilum

Sibulum ejus serpentes alia perhorrescunt, & ex eo de praesentia ipsius certiores, etiam pastum in quo versantur fugiunt, eiq; locum relinquunt: ut Lucanus testatur.

*Sibilaq; offundens cunctas terrentia pestes,
Ante venena nocens, latè sibi submovet omne
Vulgus, & in vacua regnat Basiliscus arena.*

Sic in Diana templo Basilisci corium appensum fuisse scribunt, propter quod nulla hirundo introvolare auderet. Quicquid morsus ejus occiditur, non attingit sera, non atrectat ales: si quid gustat, statim moritur: atq; ita ne defuncto quidem vis deest. Ex dictis pestem hujus maximam esse videmus, minus tamen perniciosam quàm vulgus credit. Licet enim Gal. l. de theriaca scribat, Basiliscum oculorum radio & sibilo simplici, eos, qui audiunt vel vident interficere: non possum tamen ut credam adduci. Stenim vel emittendo vel recipiendo veneno suo videntes, vel à se visos interficit, à quo potuit id literis mandari? mortui certè non loquuntur. Credibilis ergo, vel è morsu, vel venenato ipsius halitu mortuos.

Signa quae ejus ictum sequuntur sunt: Primum totius corporis inflammatio, idq; ob vehementem calorem, per omnes venas & arterias sparsum: ita ut caro etiam corrumpatur, putrescat, & frustulatim decadat. Secundo quod Erasistratus notavit, plaga subaureo tingitur colore, ob sanguinem mutatum in flavam bilem tenuiore parte putrescente.

Tertio Aëtio lib. 3. c. 33. teste, pilorum defluvium sequitur. Nam veneni qualitas intra cutem & carnem radices pilorum exedit.

Ad hujus morsum Erasistratus, ut Dioscor. l. 6. c. 40. autor est, castorij drachmam in vino potam, & papaveris suc-

cum exhibuit. Aëtius vero propter veneni vehementiam & repentinam virium solutionem, nullum medicina locum relinquit affirmat.

Tanto monstro mustelarum virus exitio est, quos illic homines inferunt cavernas, in quibus delitecunt. Vfus hujus bestia nullus reperitur, nisi quod Plinius lib. 29. c. 24. scribit: Magos sanguinem ejus miris laudibus celebrare. Nam tribuunt ei, successus petitionum à potestatibus & à Dijs etiam precum, morborum remedia, veneficiorum amuleta.

Qua sit natura & historia bestia in nostro nummo depicta, aude vifiti: jam paucis etiam quid inscriptio, qua talis est: Improbilas sui ipsius pœna: sibi velit, mecum considerate.

Quid vitii seu improbitate in hominum societate perniciosius? nam licet in terra bonorum consortio deserta habitet: (nam vitia nullo virtutum confinio aut commercio mixta) tamen tanquam serpens è latibulis emergit, caputq; attollit, cuncta percursat, ut quàm longè datur virus suum ejaculare possit. Per oculos & aures venenosam suam qualitatem immittit, imò per extremos corporis artus ad cor vitæ fontem rep: s, illudq; ad omne bonum inutile red lit. Nam ut ignis aridam materiam totam absumit, præsertim si ventus accedat qui flammam excitet & deducat: ita vitium si hominem invaserit, omnia pervadit viscera, spiritibus malignis ipsum accendentibus. Qui omnes conatus bonos infringunt, virtutes fugant, hominemq; ita insatuant, ut divino destitutus auxilio aeterna mortis servitiam effugere non possit. Flexibiles enim homines quancunq; in partem ducuntur ab improbitate: eòq; obsequij continuatione perveniunt, donec illius moribus vivant. Adeo vitium & igne est, & ferro violentius.

Signa

Signatanti mali sunt pietas fuga, mendacorum & falsorum dogmatum cupiditas: bonorum odium, conjuratio malorum, virtutum everfio, voluptatum studia: lucis & veritatis expulfio, tenebrarum amor.

Et nisi quis initio statim occurrat, de hominis salute actum est. Nam quod merito fufpicere homo debebat, id tantis mali perverfio attendere non patitur. Sed ut acerbitas dentibus, stuporem infert, & fumus oculorum vifum hebetat: ita improbitas & malitia maximum fibi ipfi infert damnum. Recte igitur Epictetus monet: κόλαζε τὰ πᾶσι, ἵνα μὴ τῷ δυνάτι πρᾶξις. Coerce affectus ne ipfis des pœnas.

In vifa autem nobis fiunt vitia, cum ratione perfpicimus, quæ damna ea dent, quam adferant turpitudinem. Deinde rationes fiunt fubducenda eorum, quæ à contraria virtute eveniunt, bonorum.

Vfus hujus mali nullus est nifi ad maleficia & voluptates. Quæ melius est tacere, quàm vel leviter attingere. Nihil enim pulchri à turpitudine expectandum.

Hinc igitur Basiliscum commiliones optimi fagite, & quicumque virtutem bonorum patriam intuemini: terram vitijis fqualidam prætervehite: auresq; veftas ad hujus ferpentis fibilum firmiore quàm Ulyffes fpiſſamento claudite: Quia non ex uno fcopulo, fed ex omni terrarum parte circumfonat: Suo tamen malo, ut Basiliscus tandem perit, feq; ipfum conficit. Nam ut vetuftas, effictas fpecies & expreffas imagines conficit & confumit: ita nihil ex improbitate ad pofteros, nifi infamia, nominiq; ruina redit.


D I X I

E 4

ORA-

ORATIO SECVNDÆ
CLASSIS, RECITATA AB
ANTONIO A SIGERS-

MOIAN.



Rudenter certè virtus vitio oppo-
nitur. Nam contraria contrarijs optimè il-
lustrantur. Optandum ergo, ut me aliquis do-
ctior, virtutis studium suis proprijs coloribus
adumbrare jussus esset. Agnosco enim quan-
tum ad hoc præstandum mihi desit. Attamen onus hoc labo-
ris & officij, à M. T. mihi impositum, feram ut potero. paren-
dum namq; legibus. Spero A. consideraturos, non tam quid
aures ipsorum expectent, quàm quid viribus mejs conveniat.
Emblema nostrum: Virtus post fata superstes; quod quid
cum Rosa commune habeat, attendite. Rosa per se mollis, odore
& colore

& colore suavis, & hinc Plutarcho l. 3. symposi: q. 1. ὅτι ῥ' εὐμα
 πολὺ τῆς ὀσμῆς ἀφίησι, quod largum odoris effluuium emittat,
 dicta: ē spinosa tamen nascitur stirpe, & mordacibus aculeis
 horrentis. Itaque etiam virtus, qua nihil elegantius, nihil suavius,
 nihil prestantius, nascitur quidem in corrupto & vitioso homi-
 nis corde. sed tamen ipsa per se nec ladir, nec vulnerat conscien-
 tiam, sed multo magis hominem eximie ornat, & omnib. ju-
 cundum reddit. Aspera quidem est, & acclivis ad eam via,
 ut nemo eam absq. multo sudore & labore sibi comparare possit.
 Quis enim unquam dormiens trophæum statuit? quis indul-
 gens delicijs & tibiarum concentui, continentie cororis redi-
 mitus est? nullus sine cursu meruit prabejum. Labores
 gignunt gloriam, & certamina coronas acquirunt. Vt tamen
 omnia alia, qua pulcherrima sunt, maximeq. necessaria, perni-
 ciosissima evadunt, nisi quis recte utatur: Ita caute virtutis
 ratio ingredienda, nihilq. temere suscipiendum: ne idem no-
 bis quod Satyro dicatur, qui cum ignem ē calis in terram depor-
 tatum primum vidisset, complexi eum voluit & exosculari:
 heus, inquit Prometheus, ne caves hirce, profecto dulcibus tibi
 mentum.

Rosa deinde inter omnes flores, ut facile principem obtinet
 locum, omnib. ætatibus gratissima est, juxta illud Anacre-
 ontæ:

ῥόδον ᾧ φέρειον ἀνθρώπου,
 ῥόδον ἔσρος μέλιμα.
 ῥόδα καὶ θεοῖσι τέπεινα.

Hoc est, interprete Henr. Stephano:

- “ Rosa honor decusq. florum,
- “ Rosa cura amorq. veris,
- “ Rosa cælitum voluptas.

Ita etiam virtus corporis & fortuna bonis longe præferenda. Nam omnibus aetatibus, senibus & iuuenibus, viris & mulieribus, omni loco & tempore convenientissima. Et quicquid supra & infraterram est auri, si Platoni credimus, cum hic comparari non mereatur. Nam ut Chrysippus scripsit, secundum solam virtutem licet feliciter vivere, reliquis nihil ad nos pertinentibus.

Tum ut rosarum aqua cutis delet maculas, illamq; ab omni turpitudinis nota liberat, oculorum fluxiones sedat: solia autem contusa libidini & inflammationibus resistunt: Ita virtus contra vitiorum impetus arx est munitissima: omnes animi navos tollit, libidinis flammam extinguit, impudicos oculos deficit, impuros sermones reprimit, omniq; aditu vitia cuncta intercludit. Ut enim improbitas studia honestatis excitata dejicit, dejecta exanimat, exanimata funditus extirpat: ita virtus ejusdem studia erigit, exanimata recreat, dilapsa colligit.

Prætere aut rosa, quod Plinius notavit, siccis locis quàm humidis odoratiores est: ita etiam virtus in temperatis & sobrijs, non in temulentis, & perpetuò madidis cordibus odorem suum fundit.

Rosa recisione & ustione proficit, floremq; melius profert: relicta vero excresecit & sylvescit. Sapius ergo transferenda: sic enim pulchriorem effundi affirmant Theophrastus & Plinius. Ita etiam virtus afflictione & cruce, inedia & siti incrementum sumis, veròq; nitet colore. Nam secunda felicem, adversa verò magnam probant virtutem. Eiq; nil tam utile est, quam ad usum secundorum per adversa venisse.

Rosarum alia citius, alia serius florens: & si autumnus prolixior, denus rosas erumpere experientia testatur. Ita & virtus

virtus in prima, media & senilis floret ætate. Nam quemadmodum Aegyptus alendis angendisq; seminibus gloriosa est, ut nihil imbribus calog; debere videatur: ita virtus propriâ semper felicitate perfusa, nullo alio externorum bonorum egens omnem ætatis sterilitatem arceat.

Tandem rosa non solum viridis, sed arida & mortue quasi, summè utiles, variosq; de se producit effectus. Nam aqua stillaticia cor roborat, spiritus reparat, calida elementer refrigerat. Succus alvum lenit & subducit. Restuata vero rose, cor, hepar, ventriculus, renes, & alia viscera debilia confirmant: dolores mitigant: fluxiones & sanguinem sistunt: sudores reprimunt. Rhodomei vulneribus, ulceribus, eruptionibus, (adstringit enim & siccatur) utilissimum. Oleum calores omnes sedat, inflammationes prohibet, Ut autem res nihil fugacius, & tamen marcida & demortua maximos de se fundit fructus. ita hominis vita caduca quidem & momentanea, virtus tamen nunquam morti succumbit, sed perpetuò virescit. Ut Euripides canit: αἰετὴ δ' ἐν αὐτῷ θανάτῳ, ὅν αὖ πολλὰ τάλαντα, Ζῆν δ' ὅν ἐν ἑτ' ὄντος σάμαται. id est: virtus etiam morte perempta lucet. & alibi:

αἰετὴ δ' ἐν αὐτῷ θανάτῳ, ὅν αὖ πολλὰ τάλαντα,
Ζῆν δ' ὅν ἐν ἑτ' ὄντος σάμαται.

Virtus autem etsi moriatur quis, non interit: sed vivit corpore non amplius existente. Hec summus aquas infimos: suosq; cultores calo dicat. Nam vita defunctis æternam apud posteros conciliat gloriam. Dum facta laude digna in hominum conspectum lucemq; profert: exempla plurima imitanda relinquit: posterisq; honestatis lucem accendit.

Theophrastus ἐν ἑξατάκτῳ ῥόδον sive centifoliam rosam, circa Philippos exire refert. At virtus infinitas de se parit utilitates

utilitates. Cultores enim majores, & clariores, quibus contingit, efficit: & reliqua cuncta bona huic cedunt. Vig, parva & exilia sidera validiorum exortus obscurat: sic virtutis adventu, omnium fortuna & corporis bonorum dignitas in-
umbratur. Ergo

” petite hinc juvenesq; senesq;
” Finem animo certum, miserisq; viatica canis,

& erectis cum Antisthene statuis & trophaeis: unicam immortalitatis censuram, virtutem statuite. Virtutis namq; laurea nullo temporis intervallo amittit viriditatem, sed digna gloria perpetuaq; laude florescit quotidie magis. Huic nulla flamma, nulla aquarum inundatio, nulla senectus, nihil invidi nocere possunt. Primum ergo, nomen, ut Plato sapienter monuit, parate, sumperennitatis vobis non deerunt monumenta.

D I X I.





ORA-

ORATIO TERTIAE

CLASSIS, RECITATA A LAZARO

HALLER NORIBERG.



N congiario nostra Auditores ornatissimi, ardeam cum falcone expressam videmus, infestis unguibus & rostris acerrimè inter se depugnantes, & ex inmani suo furore hostiūq; prosterndendi atq; interimendi cupiditate, hoc lucri reportantes, quod mutui tandem scitibus atq; vulneribus confecti, ambo exanimis concidunt, & communi exitio acerbitati atq; immanitatis suae penas luunt: pariterq; necant, pariterq; necantur, ut ait bonus in primis poeta Guntherus: vel ut de piscibus suis Oppianus: ἄλλῃδ'ος ὀλέκοντι ἀποβαλοῖσι φόνον. Adde his inscriptio ista: Nulla salus bello. Quo quidem Emblemate omnibus perspicua est, bellorum nobis summi seditatem & surpitudi-

turpitudinem, tam etiam, qui perpetuò ex illis nasci con-
sueverunt, fructus, oculos ponit: & ab eorum studio, cure non
minus pestifera & noxia quam scelerata & impia omnes sine
mentis homines revocari. De quorum utroq; de bellorum,
inquam, turpitudine & indignitate, sum de tristissimis illis,
quibus ea miseros mortales afficere solent malis & calamitati-
bus, uti mihi paullo quidem explicatius, quàm fieri tamen po-
teris brevissimè differenti, aures benevolas praebeatù, reve-
renter & majorem in modum vos rogo.

Primum ergo, si unamquamq; rem, tanto plus in se con-
tinere sceleris atq; turpitudinù, tantoq; hominù praestantia in-
digniore esse arbitramur, quanto longius à natura illius hysq;
quas à DEO Opt. Max. accepit, vivendi legibus, abhorret:
bellum profectò, in rerum omni ratione & modo execranda-
rum, summoq; ob id studio & contentione fugiendarum nume-
ro veluti principatum quendam intelligemus obtinere. Si enim
corporis humani, omniumq; adeò partium illius rationem, for-
mam atq; fabricam oculis animoq; perlustrare voluerimus: pro-
sinus intelligemus ipsam naturam omnium parentem, homini
ad pugnandi quidem, & immanium belluarum in merem de-
sertandi usum nihil; ad pacem vero, amicitiamq; cum alijs co-
lendam, omne organorum & adjumentorum genus abundè
suppeditasse: atq; ita ipsa corporum nostrorum figura, quasi so-
nora voce testari voluisse videtur, hominem à belligerandi qui-
dem vesania quàm longissimè remotum: amicitiae vero colen-
dae, salutisq; sum suae, sum aliorum quoq; procuranda studio to-
tum dicatum, consecratumq; voluisse: adeò ut, quo majore
quisq; belligerandi sentatur studio, eo magis à natura sua con-
ditionibus recessisse, magisq; ad ferarum vestiarum diritatem
& truculentiam degenerasse videatur,

*Vbi vero jam ad egregias scilicet fructus illos, quos de-
testabilis illa bellorum rabies proferre solet, oculos converti-
mus, nihil verius in illam quadrare deprehendemus, quàm
quod de commentis illo monstro suo poeta extulit :*

*Tristius haud illis monstrum, nec saevior ulla
Pestis, & ira D. ùm stygiis sese extulit undis,*

*Ita enim profecto res habet ut dico. Quantum pax omni-
bus, quæ homini novisse datum est, felicitatibus, omnibusq;
victorijs, & triumphis antecellit: tantum etiam omnes omni-
um generum, tam publicas quàm privatas calamitates una bel-
li miseria superat: ut nulla earum sit, quin felicitatis cujusdam
instar obtinere videatur, si cum hac malorum & miseriorum
quasi æterna comparetur. Pestis enim contagium (ut in uno
saltem exemplo rem spectemus) quamvis ipsum quoq; luctu o-
mnia complere, domos, urbes, integras regiones funestas deso-
latasq; redacere negari non possit: illius tamen, vel in loca mali
illius expertia aliquantulum secedendo, vel etiam medicorum,
remediorumq; salutarium ope utendo, de vitanda facultas ali-
qua conceditur: aut, si maximè in præsidijs istis nihil auxilij
contra malum illud nobis relictum esset, corporibus certè no-
stris solus illud minatur, animis vero, perinde ut & bonis atq;
facultatibus nostris nihil ab illo periculi est; in leges quoq;
inque disciplinam publicam nihil ipsi juris conceditur: Reli-
gio deniq; juvenutis mores & institutio, virginum atq; ma-
tronnarum decus & pudicitia, extra omnem periculi illius
aleam sunt: Bellorum vero ubi primum ingruit tempe-
stas, quicquid pestilentia calamitas reliquum fecit, uno
quasi ictu, saevissimi fulminis in modum prosternt: moribus
non minorem, atque utinam non multo majorem, quàm*

corporibus perniciem offert: omnes leges, omnia iura, omnem
vitæ honestatem concutiat: divina humanaq. nullo discrimine
habet: sacra profanaq. omnia miscet: & (quod omnem mali
sensum exsuperat) parentes pios sexumq. imbecilliores ea sus-
ferre cogit, quorum vel à commemoratione sola piorum homi-
num refugit animus. Ut ne addam ad hæc, agrorum depopu-
lationes, villarum conflagrationes, agricultura neglectiorem,
minimè fallacia futura famis $\pi\epsilon\omicron\upsilon\gamma\omega\sigma\iota\upsilon\alpha$, quæ, ut certissimi
bellorum comites sunt, ita multo etiam tristiores & misera-
biliorem superstitum quàm Martis impetu peremptorum con-
ditionem faciunt. Ad extremum vero, interfectorum ca-
da veribus repleta via, undantes cruore campi, tincta sangui-
ne humana flumina, quis tam ferreus est, cui diræ ac funesta sui
recognitione pectus non effodiant? Atq. utinam saltem hu-
jus solummodo vitæ spacijs, tam tetra hæc circumscripta forent
mala, nec post infelicem illam, in medio altos contrucidandi,
aliq. innumera per summum scelus patrandi ardore vitæ pro-
fusionem, miserrimas animas insandis, nulloq. sine terminan-
dis cruciatibus & suppliciis objicerent: Cujus tamen rei, heu ni-
mia in militari hominum genere obliuio est: ut mirum sit,
quantum vulgo risum hominis illius moveat simplicitas, qui,
ut aliquam ejus rei rationem habeant, suadere illis conetur.
Dicat vero hic aliquis, victis tantummodo hæc tam atrocia,
victoribus vero omnia evenire equiora & latiora. Nequio-
ra, opinor, dicere te putasti & improbiora: ea enim fieri illa ho-
minem generi latitiâ partunt, quam equidem plarumq. semper
contingere victoribus satendum sanè est: ut videlicet, quan-
to quis ex acie felicitior, tanto etiam discedat nequior & impro-
bior, ac ad omne immanitatis, libidinis similitumq. flagitiorum
perpetrandum genus audacior atq. effratior. Ut maxime au-
tem care-

26
autem careant victoria multa vitijs istis : Quamnam vero
sponsione tibi illam cerò promissam esse dices? quasi vero omnis
belli Mars communis non sit, aut unquam minus quàm in bel-
li fortuna respondeat, ac non saepe numero salubriter destinata
ratione omnipotentior fortuna discutere solent. Quid quod
illorum quoq; malorum, quibus sibi affectisse hostes suos viden-
tur, minime expertes esse victores ipsi consueverunt? numquid
enim non vetustas modo, sed nostra etiam parentumq; nostro-
rum memoria exemplorum plena non est, quae sibyllinum illud
comprobent oraculum :

Κλῆις ὁ νικητὴς, ὁ δ' ἐ νικίας ἀπώλωλε.

hoc est.

Flet victus ; sed victorem mors atra peremit.

quae adducere nisi instituta id prohiberet breuitas, non magni
forte laboris foret. Quamvis vero non omne bellorum ge-
nus promiscuè damnatum velim : tamen unam divina gloria,
& Ecclesiae tranquillitatis propugnationem sufficientem &
idoneam illorum non tam inferendorum, quam propulsando-
rum causam esse debere statuo. Temerè enim, & prater eas,
quas modo dixi, causas, sub iurium nescio quorum prae-textu
cuiquam homini nato bellum inferre, tantum abest, ut pium
& Christianismi legibus conveniens esse putem, ut ne quidem
simili armorum tumultu atq; apparatus propulsare & vindicare
illud fas esse ducam, ubi declinandi illius, vel de jure nostro
aliquatenus cedendo, vel bolum aliquem hosti obijciendo facul-
tas aliqua conceditur. Quomodo à laudatissimis quibusdam
Rebus pub. vel iniquam pacem iustissimo bello praferentibus,
non minore sua cum laude, quàm subditorum salute & proste-
ritate factum esse accepimus.

G

Quare

*Quare si tributam nobis ab ipsa rerum natura dignita-
tem & decus tueri, si contra summum dedecus & infamiam, ob
turpissimam à creationis nostrae lege degenerationem, effugere. si
item morum perniciem, facultatum pestem, si deniq; corporum
atq; animorum praesentissimum exitium à nostris nostrorumq;
capitibus depellere cupimus: age non modo omnes conatus,
consiliaq; nostra togae & pacis, non vero belli & armorum socia
esse velimus: sed etiam celebrandum DEVM, pacis & tran-
quillitatis omnis, omnisq; inde efflorescentis prosperitatis beni-
gnissimum datorem ex intimo cordis affectu veneremur, ut con-
cessam adhuc dulcissima patria nostra pacis felicitatem in per-
petuum stabilire ac tueri, & vero turbatores illius omnes, pro-
pter sanctissimi nominis sui gloriam, potenter refranare &
compscere: & deniq;*

*Nostrorum oblitus scelerum, metitq; furoris
in vicinorum quoq; regnorum, sub huiusmodi miseriarum mole
gravissime pressorum sinibus,*

*Aurea sublato pacis dare saecula bello,
clementissime dignetur.*


D I X I.



ORA.

26

ORATIO QVARTÆ
CLASSIS, RECITATA
2
PAVLO ERNESTO
NORIBERG.



BRabeum nostrum, Humanis. Auditores,
ab una quidem anterioris faciei parte lucernam accensam,
et candelabro impositam, lumenq. suum pro quantitatis sua
modo circumquaq. spargentem praefert: ad latus vero illius, so-
lis, latissimo aspectu iubar suum explicantis luminisq. sui radi-
os in omnes partes longè latèq. diffundentis, ipsiq. sparsum à lu-
cerna lumen veluti offuscantis effigiem repraesentat: hoc addi-
to Elogio: Cælesti lumine vincor: Candela sive lucerna hujus
lumen, duarum rerum significationem includit, quarum una,
rationis sive mentis humana lumen est, Altera vero lumi-
G 2 nis hujus

nus huius perfectio, Philosophia omniarum humanitatis & mundanae sapientiae studia: quibus duobus (si unum illud de quo breviter post sequetur, excipias) sub universo caeli complexu nihil datum est homini praestantius aut divinius. Etenim quidnam aliud perhiberi possit ratio (ut de priore prius agamus) quam ipsius divinae sapientiae in nos transfusus radius atque igniculus quidam? quam ipsa illa celebrandi DEI in prima nostri creatione nobis impressa effigies atque imago? in qua, ut omnia natura nostra supra ceteras animatas praestantia atque eminentia fundata est, ita etiam per unam illam ad DEI summi opificis similitudinem, seu verissima & germana illius soboles, quam quidem in exilio hoc nostro fieri potest, proximè accedimus: quaeque adeo ex homine quasi DEVM quendam terrenum efficit, qui, quale DEVS ipse in tota rerum universitate, tale ipse quoque hic in terris, creaturarumque rerum ordine quasi regnum obtineat. Philosophiam vero & artium honestissimarum studia, quis nescit, homines eos quicunque sibi compararunt notitiam, tantum quidem supra ceterorum mortalium dignitatem evehere, quantum illi antea mentis & rationis beneficio omne animantium genus excellebant? Quanto enim ager aliquis diligenti agricolarum subactus atque excultus cura, letissimaque optimarum frugum copia cultorem subinde suum ditans atque exhilarans, altero aliquo, frugibus horrea non usque adeo distendente potior est: quanto lux tenebris venerabilior: quanto item circuratus aliquis & ad officia obsequiaque omnis generis in se socii praestanda condoces factus equus, indomito atque inerti aliquo cespitate generosior & melior habetur: quanto denique cuiuslibet rei perfectio, illi quae longiuscula etiam ab eo intervallo abest, altiore dignitatis gradum, meritisimo jure obtinere censetur: tanto profecto, Philosophiae artiumque laudandorum studijs

rum studijs exculta ratio communem caterorum hominum ra-
 tionem, hujus veluti pretiosissima purpura sinetura non imbu-
 sam dignitate praestantiq. superabit. Philosophiam enim il-
 lam animi culturam, vita lucem, ingenij domituram, ferocia,
 ut & caterorum animi morborum expultricem, summam de-
 nique hominis (qua quidem in hac vita contingere ipsi potest)
 perfectionem esse, nemo qui non plane hospes in ea fuerit, ne-
 gavit. Hoc vero, tam illustre atq. amabile licet, candela hu-
 jus lumen, solis ex adversa parte e thalamo suo (ut Propheta
 vocabulo utar) procedentis fulgor mirum in modum diluit atq.
 dissipat : adeo, ut lucidissimarum stellarum, ante naturalis hu-
 jusce exortum solis, amabili specie passim in cali fornice scintil-
 lantium, exorto vero eo, paulatim ex oculis sese subducentium
 more, nullum penè indicium relinquat sui. Qui quidem sol
 aliud nihil quàm ipsam eterni DEI sapientiam, in sacrarum
 literarum tabulis (quantum quidem nostra intererat) expres-
 sam atq. revelatam nobis significat : in cujus sensibus intelli-
 gentiaq. vera investiganda, sana ac piè erudita Theologia oc-
 cupatus est labor. Theologia inquam, si splendorem exter-
 num honorum ac premiorum mundanorum amplitudinem ex-
 cipias, omnium haud dubiè facultatum & scientiarum (pace il-
 larum dixerim) regina ac domina. Neq. enim quicquam
 scientiam eam hoc à me nomine appellari indignabitur, quia
 DEI nobis cognitionem tradit, hoc est, omnes omnis scientia
 & sapientia fontes atq. thesauros aperit : quia ad veram & syn-
 ceram, nullaq. agnitudo aut molestia permissioe contami-
 natam, nulli item exigui angustiq. temporis limitibus circum-
 scriptam, sed caelestem ac sempiternam beatitudinem, nobis lu-
 cem praefert. Cetera quidem ingenij humani sagacitate ac
 solertia inventa scientia ut de natura sortè rerum, ortus, inter-

itusq; earum causis, de mirandis corporum celestium moribus,
de regnorum publicarumq; rerum constitutionibus, earumq;
gubernandi ratione multapreclare ac divinè nos doceant: de
DEO tamen, parternaq; illius erga humanum genus affectione,
aut omnino silent, aut certè obscuram quandam duntaxat illi-
us umbram, horrore magis & formidine mortalium animos
concutientem, quàm amore DEI, salutariq; erga illum fiducia
eos perfundentem, tradunt. In felicitatis vero humanae de-
scriptione, ultra hanc vitam non ascendunt, id est ejusmodi
quandam felicitatem nobis vel tradunt, vel promittunt, qua
si cum celesti illa in comparationem venias, cujusvis rei potius,
quàm felicitatis vocabulum mereri videatur. Multa me
omittere brevisitas cogit, qua, si me persequi res pateretur,
aptissimè demonstratura essent, in sacris scripturis, Theologia
sacra ad interpretandum propositis, rerum omnium cognitione
dignarum florem, in ceteris vero humanitus inventis artibus
& scientijs, meras earundem faces & exhalata, secundum
Apostolum, contineri. Neg, illorum vel errori vel ignaviae
fenestram hac aperire debet oratio, qui ita demum pulchrè sibi
instituire rationes videntur, si omni philosophia & rationis
sana, itemq; liberalium doctrinarum luce spreta contemptaq;
cunctique & multi, contra expressum divinarum literarum in-
terdictum, ac manibus simul & pedibus (quod aiunt) illorù, in
sacratissima Theologia mysteria tractanda irruunt: qui sanè
perinde faciunt, ac si lanam fortè, nullis antea vel lotionibus
idoneis mundatam, vel ceteris illis ex artis fulloniae praescripto
infectionibus subactam preparatamq;, preciosissimo statim
purpure colore, irritò atq; inani labore, tingere conentur. Sicut
enim solis splendor, hominis ex opaco & profundo aliquo
specu in locum aliquem solaribus radijs illustratum prodeuntis
oculos,

28

oculos, tantum abest, ut quicquam juvet, ut potius occacet magis, visumq; eorum obsundat: quippe qui crassa tantummodo assueti caligini, nec modico prius diei lumine persusi erant: ita profecto caelestis huius ignis, à vero Prometheo, Christo Domino, in terras allati majestas, hominem nulla prius humaniorum disciplinarum imbutum luce, crassis tamen atq; impolitis eam sensibus suis comprehendere conantem obruet citius, quàm quicquam vera ac solida sui intelligentia ipsi communicabit. Negq; enim si beatis Apostolis, earum, de quibus agimus, disciplinarum serè expertibus, cetera quasi extra ordinem, sacram mysteriorum concessa fuit scientia, idcirco nostro quoq; a vo, cessante atq; sublato jam, post illustratam satis Evangelica doctrina veritatem, miraculorum usu, nobis quoq; idem privilegium debemus polliceri. Hoc enim qui ausit, non modo stolidam $\kappa\alpha\tau\alpha\phi\alpha\lambda\epsilon\iota\alpha$ suam prodat (non minus, quàm si vel mortuos in vitam revocare, vel morbos humana ope incurabiles, verbo solo curare instituat) sed etiam plerorumq; sanctissimorum Ecclesie patrum exemplo atq; auctoritati adversetur, qui multo inimiciorem DEO & veritati superbam ignorantiam, quàm piam & modestam artium laudandarum scientiam judicarunt. Quorum vestigijs nos quoq; si sapimus, insistentes, ad eruendos divinorum oraculorum sensus, artium disciplinarumq; liberalium subsidia, veluti corticem quendam, ad tranandum divine sapientie abyssum nobis comparemus: donec confecto tandem veluti natationis huius nostra labore, in opsatissimum caelestis beatitudinis portum delati, ipsum iusticie solem Christum Dominum avidissimis animorum nostrorum ulnis amplexi, sacratissimaq; sapientia & divinitas ipsius luce persusi, aeternorum premiorum gaudijs per omnes seculorum aeternitates perfruamur.

D I X I.

G 4

PANE.

IX.
P A N E G Y R I S, A N N I
1 5 8 5.

S V B R E C T O R A T V

D. M. IOHANNIS PRAETORII
M A T H E M A T I C I.

Oratio prima clāssis, recitata

⁴
IOHANNE KAUFMANNO
NORIBERGENSEI.



*Vam turpis atq̃ exitiosa sit effrenata
libidinis intemperantia, docet imago affabrè in
nostris congiarijs expressa: in qua dua vipera ve-
nereo complexu implicata: & vero samella maris
caput*

caput morsu præciciens, conspicitur: cum hoc Emblemate: Mentis venus improba clades. De viperis Plinius libro 10 capi. 62. *Vipera* (inquit) mas caput inferis in os, quod illa abrodit voluptatis dulcedine. Sed hac dere nunc quidem dicendi locus non est. Emblemæ potius nostrum aspiciamus & attendamus: quo edocemur, nihil flagitiosius, nilq; nocentius esse, quam impuras fadasq; corporum libidines: easq; idcirco non aliter ac pestiferum venenum cavendas ac fugiendas. Quemadmodum enim vipera maris caput ore complexa, morsu truncat: sic venerea libido corpus labefactat, omneq; animi robur & lumen exinguit. Nam & omnes nervos, omnia membra, omnesq; sensus, & imprimis cerebrum debilitat: facitq; ut subtilissimi spiritus, quibus vitalis vis maximè inest, exhaleant ac dissipentur: & vero ingenium, atq; in primis memoriam, eruditionis thesaurum graviter lædit & imminuit: ut non solum Physicorum consensus, sed ipsa quoq; experientia testatur. Verum non solum sanitatem affligit, & corporis atq; animi vires solvit atq; disperdit: sed etiam fortunas & facultates exhaurit & pessundat: & persæpe homines libidinosos in extrema pericula, summasq; miseras & calamitates præcipitat. Quos passim adolescentes sedisimis morbis, qui honestè ne nominari quidem possunt, misere consciuntur, fadèq; inereunt? Quàm multi in ganeis & lustris in extrema vita pericula incidunt? & ferro sæpe numero subito è medio tolluntur? Quot amatores à lupa deglubuntur? Quot philtris in rabiem & exitium aguntur? ut interim taceam de re familiari, cujus naufragium multi non minus turpi amore, quàm luxu & alea faciunt. Ad hac libidinis turpitudine etiam fama & existimationi nocet, eiq; sempiternas maculas inurit. Quæ enim

H

insamia

infamia possit esse major, quod dedecus gravius, quàm non tantum honestus laudatusq; virus, sed etiam ipsi DEO castissimo & sanctissimo numini inuisum & odiosum esse? Tantum enim abest, ut DEVS approbet libidines, ut gravissimis etiam pœnis eas persequatur atq; coërceat. Apertissima enim illa sacram literarum vox est: Scorratores & adulteros DEVS judicabit. Et certè, quæ libidinum sint præmia, omnium atatum historia satis superq; testantur. Quam aliam ob causam mundus aquarum inundatione deletus: itemq; Sodoma & vicina arbes, sulphureo imbre calitus immisso, exusta fuerunt, quàm ob vagas tetrasq; libidines? Nonne duodecim principes (ut Numerorum 25. cap. legitur) ob incestus libidines suspensi, & circiter 24000. hominum casa & trucidata sunt? An non tota fere Beniaminea tribus (ut ex Iudicum historia constat) ob nefaria supra extirpata atq; deleta est? Quis vel mediocriter rerum humanarum peritus ignoret, sceleratas libidines mutationi Imperiorum, eversioni populorum, vastationi agrorum, conflagrationi civitatum, & infinitis privatorum cadibus occasionem prabuisset? Quid regnum Trojanum olim florentissimum evertit? libido. Quid Thebis exitio fuit? Oedipi libido. Quid Rempub. Romanam aliasq; complures & nationes & civitates turbavit, labefactavit, dissipavit? libido. Quenam etiam nunc plerorumq; malorum & calamitatum origo existit? Nefaria libido. Hænim mirum turpissimarum libidinum pœna sunt: hic incontinentia finis: hac ultionis exempla: quæ certè tanta sunt, ut nos ab impuri atq; obscœnis cupiditatibus ad castitatis & pudicitie studium merito excitare atq; inflammare debeant. Verum fallaces, insidiosas, oculiq; jucundas turpium voluptatum tendiculas haud difficulter animadverset & evitabit, quicumq; ab incunsa

70

ineunte atate verecundia operam navavit, seque totum parvis honestisq; cogitationibus & sermonibus & actionibus dediderit. Nam ut Cicero ait: verecundia virtutum omnium custos est, dedecus fugiens laudemq; maximè consequens. Quae cum ita sint, Auditores Optimi, constetq; inter omnes, nihil nec tetrus, nec fadius, nec nocentius, nec DEO laudatissimiq; viris odiosius esse, Libidinis intemperantia: contrariè, nil præclarius, nil pulchrius, nil melius, nil DEO bonusq; viris acceptius esse castitate & pudicitia: pro viribus sanè eniti ac elaborare debemus, ut illam tanquam capitalem pestem, omniumq; flagitiorum lernam detestemur ac fugiamus: hanc autem veluti salutare remedium, omniumq; virtutum limpidissimum fontem expetamus & sequamur: admoniti Emblemate nostro: Mentis venus improba clades.


D I X I



H 2 ORA-

ORATIO SECVNDAE
CLASSIS, RECITATA

GEORGIO LINDNER
NORIBERGENSE.



IN numismate nostro, Auditores Nobilissimi & Praestantissimi, Narcissi in lympha se contemplantis imago cernitur, cum adjuncto hoc Emblemate: Stultus amor nostri Narcissum autem amnis Cephisi & Nympha Liriope filium fuisse ex Ovidio liquet, qui lib. 3. Metamorphoseon ad hunc modum canit:

— Prima fide vocisq; rata tentamina sumpsit
— Czula Liriope: quam quondam flumine curvo
Implicuit

Implicuit, clausq; suis Cephissus in undis
 Vim tulit, enixa est utero pulcherrima pleno
 Infantem, Nymphæ jam tum qui posset amari:
 Narcissumq; vocat, de quo consultus, an ellet
 Tempora natus & visurus longa senectæ,
 Fatidicus vates, si se non noverit, inquit.

Fabulantur enim Poëtæ, Narcissum ad fontem purissimum labore venationis fatigatum venisse, suamq; imaginem in fonte inspersisse. Amore autem sui ipsius captum, cum nullam potiunda talis forma sibi spem reliquam intelligeret, sui ipsius desiderio contabuisse, ac deorum misericordiâ in florem sui nominis conversum fuisse. Qua fabulâ quid aliud veteres sapientes monere voluerunt, quam ne nimis maturè, & antè tempus sapere incipiamus, neve nos aut nostra nimis amemus atq; admiremur? Quod quidem vitium Græci Φιλαυτιάν nominant, qui morbus, ut perniciosissimus est, ita in omni ætate odiosus, tum vero in adolescentia prorsus intolerabilis. Hinc enim fit, ut, quorum animos hæc pestis occupavit, ut ut alioquin ingenia sint, in medio tamen studiorum cursu corrumpantur, ac velut in herba enecentur, dum sibi jam nimis placentes tantâ ambitione turgent, ut nulli amplius preceptores, nulli propemodum libri, aut scriptores præ fastidio & contemptu tam emundæ nostris iudicio satisfaciant. Quod quidem malum, quanta damna Ecclesiis & rebus pub. afferat, experientia testatur: in prius si autoritate publica supercilium illud arrogans munitum fuerit & stabilitum. Refert Aelianus, Tigridem usq; ad eos Φιλότητων animal esse, ut ad naves usq; prosequatur venatores, eosq; corat catulos interceptos abjicere. At longè atrocius & infestius nostri illi nasutuli pro suis erroribus depugnant,

quos in prima etate, spretis & abjectis fidelium praeceptorum
placitis imbibebunt: Hinc digladiationes illae omnibus tempori-
bus in omni artium & facultatum genere tantas dissensiones
pepererunt, ut quod de Cyclopiis olim dicebatur, ὅδε δὲ οὐδὲν
ἔστι & ἀνδρα. Galeni certe testimonio pestis hac nunquam
immedicabilior est, quam in dogmatibus, quorum persuasione
semel sumus imbuti. Sic enim gravissimus ille scriptor:
οὕτως ἀρα, inquit, συσπότεριπτον τι κακὸν ἐστὶν περὶ τὰς διγίσεις
φιλοτιμίας, καὶ δυσέκνιστον ἐν τοῖς μάλισα, καὶ ἴσως ἀπώγει
δυσιατώτερον. Hoc est: Adeo de seclis contentio malum est, ut
egre excutiat, & cum primis inelutibile, deniq. quavis scabie
sit insanabilis. Qua quidem dissidia vel maximè alit scri-
bendi illud Cacoëthes, quo passim hodiè scripturiente hoc secu-
lo laboratur, adeo, ut quicquid inter pocula, in itineribus, pene
in somnis forè in mentem venit, continuo excat, necesse sit,
propterea quod singula nostra cogitata aq. opinata pro singulis
haberi velimus oraculū. Longè alia ratio veterum fuit, qui
non nisi sobriè cogitata, & crastini diei iudicio limata, nonumq.
in annum pressa, in publicum emisere. Sic Isocrates Panegy-
ricum suum integrum decennium componendo consumpsit,
Sic Plato dialogos suos ad octuagesimum usq. ætatis annum re-
cognovit & refinxit. Sic deniq. Demosthenes sculpta se di-
cturum potius si posset, quam scripta professus est. Quid quod
insulce illi scoli plerumq. in congressibus & colloquiis docto-
rum virorum arrogantiam suam indoctissimè simul & stolidis-
simè produnt? Id quod Christophoro Cardinali Eboracensi, ut
indoctissimo, ita ambitiosissimo accidisse legimus. Is enim,
cum Reginaldo Polo Cardinale & Thoma Moro presentibus
aliquando versum Homericum adducere laboraret, quem me-
moriā sibi excidisse diceret: Morus ad Reginaldum conversus

ὅδ' ἵ περὶ ἔσος, *inquit.* Tum Christophorus: Et ipse hic est, dixit: verum exciderat. Hinc igitur patet, quàm verè Plato malum illud φιλαυτίας omnium malorum fontem esse dixerit, tam nimirum olim detestabile, ut Aristotele teste, hac φιλαυτίας probrosa appellatio, ceu proverbialis olim iactata fuerit, quando homines sui supra modum amantes à multitudine male audidisse scribit, quippe qui sedo infamig. cognomine vocati fuerint φιλαυτοι. Quod cum ita sit, commilitones optimi, vitium illud teterrimum, quod Emblemate nostro taxari intelligimus, totis animis aversemur, neq. nobis ipsis nimium blandientes, pennas, ut ajunt, ultranidum extendamus: sed errata nostra, sicubi inpingimus, nobis ostendi, eaq. redargui & corrigi patiamur, ut sic assuesciti, tanto felicius aliquando DE I gloriam propagare, Ecclesia & Reipublica salutem provehere, patria commodis inservire, parentibus deniq. nostris & preceptoribus pro fideli institutione debitas gratias persolvere possimus.

D I X I.




H 4 O R A.

ORATIO TERTIAE
CLASSIS, RECITATA

4

IOHANNES IACOBO
Pömer Noriberg.



IN nostro brabeo, Audit: Humanissimi, ma-
nus maturo flosculo admoda, ac velut ad decerpendum para-
sa cernitur. Estq; ei adjunctum Emblemata: Tolle moras.
Quo, ut puto, adolescentes admonentur, ut discendi occasio-
nem & commoditatem avidè & alacriter amplectantur atq;
usurpent. Nam si oblatam temerè negligent, aut prætermi-
tent: ablatam frustra requirent, ac desiderabunt. Quem ad-
modum enim flosculus nisi maturè decerpatur, flaccescit a de-
cidis: sic opportunitas, nisi tempestive, veluti manu prehen-
datur,

datur, subito pratervolat, nec ulla unquam ratione revocari potest. Id quod etiam Poëta perquam ingeniosè nobis ob oculos constituerunt. Finxerunt enim Occasionem esse DEAM, rota volubili, motuq, incitatissimo huc illucq, sese versanti insistentem: pedibus alata: anteriore capitis parte pilosam, ideoq, prehensu facilem: occipitio calviam, dextraq, manu in tergum reflexa novaculam tenentem: quam è vestigio comitetur puer, maesto ac turbulento vultu: cui nomen μετ'όνοια. Varro μετὰ μείλον vocat, eumq, Pœnitentia filium facit. Quo figmento, occasionis vis atq, natura egregiè effingitur & exprimitur. Nam rota volubilis, varietatem illius & inconstantiam: talaris, subitam conversionem, multa commoda secum auferentem significant. Capilli deinde anteriores, & apprehensuris sese quasi porrigentes, indicio sunt, datam occasionem nullà interpositam. ora arripiendam & retinendam esse: quippe quæ semel elapsa, deinceps nunquam capi possit: id quod calvisio quoq, indicatur. Novacula deniq, innuit, opportunitatem pratermissam, nec retrahi, nec tetardari posse: utpote quæ cultro suo acutissimo omnis generis moras & impedimenta refecet atq, dimoveat. Hac pulcherrima imago adolescentibus semper ob oculos esse debet, ad colendum virtutis doctrinaq, studium, ne aliquando frustra ingemiscant, illudq, Poëta exoptent:

O mihi præteritos referat si Ioviter annos? {dire potest.

Nam id quidem fieri nequit, nec quæ præterijt hora re-
Multis molesta est pecunia jactura ipsorum culpâ amissa: at multis molestior atq, acerbior est temporis male transacti recordatio. Itaq, prudenter Poëta:

Vtendum (inquit) est ætate, cito pede labitur ætas, "

Nec bona tam sequitur quàm bona prima fuit. "

I

Quod

Quod si agricola arationis & sationis tempus diligenter observans, agrosq; suos multo labore ac sudore colunt, ut exoptata messe recreentur: quanto magis adolescentes florentissimam aetatem suam partem attendere, beneq; collocare, & animum doctrina, linguam eloquentia, vitam virtute excolere decet, ut uberes aliquando & salutare industria sua fructus demetere atq; percipere queant? Hac namq; aetas ad virtutes literasq; cognoscendas percipiendasq; in primis est idonea, tum propter ingenij, animi & corporis vigorem: tum quia nullis ferè curis & solitudinibus (nisi quas ipsa sibi temeritate sua accersit) distringitur, & nullis, aut certè exiguis negociis distinetur: nec deniq; reliquis studiorum adjumentis (modo ipsa sibi ne desit) facile deficitur. Quapropter commilitones suaviissimi, etiam atq; etiam providendum atq; annitendum nobis est, ut flosculos adhuc vigentes carpamus, h. e. discendi occasionem divino munere nobis oblatam ne negligamus, sed obvijs (quod ajunt) ulnis eam amplectamur: & omne tempus aetatis nostrae florentis, omne ocium, omnemq; vitam ingenij in virtutibus sapientiaeq; studijs consumamus, dum aliquando illucescat illa dies, quo parentibus & patria ornamento & emolumento esse possimus.

D I X I.



ORA-

34

O R A T I O Q V A R T A E
C L A S S I S, R E C I T A T A
ab
E R N E S T O a M Y N S T E R.



Cum Sylla certamen sacrum equestre puero-
rum, quam Trojam nominant, esset editurus, contractis
nobilibus pueris duos eorū duces designavit, quorū pueri alterū
matris causa acceperunt (nam Metella erat uxorū Sylla filius)
alterū non admisērūt, quamvis Pompeij fratris filius esset, Sex-
tus nomine, neq; exercere se sub eo, neq; sequi eū sustinuerunt.
Percunctante Sylla, quē vellent: omnes alta voce Catonem po-
stulauerunt, submittensq; se ipse Sextus, Catoni id decus, ut pra-
stantiori, concessit. Ita nimirum Mag. D. Rector, ipse quoq;
Catonem aliquem ex meis contribulibus vellem elegisses, qui
I 2 provinciam

provinciam hanc majori cum dexteritate & industria, quàm ego minimè omnium ad hanc rem idoneus, in hac nobilissimorum & Amplissimorum virorum coronâ sustinere potuisset. Sic enim accidisset, ut quia in hisce solennitatibus ad gloriam splendoremq; omnia revocanda sunt, & huic festivitati major amplitudo & dignitas conciliata fuisset, & auditores jucundiorum ex hoc nostro quasi literario certamine voluptatem percipissent. Sed quia ætas mea non fert, ut Magnificentiæ tuæ intempestivè reluctando negotium ulterius facessam, spartam hanc lubens in me recipio: quam si, ut par fuerit, ornare non potero, spero tamen fore ut ipsa brevitate oratiunculam meam præstantissimæ huic coronæ sin commendaturus.

Intuenti autem mihi Brabeum nostrum, Navis in eo expressa occurrit cum inscriptione: Ars regula vita. Quo quid tacitè significetur, ex præceptoribus meis aliquando intellexisse videor. Et enim navis tempestatum procellis fluctuumq; agitatione jactata, naufragio proxima est, nisi Navarchi cujusdam periti arte regatur inq; tranquillum portum subducatur: Sic vita nostra tot tantisq; difficultatibus objecta, incerta hinc inde fluctuat, si non Ingenium literarum studijs excultum viam nobis & semitam quâ sit eundum, præmonstret. Sunt enim studia in utraq; fortuna, plane, quod Græco proverbio dicitur, Myrtili clypeus, qui cum esset ingentis animi miles, cumq; ad maritimam quandam expeditionem navigasset, submersa forè navi, clypeo suo innixus in tutum portum delatus est: Sic literarum studia, nusquam non opportuna, nusquam non jucunda sunt, quib. non modo ab adversariorum telis & hominum injurijs tuti sumus, & tanquam opposito clypeo munimur, sed & eorum ministerio usq; è medijs vita hujus fluctibus ad tranquillum ocj portum recipimur. Plato vitam nostram

πνεῦμα

παρεπίδημιαν τινα nominat, & peregrinationem, in qua, ut Pindarius ait, nisi DEVS initium monstraverit, οὐκ εὐθὺς δ' ἂν κέλευθ' & εὐρεῖν το προκείμενον, hoc est, perdifficilis est semita ad inveniendum id, quod est propositum. Quemadmodum enim qui rectam viam nescit, ubi, ut sit, in plures una diffinditur, haret auxius, nec singulas audet eligere, nec universas probare: Sic cui non est veri stabile iudicium, quod bonis artibus acquiritur, per omnes aetatis gradus dubius pendet, nec quo se vertat, quid approbet, quid verepudiet, certo secum constituere potest. Verè igitur, quod Cicero inquit, studia adolescentiam alunt: senectutem oblectant: secundas res ornant: adversis perfugium ac solatium praebeant: delectant domi: non impediunt foris: pernoctant nobiscum: peregrinantur: rusticantur. Quamobrem, Commilitones optimi, tota mente in hanc curam & cogitationem incumbamus, ut quantum alij tribuunt intemperivis convivij, quantum alea, quantum pile: tantum nos ad studia continuanda sumamus. Sic enim fiet, ut inter periculosissimas vitae huius agitationes & incommoda fluctuantes, naufragium tamen evitemus, tandemq; ad exoptatum studiorum nostrorum portum, magna cum parentum & propinquorum voluptate quam felicissime descramur.

D I X I.




X.
PANEGYRIS, ANNI
1586.

SVB RECTORATV
D. D. EDONIS HILDERICI
THEOLOGI.

Oratio prima classis, recitata

à
IOHANNE CHRISTOPHORO
à Tauffkirchen.



*Apientissimus philosophus Plato,
cum ejus amicus Antisthenes vir doctissimus in
schola aliquando orationem justo longiorem habuif-
set, Ignoras, ei dixit, orationis mensuram & mo-
dum esse,*

dum esse, non eum, qui dicit, sed eos, qui audiunt? Voluit nimirum innuere, oratores ad auditores potius, quàm ad se ipsos respicere debere. Cum itaq; & ego sciam, omnibus sapientibus orationis prolixitatem molestam esse, utar quanta possum brevitate, nec abutar patientiâ & humanitate summorum virorû, qui hanc scholasticam solennitatem suâ presentîâ ornare voluerunt. Itaq; ad rem ipsam mox accedens, Magnifici Domini Rectoris mandato reverenter obtemperabo.

Symbolum igitur nostrum est tale: Noctua conspicitur insidens coronæ. Intra coronam conspicitur freni imago. His adduntur ista verba: Vigilij & moderatione. Cum autem avis Noctua, quàm Greci νύκτα vocant, nocturno tempore vigilet, canat, volet & venetur, & quo majores sunt tenebra noctis, hoc clarius videat, atq; eadem avis sit sacra sapientissimæ Deæ Minervæ, arbitror ab Ampliss. Dominis Scholarchis hanc avem nobis, ut Symbolum vigiliatum proponi. Præterea, cum apud veteres, laudabilium certaminum victores usitatum fuerit coronari, procul dubio corona argenteo nostro nummo insculpta, symbolum est cujusdam victoriæ: frenum vero, quod intra coronam conspicitur, imago est moderationis, cum indomiti equi freno regantur, atq; in gyrum ducantur. Arbitror igitur per hac symbola significari, ad omnia bona comparanda & conservanda, atq; ad omnia mala cavenda ac declinanda, vigilij & moderatione nobis omnino utendum esse. Nulla enim est vite humana pars, in qua hujus commonesactionis necessarius usus non conspiciatur. Sapientissimus Rex Salomon Proverb. 6. & 24. affirmat, in Oeconomia pauperatatem comitem esse somnolentia, cum inquit: Væ quò piger jacebit? Quando surges de somno tuo? paucillum

somniorum, pauxillum dormitationum, pauxillum complica-
tionis manuum ad dormiendum. Et veniet quasi viator ege-
stas tua, & penuria tua sicut vir armatus. Hac Salomon: qui-
bis docet patres familias vigilantes esse debere, si rem familia-
rem augere, paupertatem vero declinare cupiant. Sed quia
Noctua dicitur sacra Sapientia antistiti Minervæ, alijs homi-
num generibus omisiss, breviter attingam in presentia eas
commonefactiones, quæ ad nos qui in bonarum artium & sa-
pientia studijs versamur, propriè pertinent. Certissimum est,
sine magnis vigilijs, sine assidujs laboribus, sine sudoribus atq;
exercitationibus nullas artes liberales, nullasq; virtutes mo-
rales comparari, & conservari posse. Quantum vigilijs sum-
mo Oratori Demostheni sua constitit Eloquentia? Somni fuerat,
parcusq; Lyæi, ut de Orpheo canit Cassius Parmensis. Quan-
ta fuerunt vigilie philosophi Cleanthis & Aristophanis Gram-
matici? Nam si quid valde est elaboratum, id proverbialiter
ad lucernam Cleanthis & Aristophanis dicitur factum esse. Et
Demosthenis Enthymemata dicebantur ἐνυχίων ὄζων, id est,
lucernam redolere, propter lucubrationes in ijs excogitandis
consumptas. Vtiliter igitur ordo scholasticus per certas ima-
gines in oculos incurrentes monetur, ut artium bonarum co-
gnitionem, & virtutum possessionem per maximam vigilan-
tiam sibi comparandam, atq; assidua exercitatione conservan-
dam statuat, sicut & veterum & recentium quorundam bono-
rum autorum dicta monent. Apud Aristophanem in Ne-
bulis Socrates Strepsiaden ad philosophia studium adhortans ait:
ὑπνος δ' ἀπείσω γλυκύθυμῳ ὁρμάτων: Id est: Dulcis somnus
absit ab oculis.

Ac noti sunt pueri hi vulgares versiculi:

Non

Non jacet in molli veneranda scientia lecto,
Ipsa sed assiduo parva labore venit.

*Ac Siracides cap. 6. adolescentibus praecepit, ut mane ad
praeceptores audiendos accedant, cum inquit: Εἰ ἀνὶ ὄψεως ἀνδρῶν
συνητῶν, ὀρθοῖς πρὸς αὐτοὺς, καὶ βαθμῶς τῶν θυρῶν αὐτῶ ἐκτρεβέ-
τω ὁ πῶς σου, id est, si videris virum sapientem, mane accedas
ad eum, & gradus ostiorum ejus conterat pes tuus. Dixi bre-
viter de vigilis, quas scholasticus ordo perferre jubetur; di-
cam brevius de Moderatione. Veneris Poëta Lini est versus
non indignus memoriâ: ἡ ἐπιθυμία ἡνιοχῇ μακροῦσι χαλινοῖς.
id est: Concupiscentia aurigatur laxis habenis. Cum concu-
piscencia agit aurigam, non ratio, tūm laxa habena & freni
conceduntur cupiditatibus & indomitis affectibus. Mone-
mur igitur imagine freni, ut freno rationis appetitus nostros
regamus & moderemur, ut ipse Dominus Gen. 4. ad Cain in-
quit: Appetitus tuus sis sub te, & tu domineris ei. Freno igitur
rationis moderandus est appetitus cibi & potus, cum
CHRISTVS dicat: Cavete ne corda vestra graventur cra-
pulâ & ebrietate. Frenorationis moderandus somnus, sicut
Paulus inquit 1. Thess. 5. Vigilemus & sobrii simus. Freno ra-
tionis & cogitatione divini judicii moderande libidines. Le-
vit. 18. Omnis anima quae fecerit has abominationes, eradica-
bitur. Et Socrates inquit: Δὲ ὡς περ σαρῆνης τὰς ἡδονὰς πα-
ρελθεῖν τὸν σωφύσοντα τὴν ἀρετὴν ἰδεῖν ὡς περ πατρίδα. Id est,
voluptates tanquam Sirenes effugienda sunt ei, qui ad virtutis
velut patria conspectum contendit. Nisi enim hos & similes
malos affectus adolescentes ratione coercere & moderari di-
scant, nunquam ad solide eruditionis, & vera virtutis lau-
dem perveniens: nunquam earundem optatam coronam adi-
piscuntur.*

*piscantur. Ut iliter igitur in proposito Symbolo adolescentes
 bonarum artium Studiosi monentur, ut moderatione cum in
 affectibus regendis, tum in omnibus alijs vite partibus utan-
 tur, memores dicti Aristotelis: Ανδρεότερον εἶναι μοι δοκῶ
 ὁ τῶν ἐπιθυμιῶν ἢ τῶν πολέμιων κρατῶν. Καὶ γὰρ χαλεωτάτου
 ἐστὶ τὸ ἐαυτὸν νικῆσαι. Quod reliquum est, pro his & similibus
 commonescationibus, quas Amplissimi Domini Scholarcha
 nobis adolescentibus proponunt, eorum Amplitudini im-
 mortales agimus gratias. Nos harum commonescationum
 erimus memores, usq; quantum erit in nobis, per totam vitam,
 reverenter obtemperare conabimur.*

D I X I.




ORA-

31

O R A T I O . S E C U N D A E
C L A S S I S , R E C I T A T A

I O H A N N E I A C O B O
P Ö M E R N O R I B E R G .



IN hoc numismate, quod Amplissimi Domini Scholarcha Academia Altorphiana discipuli secunda classis pramij loco dederunt, conspicitur figura alutis; qua uni pedi insistit, & altero erecto lapillum sustinet. Omnino statuo hanc imaginem alutis de Grue intelligendam esse. Nam Plinius libro. cap. 23. de gruibus expresse sic inquit: Excubias habent nocturnis temporibus, lapillum pede sustinentes, qui laxatus somno, & decidens indiligentiam coarguat. Ex quo dicto intelligimus, grues hoc labore sustinendi lapillum occupatas facillime

K 2 pellere

pellere somnum, & cum somno victa obdormiscunt. lapsu stre-
pitūq; lapilli iterum à somno excitari ad vigilandam. Quam
diligentiam & vigilantiam eas natura docuit. Vnde in nu-
mismate huic imagini alitis hæc verba adduntur: Officium
natura docet. Etsi autem hoc symbolum gruis utile est omni-
bus hominibus, in quocunq; vita genere versentur, ut sese de
diligentia & vigilantia & moderando somno in omnibus ope-
ribus sui officij admoncant: tamen nunc tantam breviter osten-
dam, quàm utile sit nobis scholasticis, ut hoc symbolum gruis
aspiciamus, & nos de imitanda gruum vigilantia subinde ad-
moneamus. Vt enim hoc faciamus, id per donationem huius
præmij, Amplissimi Domini Scholarchæ non obscure nobis præci-
pere videntur. Quorum præcepto, ut modestius pareamus, &
ut præmium eorum tanto sit nobis gratius, duo in hac orationu-
cula præstare conabor. Primum recitabo pauca de natura gru-
um, ut melius intelligamus quam ea sint, quæ eas natura do-
cet. Deinde asseram etiam pauca exempla magnorum viro-
rum, qui sibi admirabilem doctrinæ & virtutis copiam, per
eximiam vigilantiam & singularem moderationem somni
compararant. Hæc dum breviter præsto, amanter & reveren-
ter peto, ut benigne audiar.

Hæc igitur sunt, quæ de natura earum breviter assero:
Primum grues dicuntur valde amantes societatis. Non enim
separatim aut seorsim, sed simul in magno numero & agmine
volant gregatim & pascuntur. Deinde accuratè etiam in-
ter se quandam politicum ordinem observant. Nam cum de
profectione suscipienda quodam modo inter se consenserunt, eli-
gunt ducem, quem in volando omnes sequuntur. Tam & hoc
est signum prudentiæ earum, quod aliè volens, ut tanto longius
possint prospicere & pericula declinare. Conspicitur præterea
in ijs

in ijs non parvus amor cuiusdam iustitia & aequitatis. Cum enim illae grues, quae in volando sequuntur, sua colla & capita in tergo praevolantium reponant, atq; ita in volando non nihil adjuventur, aut releventur: tandem etiam dux, diu praevolando defatigatus, revolat, ut suum collum & caput in tergo alicujus praevolantis reponat: & quae ducem proximè sequitur, ea duci succedit, ut ejus onus, seu gravamen aliquandiu ferat. Idem onus subeunt etiam ordine ceterae grues, si id diuturnitas volatus earum requirat. Cumq; grex earum sine acclamatione & voce sonora in volando contineri non possit, servant ipsae hac in parte etiam vices, ne omnes simul acclamare necesse habeant. Nec praetereunda est in hac brevi commemoratione fortitudo & virtus quaedam bellica gruum. Multum enim negotij facessunt Pygmaei, eosq; in quadam India regione infestant, qui sine bello eas ex ea regione salubri & semper vernante depellere non possunt. Qua de re legatur Plinius lib. 7. cap. 2. Postremo grues inter se hoc quoq; gravamen per vices sustinent, ut aliae nocturnis temporibus vigilent, uni pedi insistentes, altero lapillum sustinentes: aliae vero dormiant, capite sub alam condito, alteri nū pedibus insistentes. Ex his quae breviter recitavi de natura gruum, facile potest colligi, in illis esse multarum virtutum simulacra. Sed nunc satis est, si diligentiam & vigilantiam earum studiosè consideremus, & scdulo imitari conemur.

Nunc, quod secundo loco promisi, recitabo pauca exempla magnorum virorum, qui per lucubrationes atq; exercitationes nocturnas, maximam doctrinae, sapientiae & virtutis laudem sunt consecuti. Demosthenes summus orator, quanta vigilantia, somniq; moderatione ad Eloquentiae laudem compa-

randam sit usus, inde facile colligitur, quod ejus Enchymemata dicta sint olere lucernam, & quod ipse dictus sit plus olei, quam vini consumisſe. Fuit enim Demosthenes abstemius, & ἰσχυρὸς, qui etiam ad lucernulam illam suam in extrema sua senectâ exercebatur. Deinde quanta diligentia & vigilantia fuerit Aristophanis Grammatici in persequendis studiis suis, etiam per nocturna tempora, ostendis proverbium: Aristophanis lucerna. Idem colligitur de Philosopho Ceanthe ex proverbio: Ceanthis lucerna. Nam qui horum virorum lucubrations imitantur, hi proverbialiter ad Aristophanē & Ceanthis lucernam lucubrare dicuntur. Postremo legimus fictilem lucernulam Epicteti philosophi post mortem ejusdem, maximo precio, videlicet tribus Drachmarū millibus venditā fuisse. Unde colligimus hunc virum ob acerrima studia nocturna, ad tantam doctrinæ & sapientiæ opinionem & admirationem apud omnes perveniſſe, ut qui vel lucernam ejus possideret, beatus & tanti Philosophi imitator futurus crederetur. Plura exempla diligentia & vigilantia magnorum virorum brevitatis causa non affero. Hac quæ modo attuli Symbolo gravis adjungamus, eaq; ad solidam eruditionem nobis comparandam quæ possumus imitatione, exprimamus, præsertim cum sciamus, non tantum studiosis literarum seu scholasticis, sed etiam omnibus alijs hominibus, quocumq; in vitæ genere versentur, siue magno, siue parvo, hanc vigilantiam & somni moderationem necessariam esse. Nam qui principes & gubernatores Reipublicæ, qui bellici duces, & milites, somno dediti, suum officium laudabiliter facere possunt? Homerus inquit: ὃ χ' ἢ πάντῳ χιὼν εἴδεν Βαλὴφόρον ἀνδρα, ὃ λαοὶ τ' ἐπιτετραφάται, καὶ τόσσα μέμλε, Id est, non oportet per totam noctem dormire virum Reipublicæ consulentem

40

fulentem, cui tot populi & tanta negotia concredita sunt. Et Plato in Principe maximè requirit vigilantiam, cum in quodam legum libro sic dicat, *ὁ πρῶτος ἀνὴρ ὁ δὲ δεύτερος ἀδελφεὸς αὐτοῦ*. Id est: Dormienti enim nullus, (scilicet princeps) est aliquo precio dignus. Quod quidem egregiè observavit Alexander Magnus, qui etiam noctes ad officia tripartita dividebat: quietis, Reipub. & Musarum. Solebat autem ne somno diutius fortè indulgeret, anea concha supposita, brachio extra cubile protento pilam tenere argenteam, ut cum nervorum rigorem sapor laxasset infusus, gestaminis lapsi rinnitus somnum abrumperet. Ut de ipso Ammianus Marcellinus testatur lib. 16. Vbi Iulianum Imperatorem cum eodem conscrens, ait etiam multò fortius idem præstitisse, nam absq. instrumento talipila & pelvis, quoties voluerit evigilasse: & nocte dimidiata semper exurgentem Mercurio occulte supplicasse, ut à quo motum mentis suscitari persuasum habuerit. Quanto nos ad veri DEI cultum & venerationem æquius est, mane stratis nostris excitari, cum ille Apostata tam vigilans fuerit in falso & commentitio suo numine adorando? Quam quidem ad rem religiosissimus & sapientissimus Rex David suo exemplo nobis prævit: qui ut multa in Psalmis ejus loca ostendunt, de nocte ad divinas laudes decantandas consurgere & hymnis suis aurora exortum prævenire solebat. Sic de Friderico Aenobarbo testantur historici, hunc Imperatorem in more habuisse

primo lucis in ortu
Ad matutinos divinæ landis honores
Strenua neglecto protollere membra cubili,
Omnibus in castris pingues efflantibus auras
Et matutinæ præsis torpore quetis.


Sic enim scribit ejus praco laudum Guntherus, poeta sua
 atatis princeps, lib. 9 Ligurini. Deinde nec agricola nec opifi-
 ces, nec mercatores, nec ulli Oeconomi somno nimium indul-
 gentes paupertatem effugere possunt, multo minus divites fieri.
 Ideo Salomon Proverbiorum 20. sapienter inquit: Noli dilige-
 re somnum, ne te egestas opprimat: Aperi oculos & saturaberis
 panibus. Hac sunt, quae pro mei ingenii tenuitate ad explican-
 dum propositum symbolum de excubijs gruum afferre potui,
 quae ut omnes quotquot adsint boni consulant, ex animo precor.

D I X I.

ORATIO TERTIAE
 CLASSIS, RECITATA

2

DANIELE & CORALECK BOHEMO.



Sunt

Sunt in tertia classe inter meos jucundissimi commilitones non pauci adolescentes, qui me & ingenij acumine, & eruditionis copiâ, & memoria felicitate, & orationis suavitatem longè superant, quibus hæc dicendi partes rectius quàm mihi à præceptoribus potuissent commendari. Sed quia Magnifico Rectori, & reliquis Dominis præceptoribus ita visum est, ut ego in hac corona eruditissimorum virorum, atq; ingeniosissimorum adolescentum audirer, eorum paterno mandato modeste parebo, siue ab eijus judicio hic honor mihi sit delatus, siue benevolentia, siue quod magis credo, favore quodam patriæ meæ dulcissimæ Bohemiæ. Sed ne Exordij prolixitate huic splendidissimo auditorio sim molestus, ad explicationem Symboli propositi propero. Aristoteles, Plinius, aliique non contemnendi autores scribunt, Mustelam, quæ Græcis est ζολα, herbam rutam comedere, antequam pugnam ineat cum serpente naturali suo hoste, eumq; victum & occisum devoret. Odo-rem enim ruta esse infestum serpenti, & simul esse remedium ad depellendum venenum devorati serpentis, atq; ita mustelam non temerè ad periculosum certamen accedere, sed se ad id prius magnâ curâ præparare. Genus igitur animalis, cujus imaginem insculptam habet hoc argenteum præmium, quo ab Ampli-ss. Dominis Scholarchis discipuli tertiæ claustris honorantur ac donantur, puto esse mustelam: id vero quod hoc animal ore tenet ac comedit, esse ramulum rutæ, præsertim cum his imaginibus hæc verba ascribantur, Amat victoriæ curam. Hujus igitur numismatis & imaginibus & verbis Ampli-ssimi Domini Scholarchæ pro sua summa prudentia, totum cætum scholasticum monere volunt, sine curâ & vigilantia, sine laboribus & sudoribus,

ribus, sine molestijs & difficultatibus nemini mortalium gloriosam victoriam contingere. Nam etsi DEVS principalis causa est omnium victoriarum, ut Proverbiorum 21. dicitur: Equus paratur ad diem belli, sed à Domino est victoria: tamen idem ad victoriam comparandam etiam vult humanam diligentiam accipere, ut antiqui Poëta Æschyli dictum seclatur:

ἀλλ' ὅταν

Σπεύδῃ τις ἀνὴρ, καὶ θεὸς συνάπτεται.

Sed cum aliquis ipse festinauerit, etiam DEVS simul manus admovent. Eiusdem poëta est & hoc:

Φιλαδὲ τῶν ἀμυνόντων σπεύδειν θεῶν.

Soles autem unà cum eo, qui laborat, festinare DEVS. Vt alia exempla qua sunt innumerabilia omittam, quantum vigilijs, quantum laboribus & periculū victorias adeptus est Alexander Magnus? de quo Q. Curtius lib 4. sic inquit: Sed nec somnum capere, nec quietem pati poterat. Modo è jugo montis aciem in dextram Persarum cornu dimittere agitabat, modo recta fronte concurrere hosti, interdum hesitare, an potius laevum torqueret agmen. Ibidem ipse Alexander ad ducem suum Parmenionem inquit: Credis ne me prius somnum capere posse quàm exonerarim animum sollicitudine qua quietem morabatur? Sed omiſſis hū victorijs bellicis, & cruentis, qua nullis victoribus sine summa cura contingunt, dicamus bre. viter de victorijs philosophicis seu scholasticis. Nam & nostrum genus vite militia est quadam, in qua nemo sine cura, sine vigilantia, sine laboribus, victoriam adipiscetur. Occupant mentes humanas maxima tenebra, innumerabilesq; errores illam tanquam hostes obsident. Ha ingentes tenebra, hi errorese, jici non possunt, neq; notitia & scientia introduci sine maximis vigilijs &

gijis & studijs. Quis enim unquam unam, vel de minoribus disciplinâ, sine labore didicit? Quis sine acerrimo studio & sermone hostes Barbarismos, & Solucismos ejicit, sibiq; proprietatem & puritatem orationis comparas? Quis sine maxima exercitatione tenebras ædumoyisus ex animo suo expellis, in eiq; lumen rectè ratiocinandi accendit? Quis sine summis laboribus abjecta puerili infantia, vel mediocrem dicendi facultatem potest comparare? Iam ut reliquas liberales artes taceam, quarum finis precipuus est actio, quantum malarum inclinationum, cupiditatum & vitiorum hæret in animis humanis? Quàm multi pravi affectus occupant humana corda? Quis verum odium horum multiplicium vitiorum, & ardentem amorem contrariorum virtutum induere sine perpetua vigilantia potest? Certe seipsum vincere longè difficilior est, quam superare externos hostes. Nam Alexander Magnus armis quàm plurimas gentes domare potuit: hostes domesticos, qui animum ejus possidebant, vincere non potuit, sed ab eis victus est turpissime, eorumq; mancipium fuit miserrimum. Intemperantia enim, libidinibus, ira & superbia, inhonestissimè succubuit. Quare Proverbiorum capite 16. sapientissimûs Rex Salomon rectè inquit: Melior est tardus ad iram, quàm fortis, & qui dominatur spiritui, quàm qui capis civitatem. Quod dictum etiam ad alias pravas animorum cupiditates transferri potest.

Quoties igitur jucundissimi commilitones, hoc argenteum numisma in manus sumemus, in eiq; expressam imaginem mustela cum ruta aspiciemus, & verba addita Amat victoria curam, legemus: toties ab hujus donativi auctoribus, virû sapientissimu, nos moneri cogitemus, ut nos omni genere philosophicorum armorum præparemus, atq; in st. namus

ad sustinenda quotidiana certamina cum densissimis mentium
senebris, cum indomitis animorum cupiditatibus, cum pravis
cordium affectibus, ut cum his domesticis hostibus fortiter pu-
gnantes superiores evadamus, & optatam victoriam cum lau-
de obtineamus.

D I X I.

ORATIO QVARTAE
CLASSIS, RECITATA

À

IOHANNE CHRISTOPHORO
HERDESIANO NORIBERGENSE



Nos adolescentes qui ex Quarta classe, ad
superiorem transferimur, spectamus cum voluptate atq;
admiratione imagines cervi & serpentis, insculptas argenteo
numis-

numismati, quod nobis ad puerilia nostra studia excitanda Ampliſſ. Domini Scholarcha liberaliter donarunt. Imaginibus legimus hac verba addita Nullis fraustuta latebris. Non est dubium, quin gravissimam de moribus admonitionem contineant haec imagines, & ipsum hemistichium, Nullis fraustuta latebris. De hoc igitur symbolo jussu Mag. Domini Rectoris in hoc splendidissimo atq; ornatissimo consessu summorum virorum, praeceptorum, hospitem & commilitonum, pauca afferam, & quidem vulgaria. Nam aetas puerili, ingenium inexercitatum, infirma memoria, mihi obstant, quo minus multa, & eruditorum auribus digna afferere queam.

Cervus, secundum Plinium, animal est valde simplex, & omnium rerum miraculo stupens, in tantum, ut equo aut bucula propius accedente, hominem juxta venantem non cernat: aut si cernit, arcum ipsum sagittasq; miretur, atq; in hac admiratione rerum oblatarum, propriam salutem quodammodo negligat. Habet tamen idem animal in hac simplicitate suam quandam prudentiam. Nam ita assueſci potest, ut sermonem hominum intelligat, ut in historijs proditur, & suorum morborum & periculorum novit & quarit idonea remedia & auxilia.


Contra vero serpens animal est callidissimum, sicut notum est ex historia lapsus primorum parentum. Es CHRISTVS ipse serpentum calliditatem celebrat, cum inquit: Estote simplices ut columba, & callidi, ut serpentes. Iam inter ceruum feram simplicem, & serpentem animal callidissimum, nativum & implacabile est quoddam odium, sicut ex diametro secum pugnant simplicitas & calliditas, salubritas & venenum. Fit ex hoc nativo odio, ut Cervus, cum id naturali instinctu opus esset, serpentem magnâ curâ venetur. Nam cum ceruus

sentis vel obscuracionem visus, vel abundantiam humorum, vel infirmitatem quandam ex senectute, vel morsum vermium, qui in ventre suo nascuntur, & ad fauces ascendunt: intelligit se ex his malis liberari posse esu venenati serpentis. Itaq; non quiescit sed circumcurrit, quarens serpentem. Cujus vestigiū vides, per ea latius ducitur ad latebras serpentis: ad quas cum pervenit, spiritum narium ex cubili suo extrahit serpentem, eumq; frustra secum pugnantem dilacerat ac devorat, esuq; ejus suis malis medetur:

Atq; ita Simplicitas fit victrix Calliditatis, -
Naturæq; venenatæ natura salubris. -

Ex hoc igitur mutuo cervorum & serpentum odio & pugna procul dubio sumta sunt imagines numismati nostro impressa, quas explicant verba addita: Nullis fraus tuta latebris. Quo dicto monemur, ut abineunte aetate nos ad simplicem veritatem assuesciamus, ab omni fraude proximo noxia abstinemus, cum certo sciamus, DEVM & videre fraudem, etiamsi infinitis latebris occultetur, & eam in lucem protractam tandem severe punire: juxta dicta: Cernit DEVS omnia vindex. Et Psal: 57. Frisq; est DEVS, judicans homines in terra. Et Psal. 61. Tu reddis unicuiq; juxta opera sua.

D I X I



PANE-

21.

P A N E G Y R I S, A N N I

1 6 8 7.

S V B R E C T O R A T V

I O H A N N I S B V S E R E I T.


I. V. D.

Oratio prima clāssis, recitata

A

M I C H A E L E P I C C A R T O

N O R I B E R G.



Vanquam & mihi rem tam arduam atq; difficilem Rector Magnifice mandaveris, ut ob ingenij doctrinaq; mea tenuitatem satis commodè à me explicari non queas: tamen ne au-

L 4

poritati

toritati tue refragari videar: quid de illa sentiam, quàm bre-
 vissimè licebit dicere, conabor. Rogo Auditores, ut, qui cum
 auctoritate adsunt, bonâ cum veniâ etiam me audiant: qui ve-
 rò discipuli mei sunt, eam mihi hoc tempore benevolentiam
 præstent, quam ijs qui ante me dixerunt, alijs temporibus præ-
 stetrunt: quamq; à me sibi exhiberi volent, cum in hunc lo-
 cum ad dicendum aliquando pervenerint. In brabeo ad ex-
 plicandum mihi tributo, expressa est imago serpentis, caudam
 oris inferentis ut circulum representet. Huic adjuncta est
 corona varijs floribus & fructibus exornata. In ejus ambitu
 inscriptum est hoc Emblemata: In se contexta recurrit. Quod
 attinet ad serpentem: Hieroglyphici ejus imagine annum pin-
 gere solebant. Testis est Horapollon lib. 1. de sacris Aegyptio-
 rum literis. Sol enim qui anni mensura est, à primo puncto
 Arietis per reliqua signa progressus, ad idem punctum redit: ac
 priore anno confecto novum inchoat. Hinc apud Latinos an-
 nus (ut Grammatici docent) quasi annulus dictus est: quod in
 se redeat. Vnde & illud:

Quiq; in se sua per vestigia volvitur annus. Ab Home-
 ro περιελάμεν & ἐνικυτός appellatur, quasi ἰὼν εἰς ἐαυτὸν. Id est,
 revolutis vicibus in se incurrens. Deinde hanc causam addunt,
 quod quemadmodum anguis tacitè proserpis absq; strepitu: ita
 annus quoq; tacitè, & nobis vix animadvertentibus, præter-
 labitur. Vnde illud Poëta:

Tempora labuntur tacitisq; senescimus annis.

Item

Labitur occultè fallitq; volubilis ætas,
 Et nihil est annis velocius. Consimili ratione, corona
 quoq; intextisq; flosculi, fruges fructusq; annum ejusq; partes,
 continua

continua quadam ac perpetua successione copulatas, notat atq;
designat. Nam ut Poëta canit:

Ver placidum vario necit de flore coronas,
Spicea ferta gerit calidissima solibus æstas,
Temporaq; autumnu cingunt tua Bacche racemis,
Tristis hiems montes niveo velamine vestit.

Verum hoc Emblemata non ad annum duntaxat, quem Sol metitur, verum etiam ad res quas vis corporatas, scitè referri & accommodari potest. Etenim si oculis sublatis mundum æthereum contempleris, non Soli tantum, sed reliquarum etiam stellarum atq; adeo totius cæli, certas statasq; conversiones animadverteres: atq; idcirco, ut Solaris, sic Lunar, Mercurialis, Veneris, Martius, Jovialis, Saturnius, stelliferi orbis annus, non ineptè appellari possit. Si deinde oculis dejectis, hunc telluris globum contueamur: nonne ubiq; miras vicissitudines, commutationesq; notare ac deprehendere licet? nihil fidum, firmum ac stabile permanet: omnia sunt mutationibus obnoxia. Et qualia Plato in Timæo scripsit, semper fieri esse nunquam. Habet hoc materia illa; unde res omnes constant, quam veluti magnam rerum matrem, celestis vis ad continuos partus excitat. Inde quatuor illa corporum elementa sursum ac deorsum commeant, & constants vicissitudine generantur & generant. Inde omni generis animantes, homines, quadrupedes, aves, pisces, stirpes, metalla, ceteraq; res, quas benignissima terra ex sese fundit. Quarum omnium cetera veluti ætates sunt constituta, ut nascantur, adolescant, consenescant, tandemq; certis temporum intervallis intereant. Maria in terras, terrasq; vicissim in maria commutantur.

Vidi ego quod fuerat quondam solidissima tellus
Esse frctum: vidi factas ex æquore terras.

¶

Hinc

Hinc aridi alvei, quæ flumina fuerant: hinc perennes flu-
 vij, quæ culta fuerunt arataq; terræ. Hinc quemadmodum
 annus in quatuor partes naturali vicissitudine distinctus est:
 ita universus mundus Elementaris, suas quoq; hiemes & æsta-
 tes habet: quarum illa aquarum inundationes & colluviones
 efficiant: hæ vero contra suscitent exustiones, & incendia ter-
 rarum. Sic quoq; primus ille generis humani propagator Ada-
 mus (ut Iosephus in antiquitatum libris testatur) prædixe-
 rat duplicem labem terrarum, vastitatemq; venturam: alte-
 ram inundationibus aquarum: alteram ignium flammarumq;
 ardoribus. Quod idem sacris literis testatum consignatumq;
 est. Recte igitur ac summatim Ovidius hanc rerum naturali-
 um vicissitudinem perstringit ac concludit, ad hunc modum,

- Nec species sua cuiq; manet, rerumq; novatrix
- Ex aliis alias reddit natura figuras,
- Nec perit in toto quicquam, mihi credite, mundo:
- Sed variat, faciemq; novat: nasci q; vocatur,
- Lucipere esse aliud, quam quod fuit ante: mori q;.
- Desinere illud idem, cum sint huc forsitan illa,
- Hæc translata illuc, summa tamen omnia constant.

Neq; vero ad res naturales tantum hæc conditio perti-
 net: sed hominum quoq; opera attingit, mores, consuetudines,
 leges, artes, linguas, aliasq; res cunctas: quæ ab arte naturam
 imitante, ortum duxerunt: Cum oriantur alia: alia vero oc-
 cidant: quæq; modo floruerunt, nunc obsolecant: atq; adeo qua-
 rum admirabilis est ἀνακύκλωσις, ut Polybij verbo utar.

Hinc rectè Cornelius Tacitus scripsit, rebus cunctis inesse
 quendam velut orbem: quemadmodum temporum vices: ita
 morum versi. Quin etiam imperia & Respublica suas habent
 periodos, ut divinus philosophus Plato, & natura genius Ari-
 stoteles testantur.

Quem.


16

Quemadmodum enim hominum corpora alia externa vi
deficiuntur & pervertuntur: alia intestina humorum dissen-
sione intereunt: alia naturali confecta senio contabescunt: Ita
Rerump. alia hostilibus armis afflicta concidunt: alia domesti-
co seditionis morbo consumuntur: alia vetustatis vitio dila-
buntur. Id quod tum alia multa, tum inprimis Atheniensium
& Romanorum Republica olim florentissima testantur.

Quae cum se ita habcant, nemo est qui non intelligat atq;
perspiciat, omnibus rebus corporatis vicissitudinem, id est, me-
tamorphosin quandam vicissim recurrentem inesse. Caterum
isthaec omnium corporatarum conversio ac vicissitudo rerum
non temerè ac fortuitò evenit: sed divino numine regitur: Et
quandiu aeterna mens, quae sola immobilis est, illam consistere
voles, conservatur. Itaq; in numismate nostro, manus serpen-
tem & coronam complexa inest: quae summi opificis vis pro-
ptens & infinita providentia, res universae, summas & imas,
longè lateq; fovens atq; gubernans, significatur.

Hac habui. Audis. Optimi, quae ad Emblematis nostri
explicationem succurrebant. Quo cum admonemur, non
modo singulorum hominum, sed universi hominum generis,
nemq; caeli & terrarum certos interitus & occasus, ratu tem-
porum spaciis definitos esse: Omnino nobis elaborandum est,
ut prudenter, justè, fortiter, moderateq; vivamus: donec tan-
dem accitu summi, maximiq; Principis, ex hac mortali miseraq;
vita evocati, ad caelestium animorum caelum aggregemur, atq;
corona contexta sempiternuq; seculorum aetatis in se recur-
rente donemur.

D I X I.




M 2

ORA-

ORATIO SECVNDAE
CLASSIS, RECITATA

IOHANNE VVELSERO
NORIBERG.



IN voluntate & jussu Magnifici Domini Re-
ctoris penitus acquiescere, legibus cum jubeamur omnes: me-
um etiam est illius nequaquam despectare imperium. Ordine
igitur jussus dicere, cum ea, quam aetas hac mea fert, cogitatio-
ne & modestia quod sentio in medium proferam, certa spe fre-
sus, probatum iri hanc meam obedientiam, & conatum tenu-
em bonis omnibus. Quibus utiq; constat, in universum hu-
jus quam nunc ago aetatis, cogitationem exquisitam esse nul-
lam. In altera numismatis nostri facie expressa continetur
imago Ciconia, quae ex pastu reversa corpus in aëre librans, in-
fidentis nido pulli rostro bianti serpentem indit: cum hac & vi-
ri, xxi, Pietas tutissima virtus. Habet hac avis ex testimonio
gravissi-

gravissimorum scriptorum, multarum virtutum in se simula-
 cra plurima, Castitatis namq, amantissimam in violentem con-
 jugij leges severissimè animadvertere exemplis probat ex ve-
 teribus Aelianus: ex neotericis Aventinus & alij. Quod ni-
 dos eosdem repetant, & statò tempore abeant atq, revertantur,
 certo constantia signo, asserit Plinius. Vita vero innocentiam
 tantum honoris conciliasse olim in Thessalia ciconijs scribit
 idem Plinius, ut eadem pœna in eum qui hominem & qui cico-
 niam interfecisset, fuerit constituta. Quid dicam de grati-
 tudine in hospites suos? quid de parentum in sobolem amore,
 cura & profectione? quorum insignia exempla recenset A Eli-
 anus, libro de animalibus octavo. Atqui horum aliqua cum
 aliis volucribus Ciconia forsàn habent communia: aliqua uni-
 us auctoris suffulta testimonio, vel fabulosa vel saltem toti Cico-
 niarum generi minus propria videri possunt. De pietate in
 parentes audiamus: quæ in hac ave veteribus eò usq, placuisse
 scribitur, ut in sceptris regis iustitia symbolum Ciconia sculpi
 solita fuerit. Hanc pietatem Aristophanes in avibus hui
 verbis protulit.

ΑΜ' ἔστιν ἡμῖν τοῖσιν ὄρεσιν νόμος
 Παλαῖος ἐν ταῖς τῶν πελαγῶν κύρβειν·
 Ἐπὴν ὁ πατὴρ ὁ πελαργὸς ἐκπετησάμενος
 Πάντας ποιήσῃ τὸς πελαργίδας τρέφειν,
 Δὲ τὸς νεοτῆρας τὸν πατέρα πάλιν τρέφειν.

Rei veritatem, non tantum à prophanis dependere, sed
 Lingua sancta affirmans approbari Ety mo: quæ ut audio Ci-
 coniam Chasidhah appellat, à pietate, & eximia in paren-
 tes misericordia, ut quæ senio consecutis, infantia sua vices re-
 pendens θρεπτήριον exhibeat, non nutritione & defensione
 sola, sed etiam subvolatum gestione in propriū humeris. Græci
 M 3 cam,

eam, quam de nobis optime meritis tempestivè referimus gratiam, αὐτὴ ἀντιπαλαγοῦσα voce per similitudinem à Ciconiis, quæ ipsis sunt ἀντιπαλαγοί, sumpta, expresserunt: actum ipsum ἀντιπαλαγοῦσαι nominantes. Et quis quod jam dixi in controversiam vocabit, unanimi consensu à veracissimis rerum naturalium scriptoribus consignatum, ab Amplissimis & Clarissimis Dominis Scholarchis, nostris nutritiis, ad cogitandum propositum? Hi communes facturi de officio nostro nos, etatis paulò provectoris, Pietatem nobis ante oculos ponunt, quæ est secundum Cornelium Severum tutissima virtus. Et verè tutissima virtus, quæ ut reliquarum virtutum genitrix, in sacris literis severissime mandata, sola promissiones habet, tam presentis quàm futuri seculi. Et propter eventus felicissimos, in toto terrarum orbe, maximè una predicatur. Hæc est illa pietas, quæ Philonomi & Calliæ, adolescentes coætaneos servavit tū, cum uterq; relictis omnibus opibus, parentes suos effixas humeris asportarunt illesi, cedentibus flammis, ex Actna monte eruptione facta, omnia loca complentibus. Hæc est illa virtus, cui Pop. Romanus templum pietatis exstruxit, quod miraculo quodam, puerpera ignobilis, matrem, fame necandam, proprijs uberibus alere fuerat deprehensa. Hæc est virtus, cuius violatores, non ciconia sed cuculi, apud omnes populos pro infamibus, sceleratis, execrandis, semper habiti fuere. Quod ipsum exempli Chæani, Noë patri illudætu: Orestis Clytemnestram matrem, Neronis, matrem & praeceptorem Senecam interficientis: Catilinæ patriam convellentis: & infinitis alijs non difficulter probari posset. Ad pietatem igitur virtutem tutissimam invitamur, in Ciconijs inter bestias maximè adumbratam, illarum similes ut simus, castitate, constantia, vite innocentia & iusticia: quæ sub uno pietatis vocabulo comprehenduntur. Nulla in homine atas facilius voluptatum & libidinum illecebris & lenociniis capitur, quàm hæc nostra à pubertate pro-

48

tate proxima. Sed nec ulla vicissim tanta sensit, corporis, animi,
vitæ & fortunarum detrimenta ac facturas, quanta voluptates
fædas sectantium conditio. At quid DEVM ipsum mentem ca-
stam & in puritatis amantes, sapientia sua effundentem dona,
gravius offendit, quàm morum pravitus & vitæ turpitude?
Non tam sumus apes: non tam fætor columbus, quàm animus
libidinofus DEVM fugat.

Ab omni igitur scurrilitate alieni, ô mei commilitones,
Ciconiarum imitatores facti: munditiâ, probitate, pudore, &
sempertantiâ, quibus universis adolescentum mores contineri
didicimus, nihil amabilius, nihil pulchrius arbitrabimur. Vt
autem intra verecundiæ metas adolescentibus nobis consisten-
dum est: ita quod in ciconiis umbra virtutis, predicari audi-
mus: constantiæ laudem non modo non affectabimus, sed mor-
ditus arreptam, fideliter retinendo tuebimur. Quod suo sit tem-
pore, suo loco, iusto ordine, nec intempestivè, turbulentè, con-
fusè, laudem meretur, nunquam infringitur, nunquam mo-
lestum. Tantû enim abest, ut qui ita agit cuiquam offundat mo-
lestiam, ut dedisse potius, quàm beneficium accepisse ab omnibus
judicetur. Verum ad hæc accedat, necesse est, Pietas tutissima
virtus, quæ soq̃y quovis stimulos subjiciente, in hoc tota incubat,
ut in nostros omnino tales non videri sedesse velim: quales no-
stros quandoq̃, in nos futuros speramus, erga nos vero dū gigne-
remur, nostros fuisse, proprio scimus testimonio. Quantum amo-
ri, quantum reverentia debeamus patriæ & parentibus, inge-
nuæ mentes facillè vident, profitentur libenter. Patria certè
divinum quoddam nascentibus nobis præbuit hospitium: in quo
florantibus pietatis sincera exercitiis, honestissimarum legum
constitutionibus, laudatissimis in omni disciplinarum genere
studiis, in pace & rerum summâ tranquillitate viveremus, edu-
careremur, aleremur. Maximis beneficiis devincti sumus, is, a
M. + quibus

quibus homines procreati & enutriti vivere capimus, quique innumerabiles casus, pericula, tædia atque molestias nostra causa sustinuerunt. His etiam qui, ut recte, ut honeste vivamus, impense curant, deque nostra salute & incremento, noctes atque dies solliciti sunt, parem cum parentibus deberi gratiam, Alexander ille Magnus affirmabat, utriusque vero parem referri posse Aristoteles negabat. Hinc, quid singulis debeamus, quoties in nostro numismate Ciconiam intuebimur (intuebimur autem quotidie) pie & diligenter cogitabimus, & pietati in omnes studebimus. Sed in primis erga Amplissimum Senatuum Novicum, & Dominos Scholararchas, Dominos nostros benignissimos, qui non fictam sed vivam imaginem Ecclesie matris senescenti suis humeris excepta grata simul præstant ἀντιθετηρία: & simul pullos suos, id est, scholas, & præcipue hanc Academiam Altorphinam, assidua pietate fovent & mirifice tuentur. In universum vero nos omnes cavebimus, ne in nos merito illud Theocriteum dici possit: ἴδ' ἃ χάρεις πτωβίῳ. Θεῖται καὶ Λυκιδῆς, θεῖται κύνας, ὥς πω φάγοι.

D I X I.



ORA-

49

O R A T I O T E R T I A E
C L A S S I S, R E C I T A T A

ab

E L I A B O H E M O
N O R I B E R G.



V I D E quid exigas, Magnifice Domine
Rector, & à quo? atq; ita vide, ne aquam è pumice po-
stulare videre, Idem enim ego, quod commisit meo excusatio-
nis loco attulis, asserre commodè possum. Sculpturam ac Em-
b.ema numismatis hujus (quod nos pridiani Musarum tyrun-
culi congruarij nomine benefico D D. Amplissimorum Scho-
larum à te accepimus) enodare me jubes. Atq; hoc est ab
asino lanam, à me explicationem Symboli istius poscere. Putas
me in sacris Aegyptiorum scholis Hieroglyphicus imbutum esse
literis? minimè verò. Existimas me Apollini mentem tene-
re? nullatenus. Proinde Darius sum, non Oedipus, atq; gryphus
N & anigma-

& anigmatibus hujuscemodi minimè lacescendus. Quid igitur
faciam? Donatitium hoc, insigne sedulitatis atq; diligentia
mea testimonium abiciam? non faciam. Quin potius mysterij
hujus divinacionem, diligentia quanta potero aggrediar: ut
si non vatem, Saulum inter vates saltem egisse videar. Video
Congiunt angustissimo praditum osculo (liceat mihi hanc vocem
pace Grammaticorum in germana ipsius significatione ponere)
video aquam ex ipso, non impetu, ruentem, sed modicè stillan-
tem, cum tamen liquoris plenissimum sit. Video herbule nunc
primum natæ, tenerrimos flosculos huic leni stillicidio, ne ardo-
re Phœbi, quem eminens radios suos huc projectantem conspicio,
maceſcant atq; in nihilum reducantur, subiectos. Video de-
niq; circulum, quo hæc omnia includuntur, è majusculi literu-
larum notis concinnatum. Quarum nisi me lumina fallunt,
sententia hæc est: Adde parum parvo. Quis mihi jam acumen
mentis ad hæc penitus perspicienda suppedietabis? quis ingeni-
um atq; judicium ad hæc rectè enucleanda sufficiet? Certè du-
cis hic maxime indigeo: Tentemus tamen: audentes quippe
adjuvat ipse DEVS. Libet hic paulum cornicari, Rhetoricari
inquam, atq; per ὑστερον προτερων ab extremo instum facere. In-
scriptionem inquam aggredi placet, atq; in hunc modum com-
plere.

Adde parum parvo, parvo superadde pusillum:

Fiet & hoc magnum, sic crescit copia rerum.

Nihil minus sanè, non rectè collinearvi, Quid sis sic:

Adde parum parvo, quàm plurima confer in unum

E parvo tandem magnus acervus erit.

Nequicquam: nondum scopum attingi. Quid sis sic.

Adde parum parvo: teneras non obrue mentes:

Parva doce parvum, pro modulo ingenij.

Videor me jam rem acu tetigisse atq; verum sententia sen-
sum eliciuisse? ipse quidem certè affirmare non possum: Quinti-
liano sa-

liano tamen duce hac in parte usus sum: Sic enim ille: (qui sane locus non solum hoc Emblemata, sed & picturam ipsius adungere enodare videtur.) Sicut vascula, inquit, angusti orificij, superfluum humoris copiam, respuunt & effundunt: sensim autem paulatimq; influentem & installatum liquorem recipiunt, receptumq; fideliter continent: Ita animi puerorum angusti, & majorum adhuc incapaces, nimia doctrinarum præceptionemq; copia fatigantur & obruuntur: pauci autem & brevibus præceptis sensim paulatimq; implentur. Hactenus Fabius. Invertamus jam licet hanc clarissimi oratoris similitudinem, atq; ad hoc nostrum accommodemus negotium. Planta nuper eripit enata, quaq; demum germen suum emittit, si: rursus in brevis irrigetur, aut nimio ab hortulano suffundatur humore, celeritè citè intermoriètur: Terra namq; copioso humore suffluens, radicem deserit, unde planta primum germi, non sulco & sulcro externo simul desolata, ante acatem concidit: At si eadem leni & exiguo modicè humectetur liquore subinde irrigata atq; vivificata, in altissimum excrescit pruinem, ad summam deveniet perfectionem. Ita profecto comparatam est, cum animus puerorum: si enim pars ac non ab simili in installando animus eorum præcens, utatur præceptor ratione, nonne parum parvo actenello ingenio addendo id efficit, ut cum ingenij & ætatis vigore, eruditio atq; prudentia vigeat, atq; magis maturet, & fructuetur? Et quemadmodum herba nunc primum nata, assiduè soli feruoribus usita, nec ulla lactis virrida reddita, e vestigio successe atq; interit. Sic adulescenti in ipsi atq; ignavo otio & suavi torpescenq; omnem vim ingenij, totamentis aciem, universum animi vigorem, intra breve tempus sensim deficere, miserrimè extingui, sadissime enecari sentit.

D I X I.

N

C P A

ORATIO QVARTAE
CLASSIS, RECITATA

IOHANNE CHRISTOPHORO OLHAFEN
MORIBERG,



GRAVE est admodum & per difficile R. Mag.
quod demandatur mihi: mihi inquam adulescentulo ru-
rum adhuc imperito, inq; Musarum castra vix ingressi.
Huiusmodi enim antiquorum praclara inventa, ut Emblemata
& alia ingentose excogitata, dextrè explicare, & quo deest
rectè accommodare, non est cuiusvis: sed eorum tantum, qui
& ingenio valent, & rerum usu in vita sunt instructi. Ve-
rum ne petitioni Magnificientia tua ad me delata adversari
ineptè videar: adferam paucis ea ex suggestione aliorum non
prorsus contemnenda, quae in mentem veniunt. Quod dum
facio, benignè me audiri reverenter peto. In numismate nostro
Adamus conspicitur ignis flamma ardenti impositus: sed inse-
ger, illesus

ger, illasus atq; inviolatus. Mallei item duo, de super iētum
minantes, & per vices quasi eundem iterantes, cum Epigram-
mate: Perfer & obdura. Quae pictura procul dubio haud te-
merè conficta, si divinare licet, hoc potissimum innuere vide-
tur: Quod ut Adamas lapis omnium pretiosissimus, nec igni,
nec ferro, nec ulli violentia cedit, nisi sanguis hircinus recens
adhuc & calidus adhibeatur, quo tandem mirando modo, fran-
gi atq; atteri paulatim scribitur, auctore Plinio: Ita ingenium
humanum, praecellens quidem, ac multiplici rerum cognitione
ab opifice initio instructum, per lapsum demum adeo stupidum,
distortum, indomitum, atq; intractabile evasit: ut nisi doctri-
na & institutionis liberalioris, quasi succo, ejusq; vi admirabi-
li, per praeceptores tanquam malleos, novo operi subinde instan-
tes, recens adhuc subigatur, dometur & comprimatur, haud
unquam mitescat, vel ad frugem aliquam perveniat: sed quod
dolendum, in deterius potius quotidie vergat ac prolabatur.
Qua dēre, cū in sacris tum prophanis literis, extant permul-
ta, quae hujus mali magnitudinem, contumaciam nimirum &
duritiem ingenys nostris innatam, vehementissimè deplorant.

Verum cum in hoc ipso morbo, propemodum insanabili, cu-
rando mira prudentia, tolerantia & constantia requiratur,
ut & ipsa inscriptio notat: Perfer & obdura: facile inde ani-
madvertis potest, quantum onus sustineant ij, qui ingenijs pue-
rilibus adeo depravatis, corruptis, & infinitis ignorantiae tene-
bris immersi, denuo instaurantes, excitandis, & illustrandis
incumbunt. Quas item difficultates & molestias experiri
atq; exhaustire necesse sit eas, qui doctrinae & disciplinæ succum
instillari sibi, eo qd. interveniente mutantur, atq; ita a feritate,
ad humanitatem transire volunt & cupiunt.

Non enim haec in ceterorum nostrorum Palingenesia ita se
habet, ut uno quasi momento & sine ullo negotio statim absol-

uatur & perficiatur, quemadmodum alias vasa inania, infundibulorum beneficio ad summum cisra moxam, adimplentur: sed longius exspectat temporis spatium, industriam & laborem, ut felix & salutaris tandem existat. Ac licet non habeam, quod dicam de ijs, qua institutoribus permultum fa-
cessunt negotij mirificeq; eos exercent: de quibus etiam quoti-
die conqueruntur, ut de ingeniorum nostrorum prauitate, stu-
pore, tarditate, cum quibus omnibus pijs, tanquam cum hos-
tibus immanissimis, perpetuò conficiendum est, ut aliquo sal-
tem modo, hoc genus mali tollant atq; emendent: hoc tamen
affirmare non dubito, multu in hac miseria constituta laborare,
vigilias & difficultates obvias videri planè adamantinas, in-
uictas atq; inexpugnabiles. Vnde non raro consequitur, ut
hanc omnium preclarissimam, maximeq; necessariam, & a-
ulem ingenij sui culturam negligant & respuant eam, prorsus de-
serta, ad alia ingeniu hominibus indigna, desperabiliusq; in-
vertant. Sed male, imo turpissimè: ipsius Emblematis ge-
neris iudicio, quod dicit: Perfer & obdura. Constantia hic, fir-
miorq; animi proposito opus est ei, qui velit emergere, & omnium
ingenij decus cum laude recuperare. Nullus hic mollior aut
desidie locus: quod & Poeta Horatius de iussu exprimit, ubi non

Qui cepit optatum, Rudis contingere metum
Molto tulu tecum puer, sed dixit & alit.
Abiit Venerè & Bacchus, qui Pythia cantat.

Verum quidem est, offerri multa non à literarum Typho-
bus sicut molli & aspera. Quæ tamen omnia ita sunt com-
parata, ut plures animi equitas, Rudy alacritas, & dextera
dexterræ, facile vinci & superari queant. Non itaq; statim
desperamus, aut saram obiectis arma meditemur, sed sub sta-
mus potius fortiter, & constanter pugnemus, sic nimirum victo-
ria tam

ria tandem obtinenda: imitantes male affectos, qui saepe san-
 tatis, tanquam omnium preciosissimi boni, recuperanda causa,
 pharmaca etiam amarulentiora à Medicis porrecta assumere
 non recusant. Socrates ipse hac in parte non parum difficulta-
 tu sensit, utpotè qui natura tardus & stupidus fuit: nihilomi-
 nus tamen per assiduitatem studij & laboris diligentiam inge-
 nium ejus ita subactum, compressum atq; edomitum fuit, ut sa-
 pientissimus etiam oraculi testimonio evaderet. Sic de aliis
 compluribus scribitur, quos brevitatis causa omitto. Hoc itaq;
 statuamus, omnia, adhibita cura atq; contentione sedula,
 absolvi atq; perfici: studio & labore indefesso, nihil non obti-
 neri, nec quemquam repertum unquam fuisse, qui absq; aliquo
 conatu, præclarum quid sit affectus, maximè in studiis, quæ
 ingenij nostrum refingendis destinata sunt quorum radices, ut
 dicitur, amara, fructus vero dulces. Quod dum Proceres A-
 cademici optimè intelligunt, non modo per præceptores labo-
 rantes & sudantes, nobiscum agunt, ut in capto & laborioso
 studiorum curriculo subinde pergamus, nec ullo nos pacto abin-
 stituto dimoveri patiamur, Verum ipsi quoq; pro sua singulari
 prudentia, per ipsa Emblemata, officij nos tacitè commonent,
 ad diligentem ingenij morumq; cultum capeffendum, paternè
 exortant, ad laborum tolerantiam & perseverantiam, præmijs
 quoq; præstitis, atq; alijs benevolentie signis augustissimis, di-
 scientes nos invitans: Haud dubiè cogitantes, non satis esse be-
 nè capisse, sed & perseverantia opus esse, ut habet numismatis
 inscriptionem: Perfer & obdura. Quæ cum ita se habeant, & o-
 mnia ad pietatis & literaturæ propagationem ac conservationem,
 in primis verò ad ingeniorum nostrorum accuratam in forma-
 tionem faciant, decet nos hac & alia de quibus extremo hujus actus
 loco dicetur, gratis animi agnoscere. Et quia nobis potissimum

feritur & metitur, omni studio ac conatu eò contendere debe-
mus, ut ipsorum monitis paternis obsequamur, ocium omnium
vitiorum fontem fugiamus, labores ad ingenij eruditionem su-
sceptos urgeamus, ne nobis ipsi defuisse aliquando videamur:
aut male utendo hoc insigni & precioso bono, ad ingenij cultu-
ram & virtutis studium præclarè comparato, alijs improbè no-
cuisse perhibeamur: præsertim cum rebus necessariis abunde in-
structi simus. Quibus certè omnibus, si rectè & legitimè utamur,
nihil est, quod inclyto Senatus Norica Reip. atq. ipsis Do-
minis Scholarchis, viris Amplissimis, nobisq. summè colen-
dis accidere possit gratus. Horum expectationi de schola &
nobis hic studiorum gratia commorantibus conceptæ satisfacere:
horum voluntati obtemperare, nosq. totos ad eandem ac-
commodare: hisce deniq. placere, maxime æquum, pium & lau-
dabile est, juxta illud, quod in versu dicitur,

Principibus placuisse vitis, non ultima laus est.

D I X I.



GRA-

53

GRATIARVM ACTIO.
RECITATA

A

MARCO CHRISTOPHORO IVLIO
NORIMBERG.

NISI patientia vestra atq; humanitas tanta esset, Amplissimi Domini Scholarcha, dignissime domine Procancellarie, prudentissimi Senatores, clarissimi Domini Doctores & Professores: nisi inquam patientia vestra tanta esset, quanta multis jam annis ab omnibus, qui ex hoc loco dixerunt, perspecta fuit ac celebrata, Vererer sanè cum tanta pueritia, huius loci auctoritatem contingere, & in vestrum dicendi causa conspectum venire ornatissimum. At quia ipse in hoc actu, vestram perspexi virtutem, animumq; cognovi attentissimum: ita me confirmo, ut non dubitem etiam ea, quæ

O

â Magni-

quibus homines procreati & enutriti vivere capimus, quique innumerabiles casus, pericula, & adia atque molestias nostra causa sustinuerunt. His etiam qui, ut recte, ut honeste vivamus, impendere curant, deque nostra salute & incremento, noctes atque dies solliciti sunt, parem cum parentibus debere gratiam, Alexander ille Magnus affirmabat, utrumque vero parem referri posse Aristoteles negabat. Hinc, quid singulis debeamus, quoties in nostro numismate Ciconiam intuebimur (intuebimur autem quotidie) pie & diligenter cogitabimus, & pietati in omnes studebimus. Sed in primis erga Amplissimum Senatuum Noricum, & Dominos Scholarchas, Dominos nostros benignissimos, qui non fictam sed vivam imaginem Ecclesie matri senescenti suis humeris excepta grata simul prestant ἀντιθεπτήρια: & simul pullos suos, id est, scholas, & precipue hanc Academiam Altorphinam, assidua pietate fovent & mirifice tuentur. In universum vero nos omnes cavebimus, ne in nos merito illud Theocriteum dici possit: Ἰδ' αὖ χάρις ἐς πτωχὸν ἔσται. Θρεῖται καὶ λυκιδῆς, θρεῖται κύνας, ὥς τινι φάγαντι.

D I X I.



ORA-

49


O R A T I O T E R T I A E

C L A S S I S, R E C I T A T A

ab

E L I A B O H E M O

N O R I B E R G.



V I D E quid exigas, Magnifice Domine
 Rector, & à quo? atq; ita vide, ne aquam è pumice pos-
 sulare videare. Idem enim ego, quod commilito meo excusatio-
 nis loco attulit, offerre commodè possum. Sculpturam ac Em-
 b'ema numismatis hujus (quod nos pridiani Musarum tyrannu-
 culi congiarij nomine beneficio D D. Amplissimorum Scho-
 larcharum à te accepimus) enodare me jubes. Atq; hoc est ab
 asino lanam, à me explicationem Symboli istius poscere. Putas
 me in sacris Aegyptiorum scholis Hieroglyphicu imbutum esse
 literis? minimè verò. Existimas me Apollinis mentem tene-
 re? nullatenus. Proinde Davus sum, non Oedipus, atq; gryphis

N

& anigma.

hanc tamen duce hac in parte usus sum: Sic enim ille (qui sane
loqui non solum hoc Emblemata, sed & picturam ipsius adun-
guemodare videtur.) Sicut vascula, inquit, angusti orificij, su-
perfluum humoris copiam, respuunt & effundunt: sensim au-
tem paulatimq; influentem & instillatum liquorem recipiunt,
receptumq; fideliter continent: Ita animi puerorum angustij,
& maiorum adhuc incapaces, nimia doctrinarum preceptio-
numq; praefatigantur & obruuntur: paucis autem & brevi-
bus praeceptis sensim paulatimq; implentur. Haec enim Fabius.
Invertamus jam licet hanc clarissimi oratoris similitudinem,
atq; ad hoc nostrum accommodemus negotium. Planta nu-
perrimè enata, quæq; demum germen suum emittit, si largi suo
umbra irrigetur, aut nimio ab hortulano suffundatur humore,
celerimè certe intermoriatur: Terra namq; copioso humore
effluens, radicem deserit, unde planta primum germinavit,
sulco & sulco externo simul desinita, ante diem concidit:
At si eadem leni & exiguo modicè humectetur liquore subin-
de irrigata atq; vivificata, in altissimum excresecit fruticem, ad
summam deveniens perfectionem. Ita profecto comparatum
est, cum animus puerorum. si enim pari ac non absimili in illi-
lenda animi curam praestis, utatur praeceptor ratione, non-
parum parvo ac tenelli ingenio addendo id efficitur, ut cum
ingenij & aetate vigore, eruditio atq; prudentia vigeat, atq;
magis magisq; robustetur? Et quemadmodum herba ante pri-
mum nata, alicuius soli servioribus usita, nec ulli latice vivida
reddita, è respingit, haec seorsum atq; interit: Sic adalidum ingenij
atq; ignavum alicuius turpescentij omnem vim ingenij, so-
lam mentis aetatem, universum animi vigorem, intra breve
tempus sensim deficere, miserrimè extingui, sedissimè encensari
leniet.

D I X I.


T.

C P A

ORATIO QVARTAE
CLASSIS, RECITATA

2

IOHANNES CHRISTOPHORO OLHAFEN
MORIBERG,



GRAVE est admodum & per difficile R. Mag.
quod demandatur mihi: mihi inquam adolescentulo re-
rum adhuc imperito, inq; Musarum castra vix ingresso.
Huiusmodi enim antiquorum praeclara inventa, ut Emblemata
& alia ingeniosè excogitata, dextrè explicare, & quò de eis
rectè accommodare, non est cuiusvis: sed eorum tantum, qui
& ingenio valent, & rerum usum in vita sunt instruiti. Ve-
rum ne petitioni Magnificèntia tua ad me delata adversari
ineptè videar: adferam paucis ea ex suggestione aliorum non
prorsus contemnenda, quae in mentem veniunt. Quod dum
facio, benignè me audiri reverenter peto. In numismate nostro
Adamus conspicitur ignis flamma ardenti impositus: sed in-
ger, illæsus

ger, illaesus atq; inuolutus. Mallei item duo, de super ietum
minantes, & per vices quasi eundem iterantes, cum Epigram-
mate: Perfer & obdura. Quae pictura procul dubio haud te-
merè conficta, si divinare licet, hoc potissimum innuere vide-
tur: Quod ut Adamas lapis omnium pretiosissimus, nec igni,
nec ferro, nec ulli violentia cedit, nisi sanguis hircinus recens
adhuc & calidus adhibeatur, quo tandem mirando modo, fran-
gi atq; atteri paulatim scribitur, auctore Plinio: Ita ingenium
humanum, praecellens quidem, ac multiplici rerum cognitione
ab opifice initio instructum, per lapsum demum adeo stupidum,
distortum, indomitum, atq; intractabile evasit: ut nisi doctri-
na & institutionis liberalioris, quasi succo, ejusq; vi admirabi-
li, per praeceptores tanquam malleos, novo operi subinde instan-
tes, recens adhuc subigatur, dometur & comprimatur, haud
unquam mutescat, vel ad frugem aliquam perveniat: sed quod
dolendum, in deterius potius quotidie vergat ac prolatur.

Qua dero, cum in sacris tum prophanis literis, extant permul-
ta, quae hujus mali magnitudinem, contumaciam nimirum &
duritiem ingenij nostris innatam, vehementissime deplorant.

Verum cum in hoc ipso morbo, propemodum insanabili, cu-
rando mira prudentia, tolerantia & constantia requiratur,
ut & ipsa inscriptio notat: Perfer & obdura: facile inde ani-
madvereri potest, quantum onus sustineant ij, qui ingenij pue-
rilibus adeo depravatis, corruptis, & infinitis ignorantiae tene-
bris immerfis, denuo instaurandis, excitandis, & illustrandis
incumbunt. Quas item difficultates & molestias experiri
atq; exhaurire necesse est eos, qui doctrina & disciplinæ succum
insillari sibi, eoq; interveniente iuvantari, atq; ita a feritate,
ad humanitatem traduci volunt & capiunt.

Non enim haec ingeniarum nostrorum Palingenesia ita se
habet, ut uno quasi momento & sine ulla negotio statim absol-

vatur & perficiatur, quemadmodum alijs vasa inania, infundibulorum beneficio ad summum circa moram, adimplentur: sed longius exposcit temporis spacium, industriam & laborem, ut felix & salutaris tandem existat. Si licet non habeam, quod dicam de ijs, qua institutoribus permultum successunt negotij, mirificeq; eos exercent: de quibus etiam quoti die conqueruntur, ut de ingeniorum nostrorum pravitate, stupore, tarditate, cum quibus omnibus pijs, tanquam cum hostibus immanissimis, perpetuo conflictandum est, ut aliquo saltem modo, hoc genus mali tollant atq; emendans: Hoc tamen affirmare non dubito, multũ in hac militia constituti, laboribus, vigilijs & difficultates obvias videri planè adamantinas, invictas atq; inexpugnabiles. Vnde non raro consequitur, ut hanc omnium preclarissimam, maximeq; necessariam, & utilem ingenij sui culturam negligant & respuant, eaq; prorsus deserta, ad alia ingenij hominibus indigna, desperati non solum convertant. Sed male, imò turpissimè: ipsius Emblematis nostri judicio, quod dicit: Perfer & obdura. Constantia hic, primòq; animi proposito opus est ei, qui velit emergere, & amissam ingenij decus cum laude recuperare. Nullus hic molitur ante defidie locus: quod & Poeta Horatius venuste exprimit, & Ethicus

Qui cepit optatum, studiis contingere metam
Multat illi fecitq; puer, sudavit & alsit,
Abstulit Venere & Baccan, qui Pythia cantat.

Verum quidem est, offerri nulla novis literarum Trophæis sita militata & aspera: Quæ tamen omnia ita sunt comparata, ut si audeas animi equitas, studij alacritas, & constantis dexteritas, facili vinci & superari queant. Non itaq; statim desperamus, aut suam abjectis arvis meditemur, seu subsistamus potius fortiter, & constanter pugnemus, spe nimirum victo-

ria tan-

ria tandem obtinenda. imitantes male affectos, qui saepe san-
 ctatis, tanquam omnium pretiosissimi boni, recuperanda causa,
 pharmaca etiam amarulentiora à Medicis porrecta assumere
 non recusant. Socrates ipse hac in parte non parum difficulta-
 tis sensit, utpotè qui natura tardus & stupidus fuit: nihilorsi-
 nus tamen per assiduitatem studij & laboris diligentiam inge-
 nium ejus ita subactum, compressum atq; edomitum fuit, ut sa-
 pientissimus etiam oraculi testimonio evaderet. Sic de alijs
 compluribus scribitur, quos brevitatis causa omitto. Hoc itaq;
 statuamus, omnia, adhibita curâ animiq; contentione sedula,
 absolvi atq; perfici: studio & labore indefesso, nihil non obti-
 neri, nec quemquam repertum unquam fuisse, qui absq; aliquo
 conatu, præclarum quid sit affectus, maxime in studiis, quæ
 ingenij nostrum refingendu destinata sunt quorum radices, ut
 dicitur, amara, fructus vero dulces. Quod dum Proceres A-
 cademici optimè intelligunt, non modo per præceptores labo-
 rantes & sudantes, nobiscum agunt, ut in capto & laborioso
 studiorum curriculo subinde pergamus, nec ullo nos pacto ab in-
 stituto dimoveri patiamur, Verum ipsi quoq; pro sua singulari
 prudentia, per ipsa Emblemata, officij nos tacitè commonent,
 ad diligentem ingenij morumq; cultum capeffendum, paternè
 excitant, ad laborum tolerantiam & perseverantiam, præmijs
 quoq; præpositis, atq; alijs benevolentie signis augustissimis, di-
 scentes nos invitant: Haud dubiè cogitantes, non satù esse be-
 nè capisse, sed & perseverantiâ opus esse, ut habes numismatis
 ἐπιγραφή: Πείθετε & ὀβδύετε. Quæ cum ita se habeant, & o-
 mnia ad pietatù & literaturæ propagationē ac conservationem,
 in primis verò ad ingeniorum nostrorum accuratam informati-
 onē faciant, decet nos hac & alia de quibus extremo hujus acti-
 loco dicetur, gratis animù agnoscere. Et quia nobis potissimum

GRATIARVM ACTIO,⁵³
RECITATA

à

MARCO CHRISTOPHORO IVLIO
NORIBERG.

NISI patientia vestra atq^{ue} humanitas tanta esset, Amplissimi Domini Scholarchæ, dignissime domine Procancellarie, prudentissimi Senatores, clarissimi Domini Doctores & Professores: nisi inquam patientia vestra tanta esset, quanta multis jam annis ab omnibus, qui ex hoc loco dixerunt, perspecta fuit ac celebrata, Vererer sanè cum tanta pueritia, hujus loci auctoritatem contingere, & in vestrum dicendi causa conspectum venire ornatissimum. At quia ipse in hoc actu, vestram perspexi virtutem, animumq^{ue} cognovi attentissimum; ita me confirmo, ut non dubitem etiam ea, quæ
O à Magni-

Ad Magnifico Domino Rectore mihi imposita sunt, in vestra fide
religioneq; deponere. Illi enim pro ea, qua hoc tempore valet,
auctoritate mihi demandavit; ut pro laudabili hujus Academia
consuetudine vobis omnibus & singulis, nomine totius Scholae,
gratias agerem, non tantum pro honorifica hac vestra prae-
sentia, sed etiam fide, amore ac beneficentia, qua multis annis
hanc vestram Academiam complexi estis, & adhuc complecti-
mini quotidie. Quod licet me omnibus modis vobis debere
fatear, & fatear libenter, quia tamen ob beneficiorum vestro-
rum magnitudinem, id grave mihi futurum praevideo: Vos oro
atq; obtestor, ut me hac in parte pro vestra patientia benignè
sublevetis, meq; pauca de vestris in hanc adolescentiam prome-
ritis, ad scholasticos hosce, verba facere patiamini. Non enim
vos immodicā orationis longitudine detinebo, sed operam dabo,
ut paucis utrumq; intelligant adolescentes, cum quanta à vobis
accipiant beneficia quotidie, tum quanta ab illis requiratur erga
vos observantia meritorumq; grata memoria.

Quid igitur est adolescentes optimi, quo beneficia hujus
Magistratus, vel satis à nobis agnoscī, vel commemorari posse
existimem? Equidem quò me veritam nescio: unde incipiam, aus
ubi desinam, vix habeo.

Tanta Dominorum Scholarcharum in vos extat beneficio-
rum multitudo & copia, ut difficilissus sit hujus orationis ex-
itum invenire, quàm principium. Non enim fieri potest, non
potest inquam fieri, ut ea quae tot annis, tot sumptibus, tot cu-
ris, in hanc scholam collata sunt, & adhuc conferuntur quosi-
diè, uno momento, una hora, uno die percenseri possint omnia.
Aristoteles quidem, in libris Rhetorice autumat, omnia bene-
ficia quae in nos proficiuntur ab alijs, vel pertinere ad vitæ sa-
lutem, vel ad divitias comparandas, vel ad ejusmodi bonum
cujus omnino difficilis sit acquisitio. Quam sententiam si ad
Scholarchas conferre libet, nihil sanè erit ex tribus, quod non
attribuatur vobis cumulatiſſimè.

Etenim

Etenim quid est, quod ad vitam nostram tuendam conser-
vandamq; majus contingere possit beneficium, quàm literarum
comunicatio? quàm virtutis doctrinaq; in vos propagatio?
sine qua nec Respub. stare, nec Ecclesia gubernari, nec societas
hominum conjungi potest. Quis enim quaso leges conderet?
quis jura præscriberet? aut quis de virtutibus, de officijs, de
DEO, DE Iq; numine, nos doceret? nisi literarum essent cul-
tores, nisi sapientia Magistri, & natura indagatores diligen-
tissimi, sine quibus nec vitam servari, nec rectè institui posse,
manifestius opinor est, quàm ut demonstrari opera pretium vi-
deatur. Imo quod majus est, nec vita ipsa absq; doctrina vi-
tare rectè dici aut nominari potest. Id quod vel summus Phi-
losophus affirmare non dubitavit, cum interrogatus esset, quid
doctus ab indocto differret: præclare sanè ac prudenter respon-
dit, quod vivus à mortuo, Vitam scilicet absq; doctrina nec
suavem, nec beatam esse posse innuens: sed morti potius quàm
vita similem esse ducendam.

Quid ergo? inquires, Nemo nisi literatus vivit? cateriq;
omnes, qui ea, quam tu prædicas doctrina destituti sunt, viden-
tur tibi mortui? Equidem non nego, plurimos vivere, etiam
non literatos, non doctos, non eruditos, neq; vivere eos tan-
tum dico, sed etiam ad honores & dignitates sæpe evehi au-
plissimas: Veruntamen eos, absq; aliorum doctrina, unquam
vel rectè vivere, vel ad honores ascendere potuisse: id sanè
pernego. Si enim nunquam vel à parentibus suis, vel ab alijs,
qui ea, quam disputo, doctrina antecelluerunt, à pueris essent
imbuti ac educati, quid putas ipsorum vitam distare à be-
luina aut cyclopica vitæ ratione? Nemo profectò nasci-
tur prudens, nemo gignitur doctus, nemo à parentibus in
hanc lucem editur sapiens, sed opus est disciplinâ, educatione
doctrinaq; elementis. Quæ si non à teneris nobis instillantur

annis, non vivere tantum nihil iurat, sed nunquam natum
fuisse praestabilius censetur. Quamobrem nullum sanè magis
in mundo nobis praestari posse videtur tunc σωτηρίας beneficium,
quam liberalis institutio, quam disciplina conservatio, doctri-
nae communio. Quaecumque etiam in hac schola, beneficio Se-
natus Amplissimi Norici, auxilio Amplissimorum domini-
orum Scholarcharum, fidelitate praeceptorum, in omni prope di-
sciplinarum genere, vobis impertiantur quotidie: quis obsecro, eos
non vita vestra propugnatores existimet? quis non parentum
loco eos honorandos arbitretur? Illi certè nos parvos in hanc
lucem procrearunt; Hi nos doctrina magnos efficere student.
Illi nos rudes, barbaros, ac planè elingues prodiderunt; Hi nos
doctrinā expolire, moribus informare, eloquentiā facundos
reddere laborant; hi nos nobilitate literarum ac rerum peri-
tiā illustres & claros efficere conantur. Quae si considerare
volumus: quemadmodum nos considerare omnino decet, quis
est obsecro? qui non cum Alexandro Magno fateatur atq;
exclamet, se plus debere huius vitae ducibus, quam vel suis pa-
rentibus, quoniam ab illis τὸ εἶναι, ut simus, accepimus: ab hijs
vero τὸ εὖ εἶναι, ut bene simus, assequimur quotidie.

Quod si vero quis esset adolescens, quem natura ita bar-
barum ac ingratum sinxisset, ut haec parva aestimaret, magisq;
ad alterum genus, quod in fortunis augendis ab Aristotele pro-
ponitur, aspiraret, ut sic statuat velim: nihil vobis etiam in hoc
genere denegari à Scholarchijs Amplissimis. Quae enim qua-
so fortuna, quae opes aut possessiones, non proficiuntur ex lite-
rarum studijs? Nonne ex hijs sequuntur honores, divitiae, digni-
tates, Magistratus amplissimi? Quid Plato? quid Ari-
stoteles? quid Theophrastus? ceteriq; philosophi, non affectui
leguntur, apud sui temporis homines praestantissimos? Quid
Demosthenes, Lysias, Aeschines, oratores apud Gracos non
adepti sunt liberalissimè? Isocrates pro una oratione à Nicocle

Rege

Rege centum talenta accepisse legitur. Oppianus pro uno quoque suorum de Venatione, Piscatu & Aucupio poematum versu, singulos aureos stateres dono accepit ab Imperatore Antonino, ut summa ad aureorum duas myriades ascenderit. Quid Cato, Gracchus, Lalius, Galba, Antonius, Cicero, non obtinuerunt apud Romanos? nonne facultatibus abundarunt? nonne gloria apud omnes populos vixerunt? nonne ex obscuris plerique facti sunt clarissimi & locupletissimi? At quid ego exempla longinqua commemoro? Intuemini quæso eos, quos plures videtis presentes viros clarissimos. Intuemini Professores vestros, qui profecto nunquam ad tantum honoris fastigium ascendissent, nisi literarum studia coluissent, nisi virtutem amassent plurimum, nisi artes & disciplinas perdidicissent constanti animo. Quid igitur putatis de vobis ipsis futurum, si diligenter studueritis, si preceptores vestros diligenter colueritis, si virtutes literarumque studia magni feceritis. Nonne post paucos annos hic cõspicietur in aulis principum, ille in comitiis populi hic in senatu, ille in consessu virorum prudentium, hic in suggestu, ille in lyceo, hic in foro, ille in cathedra fulgebit clarissimus? Quæ omnia dum vobis contingere possunt, per hunc Magistratum, per hosce Scholarchas, quis dubitabit, eos non quotidie in vos ea largiri, per quæ, & acquiri possint facultates & amplificari copiosissime?

Neg, vero necessarium duco Adolescentes, ut de tercio beneficiorum genere disseram pluribus: quod in ijs positum videtur rebus, quarum haud facilis est acquisitio. Quid enim difficilius, quàm veritatis ac sana doctrina communicatio? quid rarius, quàm fidelis literarum institutio? Testantur superiora tempora, quanta difficultas, quanta barbaries fuerit in tradendis artibus, ubi omnia ita fædè, inquinatè ac sordidè fuerunt tradita, ut jam uno anno, plus addiscere liceat adolescentibus,

quàm olim tota Olympiade, ut jam sæpè plus sciat puer septemvnis
quàm olim senex grandævus. Quorsum igitur ista, Adolescentes?
quorsum recitantur tam copiose? nimirum ut intelligatis, quantum
vicissim à vobis requiratur pro tantis meritis. Quibus licet nunquam
satis respondere possimus factis, tamen imprimis requiritur gratus
animus, grata memoria, grata observantia. Immane vitium est, ac
cum scelere conjunctum, ingratitude. Monstruosum animal est ac
dirum portentum homo ingratus, qui non solum mortalibus est molestus,
sed ipsi DEO odiosus. Nihil est, quod DEVS magis averseatur, quod
magis puniat, quàm ingratum animum, beneficiorumq; oblivionem.
Testantur id sacra litera, omnium gentium historia, testatur etiam
nostra experientia. Quid enim putatis adolescentes, aliud fuisse
caussæ, quàm obrem DEVS superioribus annis, tot nobis ex Senatu
Norico eripueris Scholarchas, viros literatissimos, Scholag. hujus
patronos summos, quàm multorum nefandam ingratitudinem. Quàm
obrem adolescentes expergiscimini tandem, excutite veternum
ingratum, excitate animos vestros alacres, agnoscite beneficia,
qua in vos cumulantur indies, amplectimini senatum, reveremini
Scholarchas, colite praeceptores, obsecundate legibus, & quod
maximum est, consurgite ad preces, vestraq; ex animo sic meis vota
jungite,

Tibi Æternæ DEVS, Pater Domini nostri IESU CHRISTI,
peccavimus, tibi ingrati sumus, tibi pœnas aternas debemus.
At quia tu, pro immensa tua misericordia, non solum conservas
nos adolescentes ingratos: sed das etiam Magistratum
elementissimum, das Doctores, das Professores, das praeceptores
classium, qui sint vitæ nostræ duces, qui crudiant nos in omnibus
artibus, qui prohibeant à cunctis vitijs: Tibi uno omnes ore
gratias agimus immortales, pro immensa tua hac clementia, teq;
rogamus supplices, ut foveas hunc Magistratum, conserves
Scholarchas, gubernes Doctores, ut in vera sui agnitione, non
solum

solum nos, sed etiam post nos nati erudiri possint, per Dominum
 IESUM Filium unicum, Amen.

Vobis autem Amplissimi Domini Scholarcha, dignissime
 Domine Procancellarie, quibus secundum DEVM non minus
 debemus, quàm parentibus nostris: cateriq, qui ex senatu ad-
 stis, viri prudentissimi, Generosi Barones, Nobiles, & quot-
 quot in hac corona adestis, viri religione, doctrina, virtute ex-
 cellentissimi: vobis inquam, gratias agimus omnes, quod non
 solum honorifica presentia hunc actum Scholasticum decorastis
 benevoli, sed etiam vestra autoritate & amplitudine exorna-
 stis plurimum. Rogamus vos Dominos Scholarchas, ceterosq,
 Academia patronos, ut hanc scholam nunquam deferere veli-
 tis, sed vestra ope, consilio, prudentia, animiq, magnitudine,
 eam munire fortissimè, ab omni ruina & interitu
 vindicare sedulo, Leges à vobis latas, promulgatas, sanctissi-
 meq, juratas, acriter propugnare, hancq, iuventutem in ve-
 stram fidem, clientelam ac patrocinium, suscipere clementer.
 Hac vestra erit laus, hac vestra trophaa, hac ornamenta Reipu-
 blica vestra pulcherrima, hac seges erit sempiterna vestra glo-
 ria. Si hac seminaria Ecclesia Reipub. fovebitis, quemad-
 modum fovistis hæcenus paternè: habebitis semper Pratores
 fortissimos, gravissimos consules, prudentissimos senatores,
 verbè DEI pracones peritissimos, & civitatem optimam, &
 sempiternam gloriam apud exteros. A nobis autem omnem
 reverentiam, pietatem, studium, animumq, gratissimum: Et
 quod maximum est, à DEO ipso expectabitis aeterna premia,
 aeternam salutem, vitæq, immortalitatis beatitudinem.

D I X I

O 4 PANE-

XII.
PANEGYRIS, ANNI
1 5 8 8.

S V B R E C T O R E
D.D. PHILIPPO SCHERBIO
MEDICO.

Oratio quarta clāssis, recitata

4
PHILIPPO CAMERARIO
NORIBERG.



N T FILIOLI *adhuc balbutientes, libenter audiuntur à patribus, suntq; eorum etiam ipsi errores eis voluptati: sic spero, patres Amplissimi, meam quoq; infantiam vobis, si non jucundam, at non tamen planè ingratam fore. Puto igitur & libro & Circi*

& Circini circumductione, studiorum nostrorum labores nobis ob oculos proponi. Liber clausus aperiendus est, reconditaq; doctrina labore inde eruenda: non expectandum semper, dum alij nobis pramansum cibum in os ingerant. Nam & gallinas ajunt melius pasci, si grana ipsa è terra eruant, aut hinc inde dispensa quaritent, quàm si copiosè eis projiciantur. Quod idem diligens etiam & solers circin: circumductio nobis confirmat. Nam alter pes circini immobili centro ita insigitur, ut perpetuò ei hereat, loco nunquam moveatur: qua est maxima laus laborum & constantia in rebus honestis: alter vero pes circumactione in se ipsum, ut principium medium & finis sint idem. Hac ad laborum assiduitatem & revolutionem pertinent. Labores enim debent esse concatenati ac circulares, & ut est in veteri tragœdia, Labor labori laborem afferat. Id quod eleganter quoq; manus è cœlesti corpore protensa nobis subjicit. Corporum enim illorum sempiternus & perennis motus, significat perpetuam quoq; nostram in laboribus subeundis agitationem. Non enim nobis modo quiescendum, modo ad alia decurrendum, sed usq; & usq; mens in honestis laboribus motu circulari versanda est. Gratulor igitur mihi ex hoc loco nunc primum balbutienti ejusmodi argumentum oblatum esse, cujus imagine & recordatione, studiosi adolescentes, Ignaviam nobis valde dulcem, discimus fugere, & ad vigilantiam, assiduitatem, attentionemq; animi excitamur. Scribunt hoc docti viri, quatuor omnino esse quibus impediamur pleriq; à magnarum praeclararumq; rerum adeptione. Vel enim judicio labimur, idq; dupliciter, in fine, & in ijs quæ ad finem pertinent: vel constantiam perseverantiamq; non retinemus, sed cum & ad ea, quæ bona sunt, initio animum adiecimus, & eas ingressi sumus vias, quæ quò tendimus ferant, postea tamen aut difficultate rerum deterriti, aut levitate quadam distracti, converti-

mus alio, & ignavia nos damus: vel deniq; cum & verè judi-
cavimus, & satis constanter in eo quod constitimus, persen-
dimus: virium tamen imbecillitate & inopia consequi ea qua
volumus non possumus. Cum vero abunde nobis suppetant
praesidia, quibus iudicium excolatur, ac magistri constituti, qui
consilijs praeceptisq; optima nobis itinera commonstrent; viri-
um quoq; satis plerisque natura tribuerit: unum illud nobis
cavendam, ne quod Ciceronis filio dicunt contigisse, nobis quoq;
contingat, id est, nobismetipsis defuisse videamur. Id quod
effugiemus, si, quae nobis premio nostro adumbrata sunt, urgere
nunquam desistamus, rectam scilicet viam à magistris nobis
ostensam sedulo persequentes: nec languori nos dantes, neq;
mutabilitate quadam aliò conversi. Ego quidem certè hoc
mihi posthac tanquam pratorium edictum proponam, ut nulla
dies (quod ab Apelle & dictum & observatum accepimus)
mihi abeat sine linea.

D I X I.



ORA-

58

O R A T I O T E R T I A E
 CLASSIS, RECITATA
 a
 GEORGIO PAVLO NVZELIO
 NORIBERG.



P+ SCHERBIVS. *Te nunc Georgi Paule Nuzeli voco. NIZELIVS. Mene? Sch. Te ipsum volo, si modo Nizetius minor es? N. Sum equidem, sed vetus est M. D. Rector, sine pennis volare haud facile est. meae ala pennas non habent; sunt alij, qui aetate & ingenio longè me superant. Didici hoc nuper ex officijs Ciceronis nostri: Non solum videndum esse, quàm praeclarum sit illud quod suscipere cogitamus, sed etiam an habeamus efficiendi facultatem. S. Ne verearis: te enim pro aetate tua expectationi meae satisfacere posse spero. N. Credo sanè, puerilia tantum à me expectari, eaq; spe fretus jam nunc obtemperarem; sed metuo etiam nunc, ne mihi forsè idem usu veniat, quod adolescenti illi in Comœdia*

nostra Terentiana, qui ubi ad Iudices ventum erat, nihil potuit proloqui, ita cum tum timidum obstupescit pudor. S. Tu vero dimitte tandem subrusticum istum pudorem, civilem retine. N. Quando igitur ita vis: obtempero. Atq; hoc unicum sanè verbum sit oratiuncula mea principium, quo nullum melius & atati meae convenientius puto à me posse inveniri. S. Rectè quidem dicis, accede ergò, & hanc cathedram ascende, & specimen exhibe ingenij tui.

SEQUITVR IAM ORATIO.

Cum igitur omnia animalia, suas quasdam habeant proprietates, in easq; tacito naturæ impulsu ferantur (alia enim naturâ sunt rapacita, alia insidiosa, alia crudelia, alia timida & ad fugam parata) homo quoq; ipse plurimas à provida & sagaci natura accepit, quæ ipsum ad certas quasdam actiones impellunt. In ijs vero facile primum locum habet illa rerum cognoscendarum cupiditas, quæ ita omnibus est innata, ut quo insignior & illustrior in quoq; est, eo expressius humana natura vis in eo eluceat. Hoc quoq; didici ex aureis officiis Ciceronis nostri. Ita enim ait: Imprimis hominû est propria veri inquisitio atq; investigatio. Itaq; cum sumus necessarijs negotijs curiûq; vacui, tum avemus aliquid videre, audire ac discere, cognitionemq; rerum aut occultarum aut admirabilium ad benè beatèq; vivendum necessariam ducimus. Et si autem contra ipsius naturæ iudicium nos pueri videmur à discendo refugere, revera tamen non tam à cognitione abhorremus, quàm laborem nobis amarum esse ducimus. Crebræ enim nostræ percunctationes de rebus varijs, delectatio fabellarum, in quibus aliud dicitur, aliud significatur, certè non aliunde proficiuntur, quàm à naturali illa cognitionis cupiditate. Naturale etiam nobis est, ut sedium mutatione & peregrinatione gaudeamus. Cujus quidem rei

dem rei audiri causam esse nullam aliam, nisi quia peregrinando identidem nova aliqua, nunquam antea vel visa, vel audita obijciuntur. Nunc videntur nova flumina, nunc montes, nunc castella, nunc thermæ, palatia, templa, amphitheatra, bibliotheca, statua, sepulchra, fontes, cateraq; innumera. Nunc audiuntur nova cujusq; Reipublice instituta, nova leges, nova consuetudines, in victu, in vestitu, in publicis solennitatibus cognoscuntur, ut propè assidue peregrinando videamur aliquid novi discere. Peregrinas vero linguas ubi addicimus, DEVS bone, quanta voluptate afficimur, ut nobis placeamus, ut nos ostentamus, ut omnes hoc novisse gestimus! Hac igitur satis pervincunt etiam nobis pueris nullum esse animorum pabulum jucundius, quàm admirari, discere, scire, si nobis modo cor rectum sit, hoc est, si à natura hominis non descivimus. Iam cum quodq; animal eo perfectius in suo genere sit, quo ad naturæ suæ congruentes actiones est propensius (ut canis quo est sagacior, equus, quo ad pugnam animosior, eo censetur melior & generosior) homo etiam is omnium optimè animum habebit à natura informatum, qui discendi aviditate reliquos superaverit. Cor igitur rectum à natura accepit alas, quibus toto impetu contendit ad libros, id est, ad organa sciendi, in quibus quæ vel ad naturæ obscuritatem pertinent, vel exquisitissima subtilitate à Mathematicis sunt inventa, vel optimè à majoribus nostris aut constituta aut gesta, comprehenduntur. Quamobrem optimi condiscipuli, ne videamur degeneres, corde nati non satis recto, sed distorto & depravato, devoremus sanè eruditionis & scientiæ primas radices, quæ amara nobis videntur. Superemus peregrinorum verborum, ut Latina & Græca lingua fastidium, videamusq; quæ deinde secutura sit, non modo utilitas, sed etiam voluptas. Cogitemus Græcam Latinamq; linguam fores esse eruditionis. Deinde si per eas in ipsas ades

ingressi fuerimus, nos suavissimos fructus inventuros esse. Conferamus etiam inter se duos pueros, alterum nugatorem & ociosum, alterum studiosum & occupatum, ex ætate, anno putemus rationes, & ad calculum vocemus, quid uterq. è suo vitæ genere fructus perceperit. Intelligemus profectò, si non placè sensibus caremus, puerum studiosum primum vitæ multis caruisse propter discendi occupationem. Deinde multo & doctiorem & meliorem esse factum, sine ullo detrimento suo, & maxima cum approbatione omnium: Alterius vero ludos & jocos evanuisse, si nullo cum dedecore & damno (qua tamen vix caveri possunt) at sine fructu & laude. Ego quidem certe non committam posthac, quin pleno gradu ad libros meos properem, ne cujus rei symbolum mihi hodie datum est, cum unquam ingrata oblivione ipse abjecisse videar.

D I X I,




ORA-

ORATIO SECVNDAE

CLASSIS, RECITATA

IOHANNE IOACHIMO GVVAND-
SCHNEIDER NORIBERG.



MVLTVM affectus est, qui benè didicit lo-
qui: non minus affectus est, qui benè tacere. Itaq; me-
lius fortassis esset, si ut olim Romani sedendo vicerunt, ita ego
benè tacendo conarer existimatiunculam, si quam de me habe-
tis, tueri. Et si enim negare non possum, jucundissimum mihi
esse, ea considerare, quibus imitatio aliqua aut tacita insinua-
tio continetur, ut in hisce Emblematis: loci tamen huius
amplitudo valdè me naturâ timidiorem debilitat. Verum ta-
men si Camerarijs & Nyxelyjs licuit esse disertis, crescat in ipsis
periculis mihi quoq; animus. Cum igitur videam testudinem
istam tardigradam & sanguine cassam, repentiè supra librum
P 4 conscen-

conscendisse, eiq; incubando tandem alas adnatas esse, quibus se libret & in sublime efferat : quid aliud censeam vobis adumbrari, quàm quod sine ulla verborum circumsione nobis quotidie inculcatur : Nos naturâ esse tanquam testudines, terra filios, crassos, rudes, hebetes : at librorum assidua tractatione, & quasi incubatione, ita expoliri & exacui, ut nihil sit tam reconditum, quò non ingenij acie penetremus; nihil tam sublime, quò non pervadamus; nihil tam arduum, quod alis sapientia & virtutis instructi non superemus. Longissimo intervallo absunt à nobis caelestia corpora; at librorum usu efferimur, perpetuamq; eorum vertiginem & celeritatem conversionis intuemur. Observamus multiplices orbium circulos, septemq; erraticas & reliquas inerrantes stellas dimetimur, orsumq; & occasum siderum, & varias modo in Austrum modo in Aquilonem commutationes admiramur. Intuemur etiam quæ densissimis natura tenebris involuta sunt, sive subterraneis inspecubus lateant, sive in profunditate maris (magna & arcana natura parte) sensus nostros fugiant, sive in aëre suspensa stupidam plebem hiantem ore ad sese invitent.

Tardè quidem sunt nostra ad virtutem & sapientiam progressionēs, ut hujusce animalis : progressionēs tamen : sardas est alarum accrescio : accretio tamen. ubi vero semel accreverunt, tum humi non amplius repimus, pudet abjecta hac & terrea tractare, in ipsam arcem omnis honestatis, omnis gloriæ, sine ullis impedimentis evolumus. Sine libris igitur eorumq; fructu, imperfecta, obscura, humilis est omnis nostra vita : at virtute & honestate, rerumq; admirabilium cognitione animi nostri de celo demissi, & in hunc ostreaceum carcerem conjecti, ad veritatem, omnemq; honestatem rursus informantur, ad originem scilicet suam viam sibi iterum munientes. Ajunt philosophos Platonicos triplex vehiculum animis adscripsisse, Caeleste, Spirituosum, & Crassum hoc corpus, quod à Platone dicitur ostrea-

eitur ostreaceum, & ab alijs Sepalichrum anima. Quod si quis
 virtutibus purgatricibus sese liberet, ne extremo vehiculo,
 magna jamei ad summa quæ parata sunt subsidia. Vnde Zo-
 roaster præcepisse dicitur: Ne fides spiritum, neq; in profun-
 dum exaugeas, quod est planum. Plena sunt omnia fabulis,
 plena sapientum vocibus, quibus vite nostre imperfectio sine
 fructu librorum, id est, sapientiâ & virtute, adumbratur.
 Præclare profecto philosophus ille, quicumq; suis, qui cum in su-
 am disciplinam puerum quendam suscepisset, & pater ejus in-
 terrogaret, quid ex eo effecturus esset, respondit: Si nihil aliud,
 at illud duntaxat, ne theatrum ingressus, saxum super saxo
 sedeat. Quo dicto significare voluit, nihil inter indoctum &
 saxum interesse. Alijs addendis nolo ego vobis fastidium
 augere. Tantum intelligere potui de Emblemate isto. Cui
 si quid subest magis reconditum, ad id ego ingenui candidiq;
 animi verbum hoc profiteor, Nescio: discere tamen studebo.

D I X I.



Q

ORA-

ORATIO PRIMAE
CLASSIS, RECITATA

2

LEONHARDO DVRNHOFFERO
NORIBERG.



EGO quoque mirificè afficior, non tam munere
& honore ipso, quàm ejus tacita significatione, cujus jà per
atatem & auscultationem quotidianam videor mihi esse ca-
pax. Didici enim hoc ego quoque ex officiis Ciceronũ nostri, par-
va esse foris arma, nisi sit consiliũ domi. Armũ igitur &
consilio, quæ gladio & libro depinguntur, omnis civilis societas
& terrarum orbis conservatur & defenditur. Esi autem
politici philosophi, qui architecti dicuntur beata hujusce vitæ,
res faciant, ut in homine, ita in Repub. principes partes, Agri-
culturam, rem bellicam, & sapientia studium, quæ hepatis, cordi,
& cerebro respondeant: tamen iidem illi haud inviti fatentur,
ex solis

ex solis posterioribus duabus cum veram nobilitatem & dignitatem parari, tum summa etiam adjumenta volubili huic orbi adferri. ΕΨΙΒΟΥΜΤΙΚΗ enim facultas, quæ dedita est alimentis, quæq; ad agriculturam in hominum cætu refertur, longiori intervallo à principibus partibus abest, idcirco ab eisdem illis sapientibus, bestis istis dicitur similis quæ nullam rationis imaginem præferunt. At vero τὸ θυμοειδές, quæ animosa pars in corde locatur, & gladio hic adumbratur, non solum paratior est ad rationem, summam reginam, audiendam, sed etiam non raro pro ea adversus ΕΨΙΒΟΥΜΤΙΚΗΣ astum & libidinem depugnat. Deniq; (si posse paulo altius rem excutere) Notum est hominū perfectionem duobus consumi, contemplatione & actione. Actio ea quæ sese foras dat, insigniter in hominum oculos incurrit, rerum gerendarum facultate & scientia; ea nobis eximie gladio videtur adumbrari: at vero contemplatio, libro. Sic duplex constituitur Philosophia, quæ est perfectio hominū: theoretica & practica, quarum illa contemplatur divitias sive rerum substantias, hac ad eorum imitationem omnia moderatur. Vnde humana duplex virtus, dianoëtica & ethica; duplex mens, alia ad contemplandas res apta, alia ad agendas; duplex deniq; beatitudinis gradus huic omnibus respondens. Ea re etiam prudentissimus Virgilius, cum AENEAM omnibus numeris vellet perfectum instituere, facit eum cunctis virtutibus Ethicis cumulatū: in armis omnibusq; rebus gerendis acrem & industriū: Quo

■ nec pietate fuit, nec bello major & armis.

Alteram partem perfectionis, quæ in contemplatione rerum occultarum & admirabilium sita est, non potuit poeta sine ineptiis declarare, nisi voluisset quasi in scholis ostendere Sophistam de rerum natura disputantem.

Quoadigitur fieri decuit, parè ac sobriè suo more attigis
id quod magni viri suis commentarijs diligenter docuerunt.
Mihi quidem una satis sit, quod confragosam illam & maxi-
mè omnium controversam quæstionem, fecit Aeneas liquidissi-
mam. quippe de anima cum tot tantiq; philosophi, multa qua-
sierunt, ille neq; pauciora neq; obscuriora scivit, quàm quæ ab
Ægyptijs, Chaldeis, Indis sapientibus prodita sunt. In sexto
enim libro quæ ignorabat, ita didicit, ut ea postea docere potue-
rit. A libris igitur oportet petamus primum multarum ma-
gnarum rerum cognitionem, deinde consilium, etiam sapè or-
dinem, magna quoq; ex parte prudentiam, oculum illum men-
tis. A scientia vero rei bellica exequendi facultatem, ut si cæ-
tus legitime sociatus injurijs laceffatur, & tranquillitas à ty-
rannia violetur, ocium armis restituatur. Ex hac istorum
duorum conjunctione facile perspicimus, iis in nationibus, quæ
bellica gloria claruerunt, etiam viguisse studia doctrina, ut do-
ctissimi homines prodierunt, quemadmodum omnibus constat,
in Græcia, quæ Persarum innumerabiles exercitus non modo su-
stinuit, verum fregit quoq; & profligavit. Romana etiam gens
& belligerendi scientiâ ac fortitudine suis præstantissima, &
iis literis, quæ rudēs animos humanitate informant, deditissi-
ma. Macedonum quoq; tot victoria primum ab Alexandro
duce fluxerunt. Is enim Asiam perdomuit universam, & ad
intimos etiam Oceani recessus penetrasse fertur. Deinde à
Phalange quoq; quæ fuit acies in exercitu firmissima. At
vero hac laus ad libros & consilium magnam partem etiam per-
tinet. Nam Alexandrum à primis annis disciplina erudit
Aristoteles, & ad eam tum animi tum ingenij præstantiam
præceptis Philosophia pulcherrimis extulit, ut etiam minus
aquo animo tulisse dicatur acroamaticorum librorum, id est,
reconditiore doctrina, divulgationem. Phalangem vero
ejusq; artem instruendæ, ab uno primum Homeri poeta versu
manasse

manasse dectissimi homines affirmare non dubitant. Ergo his
duobus ita nititur orbis, ut à literis adjuventur arma, & ab
armis litera sustineantur: ὅτι οἱ ἄνθρωποι, ut ajunt, in pulvere
suo erudito, Geometra.

D I X I.

GRATIARVM ACTIO,
RECITATA

à

IACOBO GEVDERO
NORIBERG.

REM arduam quidem, mihi adolescentulo
prorsus difficilem, laudabilem tamen, ac in primis necessa-
riam à me exigis M. D. Rector. Quid enim tam deceat, cum
omnem aetatem, tum imprimis adolescentiam, quàm in benè de
2 3 se meritos

se meritos animum gratum beneficii, memorem declarare? Etenim ut præclare ait Cicero: Nihil tam proprium hominibus est, quam non modo beneficiis, sed etiam benevolentia significatione se alligatum fateri. Nos adolescentes quidem ingenue fatemur atque etiam profitemur, nos & Deo Opt. Max. & Magistratui, & Academia, & hospitibus, summorum beneficiorum vinculis obstrictos teneri. Quapropter etsi gratta quanta debetur, à nobis referri non potest; habenda tamen & agenda omnino est, quantam maximam animi nostri capere possunt. Primum itaque, O Æterne Deus, principium principiorum, caussa causarum, finis finium, tibi gratias agimus & habemus immortales, quod his miserandis temporibus agrum Noricum, inclytum Magistratum nostrum, & hanc Academiam, tam clementer tueris atque conservas, nobisque benigne suppeditis quacunque, ad recte commodeque, vivendum requiruntur. Imploramus & obtestamur te, ut in posterum quoque, nostra salutis & commodis consulas atque provideas: Et tum hanc doctrinarum sedem ac domicilium, tum universam regionem Noricam à bellorum, incendiorum, morborum ac tempestatum calamitatibus tutam & incolumem præstes atque conserves: ut tibi grata & facere & dicere tam diu possimus, dum tandem in domum illam tuam caelestem, omnibus bonis affluentem evocati, tecum eo fruamur sempiterno.

Deinde vobis Amplissimi prudentissimi, D.D. Scholarchæ, ceterique inclytæ Reip. Noribergensis Patres conscripti, vobis inquam gratias agimus maximas, tum pro ceteris immensis beneficiis, quibus Academiam vestram hætenus ornastis & locupletastis, tum pro vestra honorifica præsentia, qua hodiernam nostram panegyrim partim eximie condecorastis, partim etiam liberaliter ac munifice prosecuti estis. Et quoniam hoc jam pridem vestre tribuistis prudentia & humanitati, ut neglectas hoc tempore usus suscepistis: Tribuite quas idem constantia

constantia, ut susceptas, & adhuc liberaliter sustentatas, post-
hac quoq; fovetis, & quibuscunq; rebus poteritis (potestis au-
tem plurimis) augeatis & amplificetis: planeq; vobis persua-
deatis, quantumcunq; eruditionis atq; doctrina studiosi ju-
ventus in h. c. Musivum Emporio sibi comparaverit, id omne
ad nominis vestri celebritatem & illustrationem, atq; ad ditio-
nis vestrae utilitatem ac dignitatem conversum iri.

Gratias etiam habemus & agimus vobis, M. D. Rector;
vosq; ceteri Professores clarissimi & doctissimi, praeceptores
observandi, pro vestra fide, opera & diligentia assiduitate,
quam in nobis erudiendis, atq; ad omnem virtutem & huma-
nitatem informandis adhibuistis. Pollicemur sanctè, nos non
solum sempiternam vestrorum meritorum memoriam invio-
latè pieq; servaturos esse, us & vos perspiciatis, & ceteri intel-
ligant, nos, si in referenda gratia, id quod volumus non fueri-
mus affectus, saltem quod debemus maxime opere conatos fuisse.

Ad extremum, generosis D. D. Baronibus, & liberalium
artium Magistris ac studiosis, itemq; hospitibus ornatissimis,
qui spectandi aud:endiq; causa huc venerunt, gratias agimus
singulares, quod suo jucundissimo conspectu hanc publicam ce-
lebritatem exornare voluerunt. Rogamus universos, ut
quam benevolentiam erga Academiam nostram nunc decla-
rarunt, eam in posterum constanter retineant. Nos vicissim
conabimur, ut singulis & universis, eam quam debemus obser-
vantiam, ubicunq; opportunitas & facultas feret, cumulata
praestemus.

D I X I

Q 4

PANE

XIII.

PANEGYRIS, ANNI


1589.

SVB RECTORATV

M. MATTHIAE BERGII
ETHICI.

Oratio prima classis, recitata

IOACHIMO A DOLAVV.



TINAM vero, quemadmodum orationis tuae argumento optimè convenire video symbolum huius nostri donativi, & sculptura. quae in eo cernitur, argumentum: ita possem etiam ego aliquid dignum loco hoc & ipso isto argumento proferre. Sanè videris

videris mihi quemadmodum Atlas olim Herculem, oneri perquam gravi subdere. Veruntamen quia sic est iacta alea, cogitabo equidem, laudabile interdum haberi, magna suscipere, etiamsi non satù respondeat eventus. ΕΠΙΓΡΑΦΗν ergo donativi mei satù perspicuum est ex poetarum de Hercule narrationibus depromptam esse. Id enim ostendit Hercules clava elevata iectum intendens draconi longo & tortuoso, arborem pomiferam, maliq̃ eleganter resplendentem circumplicanti. Ut Hesperidum hortos ab Hercule spoliatos, & mala illa aurea, poetis multum decantata, ab eodem Hercule ex his hortis ablata, nobis hic indicari non sit dubium.

Horti igitur Hesperidum quæ res fuerint, si mihi est dicendum, omne genus boni est, quod est homini propositum, & ad q̃ consequendum ille contendere sedulo debet. Hercules hominem refert eum, qui vere homo esse, & dignitatem huius nominis tueri eiq̃, satisfacere cupiat. Huic homini scilicet symbolum hoc nostrum præscribit aliquid, ipsi apprimè necessarium observatu: Nimirum (ut Lemma, seu ΕΠΙΓΡΑΦΗ refert) virtutem & ejus merces sudore parari. Cantatissima inquam omnium scriptorum bonorum literis admonitio hic nobis proponitur de eo, Quòd labore sit ad virtutem & bonas res omnes via quarenda. Qua de re cum plurima passim verè & graviter à sapientibus scripta sint, audite quæso me aquis animis pauca, ut possum per ætatem, de eadem balbutientem. Hominem constat ad duas res natum esse, ad intelligendum & ad agendum: idq̃, ex Aristotele retulit Cicero, qui idem hoc explicat: virtutem hominis, quâ præstat ille ceteris animantibus, vel scientiâ vel actione cerni. Ut ita virtus homini propria duplex deprehendatur esse: Moralî, & intellectuiva sive dianoëtica. Ex his intellectuiva, samsi è natura emanat, potissimum doctrinâ tamen excolitur & augetur. Rursumq̃, moralis à

consuetudine atq; usu potissimum proficiscitur, ac tamen ad hanc virtutem natura apti sumus: insita tamen ipsa nobis à natura non est: verum à consuetudine agendi perficitur. Quomodo id autem? Alium etiam paulo hic mihi assurgendum videtur. Non eodem modo nobiscum, quo cum aliis animantibus egit natura: sed cum illis rationem & mentem non concessisset, certum tamen ac decentem, quem serè semper consequerentur, finem constituit: Nos tanto tamq; excellenti munere, id est, diligentia ipsa donatos eo adigit, primum ut in fine deligendo facile decipi possimus, deinde ut in vero proprioq; fine adsequendo plurimum laboris, plurimum diligentiae adhibere cogermur, nisi à nostra conditione recedere, atq; in aliam, & quidem multo viliores naturam converti vellemus. Non enim voluit DEVS hominem ita condere, ut mox esset in summo suae felicitatis gradu constitutus: Sed ita, ut ad eum gradum debitis progressibus produceretur ac procederet. Quamobrem verissime dixit Prodicus Chius: Tot sanctorumq; bonorum, quae nobis sunt collata, non aliam à nobis Deos immortales mercedem exigere, quam laborem ac studium. Poeta quoq; viam ad virtutem ducentem, per quam virtutem homines verè sunt homines, asperam & saxis ac vepribus impeditam finxerunt. Et praclarissime, ut omnia, illud quoq; Aristoteles dixit, πρὸς τὸ χαλεπὸν καὶ ἀρετὴ ἐστὶ καὶ τέχνη. Et virtus & ars omnia circa ea versatur, quae difficultatem habent. Negq; est mala Plutarchi sententia, quae dicit: Numen vult suam munera ad nos per nostram venire industriam, ne stultum videatur, si fauceat densi sui contemplatoribus. Atq; hac commemoratio quid nos moneat, perspicuum est: Nimirum, cum ab ipsius naturae constitutione hoc sit decretum, laborem nobis non esse detrectandum, sed capeendum, amandum, sustinendum: mollitiem contra modis omnibus vitandam, si bonarum rerum participes esse, si finem eum, qui est hominis proprius, &

primis, & à quo ille perficitur, consequi volumus. Sed & alia
 causa sunt, præter modo commemoratam, cur labori sis in-
 cumbendum, nimirum fructus & utilitates ex eo maxima.
 Quæ illæ vero utilitates? Respondeo: emolumenta vitæ huic
 præclarè traducenda maxima: Laus, gloria, honor, denique
 suavisitas vera: atque adeo, ut Epicharmus paucis rem con-
 ficit: omnia DEI dona. Ita enim ille inquit: Pro labore, sua DEI
 cuncta vendunt hominibus bona. Labor enim & voluptas secun-
 dum Platonem, societate quadam admirabili inter se devinctæ
 sunt divinitus, non ita tantum, ut voluptates improbas labor
 & dolor excipiat infelix: sed & è converso, ut laborem ho-
 nestum jucunditas honestissima & verissima consequatur.
 Hoc nostrum animus sedulo insideas: hoc nos excitet ad constan-
 tiam in studiis, ad patientiam, ad tolerantiam in compa-
 randis, per varios casus discrimina multaque rerum, opibus præ-
 stantissimis eruditionis & prudentia, virtutis ac probita-
 tis. Certè omnes sani homines natura ipsius impulsione ita
 sentiunt, eas res à quibus præclarissima bona promittuntur,
 omnibus modis esse persequendas.

Hoc igitur fac sedulo cogites, quicquid hac sacra tra-
 ctas, quæ aliter non constant: & hac cogitatione te confir-
 ma ad patientiam molestiarum, quas studiorum ratio af-
 fert. Oneras te labor: atqui onus illud non debet dici, aut
 molestia, quod te accumules omni felicitate, fructu, emolu-
 mento.

Grave est noctes ac dies consumere in opere literario.
 Atqui gravitatem laboris hujus infinitis partibus supe-
 rant immensi laboris ejusdem fructus. Gravis res est con-
 tinuus labor. Atqui ut minima mala quodammodo bona
 sunt: ita illa mala etiam multo magis, quibus maxima


bona parantur. Hæc igitur altera consideratio nos extimulet & acuat, ut labores necessarios promptè subeamus. Cum præsertim etiam illud accedat, quod ^{μὴ δὲ} ~~μὴ δὲ~~ illi, id est, laboris detractatores molliculi, quorum omnis sapientia illa est, quod laboris incommoda & molestiam exaggerant, ejusq; detractandi occasiones exquirunt: hi ergo quod illud sateri coguntur, Fugam laboris ipsis ad vitam nihil addere, siquidem in longa vita felicitas ponatur: cum illud & ratio ipsa doceat, & vitæ usus exemplis probet, Desidiam & otium inq; voluptatibus omnibus perfrueudis assiduitatem, multo magis accelerare mortem, quam moderatos, & natura convenientes labores: verissimèq; apud Gellium à Catone esse dictum: vitam humanam esse uti ferrum, quod exercendo conteritur, sed cum splendore pulcro. Si non exerceas, tamen interis, sed cum turpitudine: rubigine videlicet illud interficiente. Item homines exercendo videmus contereri, sed cum gloria. Si nihil exerceas, inertia ac torpedo plus detrimenti affert, quàm exercitatio. Atq; hæc omnia si nobis sedulo inculcaverimus, optimè certe nobis consulemus: Tanto quidem certe magis id fieri decet, quanto est, cum omnis ætas, sum præcipue nostra à labore ad voluptatem proclivior: quanto item verius illud Bionis: Facilius est ad inferos via: clausis enim oculis illuc à nimium multis pervenitur. Ad quod malum corrigendum nihil est certè efficacius aut valentius, quàm laborem ita spectare, ut jam fecimus, Et voluptates item eo modo, ut olim Aristoteles monebat faciendum: ut scilicet eas spectemus abeuntes, hoc est, illud sedulo nobis proponamus quod res est: voluptates per illecebras & blanditias ducere ad precipitium: labores honestos per difficultates ac sudores ad immortalitatem. Itaq; quantumvis arduum ac difficile est iter ad virtutem, primum ac proclive ad voluptatem: nos cum Hercule & puero & adulto potius laboriosam virtutem atq; æmiffimos Hesperidum hortos sequamur, quàm per prona & facilia deli-

67
cilia deliciosam & ad interitum ducentem voluptatem. Atq;
ita statuamus : cum omni aetate honesto labore ad virtutem
contendendum, tum in primis nostra.

D I X I.

ORATIO SECVNDÆ
CLASSIS, RECITATA

IACOBO GEVDERO
NORIBERG.



QV ANQVAM nihil mihi debet esse antiquius
M. D. Rector, quàm ut mandatis tuis paream, utq; ea,
qua mihi tuo iussu imponuntur, summa voluntate exequar: ta-
men non possum non animo cohorrescere, intuens in hunc tam
augustum & venerandum confessum, in quo jubeor puer ac pe-
nè insans, loqui: Dicere enim quid dicam? Quod si maximus
R 3 ille apud

ille apud Græcos orator Demosthenes, apud Philippum Macedonum regem orationem habiturus, sic expavit, & animo commotus est, ut paucis admodum verbis expressis penè minus discesserit: quid mihi in hoc tali talium & tantorum confessu virorum constantis mentis esse potest? Sed reficis tamen & recreas me tuæ, ô ornatissima corona, consuetudinis pristinae atq; humanitatis recordatio: quæ mihi non ignota, facis ut sperem, se, si quid minus ornatè, minus aptè, locoq; ac temporis convenienter dixerim, facile atati veniam concessuram.

Itaq; facessere iussu puerili timore, ad peragendum id opera, quod mihi publica imponis auctoritas, tua cum veniâ me convertam. Donativi nostri sculptura est sanè perquam speciosa ac præclara. Ensis videlicet strictus, & illi circumvolutus ramus sive hedera, sive olea: nihil enim interest: cum inscriptione talis: Pulchram clarescere utroq; Quis dubitare potest, quin his duobus symbolicè notentur duo genera rerum, vitam humanam totam complectentia, Pax & bellum; ac secundum hæc duo genera vita, totidem genera facultatis, sive scientiæ, sive artis: quæ omnem vitam ipsa quoq; complectuntur, sive (ut ait Cicero) quæ possunt locare homines in amplissimo gradu dignitatis: una Imperatoris ars: altera viri politici sive oratoris: Quorum ab altero pacis ornamenta retinentur, ab altero belli pericula depelluntur. His duobus vitæ generibus ut nihil est, omnium sanorum confessione, vel speciosis, vel etiam utilius: Ita illud quoq; est æquè certum, ad utraq; hæc etiam literariam nostram occupationem ac studium pertinere. Sunt enim bona litera, & sapientia illa, quæ ex his paratur, parens ac nutricula utriusq; jam dictæ artis, sine omni dubitatione. Eoq; sensu rectè est à Græco poëta Euripide olim dictum: Sapientiâ flos continetur urbium & familiarum; non cithara atq; cantibus. Qui poëta cithara &

ra & cantus mentione eorum vitam notat, qui voluptati & otio inertii indulgent: qui à civium cœtu arcendi sunt, perinde ut membrum putre medicus à corpore amputat, ne sana partes inficiantur. Hippocratis quoq; sententia dicuntur felices populi, qui intelligunt, viros bonos esse ipsis præsidio ac munimento, neq; tam turribus ac mœnibus defendi urbes, quàm sapientium virorum sapienti consilio. Conjugium illud harum duarum præstantissimarum rerum, non est opus ut laudetur oratione mea, per se satis omnium confessione splendidum & commendatum. Quis enim nescit fortitudine militari præstantes bellatores tyrannides abolere, latrocinia prohibere, imperia justa tueri ac defendere? Togatâ sapientiâ rursum priora illa, virtute bellica quasita & parata, tueri atq; conservari, atq; id caveri, ne, quâ magnus aliquis ac præstans heros virtute & armis péperit, in pace alij evertant. Deniq; quis dubitet, quin is, qui duo hac conjunxerit, præclarissimum aliquid adeptus esse dicendus sit, atq; adeo inter homines versari tanquam mortalis quidam Deus? Caterum hac ut verissima sunt: ita cogitare jam possumus pleriq;: Quid ad me ista? qui non sum ita à natura & aliis rebus comparatus, ut huiusmodi conjugium sperare mihi liceat. Vsq; eò enim aquis animis ac labentibus homines accipere solent encomia rerum præstantissimarum, dum se quoq; illas consequi, aut earum certe participes fieri posse putant: hac vero spe ipsis ademptâ, nequicquam laudes ipsis ea, quorum admirandorum atq; capeffendorum præcipua causa ipsis deest. Imò vero respondebis hic vir intelligens, & verius rerum æstimator: omnes qui vivimus, & habemus jam, & habere etiam deinceps cogitamus, locum aliquem in vita, quæ vita cum tota duobus illis temporibus, pacis ac belli, duabusq; item illis, quas diximus, sive artibus sive facultatibus contineatur: æquum est,

ne: inqualicumq; etiam cum ingenij modo, tum facultatis ratione, id sibi proponat unusquisq;, Quomodo vel in utroq; istorum, vel certè in altero exhibere possit utilem patriæ civem. Qua in parte illud Philippi Melancthonis apophthegma egregium semper animis nostris propositum esse debebit: Si non potes esse magnus leo, sis mediocris, & reipub. tamen utilis calculus. Cumq; Philosophia & litera bona ea res sit, qua potest & solet cum ad omnia alia vita munia meliorem aptioremq; reddere hominem, tum nihilo minus etiam fortem in periculis adeundis, & sagacem in providendis avertendisq; iisdem; Summâ, cum philosophia sit verissime vivendi ars, magistra morum & disciplina, dux vitæ, virtutum indagatrix, vitiorum expultrix, animi cultura atq; medicina, quâ nihil præstantius, nihil optabilius est homini datum divinitus; deniq; ea res, qua homines in optimo statu collocare novit, sive in hac, sive in illa parte ex duabus modò notatis Reipublica operam daturus est: Nos hoc intelligentes etiam atq; etiam in partem incumbamus, ut tantum bonum inter nos conservetur, non amittatur, cum multa exempla doceant, doctrina & literarum studia neglecta vel segnius curata etiam, ubi in summum gradum splendoris sui pervenerint, celerius quàm crederetur decidisse: adeoq; cum constet, unâ cum literis bonis virtutem pietatemq; negligenter curata citius extingui, quàm Sol Heracliti, ut est in proverb. Ciceronis. Qua de causa omnibus modis cavendum nobis statuamq;, ne quid tale nostrâ culpâ, vel nostra atasi, vel posteris nostris metuendum sit: operamq; demus, ut florentibus bonis literis ex earum cultu ac disciplina semper suppediunt Reipublicæ tum rogati gubernatores prudentes & boni, tum imperatores item ac bellatores fortes atq; industrii. Atq; hoc pacto si & symbolum ipsum & symboli $\epsilon\pi\iota\chi\epsilon\iota\mu\epsilon\iota$, & laudes splendidissime, quas doctorum omnium judicia tribuunt conjugio harum duarum sive artium sive facultatum, à nobis erunt acceptæ; ut scilicet

69
scilicet ab illis ad studia nostra amanda, urgenda, persequenda,
sedulo inflammemur, rectissime illo fuerimus usi.

D. I. X. I.


ORATIO TERTIAE

CLASSIS, RECITATA

À

IOHANNE VOLFGANGO

ab ELRICHSHAVSEN



NOSTRAM aetatem nihil magis decet, quam
pudor, qui vetat causas querere, cum nobis ex partes den-
tur, ut loquamur tali in loco, in quo nihil puerile locum habere
potest. Potius ergo in eam partem me componam, ut obedi-
am mandatis eorum, qui plus intelligunt, dum ipse quoque plus intel-
ligam, quam nunc per aetatem possum. Donativi nostri epi-
graphe est sane mirabilis: *Mundus, Pavo, candae explicata &*
S *ad spectu*

adpectu deorsum vergente. Quomodo, quaq̃, consideratione
quæso hac tam diversa conciliavit imaginis sive Emblematis
auct̃or? Id vero exprimit addita epigraphæ, Vanitas: Ea vi-
delicet res nobis hic consideranda proponitur. Ille inquam
affectus, quem Pavo refert, superbissima avium, formaq̃, sua
superbiens, quamvis pedum deformitate potius demittere de-
bens cristas, quàm erigere. Illa (ut dicam) in mundo univer-
so usq; quaq; oculis nostris obversans vanitas, opposita veritati,
rei omnium in mundo præstantissima: de qua veritate ita Pla-
to: Veritas & Diis & hominibus dux est ad omnia bona con-
sequenda: Cujus, quicumq̃, felix beatusq; futurus est, statim ab
ineunte ætate particeps esse debet, ut ita quàm diutissimè &
verissimè vivat. Hanc sanctissimæ rei contraria est vanitas,
res illa, quàm ut est orbis terrarum usq; quaq; refertissimus: ita
est eadem à Deorum immortalium choro alienissima, non mi-
nus quàm invidentia, de qua hoc idem modo laudatus auct̃or
pronunciat; in cuius horrendi mali descriptionem si incum-
bere vellem, rem tentarem longè supra meas vires positam.
Dicendum enim mihi esset de infinitis pestibus, quæ ex hac
mali radice expullulant, & quarum plena est universa homi-
nam vita: in quo argumento exitum non inveniret oratio.
Ac mihi quidem videtur mystica Evangelica historia sapi-
entia in verbis Pilati, ut brevissimè, ita verissimè Mundi
sensus intimos depinxisse, cum CHRISTO ad ipsius tri-
bunal stanti, & affirmanti se Regem esse, in mundum ad id
missum, ut veritati testimonium perhibeat, homo profanus
& nihil nisi sæculum sapiens respondet: Quid est veritas?
Despicias tu, qui te vera præ cæteris videre iudicas, cum omnia
sint talia, qualia putant & volunt, qui sunt potentiores, &
qui in sua jura possunt cogere alios: ut nos Romani: aut,
qui magnopere referre putas, quid sentiant homines de Re-
ligione, de Deo & virtute atq; probitate: cum sua cuiq; genti
sit religio

70
sit religio, suae opiniones, mordicus retenta observataq. à singulis. Deniq. qui etiam certò perspectis veris sententiis spes, te revocaturum esse homines ad studium & amorem veritatis, & vera officia: cum omnium mores sint pleni furorum, doli & insidiarum, cumq. haec pessimae artes maxima pramia, maximos honores habeant: & cum is, qui ad contraria nitatur, nihilo plus proficiat, quàm in publico incendio proficere potest unius hominis manu aggesta aqua. Huiusmodi videlicet est iudicium mundi de veritate. Ut proinde merito dici possit:

Vita hominum nihil est nisi fumus, hypocrisis & fraus.

Tale quid mihi videtur haud absurdè de hoc nostro symbolo cum cogitari, tum dici. Verum quia hoc pelagus argumens, ut sic loquar, ingredi, non est opere puerilis: desectam ego ab hoc cursu navigationis meae, & Salomonem, regem sapientissimum, quiq. probè cognitum habeat Mundum, argumentum istud persequi sinam. Cujus illa est vox memorabilis: Vanitas vanitatum & omnia vanitas: nimirum omne id in rebus humanis, unde abest ille, omnis sapientiae principium & medium & finis & apex & fundamentum, Timor Domini. Atq. hac, ut dixi, verissima mihi esse videtur symboli explicatio: verum ego hanc expositionem altis adultioribus meditandam relinquens, ad nos pueros illud deinceps accommodabo. Nos ergo, quia ejus quem hic pictum videmus, quemq. sacrae litterae in maligno ing. vanitate situm esse dicunt, Mundi portio sumus etiam ipsi, in eoq. vivimus, & viaturi sumus, quoad volet DEVS a vi nostri arbiter: adeoq. quia Mundum intra nos habemus, & vero quia audimus, Mundum vanitati esse subditum totum: attendere hic summò operè etiam ag. etiam debemus, Quonam modo nos rectè comparemus, ad bene decurrendū spacium in hoc Mundo nostrum. Et alia quidem aliàs docemur:

Nunc quid ista Pavonis explicata cauda, & vero ejusdem deorsum ad pedes respectantis forma considerare nos jubeat, perpendamus. Duo hic meo judicio indicantur, pueris præcipuè necessariis. Vnum, laudis studium, quod ad rectè discendum agendumq; calcar & aculeum subdat, secundum illud poëta latini:

Laudatas ostendit avis Iunonia pennas.

Alterum, pudor sive modestia, qua in agnitione sui suæq; fortis, suæ infirmitatis, actiones cupiditatesq; regat instar habena ac restinaculi: Quod est jam temperamentum quidoti-
pias ac modestia, ætati nostra æquè necessariū, atq; est univ-
erse vitæ necessaria ἐν παντί & ἐν αἰσίοις, ut Protagoras dicit apud Platonem, hoc est: AEquabilis quadam & suis numeris
scitè congruens constructaq; ratio: ut ne nimū se offerat indoles
illa animi humani indomita: sed deprimatur ratione ac pudore
liberali, ex agnitione pedum, id est, humana conditionis, orto:
qui pudor tanquam custos morum frenet animum, & ad officij
curam revocet: ut ne id eis eveniat, quod multis officit, quo-
minus perveniant ad eruditionem justam, quod pramasurè
concepta opinione doctrina, remittunt de studio, & intellectu
uno aliquo argumento aut parte doctrina, stolidè putant, se sa-
pientiores esse omnibus præceptoribus suis, omnibusq; adeò homi-
nibus. Qualis arrogantia cum ipsa per se est digna odio, cum
omnibus salutaribus progressibus ita officit ut quod maximè.
Omultum laudandos, qui hac duo ita, ut dixi, conjungunt:
animi dico elationem cum humilitate ac modestia. Hoc nos
istò symbolo moniti faciamus. Cumq; ad discendum nos esse
divinitus vocatos sciamus, discamus artes eas, quibus excoli-
tur præstantissimū rationis donum, purgantes per eas sine
doctrina facile cacutientem animæ oculum: ut doctrina excul-
ti dignoscere possimus veras sententias & vera bona à falsis,
nec quod maxima hominum parti evenit, postquam in hac vi-
ta, veluti

ta, veluti in specu Platonis, spectra opinionum pro veris senti-
 tiis, & umbras inanes pro rebus captaverimus, vanis & infe-
 licibus studiis, tandem in barathrum aeterna miseria & Van-
 itatis abjiciamur. Discamus intelligere Naturae opus, divini-
 tus conditum ad nostros usus, cum alios, tum præcipuè eum, ut
 in illo opere Conditorum admiremur, & ita ad illud Ens Enti-
 um, quod unum vere est, & à vanitate omni longissimè distat,
 adjungamur. Deniq, discamus bonas artes reliquas non ad
 fumum & fucum, non ad speciem & phantasiam, sed ut verè
 sapiamus, & ita Deo optimo maximo, rerum omnium Domino,
 placeamus. ad cuius imaginem facti sumus. Sed jam dudum,
 puto, Harpocrates mihi digitum tollit, aut potius sustulit.
 Verbum igitur non addam amplius, nisi ut vos orem, ne huius
 mea paulo prolixiori commentationi succenseatis.

D I X I.



ORATIO QVARTAE

CLASSIS, RECITATA

2

IOHANNE ERNESTO HALLER

NORIMBERGÆ



IN nostro donativo leonem videmus, rictus
 aperto furens ac minanti similem. In ejus capite manus
 conspicitur, calitus protensa, vel quasi mulcentis caput ejus,
 quem dico, Leonis: vel quasi pilis correptum eum ducentis.
 Puto ego leone significari affectus animi humani: quorum im-
 petus rapidos ac vehementes notum est à sapientibus feris belli-
 cis, leonibus, lupis, canibus, equis non cicuratis sed infrenibus,
 comparari. Ac fortasse etiam adolescentiam, qua præ aliis
 ætatibus affectuum quasi procellis ac tempestatibus agitur &
 fertur, Leo iste notat. Manus illa è cælo porrecta, & Leonis ca-
 put prensans, Ratio est atq; disciplina divinitus affectuum tur-
 ba præfecta: ita ut magisterio suo illos regat & compeſcat, itaq;
 in po-


in potestate habeat, nunquam ut ex ea potestate exire possint: Quod absq. hoc magisterio fieri & solet, & oportet, cum magno rerum humanarum incommodo. Est enim in animo hominis naturaliter pugna horum duorum inter se: affectuum dico, & rationis: qua in pugna etsi q. est melius nobiliusq. (videlicet ratio) dominetur deteriori (affectui videlicet:) evenit tamen, ut non semper naturalis lex in hoc rerum conjugatarum ordine administrando observetur. Equus enim ferox & indomitus interdum sine ullo modo excurrens sessorem quoq., vel virum imbecillitate, vel artus equestris imperitia succumbentem secum rapit: quando fertur equis auriga nec audit currus habenas. Hoc ne fiat, disciplina & institutio efficit, quæ rationi, aliàs imbecilliori, sese adjungens, unà cum illa violentos & rapidos illos spiritus compefcit ac ducit ad optimam partem, atq. precipitio, in quod aliqui ferrent & ferrentur, avertit. Itaq. facit, jam mulcendo eos opportunè, ac palpis convenientibus illorum ardorem mitigando: jam moderata adversatione, tractione atq. impulsione eos in gyrum rationis ducendo: & ita PAVLATIM, ut inscriptio nostri symboli habet, longius ac longius procedit in illorum natura componenda, fingenda, formanda, ad statumq. naturæ hominis convenientem deducenda. Non enim aliter, quàm hoc temperamento severitatis & indulgentiæ, hoc opus, de quo agimus, peragi, aut ad finem optatum res illa deduci potest. Neq. commodi sunt adolescentia regenda illi magistri, qui modum hunc in puerili institutione observare tenereq. non didicerunt. Verum de hac peritia, quæ in iis esse debet, qui ingenia fingunt & formant, minus decet, ut ego puer loquar: cum præsertim satis constet, huic rei præesse apud nos viros tales, qui norunt & moderato obsequio, & amabili severitate in ingeniis ducendis uti quiq. sedulo illud cogitant ac sequuntur, quod est sapienter à poëta dictum:

Flectitur obsequio curvatus ab arbore ramus:
Frangas, li vires experire tuas.

hoc est, qui omni diligentia ac circumspeditione cavent, ne inconsultius resistendo studiis & cupiditatibus atatis primæ frangant magis quàm corrigant, quibus consulere volunt ac debent. Itaq; deinceps potius, quid mihi & hisce meis equalibus spectandum sit in hoc symbolo proponā, nempe quod ad nos adolescentes potissimum pertineat. Neg, vero tantum oportet, ut magistris nobis opus esse agnoscamus, eosq; admittamus patienter, & promptè libenterq; iussis eorum accommodemus: sed etiam ipsi discamus affectuum malorum intemperias & agnoscere, & maturè cœrere, prius quàm diffundantur in animum, eumq; ex omni parte penitus subigant. Insectus enim cupiditatibus animus (qualis est omnium eorum, qui non à teneris sese cultura accommodant) haud facile virtutis & rationis freno regitur. Aversatur enim honestos & salutes monitus, & velut effrenus equus calcib. ac morsibus insultat, sessoremq; excutit & perturbat. Discamus ergò manum illam divinitus protensam, & jam blandè mulcendo, jam durius trahendo nos exercentem, patienter ferre, eiq; nos accommodare. Discamus inquam Rationem, & per eos qui nobis præsunt, & per nosmetipsos etiam, ad optima hortantem magni facere: igniculosq; illius nobis oblucentes exuscitare, excolere, inq; vita & moribus sequi. Affectus autem, quia eos eruere neg, natura humana conditio patitur, neg, fortè expedire id fieri, ita habeamus, ut eos, cum ad alia fortè nos incitant, non mox tanquam clausis oculis sequamur: sed paulatim magis magisq; illis renitamus, eosq; assuesfactione ad officium ita paremus, ne illos habeamus ratione valentiores. Ita futurum est, ut ad injusta & rationi contraria facinora perpetranda vel non excitemur, vel si quando excitemur, statim tamen illos motus rationis freno compescere possimus. Quo in studio, si esses hoc tempore in

omni atate major diligentia: major quoq; esse poterat virtutis
& pietatis proventus. Sed quia hac quoq; oratio mea atati
minus videtur convenire, ad pensum prius me revocabo: ad
illam dico, de leone eo, quem intra nos gerimus, in obsequium
disciplina adducendo considerationem. Et cum hoc, quod di-
co, humana ope sola effici non possit, sed majoribus omnino
opus sit praesidiis, Divini nempe Spiritus gratia, cujus unius
auxilio illa portenta expugnantur: DEVM precor & preca-
bor, ut me & alios aequales meos ita regat & gubernet, ne
pars animi melior deteriori succumbat: sed ut in atate hac lu-
brica cultura aurem patientem accomodemus, itaq; adolesca-
mus in eos homines, qui possint DEO grata dicere & facere.

D I X I.



GRATIARVM ACTIO,

R E C I T A T A

à

PAVLO SIDELMANNO

NORIBERG.

NVLLA res dignior est hac nostra atate no-
strisq; studiis, quam ut cum piis & castis Musis conjun-
gamus decentes Gratias, hoc est, ut & beneficio affecti agno-
scamus hoc, & ingenuè fateamur: Et vero gratiam quoq;
quam sinit facultas, sedulo reddamus. Ea, virtus est grata

T

DEO

DEO & hominibus: sicut ē diverso ingratitudo capitalis est
pestis vite humanae, DEO pariter & hominibus exosa. Quod
cum ita sit, & vitium hoc turpissimum nobis est omnibus mo-
dis vitandum, & virtus illi opposita sollicite consecranda.
Quocirca ego & meo & horum commilitonum meorum nomi-
ne Tibi DEVS aeternae, Pater Domini & Salvatoris nostri
IESU CHRISTI, cum Filio tuo unico & Spiritu
Sancto tuo, uni vero, immortalis, & soli sapienti DEO, ago gra-
tias, non quantas debeo, sed quantas possum animo meo concipere
maximas, quod hoc honestissimum bonarum literarum
domicilium nobis benignè aperuisti, & semel apertum conser-
vas, ut in eo possimus doctrinā sapientiae divinae atq; humanae
instrui, ad gloriam tuam, & nostram aliorumq; salutem. Teq;
rogo toto pectore, tuere & conserva nobis idem hoc bonum:
ut per nos & alios recte institutos edoctosq; propagari possit in
genere humano noticia tui, & fiant hic & alibi, quae sint tibi
grata. Ago deinde Amplissimo & prudentissimo Senatui
Noribergensi, & Nobilissimis Dominis Scholarchis, Domi-
no item Procancellario viro clarissimo, gratias, quas animus
meus capere potest, maximas: cum pro alijs praeclaris & am-
plissimis in nos meritis, tum pro honorifica nobis ipsorum prae-
sentia. Vobis praeterea celeberrimi Academiae huius Docto-
res: Tibi Magnifice D. Rector, & ceteris clarissimis, reve-
rendis doctissimisq; dominis Professoribus & praeceptoribus sum-
ma observantia dignissimis, gratias immortales ago: quod fi-
delitate & industria vestra de nobis benè mereri non desinitis,
optimis artibus ac disciplinis nos instituentes, & ad virtutem
sedulo ducentes: absq; quo & hodierni diei honore, & multis
alijs commodis carere nos oporteret. Nos vicissim vobis, cla-
rissimi viri, praeceptoresq; honorandissimi, honorem, cultum,
observantiam omnem, ut studiosis adolescentibus dignum est,
pollicemur ac praestabimus. Ago deniq; gratias Generosis
Dominis

74

Dominis Baronibus, Nobilibus & Studiofis hospitibus, uni-
 versaq; huic literata societati: qui sua honorifica presentia &
 consessu gratissim, actum hunc cohonestarunt & auxerunt.
 Quibus etiam ipsis promittimus obsequia & officia nostra, si-
 miliaq; studia vel in consimili re, vel in alia quavis honesta:
 Eaq; sedulo & libenter nos ipsis prestituros pollicemur. Po-
 stremo universam hanc coronam rogo atq; oro, ut si hac mea
 gratiarum actio verbis est tenuior, quam pro amplissimi hujus
 consessus dignitate, potius ex animis nostris orationem, quam
 ex oratione sententiam atq; officium nostrum aestimare velit.

D · I · X · I ·



T · PANE-


XIIII.
PANEGYRIS, ANNI
1590.

SVB RECTORATV
D. D. EDONIS HILDERICI
THEOLOGI,

Oratio prima classis, recitata

ab

ISAACO LVSSIO DORDRACENO
HOLLANDO.



QVI animantium ceterarumq; rerum
naturas investigant & perscrutantur, Auditores
optimi, ex omnium avium genere Lusciniam
maximè admirari solent: quod in tam exili cor-
pusculo vox tam varia, tam suavis, tam clara atq; contenta in-
sit, quod

75

fit, quod verno tempore cum arbores frondent, herba pubescunt, quindecim diebus ac noctibus usq; & usq; liquidissimos cantus tenui gutture fundites, atq; intimos audientium sensus incredibili voluptate permulceat, itaq; & Ovidius scitè canit:

Dulcis amica veni noctis solatia præstans,
Inter aves etenim nulla tibi similis.
Tu philomela potes vocum discrimina mille,
Mille potes varios ipsa referre modos.

Vnde quæso in avicula tam pertinax spiritus? unde vis illa anima contenta tanta, ut una cantus continuatione geminata vocis & contentio & remissio audiat? unde tam artificiosa, tamq; perfectæ Musica scientia? tam ingeniosa modulatio, tam dulcis gratusq; sonus? qui modo in longum continuo spiritu protrahatur, modo verè flectatur: nunc concisa voce distinguatur: nunc intorta copuletur. Quid? cum iterum vocem revocat, & integra comprehensione cantum edit? Quid? cum modulos præter opinionem repente commutat? Quid? cum ipsa tacitè secum jucundè murmurat? nulla profecto tam difficilis, tam varia auditur cantio, quam non exprimat una luscinia: plenam, gravem, acutam, crebram, contractam, diffusam, attenuatam, inflatam, continenti aut intermisso spiritu emissam: summam, mediam, imam. Quid plura? tam parvulus in faucibus, tam in angusto gutture, omnia, quæ ars humana multo labore, variis instrumentis, cantionem genera excogitavit, plenè expressa reperiuntur.

Estne vero huic avicula, tam jucunda, tam innocenti suus etiam hostis, Auditores? Est profecto, id quod numisma quoq; nostrum, non obscurè indicat atq; innuit. Nam in eo expressa est imago Lusciniæ, viperam velut acerrimum hostem tanto studio & conatu à se propulsantis, ut vitæ periculum potius sub-

itura,

itura, quam hostem ad nidum admissura videatur. Est nimirum hoc natura imperium: hac vis & contraria affectio istis animalculis insita atq; ingenerata. Nam multis in rebus tum animatis, tum inanimatis, naturale quoddam dissidium notare & animadvertere licet: id quod exemplis nonnullis planum faciamus. Homini infestissimum animal est crocodilus, qui arse militiam adjuvat, & hausta aqua semitas facit lubricas, in quibus homines è Nilo aquam petaturi, si collabuntur, eos devorat, & trunco corporis absorto, caput lachrymis profusis macerat, & id quoq; tandem devorat. Equus adversatur urso, & hostem aggressurus eum transilit, saltuq; ipso posteriores calcēs capiti illius impingit: contra vero ursus equi ventrem ungibus petit & scalpit. Sic equus si in lupi vestigium pedem ponat, obtorpescit. Aquila dissidium est cum draconibus minoribus, itemq; cum Trochilo. Aquilarum penna ceterarum avium pennas comminuunt & absument. Araneus exitiosus est serpenti & bufoni, quos aculeo in frontem adactō interimit. Simius miris modis auersatur testudinem. Acanthis odit asinum, & audito eius clamore, ova è nido deiecit: aut pulli ejus metu decidunt. Vulpes abominatur milvos. Leo ad Gallitantum contremiscit. Pullus gallinacens vix ovo exclusus, milvum aut accipitrem procul etiam visum exhorrescit: cum interrim nec equum nec elephantem reformidet. Lupus solo obtutu homini vocem adimit: idemq; agnos tam crudeli odio prosequitur, ut pulsato tympano lupinus pellibus obducto, greges diffugiant: & vestimenta ex lana sive ex pellibus agnū lupi morsu violatū confecta, incredibilem pediculorum multitudinem procreent. Adeo horum inimicitia ne morte quidem extinguuntur. Cancer attactus herba Polypodio chelas abjicit. Vespertilio ex incense hedera suffumigatione moritur. Vultur ex unguentorum odore interit. Serpens, si sibi alā tangatur, commoveri non potest: si vero in eum querna folia conficiantur, emoritur.

titur. Sic olores & aquila, corvus & chloris, cornix & no-
 ctua, cateraq; multa huius generis animalia, mutuas inter se ex-
 ercent inimicitias. Sic porro in rebus inanimis quocunq; te ani-
 mo & cogitatione converteris, exempla comperies. Quercus &
 Olea ita inter se disident, ut altera in alterius serobe reperta
 elanguescat atq; intereat. Sic Quercus à Iuglande discordat.
 Sic vitis brassicâ refugit, atq; in diversam partem sese reflectit.
 Similis inimicitia est inter cicutam & vinum: Cicuta quidem
 homini venenum est, cicuta verò vinum. Sed quis omnia ex-
 empla enumeret & persequatur? Hac pauca ex innumeris deli-
 bere placuit, ut intelligeremus, inter Vipera[m] quoq; & Lusini-
 am nostram, non fortuitum atq; extrinsecus accersitum, sed na-
 turale, idq; perpetuum esse disidium. Nam ut norunt ij, qui ser-
 pentes ad venena paranda consecantur & querunt, vipera
 plerumq; circa cubilia nidosq; lusciniarum reperiuntur: & ob-
 servatum est, lusciniam conspectâ viperâ mox obmutescere, su-
 amq; dulcissimam cantilenam in queribundam ac lamentabi-
 lem vocem commutare. Nec tamen interim nidum deserit &
 aufugit, sed alarum strepitu, & suis tanquam lamentis, hostem,
 quantum fieri potest, territare & propulsare conatur. Verum
 quando animadvertit, suos conatus fore irritos, nec ulla ratio-
 ne hostem profligari posse: tunc celeris sagittæ inslar magno im-
 petu in hiantes viperae fauces involat: ac si sortè lethali morsu
 saucietur, tunc vita sua interitu testatur, se pro viribus elabo-
 rasse, ut bestiam venenatam à se suisq; repelleret: maluisseq;
 mortem egregiam fortiter oppetere, quam in perpetuo insidia-
 rum metu versari. Hoc insigne exemplum, Auditores, nobis ad
 imitandum propositum esse statuamus. Nam & homo suos &
 domesticos & externos insidiatores & hostes habet, à quibus pe-
 ricula metuat necesse est. Corpus quidem hominis non modo se-
 metuti & morti, mille de causis impendenti, sed infinitis
 etiam

etiam morbis ac lesionibus est obnoxium, ad qua partim prudenter vitanda, partim aequo animo perferenda, diligenti preparatione opus est: ut nimirum uniuersusq; animum habeat DEO dicatum, ejusq; ope fretum, ut moderatè & innocenter vivat: ut quantum fieri possit, ea qua nocitura videantur, declinet & avertat. Sed de corpore nunc non est dicendi locus: Animum hominù intueamur, ejusq; hostes paulo accuratius dispiciamus. Menti autem humane imprimis adversantur tetra inscitia atq; erroris caligo, & prava cupiditas. Caligo discutitur cognitione rerum divinarum & humanarum, qua tanquam luce circumfusa mens faciliè cernit, quid verum, quid falsum, quid rectum, quid pravam, quid appetendum fugiendumve sit. Ut enim oculus cernere non potest, nisi res aspectabiles Solis luce collustrentur: ita nec mens suas functiones rectè obire potest, nisi doctrinarum lumen ei affulserit. Cupiditas autem prava variè mentem dirigat & perturbat: cum videlicet animus aut voluptatum illecebris, aut dolorum facibus, aut divitiarum splendore, aut obscura paupertate, aut honorum siti, aut ignominia metu, aut mortis terrore variè afficitur, & veluti fluctibus perturbationum, in diversas partes agitur, ita ut neq; virtutis, neq; sapientia studiis vacare possit. Etenim ut de avaritia & de ambitione nunc nihil dicam: quanta quæso vis est & incitatio voluptatum atq; libidinum, qua inisio quidem velut blandissima pellices blandiuntur, sed cum animos occuparint atq; subegerint, dominantur ac tyrannidem exercent, & plurimos ad flagitia & scelera, indeq; in omne genus calamitatum precipites agunt: ut in amatoribus, & ebriosis aleatoribus cernere licet: qui, ut Phadria Terentianus, prudentes scientes pereunt, nec tamen perniciosum illud jugum suarum voluptatum ulla ratione excutere possunt. Vnde Cicero rectè ait: Nullam capitaliorem homini pestem esse quàm corporis voluptatem. Hac, hac est illa vipera atrocissima, qua

Scholas

Scholas & Academias pervadit: & luscinijs, hoc est adolescen-
 tibus insidiatur, eosq; veneno suo inficere atq; corrumpere cona-
 tur. Qua cum ita se habeant auditores, neminem vestrum esse
 puto, qui non omni cura, summoq; studio adversus istos perni-
 ciosissimos humanae societatis hostes, nimirum contra ignoran-
 tiam pro eruditione, & contra improbitatem pro virtute, acri-
 ter & forsiter, atq; etiam si res ita postulet, cum valetudinis &
 facultatum suarum periculo & jactura depugnandum esse sta-
 suat. Voluntas certe, & honestus conatus, magnam habens
 vim, & quidem in virtutis studio tantam, ut facultas etiam
 plerumq; illam sequatur. Qui stadium curris (inquit Cicero) e-
 miti & contendere debes, quam maximè possis, ut vincas: sic
 qui in literarum curriculo versatur, omni opera & studio elabo-
 rare debes, ut eximiam sapientia & virtutis laudem consequa-
 tur. Quod si ea vis ingenij, ea subsidia facultatum, ea corpo-
 ris vires, ea hominum studia non suppetunt, ut operatus labori
 respondeat eventus; non ideo animus remittendus est, aut
 abjecta hasta de statione decedendum. Nam (ut pereleganter
 Simplicius scribis: τὸ κατὰ φύσιν οὐκ ἐν τῇ περὶ αὐτῆς, ἀλλ' ἐν τῇ προα-
 γοῇ ἐστὶν). Id est, Rei bene gesta laus, non ex eventu, sed è consilio
 & voluntate ponderanda est. Atq; ut nostrum symbolum
 habet:

Ut defint vires, tamen est laudanda voluntas.

D I X I.



V

CRA-

ORATIO SECVNDAE
CLASSIS, RECITATA

HIERONYMO SCHALLERO
VVITBERGENSI.



ITER *adolescētia non minus incertum esse,*
quā serpētis viam in rupe, & navis vestigium in mari, &
avis volatum in aëre, nisi divinitus gubernetur, sapiens quidam
Hebraeus affirmavit. Cum enim auctore Platone, & teste experi-
entia, homo sit animal natura mutabile: quid de adolescētia
sentiendum est? quae & propter calorem atatis, & humorum
mutationem, & importunos affectus, & rerum imperitiam, fa-
cilimè in hanc illamve partem impellitur: sed facilius in dete-
riorem. Est enim hac aetas in primis prava cupiditati obnoxia,
quae illecebra est turpitudinis & escam alorum, quae improvidus
adolescens faciliè capitur, nec tamen se captum sentit, nisi cum
imprudētia pœnas luit. Atq; huius rei imago in Brabeo no-
stro

stro proponitur, in quo leopedei spina confixum ostentans cernitur, cum hoc Emblemate: Saucius erro. Quod symbolum ut exactius intelligatur, opera pretium fuerit ex Aetiano & Gellio repetere historiam Androdis servi, quem fugitivum leo in Africa triennio aluisse, & postea feris obiectum (inter quas fortuito, idem leo sum captus erat) adversus pantheram defendisse fertur. Cum à senatore Romano servus, cui nomen Androdus erat, aufugisset, ut tuto deinceps latere posset, in solitudines sese contulit: ubi cum solis ardores perferre non posset, in speluncam refrigerandi recreandiq. sui causa secessit. Erat autem specus iste latibulum leonis, qui sum aberat, ferasq. persequabatur. Hic cum à venatu pede graviter sauciato, rediisset, atq. in juvenem incidisset: ipsum blandè ac mansuete aspexit, & tanquam vulneris curationem ab eo flagitaturus, pedem saucium ipsi porrexit. Servus etsi primum toto pectore tremebat: tamen animadversa leonis comitate, cognitoq. pedis morbo, seipsum collegit, animoq. erectiore esse cepit: mox itaq. spinam, qua leo confixus erat, e pede extraxit, cruorem absterxit, omnemq. doloris acerbisatem ita mitigavit, ut leo pede in manu Androdis posito, aliquantisper incubuerit ac conquieverit. Sed & osceps seu primum curationis medico suo persolvit. Nam quascunq. feras cepit, eas cum Androdo communicavit; atq. adeo tam gratus, acceptiq. beneficij tam memor fuit, ut & hospitium & victum homini benè de se merito praeberet. Verum Androdus triennio ita exacto, habitationis & solitudinis satietate atq. fastidio affectus est: Itaq. specum absente leone tandem reliquit ac demigravit. Sed cum vix tridui inter confecisset, à militibus captus & vinctus, Romamq. deductus est, ubi ab hero suo de admissio facinore reus factus, capite damnatus est, ut bestiis dilaniandus obiceretur.

Cum jam ad pugnam cum bestiis committendam intruderetur, ecce leo quoque, qui omnium atrocissimus ac ferissimus habebatur, hominis antehac hospes, & non ita pridem captus, cum alijs immanissimis bestiis in theatrum immittitur: qui simulatque Androdi presentiam animadvertit, primum velut admiratione obstupefactus, substat: sensim deinde ac pedesentim ad hominem accedit, cauda blanditus eum permulcet, & pedes manusque ejus leniter lambit, nihilque prorsus pratermittit, quod ad hominem metu propè exanimatum erigendum & confirmandum pertinere videatur. Androdus incredibile illa leonis humanitate perspecta, respirat, atque in spem meliorem inductus, leonem vicissim alacrioribus oculis intuetur: atque ita alter alteri lato vultu de mutua recognitione quasi congratulatur. Interim cum Panthera hominem invadere conaretur, Leo hospitem suum non modo à laniatu defendit, verum etiam Pardalim discerpit atque dilaniat. Hoc spectaculum summam admirationem spectatorem movit. Es Caesar (seu quis alius fuerit, qui hoc spectaculum exhibuit) Androdum ad se accersivit, ex eoque rem universam penitus cognovit: quae cum passim deinceps divulgaretur, universus populus acclamatione sua & servum & leonem libertate donandum esse significavit. Itaque Androdus non solum crimine absolutus, & in libertatem vindicatus est; sed etiam leo totius populi suffragiis ei donatus est: quem cum postea tenui loro vincitum tota urbe circumduceret: homo quidem are cumulatius, leo verò floribus liberalissimè conspersus est, & obvii quique acclamarunt:

Hic est leo hospes hominis: hic est homo medicus leonis. Hac insigni historia, Auditores optimi, de duabus potissimum rebus nos monet. Primum de vitiis atque erroribus nostrum maturè corrigendis: deinde de gratia benè meritis persolvenda. Nemo quidem in hac mortali vita reperitur, qui in tanta ingenij caligine & imbecillitate virium ac pravitae voluntatis, im-

ser malorum insidias atq; iniurias, & multiplices fortuna procellas, non saepenumero erret, impingat, labatur: sed tamen omni cura providendum atq; evitandum nobis est, ut, si virtutem perfectam assequi non liceat, saltem sequamur, & ad eam aspiremus. Et si enim humanum est errare, neminus tamen, nisi insipientia est, in errore perseverare. Quod si igitur nos errasse intelligamus, statim de erratu ac delictu etiam minimis corrigendis cogitandum est. Nam qui in parvis sibi ignoscit, paulatim ad maiora progreditur, donec in omnem turpitudinem prolapsus, nec decus nec honestatem cures. Quod si vero à nobismetipsis medicinam impetrare non liceat, tunc fidelis prudensq; viri monitu opem querere debemus, à quo ad salutem reducamur. Quemadmodum enim leo noster saucius tansisser oberravit, dum in hominum conspectum incidit, atq; ab eo vulneris curationem efflagitavit: Ita adolescens, qui in vitiis & erroribus vulnus accepit, conquirere non debet, donec in bonorum ac prudentum virorum consiliis & admonitionibus salutarem animi vulnerati medicinam inveniat, qua inventa omni studio cavere debes, ne denuo cupiditate victus in aliquam turpitudinem relabatur: atq; ne vulnus, quod consanuisse videbatur, maiori cum periculo recrudescat. Reliquum porro est, Auditores, ut de altero historia nostra fructu, qui ad gratiam bene meritis persolvendam pertinet, breviter dicam.

Hoc namq; nostrum potissimum munus atq; officium est, ut memoriam acceptorum beneficiorum perpetuò conferremus: & ipsi qui de nobis bene meriti sunt, gratias debitas habeamus, & verò, quantum in nobis est persolvamus. Sic enim & accepta beneficia tuebimur, & amplioribus muneribus ac donis augebimur. Nam gratia parit gratiam, & animos alios aliis necessest, ac singulari inter se benevolentia devincit atq; conglutinat: adeo ut animus memor & gratus nunquam premio careat: sed eo-

rum genere bonorum ornatur ac cumuletur, quorum memori-
am in violatè pieq; conservat. Athenienses olim sanum Grati-
tis in media urbe dedicarunt: Quo indicarunt, omnem civilis
societatis rationem Gratiarum quasi quoddam numine contine-
ri. Est enim in animis gratis magnum quoddam Iustitie munus,
& firmum Reipublice præsidium. Nec enim ullum est majus
concordia vinculum gratiâ atq; remuneratione. Itaq; Deus in
primo Levitici cap. quod ad hominum convictum pertinet, pro-
posito premio mortales ad remunerationem allicit & invitat.
Idem ipsa natura docet, nosq; exemplo suo ad beneficij accepti fi-
delem gratiamq; memoriam tacitè allectat. Nonne agri fertiles
multo plus afferunt, quàm acceperunt? Iusueamar bestias, an
non in immanissimis quoq; tam eximia virtutis simulacra &
vestigia animadvertere licet? Urbs fuit in Achaia, cui nomen
fuit Patrae, in qua (ut Aelianus scribit lib. 13) puer quidam Dra-
conem emerat & educarat: cum quo non aliter atq; cum intel-
ligente colloqui & lustrare, & unâ etiam dormire consuevit.
Cum verò Draco ad ingentem magnitudinem excrevisset, è ci-
vitate in solitudinem dimissus est. Aliquos annis post, cum
puer adolescens factus, & cum sodalibus suis è spectaculo rever-
sus in latrones incidisset, & clamores edidisset: ecce prater opi-
nionem draco praesto fuit, & alios in fugam vertit, alios inter-
emit: puerum verò salvum & incolumem conservavit. Sic
Panthera bestia truculentissima, cum sorte (ut Demetrius phy-
sicus autor est) catulos suos in fossam delapsos, attollere non pos-
set, ad hominem tandem, quem è longinquo conspiciebat, sollici-
ta ac veluti supplex accurrit, cum soga leviter apprehensa ad
fossam adducit: & miris blanditijs nutuq; anxio, quid fieri cu-
peret, significat. Mox catulus eductus, hominem per deser-
tissimas valdeq; periculosas solitudines comitatur, à reliquis be-
stis eum defendit, nec ab ejus latere discedit, donec in locoturo
collocet, & nutu blandissimo tanquam gratiû actû dimittit.

Quod

Quod si bestia rationis & orationis expertes erga benè de se meritos tam memores gratæq; sunt: quanto magis homo imago divina mentis hanc pulcherrimam virtutem, quam vulgò Grati- tudinem vocant, colere atq; exercere debet? Quamobrem, A- dolescentes ornatissimi, quemadmodum leo noster, simul atq; sauciatus fuit, vulneri suo medicinam quasi vit, ac invenit; & verò medico curationis premium liberalissimè persolvit: sic nos quoq; erroribus nostris remedia maturè comparemus, hoc est, prudentum & doctòrum virorum consilia & monita admitta- mus; errores nobis eripi, mores depravatos nobis corrigi, non solum æquo animo feramus: sed etiam pro acceptis salutaris do- ctina beneficiis gratias debitas habeamus, agamus, & quibus- cunq; rationibus fieri possit, memori mente persolvamus.

D I X I.



ORA-

ORATIO TERTIAE
CLASSIS, RECITATA

A

CHRISTOPHORO CAMERARIO

MORISIA



In nomis mate quod ego aliqꝫ nonnulli ordinis
mei adolescentes accepimus, Auditores humanissimi, affabrè
expressa est rupes gladio praecuto transfixa: cui hoc semma ad
iunctum est: Acute ut penetret. Quo admonemur, nihil esse
tam altum, nihilqꝫ tam durum & asperum, quò ingenij humani
vis & acumen penetrare non possit. Sed ut ferrum per se rupes
sive saxa incidere & insicare non potest, nisi prius acutatur: Ita
nec ingenium rude & incultum res subtiles atqꝫ reconditas vi
sua perspicere, earumqꝫ difficultatem superare potest, nisi doctri-
na & labore tanquam duabus coriculis probe exacuatur. Do-
ctrina autem appellatione nunc intelligo Grammaticam, Logi-

ram & Rhetoricam, qua omnium scientiarum & disciplinarum quasi famula quaedam atq; ministra sunt. Et quoniam earum usus tam longe lateq; patet, quam vita humana fines proferuntur: Idcirco cuiusq; naturam sigillatim inspiciamus, ut quantum unusquaq; ad adolescentum ingenia axacuenda valeat, perspicuum fiat. Ac primum quidem Grammatica cuiq; discenti maxime est necessaria, qua pura & emendata orationis magistra, rudibus ad omnes doctrinas viam patefacit. Estq; reliquarum tanquã radix & fundamentum. Nam ut arbores absq; radice vigere & consistere non possunt: sic absq; hac arte nullã aliã doctrina adolescere & maturefcere potest. Et quemadmodum substructionis fundamentum firmum ac stabile esse oportet, ceteroquin quicquid superstruxeris corruet: sic nemo ullam excellentiẽ doctrinã laudem assequetur, nisi prius Grammaticã bene cognitã gradum ad reliquas artes sibi pramuniverit. Vnde apud antiquos tantum autoritatis fuit Grammatici, ut de omni scriptorum genere liberẽ judicarent, ac proinde Criticorum nomen adepti fuerint: In quibus Aristarchus censoria severitate celebris, maximum jus habuisse dicitur.

Logica autem benẽ docendi ac disputandi rationem docet, quæ ex notis ignota, vel opinando, vel sciendo consequimur. Hæc rem definiendo explicat, eamq; in partes exactẽ distribuit: argumentum ratione concludit: consequentia & repugnantia videt, ambigua distinguit, & in omni sermone quid verum, quid falsum, quid verisimile, quid absurdum sit, animadvertit. Itaq; non absq; causa ἑργον ἐργων καὶ χεὶρ τῆς φιλοσοφίας, hoc est, instrumentum excellentissimum & manus Philosophiæ inscribitur: Et autore Platone oculos humanos in barbarico canodo fossos sensim attollit atq; abstergit, ut in iudicando acutius cernere queant. Ad hæc Logica est fundamentum eloquentiæ. Nam bene dicendi finis est persuadere seu fidem facere. Fi-

des autem vi argumentorum & copia exemplorum sit. Logica verò docet, unde argumenta sumenda sint, quomodo concludenda, quo item artificio exempla tractanda, usq; adeo ut sine Dialectica praesidio omnium plerorumq; oratio inepta, jejuna, exanguis, enervata merito censeatur.

Quid porro de Rhetorica dicam? Cujus vis & dignitas tanta est, ut nihil pulchrius, nihil praeclarius, nihil utilius, nihil deniq; homine dignius esse videatur. Quid enim tam admirabile, tamq; jucundum auditu, quam gravibus sententiis ac splēdidis verbis ornata & perpolita oratio? quid tam potens atq; magnificum, quam voluntates allicere, & animos in quamcunq; velis partem oratione permoveere? quid ad scholas, ad Ecclesias, ad respublicas constituendas moderandasq; efficacius, quam sapientiae comes Eloquentia? Hac enim jacentes excitat, afflictos recreat, languentes stimulat, vigilantes inflammat: boni praemia constituit, improbi pericula denunciat; hac populi sive ad seditionem concitati, sive ad pravas opiniones, corruptosq; mores prolapsi, motus ad obedientiam, ad veras sententias, ad vitam probatam revocat. Quid enim aliud est, quam dicendi prudentia? Prudentia autem usus tum in verbis, tum in factis consistit, ut nimirum & prudenter dicamus, & prudenter agamus, quorum in utroq; olim omni laudabilis disciplina posita erat, ut auctor est Homerus, apud quem Phœnix ait: Achillem sibi à patre Peleo traditum fuisse, ut illum & verborum oratorem, & rerum actorem efficeret: *μὲν γὰρ τε ἐν τῷ λόγῳ ἔμελλεν, ὅπως ἔμελλεν τε ἐργάζεσθαι*. Deinde Eloquentia praeipuum humani ingenij decus est & ornamentum, quo homo non solum ceteris animantibus praestat, sed etiam reliquis hominibus antecellit. Hinc rectè Cicero dixit: *Ut hominis decus est ingenium, sic ipsius ingenij decus est Eloquentia*. Itaq; apud veteres in summo honore atq; pretio fuit. Nam & summi principes, cum non minimū dignitatis sua praesidium in dicēdi facultate constitutum putarent, Elo-

quen-

quentia operam dederunt. Certè constat, Philippum Macedo-
nia regem, ejuſq; filium Alexandrum, dicendi laude floruisse. In
liberis autè populi ac civitatibus semper illa regnum obtinuit:
adeò ut nemini princeps in ijs daretur locus, nisi eloquentia glo-
ria excelleret. Nam ut Athenas ceterasq; Græciæ civitates nunc
pratercā, Roma profectò tantum valuit eloquentia, ut nemo
quāvis nobilitate, rebusq; gestis clarus & insignis, consideret fa-
cilem sibi aditum ad summos honores patefactum iri, nisi dicen-
di laudē cum militari virtute conjunxisset. Hinc Claudij, Lelij,
Scipiones, Galba, Catones, alij, multi in dicendo principes exte-
serunt, & sandē Cicero sām absolutū eloquentiæ specimē dedit,
ut eam ob causam Romulus Atpinas in foro regnare diceretur,
Neq; verò, postquam Respub. regio dominatu gubernari capis, e-
loquentia studia interciderunt, Nam ut de Iulij Casariis elegan-
tia nihil dicā, Octavianū certè dicendi laude præstantē fuisse cō-
stat. Imò ne tyranni, ut Caligula, Nero, Domitianus, & alij hac
dicendi facultate caruerunt. Verum & posterior asas multos
eximios viros tulit, qui artem dicendi omni studio coluerūt: nec
nostra memoria defunt, qui in ea excolenda & locupletāda mul-
tū opera studijq; ponunt. Atq; adhuc unā coticulā, qua humani
ingenij viū acnatur, breviter adumbravi: Consequens nunc est,
ut de altera, hoc est, de labore & industria, quā brevissimè di-
cā. Multū quidē valet Institutio; sed nisi labor rerū effector o-
ptimus, accedat, sinē nobis præstitutū assequi non licebit. Labor
autē iste duobus potissimū officiis constat, quorū alterū in audiē-
do, alterū in cōmentando positū est. Quicunq; igitur ad eruditio-
nis & virtutis laudē aspirat, iū primū quā diligētissimè præ-
ceptores & professores audiat, & qua memoria digna audierit,
ea vel scriptis mandet, vel, quod longè commodius est, memoria
imprimat atq; infigat, & frequenter repetat, assiduāq; medita-
tione ita confirmet, ut excidere ex animo, atque effluere non
facile queant. Neque enim memoria semper est fida

rerum perceptarum custodia. Itaq; sapientissimus Plato recte
monet: δὲ καὶ τοῖς τὸ καλὸν hoc est, his aut ter, quod pulchrum
est, repetamus. Nihil enim in bonis ingenii diuturnum est,
nisi quod assidua commentatione nobis familiare, & quasi do-
mesticum efficiatur. Neq; enim ulla in nobis scientia inest, nisi
qua per habitum (ut philosophi loquuntur) hoc est, per diutur-
nam consuetudinem in animis nostris penitus insederit atq; in-
veterarit. Deinde (quod alterum laboris caput est) adolescens
scriptioni sese dedat: qua quantum utilitatis afferat, ostendit
Crassus apud Ciceronem his verbis: Caput est quod minimè faci-
mus (est enim magni laboris, quem pleriq; fugimus) quàm plu-
rimum scribere. Stylus optimus & praestantissimus dicendū
effector ac magister, neq; injuria. Nam si subitam & sortuitam
orationem commentatio & cogitatio facile vincit: hanc ipsam
profecto assidua ac diligens scriptura superabis. Quapropter
adolescens quotidiè aliquot horas inscribendi exercitatione pa-
nat: ita tamen, ne quicquid sub acumen stylo subierit, temerè
admittat: sed diligentem rerum atq; verborum delectum ha-
beat: detq; operam, ut oratione utatur pura, dilucida, aperta, e-
legante, distincta, ornata, qualis est Ciceronis, qui inter reliquos
oratores velut Hesperus inter stellas, aut velut inter ignes Luna
minores eminet: Itaque ceteris etiam amandus, diligentissi-
mè evolvendus, studiosissimè imitandus est. Atq; adhuc de
utraq; coricula, arte videlicet atq; labore, quibus rudia ingenia
ad philosophiam omnemq; liberalem disciplinam acui possint, à
me dictum est. Quod si igitur, adolescentes optimi, rupes sive
saxa insiccare ac penetrare, hoc est, omnes difficultates, quibus
naturares magnas circumsepsit, superare, atq; sapientia & vir-
tutis laudem adipisci cupitis: necessum erit, ut gladius, hoc est,
vestra ingenia acuat, id est, artium dicendi cognitione & au-
scultationis scriptionisq; assiduitate exerceatis & perpoliatū,
planeq; vobis persuadcat, nihil esse tam arduum ac difficile,
nilq;

13
nilq̃ tam alte à natura possum, quò doctrina viam non mon-
stret atq̃ aperiat, & quò labor & industriae nisi at pervenire
non possit.

D I X I.


O R A T I O Q V A R T A E

C L A S S I S, R E C I T A T A

À

C H R I S T O P H O R O F V E R E R O

M O R I B E R G.



NEMINEM in hac amplissima corona, cate-
rag̃, circumfusa multitudine, esse puto, Rector Magnifice,
qui instituti nostrae rationem ignoret, nec causas perspicat, cur
nos quatuor adolescentes è reliquo grege discipulorum evocati,
atq̃ in hoc loco ad agendum amplissimo, ad dicendum ornatis-
simo, collocati simus. Itaq̃, prolixiori officij nostri commemora-

X 3

sione &

gione & commendatione pretermiffa, ad Emblemata noſtra ag-
grediemur, & quàm breviffimè ac planiffimè licebit, ea explica-
bimus. Illud modo, antequam ulterius provehar, à vobis audita-
res humaniffimi, ſummopere peto, contendog, ut quando omne
nobis perſugium in veſtra humanitate ſitum eſt, tenuitatem no-
ſtram veſtro favore ſublevetis, atq, non aures modo, ſed men-
tes quoque attentas nobis pauliſper adhibeatis. Atq, ut ego
quidem hinc exordiar: In brabeo, quòd mihi jam Ampliſſimo-
rum Scholaſtharum munere datum eſt, vomer inſignitus atq,
impreſſus extat, cum hoc Emblemate: Splendescit in uſu. Quo
nihil aliud innui & indicari videtur: quàm exercitatione u-
ſug, res cuncl̃as & meliores & ſplendidioreſ fieri. Nam ſive
animum, ſive corpus intuear, & vel literarum ſtudia, vel vi-
ta degenda rationem conſideres, exercitatio iſta ad ſingula iſta
tùm augenda, tùm exornanda, incredibilem vim & facultatem
habet. Animus quidem exercetur, & poliſior ſplendidiorg,
evadit, ſi aſſidue aut aliquid doctrina & virtutis accedat, aut
aliquid vitiorum atq, inſcitia decedat. Hominis enim ſum-
mum decus & ornamentum eſt virtus & ſapientia, qua utraq,
eum informat, & exornat, ut & intelligat, qua in hoc mundo,
tanquam in ampliſſimo amphitheatro, ſummus rerum opifex
Deus intuenda cognoscendaq, propoſuit: & verò agat ea qua
rectarationi ſunt conſentanea. Neq, verò ullum ingenium
tàm excellens, tamq, perfectum reperitur, quin ceſſatione ac in-
termiſſione uſus & induſtria langueſcat & minuat. Quic-
quid enim negligitur, aut parum curatur, quamvis per ſe opi-
num pulcherrimumq, ſit, brevi temporis ſpacio obſoleſcit &
interit: ut cum in veſtibus ac adificiis, tùm verò ac multo
magis in adoleſcentum ingeniiſ animadvertere licet. Imò verò
etiam doctiſſimi homines, cum de ſuis ſtudiis remittunt, mul-
tarum rerum obliſcuntur, atq, ad præſtanda doctrina officia,
ſive diſcendo, ſive ſcribendo, & ſardioreſ & ineptioreſ fiunt.

Idem

Idem accidere solet bonis viris, quando probitate sua nimium freti paulo securiores esse cœperint: tùm enim facile vel voluptatibus capiuntur, vel à pravis animi affectionibus superantur. Nam ut ager nisi colatur, sentibus & noxiis herbis obducitur: sic animus nisi virtutis doctrinâ, studiis assidue exerceatur, pravis opinionibus vitiosisq; cupiditatibus inficitur ac depravatur. Iam verò & corpus, cui arctissima cum anima necessitudo est, exercitatione opus habet. Hac enim incorruptam valetudinem tuetur, morbos propulsat, omnes nervos, omnia membra omnesq; sensus, vires & facultates corporis auget, confirmat, atq; expeditiores ad quavis negotia obenda facit. Contrà vero ignavia ac desidia vires enervat, sensus debilitat, sanitatem affligit, & totum corpus morbis obnoxium, & ad omnes vitæ actiones languidum ac ineptum reddit. Id quod partim ex desidiosis, partim laboriosis hominibus cognoscere licet: quorum illi vitiosis humoribus pleni, calculosi, podagrici: hi verò integri, robusti, sicci & sani sunt, vitâq; diuturnitate illos plerumq; superant. Quod cum prudentissimus Cicero prospiceret, valetudinis suæ infirmitatem certo passuum numero correxit ac confirmavit. Sic Demosthenes quoq; in subterraneo conclavi, semiraso capite meditatus est, gestus corporis ad speculum ingens formavit, & strictum gladium de lacunari supra humeros suspendit, Satyro histrioni se erudendum tradidit, lapillis lingua subjectis balbutientem emendavit, imbecillitatem spiritus arduo ascensu ingrediendo & aliquiddrecitando correxit: ad fluctuum murmur ventorumq; turbines declamitans concionis procellas, hoc est, tumultuantem & obstreptentem populum atq; exilantem contemnere didicit. Quæ mirabiles ac propè incredibiles exercitationes Demostheni non ad eloquentiam duntaxat, sed etiam

ad sanitatem ac vires corporis haud dubiè profuerunt. Apud Persas oportebat adolescentes ante pratoria excubare, ac magistratibus praesto esse in omnibus ijs, quae mandarentur, exequendis. Ad haec exercebantur sagittis iaculûq; mittendis, pane, nasturcio, & aqua potu contenti, quae victus ratio adèd erat tenuis, ut & anhelare, & expuere & emungi publicè turpissimum haberetur. Apud Gracos Lycurgi legibus sancitum erat, ut perpetuis laboribus iuventutis exercebatur. Lex Draconis capitali poena otiosos mulctabat: Solon ignominia eos notabat. Sed & Romani sua habuerunt Gymnasia, quibus iuventutis exercebatur, atq; ad bellicos labores, quibus patria fines longè lateq; proferri possent, instituerebatur & assuefieret. Sed quorsum haec commemorantur? quorsum? ut intelligamus, sapientissimas gentes omnem adolescentia rectè instituendae rationem in labore p. fuisse: & nihil esse tam rude ac impolitum, quod usu & exercitationis assiduitate non expoliatur & splendeat. Nam ut vomer sulcis imprimendus attritus splendet: sic ingenij corporisq; vigor negotiis tractandis excitatur, augetur ac enitescit. Contra verò, ut ferrum, si non utaris, rubigine obducitur, atq; exeditur: sic ingenia quoq; ignavo inertiq; otio hebescent & pervertuntur. Quae, cum ista sint, Auditores optimi, communi ceriè sensu carere videbimur, si non otium atq; desidiam, tanquam animi corporisq; pestem, omniumq; vitiorum nutriculum, vitemus ac detestemur, omniq; studio elaboremus, ut usu atq; exercitatione splendescere, hoc est, virtutis & doctrinae nitorem ac splendorem vel in foro & iudicio, vel in magistratu & curia, vel in scholis & Ecclesiis Christi, vel deniq; in aliis Reip. locis obtinere atq; tueri possimus.

D I X I.

PANE.

PANEGYRIS ANNI

1591.

SUB RECTORATU


D. D. EDONIS HILDERICI,

gerentis vicem D. Indenij.

Oratio prima classis, recitata

IOHANNE VVOLFGANGO

ab ELRICHSHAYSEN.



Cum Academia huius consuetudo est institutum, Rector Magnifice, jubeat adolescentes, qui cum è classe prima ad publicas Acroases, tum ex inferioribus ad superiores reliquarum classium ordines ascenderunt,
 T ratio-

rationem aliquam sui profectus publicè reddere: idq; pro tuo ju-
re nunc nobis imperes: parco & consuetudini & voluntati
tuae: & quidem tanto libentius, quanto magis optata atq; ido-
nea ad dicendum materia mihi propofita est. Explicandum est
enim Emblemata Brabei, amplissimarum Scholarcharum munere
mihi liberaliter tributi: quod etsi ejusmodi sit, ut copiosam ora-
tionem requirere videatur: tamen, quia temporis habenda est
ratio, quàm brevissimè planissimèq; potero, id exponam. in spem
certissimam adductus, fore, ut quicquid tum à me, tum à reli-
quis meis condiscipulis hoc in loco dicetur, si minus ela-
boratum ac perpolitum, at certè non ingratum, vobis videat-
ur.

In altera itaq; nomismatis mei parte effigies atq; imago
arboris procera extat, in cujus cacumine corona cernitur, ad
quam adolescens arduo difficilèq; ascensu contendit, eamq; ma-
nu prehendere & auferre studet. Ad radices arboris serpens
eminentibus oculis, inflato collo, tumida cervice sese attollit,
qui adolescentem sibilo morsuq; ab ascensu retardare conatur.
Hac imago adjunctum habet ejusmodi Emblemata: Virtutis glo-
ria merces. Quo, ut puto, admonemur, veram gloriam, vera vir-
tutis & eruditionis fructum, in excelsò & illustri loco esse posi-
tum, ad quam nullus absq; labore cuiquam aditus patefias. Ar-
bor itaque in nomismate nostro efficta est liberalium artium
ac disciplinarum: procera admodum, aspectu horrida, cortice
aspero, radice amara, ascensu difficilis: sed fructibus uberrimis
& suavisimis maximè insignis: sapientia nimirum & virtu-
te, cujus utriusq; comes ac veluti merces est Gloria, corona si-
mulachro notata atq; expressa. Etenim ut labori merces: sic
virtuti nullum justius premium persolvi potest, quàm Honor &
pervagata consentiensq; laus bonorum, & incorrupta vox
rectè judicantium. Et quemadmodum in Olympicis certa-
mi-

minibus coronâs dantaxat decernebatur, qui aut cursu, aut pugilatu, aut luctatione, aut saltu, aut alio certationis genere victoriam obtinuissent: sic gloria & honos ijs solum debetur, qui in sapientia ac virtutis curriculo laudabiliter versati sunt, atq. vel ad homines inter se iustitie munere conciliandos, vel ad Rempub. virtute, consilio, industriaq. defendendam, aut ingenij opibus illustrandam sese contulerunt. Ex quo perspicuum est, virtutem antecedere, honorem verò subsequi debere, quemadmodum olim pontificum Romanorum memorabili decreto cautum est. Cum enim M. Marcellus, is, qui quadraginta novem victorias de hostibus reportavit, Templum Honori ac Virtuti dicare vellet, pontifices intercesserunt, cum negarent ullam cellam amplius, quàm uni deo rectè consecrari: quoniam si de cælo sacra esset, difficilis procuratio foret, utri deo res divina fieret. Templum itaque medio pariete sic dividerunt, ut nemini pateret ad templum Honoris aditus, nisi prius patefacta Virtutis porta. Quicumque igitur gloriam & dignitatem expetis, necesse habet, omnem suam curam atque operam in virtute desigere: in qua una stabilem sedem ac sempiternum domicilium ipsa sibi collocavit. Esse autem eam magnoperè expetendam, nemo, opinor, insciabitur, qui modò rationem, in qua ipsa consistat, atque ejus incredibiles utilitates secum accuratè cogitavit. Neque enim gloria in errante opinione, sed in ipsa natura sita est: id quod admirabile ipsius desiderium omnibus instum & ingeneratum maximè declarat. Que enim gens & natio est tanta humanitate prædita, aut tam agrestis & inhumana, aut tantis honoribus insignis, aut tam obscura & ignota: aut tot virtutum ornamentis exculsa, aut tam multis flagitiis cooperta, qua glo-

ria & laudis studio non trahatur? Quantam verò illius cupiditatem natura nobis ingenerarit, ex eo facile apparet, quòd omnes pueri, simul atq; sentire aliquid incipiunt, laude mirificè capiuntur. Mirum est enim, quanta certamina ineant, quanto vincendi studio flagrent: quantus in victis pudor insit. *Vs* autem quisq; præstantissima indole natus est: ita maximè cupiditatis huius significationem dat. Resert Xenophon, *Cyrum* illum Persarum regem, cum esset adhuc puer, adeo ad cupiditatem laudis exarsisse, ut illius causa jam in ea ætate omnia pericula subeunda duceret. Facile igitur tum fuit ex illo motu animi futuram *Cyri* virtutem augurari. Nemo enim unquam res magnas apimo magno aggressus est, qui non in ipsius ætatis primordio insignia dederit documenta, quanti gloriam aestimares. Non est hic necesse, *Pyrrhos*, *Scipiones*, *Alexandros* enumerare: cum constet, omnes summos imperatores hoc tantum signo magnam spem futura virtutis civibus suis attulisse. Quid de insigni ad præclaras disciplinas indole? Num parum liquet, optimam de illis spem concipiendam esse, qui omnem conatum animi ad laudem referunt? *Mihi*, inquit *Fabius Quintilianus*, ille detur puer, quem laus excitet, quem gloria juret, qui victus flet. Hic erit alendus ambitu: hunc mordebit objurgatio, hunc honor excitabit: in hoc desiderium nunquam verebor. His verbis optimus ille *Magister* indicia ingenij excellentis explicat. Quid, postquam pueri ætate progressi, quatenus quidq; ipsos attingat dispicere incipiunt: num alio genere clarius orationis à languore desidiaq; citius avocantur, quàm summorum hominum commemoratione? Videte quibus verbis *Pallas* apud *Homerum* *Telemachum* incendat ad pænas de procorum petulantia repetendas. Sic enim ait:

Nec jam restrañtes puerili mentè, tetractes,
Nonne vides, quantum nomen sit adeptus *Orestes*,

Cum

Cum patrem ulciscens vltā spoliaverit illum,
 Qui scelere infando patrem demiserat Orco?
 Te decus eximium præstanti in corpore tandem
 Excitet, ut magno laudum capiatis amore.

Ille igitur oratione sic videmus incensum Telemachum, ut nihil aliud quàm de virtute cogitaret. Quid philosophi? nonne spe clari nominis inducti, seipsos ad sapientia studium contulere? Vt enim antiquiores prateriam, Plato certè quantum nominis claritatem amaret, apertè declaravit. Nam & laudem esse bonum quoddam caeleste censet, & omnibus eam rectè factū quasi præmium divinum proponit, ipseque maximarum rerum instrumentum, & illud admirabile genus Eloquentia in gloriam suam maximè ex parte transulit. Aristoteles autem cum esset philosophia gloriā præstantissimus, minimè contentus illo splendore, quem erat sapientia studiū affecturus, Eloquentia laudem incredibili animi contentione quaesivit. Infinitum esset, si vellem eos, qui ab his orti sunt, enumerare, quos omnes constat fuisse gloriæ stimulis acriter incitatos. Quod si aliqui se gloriam despicere gloriati sunt, id fecerunt, ut ea ipsa gloriæ contemtionem maximè nobilitarentur. Quod declarat eorum studium in suis nominibus inscribendis, cogitationumque suarum memoria propaganda. Quid de poetis dicam? Non enim solum sibi ipsis, sed omnibus in quorum studium propensi sunt, nominis immortalitatem pollicentur. Hoc enim sibi divinitus concessum existimant, ut de tenebris, quos velint, eripiant, atque seculis innumerabilibus in hominū luce constituent. Caeleste profecto munus, res ad laudem insignes ab oblivionis injuria vindicare, mortemque ipsam omnia delentem ingenio comprimere. Sed quid poetæ admiramur, cum agricolas & opifices, cum barbaros etiam homines, & ab omni cultu humanitatis abhorrentes, laudis dulcedine moveri videamus? Nullus enim est agrico-
la, nul-

la, nullus artifex, nullus operarius, qui non laudari valde cupiat, & inter sui ordinis homines princeps haberi. Ergo cum pueri, senes, adolescentes, laudem ardentem expetant; cum omnes siue principes, siue plebey, siue intelligentes & docti, siue rudes & imperiti, ad eam enitantur: possumus ne dubitare, quin ea cupiditas humanam naturam maximè attingat. Nunquam enim esset tantus omnium gentium consensus & conspiratio in gloria consecranda, si ea moribus & opinione desiderata, & non potius vi & impetu natura expetita esset.

Qua enim moribus, aut legibus & institutis continentur, nec sunt eadem apud omnes, nec ullam constantiam habent: sed varias pro temporum ratione mutationes subeunt. Ex eo igitur, quod omnes mortales laudari concupierint, facile cernitur, hunc appetitum laudis & gloria esse natura, & non opinione nostris animis infixum. Quod si natura nos non ad flagitium sed ad honestatem genuit, ob idq; omnes sapientes eam tanquam vitam ducem sequendam statuunt; & perspicuum est, nos impetu natura ad laudem contendere: efficitur, nos gloria cupiditate, ad virtutem & honestatem dirigi. Atq; adhuc ostensum est, gloria rationem & ortum ab ipsa natura proficisci. Consequens nunc est, ut breviter, quantum fructum illius studium rebus humanis afferat, explicemus. Incredibile enim est, quantam ipsa habeat vim ad animos amore virtutis incendendos ac inflammandos. Omnes enim qui praestantii ingenio praediti sint, stimulus gloriae concitati res praclaras aggrediuntur. Tolle gloriae cupiditatem, & omne studium virtutis exstingues. Nemo enim unquam sese pro Reipublica salute in discrimen intulisset, nemo publicam utilitatem emolumentis proprijs antetulisset, nemo deniq; omnibus rebus posthabitis, sapientia studia coluisset, nisi primum fuisset ad spem quandam immortalitatis excitatus. Vt enim hic Themistoclem, Epaminondam Scipionem, Carolum Magnum, ceterosq; im-

per-

peratores rerum gestarum gloria florentes omittam: quis dubitat Solonem, Lycurgum, Charondam, Zaleucum, incensos sempiterna gloria cupiditate, leges, instituta, Respublicas condidisse? Quis nescit, Platonem, Aristotelem, Xenophontem, Theophrastum, & omnes deniq, qui monumentis philosophiam illustrarunt suis, gloria suavitatis fuisse in sapientia studium incitatos? Quis ad artem aliquam praeclarum animum adjunxit? quis virtutem studiosè colendam putavit, qui non prius in egregij nominis celebritatem aciem mentis intenderet? Quod si igitur praestantium hominum ingenia multis laboribus & vigiliis lucem aliquam rebus humanis attulerunt, si viri fortes & magnanimi, ut patria consulereut, vita non pepercerunt, si deniq, multi etatem in clarissimis studiis consumentes sapientiam assecuti, beneq, de hominibus meriti sunt: id cerè studio & cupiditati laudis & gloria adscribendum est. Ex quo facile constat, quantus sit splendor & utilitas vera gloria, quod tam omnes, qui excellenti sunt ingenio, ardentè expetunt, & illius causa non invisiores honestissimas & difficilimas aggrediuntur. Verùm ut cetera bonorum genera invidia telis sunt exposita: sic gloria quoq, invidos & obrectatores habet. Nam ut ignis exorìens fumum: ita gloria effulgens invidiam excitare solet. Itaq, Themistocles, cum adolescens esset, dixisse fertur: se ex eo intelligere, nihil dum à se splendidum gestum, quoniam nondum invidia dente peteretur. Est enim malum terribile, detestabile, execrandum, omnibus bonis infestum, rebus humanis pestilens ac mortiferum. Neq, enim quicquam est tam sanctum, tam omni religione munitum, quod non invidia tentare consueverit. Itaq, in nomismate nostro serpens effictus cernitur, qui adolescentem ad coronam gloria contendentem infestare, eumq, à proposito suo absterere

*vere videtur. At frustra. Nam arboris ascensu adolescens
 insidias ictusq; illius effugisse fingitur. Quo figmento signifi-
 catur, verā & confirmatam gloriam tam altè esse positam, ut in-
 vidia incurso ei amplius nocere non possit. Nam à vera vir-
 tute pender, cujus tanta est vis, ut omnem maculam, omnem in-
 famiam sive hominum scelere, sive errore constatam deleat atq;
 extinguat; non aliter ac ignis jam auctus fumum dissipare solet.
 Quamobrem cum vera gloria non ab errore vulgi, sed ab ipsa
 natura, & à lumine virtutis oriatur; & infinitas humano ge-
 neri afferat utilitates; & vero tam stabilis ac firma sit, ut neq;
 invidia detestabilis immanitas, neq; imperita multitudinis a-
 mentia eam obscurare aut abolere queat: reliquum est, ut eam
 omnibus votis expetendam esse statuamus. Agite igitur ado-
 lescentes & commilitones optatissimi, omni ope & opera conni-
 tamur, atq; elaboremus, ut mentem sapientia, animum virtu-
 te, linguam eloquentiâ sic instruamus atq; ornemus, ut aliquan-
 do & parentibus honori, & amicis utilitati, & Reipublica emo-
 lumento simus: & deniq; suavissimum virtutis & doctrina
 fructum ac mercedem Gloriam consequamur.*


D I X I.



ORA-

19
O R A T I O S E C U N D A E
C L A S S I S, R E C I T A T A

4
P A V L O S I D E L M A N N O
H O R I B E R G.



QVI malorum escam dixit esse voluptatem,
is profecto & dixisse verè, & praelare sensisse mihi vide-
ri solet, Auditores ornatissimi. Quomodo enim bruti
mutiq; pisces esca, sub qua lethali hamus delitescit, impruden-
tes capiuntur ac percunt: sic multi adolēcentes blanda volupta-
tū, cujus initium suave, finis teterrimus est, illecebris delinēti
constringuntur, atq; ut Phedria Terentianus prudentes scien-
tes in exitium ruunt voluntarium: ut in amatoribus, ebrio-
sis, aleatoribus, & id genus aliis corruptissimis hominibus cer-
nere licet. Cujus quidem rei simulachrum in nostro Brabeo ex-
pressum est ad hunc modum: In amano loca inter herbas flo-
resq;

resq; recumbit bestia quadrupes, superne quidem formosa virgo: sed qua in atrum ac venenatum serpentem desinat. Cui idcirco hoc Emblemata additum est: Procul hinc latet anguis. Caterum ut imago ista plenius cognoscatur, opera precium fuerit audire lepidam fabellam; quam ex Dione Chysofotomo Pierius in Hieroglyphicis repetit lib. 14. Est (inquit) in Libya ferarum genus, ex promiscua bestiarum plurimum, diversorumq; generum propagatione procreatum. Id immanè admodum, saevum ac ferocissimum, circa Syrtis plurimum versatur: & tibi gratia tum feras reliquas, tum humanum pastum conquiris avidissimè. Ejus verò monstri natura faciesq; hujusmodi formà est conspicua: Corpus quidem muliebre, idq; admodum formosum: lasciivè tumentes papilla, totumq; pectus ac cervix pulcherrima: colore cutis nitidissimo: mira ab oculis ejus profluit hilaritas, qua intuentem quemlibet facilè in amorem illicere queat. Reliquum autem corpus horridum, & squamarum scabritie asperum & intractabile. Infernè demum in oblongum anguem desinit: cujus caput in extrema parte situm acre admodum sit, & mordacissimum. Alu praditum non est, sed sphingus instar factum: neq; tamèn loquitur, ut illa facit: sed Draconum more sibilum tantùm edit acutissimum. Hujus generis fera in Libya sunt plurima, tamq; veloces, ut nemo, quantumvis expeditus ac celer, earum insultus se effugisse gloriari possit. Reliqua animalia, quotquot nanciscuntur, pernicitate ac robore, per vim opprimunt: sed solum hominem dolo blanditiisq; adoriuntur & superant. nullo enim impetu eum invadunt, nec quicquam hostile pra se ferunt: sed ostentatis pulchris nitidisq; pectoribus, tanquam amoris tendiculis positus, oculisq; modè in terram dejectis, instar venusta lepidaeq; feminae, ad colloquium congressumq; eum invisans, variisq; lenociniis alliciunt. Simulatq; verò propius homo (ut voluptarij
sunt

sunt impudentes) ad eas accesserit: protinus eum invadunt, & injectus (quas tantisper dum occasio praeda offeratur, occulant) aduncis manuum unguibus arripiunt. Mox serpens à tergo insurgit, arreptumq; hominem virulento morstu ulcerat, immissoq; veneno necat. Tandem fera ejusq; cauda serpens, tanquam conjuratione facta, miserandum hominis cadaver laniant ac devorant. Caterum cum aliquando Hercules Libycus illuc iter factens, fortè eas è longinquo conspexisset, propius non accessit: sed velocissimo cursu sese in fugam coniecit. Illæ verò cum diu & acriter eum insecute fuissent, nec tamen pradam nancisci potuissent: tandem irâ inflammata omnem crudelitatem in semetipsas converterunt: & sese mutuo sædissimè dilaniarunt. Hac ferè Pierius. Iam porò quid aliud hac fabula mones? quàm turpes voluptates esse blandissimas dominas, quæ venusto aspectu homines ad se alliciant: sed ubi semel eorum animos occuparint atq; subegerint, precipites in omne flagitiorum & calamitatum genus conjiciant. Ideoq; eas tanquam venenatas bestias cavendas ac fugiendas esse. Nulla enim nocentior hominum pestis est, quàm feda voluptas, hoc est, gula & libidinis intemperantia. Vtraq; enim & animo & corpori, & fortunæ plurimum nocet. Nam crapula non corpus duntaxat visiosis humoribus replet, & omnes nervos, omnia membra omnesq; sensus labefaciat: sed etiam densis vaporibus in cerebrum exhalantibus, ipsam mentem præstantissimam hominis partem, illam inquam divina particulam aure, humi affligit, obsundit atq; evertit: inprimisq; memoriam doctrinæ thesaurum, graviter vulnerat. Nec minus libidinis intemperantia sanitatem debilitat: quippe quæ sors sit gravissimorum sædissimorumq; morborum, quos nullus seplasiarius, nullus coquus, nullus chymicus (quamvis hic tantum non aureos montes pollicetur) curare possit,

possit. Quod ex naturali vigore, siue volens, siue invitus
 perdidit, id quocumq; artificio restituere velis, prorsus est
 Glauci & Diomedis permutatio. Itaq; Cicero rectè dixit: Vi-
 tium ventris & gutturis non modo minuit aetatem hominibus,
 sed etiam aufert. Quod porro multi luxu & amore rei fami-
 liaris naufragium fecerint, plus satis notum est. Sed quid de
 pecunia mentionem facio: cum multis philteris in rabiem
 & exitium agantur: multi capitis periculum adeant, si
 si in emulos, aut alioqui ebriosos ac contentiosos incident. Ex-
 empla pro dolor, communis vita plura suppeditat, quam opus
 est, aut expedit. Quid multa? Ex turpium voluptatum studio
 nascuntur supra, adulteria, caedes, rei familiaris iactura, insa-
 nia, conscientiae labe, proditioes, disciplina perturbatio, rei
 publicaeaversio: nec deniq; ullum tam immane scelus est, ad quod
 suscipiendum non libido voluptatis impellat. Quae cum ita se
 habeant, Auditores optimi repetamus, nostrisq; animis penitus
 imprimamus Emblemata illud, Procul hinc: later anguis: & pro-
 ponamus nobis imitandum Herculem Libycum, qui bestiam vi-
 rulentiissimam fugiendo superavit: Sic nos sedas voluptates ca-
 ne peius & angue aversemur & fugiamus. Multi quidem ca-
 stè sobrieq; viverent, nisi perditorum hominum gregi associa-
 rent: Itaq; non tantum voluptates, sed etiam occasiones ea-
 rum vitandae sunt: & quantum fieri potest, declinandus est ho-
 minum mollium, obsecanorum ac libidinosorum congressus &
 consuetudo, quae contagione sua etiam rectos animos inficere ac
 depravare solet. Quocirca Pythagoras prudenter vetuit γέν-
 δου τῷ μελαίνω, Id est, gustare ex ijs, quae nigram habent cau-
 dam. Quo nomine perditorum hominum familiaritas intelli-
 gitur, cujus principium blandum plerumq; tertio sine concludi-
 tur. Sed temporis decursus postulat, ut finem dicendi faciam.
 Itaq; Epilogi loco vobis recitabo pulcherrimam Musonij philo-
 sophi sententiam: ἀντιπράξις καλὸν μετὰ πόνος, ὁ μὲν πόνος οἶ-

91.

χεται, τὸ δὲ καλὸν μένει. ἂν τε ποιήσῃς αἰσχρὸν μεθ' ἡδονῆς, τὸ μὲν
 ἡδὺ οἷχεται, τὸ δὲ αἰσχρὸν μένει: Hoc est: si quid per laborem rectè
 feceris, labor cito abit, rectè factum nunquam abscedit. Si
 quid rursus per voluptatem nequiter feceris, voluptas cito abi-
 bit, nequiter factum semper manebit.

D I X I.

O R A T I O T E R T I A E


C L A S S I S, R E C I T A T A

ab

Illustri & generoso Domino, Domino

IOHANNE ALBINO SCHLICK,

Comite in Passau & Veiskirchen.



V TINAM par desiderio meo suppeteret inge-
 nij doctrinaq; facultas, Rector Magnifice: equidem vo-
 luntati tuae non modo lubens satisfacerem, sed etiam congruari-
 Z 3: um,

um, quod mihi datum est, elegantioratione celebrarem atq; ornarem. Verum quoniam ista etas jam sum, us de facultate mea nihil polliceri queam: operam dabo us vel solam voluntatem atq; studium auditoribus probare possim. Brabei autem nostri Emblema est: Paulatim: cui adjuncta est imago certaminis, quod de certo quodam spacio conficiendo testudo cum aquila suscepisse fingitur, atq; ut fabula fert, definitus sum suis & temporis & loci terminus, ad quem iter prior venisset, victoriam obtineret. Aquila idcirco tarditate testudinis animadversa & contempta, prior provolat, atq; velut aliud agens hinc inde vagatur, ac sapiusculè desides: noctes integras conquiscit: nec tempore matutino satis maturè evolat: quippe quæ pernicitate sua freta putaret, se uno impetu omnes testudinis canatus facile anteversum esse. Sed interim testudo nunquam cessat, ac potius dies noctesq; rectis itineribus ad locum præstitutum contendit, tandemq; aquilam, avem velocissimam, laboris assiduitate vincit. Hac fabula Auditores, duo potissimum nobis consideranda proponere videtur. Alterum: Aemulationem concertationemq; esse utilem ac propè necessariam. At emulationem hic intelligo eam, quæ in laude ponitur, & gloria stimulis excitatur, virtute perficitur. Huius enim verò quanta sit vis, ostendit fabula, quæ extat apud Alexandrum Aphrodisæum philosophum præstantissimum. Venius in lucem ediderat Cupidinem. Mirabatur dea, quod filius multis mensibus à natali die præterlapsis, nihilo auctior atq; procerior factus esset. Cumq; nec causas ejus rei intelligeret, nec qua ratione huic incommodo mederi posset, prospiceret: ad fatidicam anuvn Themis adiit, eam consuluit, atq; responsum accepit: Non ante ulla corporis incremento Cupidinem auctum iri, quam Venus alterum filium peperisset, in cuius emulationem prior ille succresceret. Venus igitur responso accepto, ivit in complexum Martis: alterum filium concepit ac peperit:

cui

cui nomen *Anteroti* imposuit, quasi tu dixeris, *Anticupidinū*. Tum verò mirum dictū, subitò quàm feliciter adoleveris *Cupido*; non aliter ac si cum fratre certamen grave inisset, uter pulchrior atq; præstantior evaderet. Mirabantur tum dii reliqui, tum in primis parentes, tam egregiam prolem emulationis beneficio existisse. Hinc colligere licet, præclara ingenia magnos progressus facere non posse, nisi habeant antagonistas (ut Græci vocant) cum quibus decertare queant. Certe nullus stimulus acrius currentem urget, quàm si amulus ac rivalis nobis opponatur, cum quo nobile certamen ad famam, ad gloriam, ad eternitatem, ineatur. Friget enim omnis, quantumvis excellens actio, nisi contentionem quandam adjunctam habeat. *Muliercularum* mos est ijs, quos in amore retinere cupiunt, rivalem aliquem opponere. Hinc illud apud Comicum: *Ubi nominaveris Phædiam, tu Pamphilam continuo*. Si quando illa dicet: *Phadriam intromittamus comessatum: tu, Pamphilam cantatum provocemus, dic*. Si laudabis hæc illius formam, tu huius contrà: Deniq; par pari referto, quod eam mordeat. Atq; hoc est, quod *Aristophanes* dixit, magnam nos plerunq; ex inimicitiiis utilitatem capere. Ceterum exempla emulationis honestissimæ plurima in medium proferri possent, nisi temporis angustia vetarent. Veruntamen unum atq; alterum ex infinita copia decerpere liceat. *Franciscus Philelphus* in Græcis literis exercitatusissimus, cum *Timotheo* quodam Græco de vi Syllabæ contendens, barbam victo (ut *Iovius* scribit) inexorabili superbia derafit. Sic enim inter eos convenerat, ut victus barbâ mulctaretur. *Philippus Melanchthon* Germaniæ nostræ decus, cum in convivio quodam assideret *Sabino* & *Stigelio* poetis Germanis

cla-

clarissimū, eas ut inter se versibus certarent, monuit. Sabinus
etate & dignitate prior sic cepit :

Carmina conscribant alij distante Lyxo,
Multa sit in versu cura laborque meo.

Stigelius scitè excepit, ac carmen invertit :

Carmina componant alij sudante cerebro,
Nulla sit in versu cura laborque meo.

Quid Philippus? pro ea, qua erat, facilitate & humanitate, utrumq; vitula dignum (ut Poëta inquit) iudicavit. Sed tempus plura non admittit. Reliquum est igitur, ut alteram nostri Emblematis sententiam perquiramus, qua, nisi fallor, hac est: Tarditatem ingenij cum modestia & industria assiduitate conjunctam plus valere, quàm vagam, superbam ac negligentem celeritatem. Apparet id certè tum in ceteris vita negotiis, tum maximè in studiis literarum. Assistuntur ad scholam duo adolescentes ex eadem civitate: alter excimium habet ingenium, sed absq; industria: alter industria valet, sed ingenio est tardiore. Ille ingenij viribus confisus, nugatur, ociatur, in eam adductus opinionem, fore, ut simul atq; velit, alterum illum vel superet, vel certè assequatur: Hic verò magno labore totoq; animo in literarum studia incumbit, nugae & otium velut ingenuorum pestem odit atq; fugit. Quid ergo? Aliquot annis post ambo domum revoquantur: alter laboribus persunctus, doctrinâ & virtute excultus domum hilariù revertitur, magna cum letitia ac honore à suis parentibus & propinquis excipitur: Alter vero tempore & nummis male consumptis, cum probro ac damno, aut certè absq; fructu & laude tristis redit, suisq; domesticis nil nisi dolorem atq; molestias adfert. Vter igitur palmam feret, premiūq; decorandus est? Non utiq; is, qui celeres ingenij motus habet ad discendum, claudicantem verò industriam: sed alter potius, qui tardus ad intelligendum subsidio
sibi

sibi diligentiam comparavit. Quamobrem adolescentes, sic nobis persuadeamus, Ingenium absq; industria parum, industriam sine ingenij præstantia multum: sed utrumq; coniunctim plurimum valere. Qui igitur ingenio excellit, adjungat industriam, & tardiores ne despicias. Qui parum habet ingenij, adhibeat diligentiam, qua ut Cicero ait, omnia potest, nec quicquam est, quod non assequatur. Caterum Emblemata nostrum etiam in consiliis locum habet, in quibus non velocior, ut sit in cursu, sed tardior vincere solet. Deliberandum est enim diu quod statuendum est semel. Plurimos videas ex inconsulta & temeraria festinatione in ipso statim operis limine collabi: alios nonnihil progressos maximis involvi difficultatibus, & vel nunquam, vel tardissimè ad exitum pervenire: alios etiam adeò nihil efficere, ut rei absq; maturo consilio attentata onere opprimantur. Sed tempus admonet, ut finem orationi imponam. Quapropter, Auditores humanissimi, etiam atq; etiam Emblemata illud nostrum (Paulatim, quò pertinet, Festina lentè) considerare, ejusq; prudentissimum consilium semper & ubiq; in omni rerum ac negotiorum vel privatorum vel publicorum aggressionem sequi debemus.

D I X I.



ORATIO QVARTAE
CLASSIS, RECITATA

CONRADO MVLLERO
HERBIPOLENSI.



IN nomismate meo, Auditores humanissimi,
duae manus sunt effictae, quarum altera calamum corolla cir-
cumplexatum: altera tribulum tenet, cum hoc Emblemate:
Ad rastra vel astra. Constituitur autem nobis ob oculos duplex
vita genus; alterum clarum & honoratum, quod astris nota-
tur: alterum obscurum & inglorium, quod astra exprimitur.
Ad rastra quidem proclivis patet via, eorum vestigiis trita
& notata, qui somno, ludis, nugis, ignavo turpiq; ocio sese dedi-
derunt, & literas omnesq; honestas artes ac labores oderunt
atq; fugerunt. Huic merito praeiuncto assignatur tribulum,
hoc est, vita abjecta, agrestis, dura, laboriosa. Ignavia enim
atq; infcitia comites sunt egestas atq; contemptus. Hinc illud:

Qui-

φεύγει μύλον ἀλφίτα φεύγει. *Et praeclare Cicero! Mihi quidem, inquit, qui nihil agit, esse omnino non videtur. Qua voce nil abjectius aut contemptius de ignavis dici potuit. Sed omissamus tribula & rastra, quae hunc locum nec armant, nec ornant: & convertamus nos ad astra, hoc est, ad vitam honoratam & jucundam: cujus omnis & dignitas & jucunditas in literis, quae coronati calami imagine significantur, posita est. Nihil etenim in rebus humanis praestantius, nihil salutaris, nihil jucundius est eruditione ac literis. Harum namque ope omnia, quae homines in vita expetunt, comparari, conservari, amplificari possunt. Atque, ut de opibus & copiis, ceterisque id genus bonis, ad quae paranda literae accommodatae sunt, nunc taceam: nonne earum subsidio tanquam alii homines ad astra, hoc est, ad summam dignitatem & honores evehuntur, atque in clarissima hominum luce collocantur? Si repetamus paulisper antiquitatis memoriam, videbimus omnes, qui doctrinam & sapientiam excellerunt, amplissimis honoribus usos. Quid Lycurgus, nonne sapientiae admiratione tantum est auctoritatis consecutus, ut civitatem luxuria disfluentem legum severitate devinceret? Quid septem sapientes, nonne in suis civitatibus principatum obtinuerunt, & Graeciam universam bonamque, Asia partem sapientiae nomine commoverunt? Quid hic referam amplissima laudis ornamenta, quibus Gorgias, Plato, Aristoteles, Xenocrates, Throphastrus, & omnes denique, excellentes philosophi decorati sunt? Apud Persas autem Magi in tanta admiratione fuerunt, ut nemini regnare liceret, qui non fuisset prius eorum disciplinae institutus. Apud Aegyptios quantus honos fuerit habitus sacerdotibus, explicari vix potest. Apud Romanos nonne eruditi homines egregiam laudem & eximios honores consecuti sunt? Quid commemorare Africanum illum, qui Carthagine & Numantiam delevis? Quid Lelium, sapientem cognominatum? a quo Terentij fabula ob elegantiam conscribi putabatur. Quid Scævola & Brutum, atque postremo, ut alios innumerabiles*

omittam, M. T. Ciceronem, eloquentia parentem, qui gloriam
Romani imperij doctrina præstantissimè muneribus illustra-
vit? Nec Romani solum, sed etiam externi, doctrina commen-
datione in eam civitatem accepti, summisq; honoribus aucti
fuerunt, qualis fuit Plutarchus Cheronæus, Dionysius Halicar-
nassæus, Strabo, Aelianus, Arrianus, Dio, Seneca, alijsq; per-
multi, quos esse infinitum enumerare? Druidas autem apud
Gallos, Brachmanes & Gymnosophista Indos, in quanto precio
& honore fuerint habiti, est satis exploratum. Exponam vo-
bùrem admirabilem & auditu fortasse non injucundam. Sine
populi, quos & Chinas appellant, regionem incolunt latissimam
in extremis Orientis oris, de quibus historie non ita pridem è
Lusitanico sermone in Latinum conversa referunt, vix esse ul-
lam nationem, siue urbium magnitudine, siue adificiorum pul-
chritudine, siue victu cultuq; civili, siue flagranti artium stu-
dio, cum Sinarum natione comparandam. In libris autem scri-
bendis & excudendis, ævis formis, qua non ita pridem apud
nos in usu sunt, illi infinitis propè seculis utuntur. Tantumq;
ajunt apud illos tribui disciplinæ, ut nullo modo liceat summum
imperium committi, nisi illi, qui se probaverint omni liberali do-
ctrina ac disciplina excultum ac perpolitum. Nec enim in man-
dandis honoribus aut generis, aut fortuna rationem habent, sed
tantum discipline ac eruditionis. Omnes igitur, qui principa-
tum expetunt, in artium studia incumbunt. Vbi autem cre-
dunt, se non penitendam progressionem fecisse: ad certos judi-
ces huic muneri destinatos accedunt. Horum suffragio, aut ut
indocti repelluntur, aut ut docti certis honoribus insignibus or-
nantur. Ex ijs deliguntur, qui minores jurisdictiones ad-
ministrant. Qui autem diutius in studiorum curriculo
versari, & sublimiores disciplinas persequi cupiunt, ubi cer-
tum iudicium absolverint, aliud gravius iudicium subeunt. In-
dicantur enim à viris multo doctioribus, quibus si satis fecerint,
ad alio-

ad altiore[m] honoris gradum ascendunt. Sic etiam licet *ipsi* qui
 ampliore[m] honoris spem sibi proponunt, plures annos in studiis
 consumere, & ordinatim alia atq; alia doctorum hominum judi-
 cia subire. Sunt enim plures ordines hominum de ingenio atq;
 doctrina judicantium. Hinc igitur apparet, quantum apud Si-
 nas valeat opinio doctrina & eruditionis: cum eos dumtaxat
 honoribus cumulent, & imperio praeferant, quos judicant esse
 doctrina laude praecellentes. Quod si igitur adolescentes sua-
 vissimi, doctrinae studium non solum apud Gracos & Romanos,
 sed etiam apud barbaras nationes, tantam vim obtinet, ut homi-
 nem variis bonis cumulare atq; ornare, & ad astra, hoc est, ad
 magnos honores evehere possit: cur ex animis nostris torporem
 atq; ignaviam non excutimus? Cur oblatam tot tantaq; bona
 consequendi opportunitatem non amplectimur? Cur non totis
 animis ac studiis ad laudandarum doctrinarum studia incumbi-
 mus. Non enim ex plano & facili gloria petitur: sed (ut Poeta
 inquit) per ardua progreditur. ἢ ἀπὸ τῆς βαρυτέρας μόχθου. Deus
 Opt. Max. cui, quaecumq; hic acta dictaq; sunt, grata esse cupio,
 nobis adolescentibus & voluntatem & facultatem largiatur,
 ut ea, ad qua nostra cohortatio spectat, expedito cursu assequa-
 mur.

D I X I.



Aa 3

PA-

XVI.

PANEGYRIS ANNI

1592.

SVB RECTORATV

D.D. NICOLAI TAVRELLI

Medici.

Oratio prima classis, recitata

PAVLO FEZERO

NORIBERG.



*Si mea sponte in hanc concionem ascendissem,
Auditores humanissimi, in temeritatis ac impudentia cri-
men merito vocarer. Nam locus hic amplissimus & splendidis-
simus non imperitis ac indifertis adolescentibus: sed viris pra-
clara*

clara doctrina eximiâq; dicendi facultate pradiis destinatus
 ac consecratus est. Verum, quum Mag. D. Rectoris jussu & au-
 thoritate evocatus huc pervenerim: spero me non solum crimi-
 ne, sed criminis quoq; suspitione cariturum esse. Longiore itaq;
 excusatione prætermissa, rectâ ad id, quod mihi propositum est,
 aggrediar, idq; quàm brevissima fieri poterit oratione percur-
 ram. Vos interim oro & obtestor, ut mihi ceterisq; condiscipulis
 meis ex hoc loco deinceps verba facturis benevolentia & atten-
 tionem humanitate vestra dignam tribuatis. Atq; ut hinc ex-
 ordiar: In hocce Brabeo nostro Promethei ad montem religati,
 & aquile jecur illius assidue dilananti imago cernitur: cui ad-
 scriptum est una voce expressum Emblemâ: Conscientia. Cete-
 rum, ut res melius intelligatur, ex antiquorum scriptis explica-
 tio ejus repetenda est. Memoria litterisq; proditu est, Iovē ira-
 tū mandasse Mercurio, ut Prometheū ob surreptum ignē & di-
 vini muneris Pandora contemptū ad Caucasum religaret. Cause
 verò tanti supplicij tres precipuè cōmemorantur, fraus, furtū &
 contemptus. Cui enim in sacrificijs olim mos esset integras hostias
 immolare, neq; idcirco pauperes ob sumtuū magnitudinē sa-
 crificare possent: Prometheus cum Iove egit, ut dimidia duntaxat
 hostia pars deinceps ad sacrificiū praberetur, altera vero ho-
 minum usui reservaretur. Quod cum Iupiter concessisset: Pro-
 metheus homo callidus & veterator binos tauros mactavit, &
 utriusq; ossa, à carnibus separata accumulavit, corioq; obtexit,
 carnes itidem scorsim ab ossibus positas reliquo corio operuit:
 atq; ita Iovi alterutram hostiam eligendi optionem dedit. Iu-
 piter nil fraudis suspicatus, ossēam victimam prope se locatam
 elegit. Sed fraude animadversa graviter excanduit, atq; ho-
 minibus ignem, ne sacrificia amplius faciliare possent, eripuit.
 Verum callidissimus Prometheus auxilio Minerva in cœ-
 lum ascendit, ferulaq; ad currum solis adnota, ignem
 surri-

surrupuit, eumq; in terras delatum cum mortalibus denuo communicavit. Quod cum Iupiter reserasset, Vulcano imperavit, ut feminam è luto fingeret : qua quod omni artium genere à dijs instructa ornataq; esset, Pandora dicebatur. Hac primum una cum pyxide belle depicta, cunctiq; malis calamitatibus referta, ad Prometheus missa fuit, à quo spreta & metu insidiarum repudiata, ad Epimetheum contendit : qui pyxidem ab ea acceptam quum aperuisset, omnisq; generis mala evolare sentiret, solam Spem in fundo harentem occlusit: eamq; cum vasculo retinuit. Iupiter verò muneris sui contemptum agerrimè ferens, Mercurio mandavit, ut Prometheus ad Caucasum montem deduceret, eumq; humistratum, quatuor catenis tam arte astringeret, ut nullo pacto sese movere posset. Adjunxit & aquilam, qua jecur illius assidue tundens laniaret atq; exederet, nec tamè penitus id cõficeret & absumeret. Nā quantū jecinoris interdū depascebatur, tātundē noctu renascebatur, adeò, ut nulla unquā dolori materia deesse posset. Hoc figmentū, Auditores, non tanquā inane auriū oblectamentū accipere debemus: sed ex eo discere, In omnibus consiliis & actionibus diligentē conscientia rationem habendam esse. Est enim conscientia veluti prætor in uniuscujusq; animo constitutus, qui & quid, & quale, & quantum quidq; sit, clare perspicit recteq; judicat: & virtutes commendat & approbat, vitia improbat & damnat: atq; his pœnas, illis præmia statuit atq; decernit. Estq; permagna illi vis in utraq; partem, ut neq; timeant, qui nihil commiserint: & pœnam semper ante oculos versari putent, qui peccarunt. Nam qui rectè factorum memoria sustentantur, si sive domi sive foris versentur, & sive prosperis rerum successibus utantur, sive adversis afflicti entur, semper placida & tranquilla mente consistunt. Contrà qui omni sceleris & improbitatis contagione se contaminarunt, incredibili dolore & molestia afficiuntur & excruciantur. Nam & maleficiorum conscientia

eos perterret, & judiciorum metus exanimat, & suppliciorum
 formido de mente deducit. Neq. enim conscclerati deorum
 impulsu (ut Cicero ait) furiarum radiis ardentibus terrentur,
 sed sua quæquæ fraud, suum facinus, suum scelus, sua audacia, de
 sanitate ac mente desurbat. Ha sunt impiorum furia, hæ
 flammæ, hæ faces. Nullum enim scelus (ut Seneca scribit) li-
 cet illud fortuna exornet muneribus suis, impunitum est, quo-
 niam in scelere sceleris supplicium est, timere semper & expave-
 scere, etiam securitati diffidere. Multos fortuna liberat pœ-
 nâ, neminem metu. Tutum res aliqua in mala conscientia præ-
 stat, nulla securum. Putat enim se etiam si non deprehenditur,
 posse deprehendi, & inter somnos movetur, & quotiescunque
 scelus loquitur, de suo cogitat. Hæc Seneca in epistolis sanè quàm
 verè ac sapienter. Conscientia enim per omnes nationes, &
 gentes peragrat, atq. in animis omnium tam est insita ac inge-
 nerata, ut nemo, nisi solus quidem ferarum more vixerit, vim
 ejus ignorare, nec ullius hominis, si quid mali designârit, calli-
 ditas aut violentia angores illius & cruciatus effugere possit.
 Hinc perpetuus languor, hinc tristis & atrox vultus, hinc pa-
 vor & trepidatio; adeo ut facinorosi ad omnia fulgura & toni-
 trua expallescant, ad quosvis rumores trepidant, atq. etiam so-
 lii volitantis strepitu perterriti contremiscant. Nullum enim
 habent in rebus angustis & adversis levamentum, nullum in
 mœrore solatium, nullum in calamitatis imminentis metu per-
 fugium. Ut enim si quis telo venenato confixus esset, quodè
 corpore extrahi non posset, nullum temporis momensum dolore
 vacuum haberet: Sic ubi venenum turpitudinis animum occu-
 pavit, & altius penetrans mortiferum ei vulnus inflixit, nihil
 est quod miserum hominem ab angoribus & dolorum acerbita-
 te liberare possit. Ex quo fit, ut neq. domi, neq. foris, neq. publi-
 cè, neq. privatim, neq. inter diu neq. noctu, neq. in ocio, neq. in

negotio ullam quietem inveniat. Etenim nec domus, nec ci-
vitas, nec frequentia nec solitudo, nec lux nec tenebra, nec la-
bor, nec requies illis jucunda esse potest, qui animum scelerum
ac flagitiorum vulneribus concisum gerunt. Testis est Impera-
tor Nero, qui interfecta matre, aliisq; sceleribus admissis so-
mnium amplius capere non potuit: sed agitated furiis de lustra-
tione cogitavit: tandemq; gladio mortem sibi ipse conscivit. Te-
stis est Bessus quidam (ut Plutarchus scribit) qui cum patrem su-
um clam trucidasset, posteaq; complures annos absq; ulla crimi-
nis suspitione exegisset: quodam die ad cœnam quam amicis
condixerat, proficiscens, fortè incidit in nidum hirundinum,
quem baculo disrui, pullosq; inde exturbatos crudeliter omnes
obterit & conculcat. Reprehensus verò à comitibus de im-
manitate, quam in aviculas innocentes nulla de causa exercuis-
set: Nimis diu (inquit) me paterna cadis falso accusarunt.
Quod responsum comites ad regem detulerunt, quire diligen-
ter explorata cognitaq; Bessum merito supplicio affici jussit. At
illa non hirundinum, sed ipsius natura voces erant: quæ infla-
bant, quæ urgebant, quæ Besso hæc duo verba, Quid fecisti, idem-
ridem in mentem revocabant, adeò, ut nec unquam nec uspiam
mieu vacare, animoq; tranquillo esse potuerit. Verum exempla
plura nec res proposita desiderat, nec temporis brevitæ admit-
tit. Perspicuum igitur est, Auditores ornatissimi, constatq;
inter omnes, in conscientia & felicitatem & miseriam nostram
esse positam: utpote quæ si pura integræ sit, animum sanat, men-
tem illustrat, securitatem præstat, voluptatem parit, ad beatitu-
dinem deducit, cum Deo beatisq; mentibus nos conjungit, ac
sempiterna societate devincit: Contrà verò, si impura sit, scele-
reg, constricta teneatur, animum afflicat & perturbat, men-
tem occacat, molestias creat, terrores injicit, dolores affert, ca-
lamitates importat, tandemq; hominem acerbissimis cruciati-
bus confectum in sempiternas miseras conjicit. Quæ cum ita
schæ-

se habeant, neminem vestrum esse puto, qui mecum non consentiat. planeq; statuat, in id studium unice incumbendum esse, ut, quantum in nobis est, vitia declinemus & fugiamus, & virtutem amplectamur, atq; colamus: vitamq; nostram prorsus sic instituamus, ut siue soli simus, siue inter homines agamus, nihil admittamus, cujus nos aliquando vel perdere vel pœnitere queat: & verd ad extremum decurso in his terris vite spacio, bonaq; fama inter homines relicta, conscientiam puram omnique labe carentem ad Deum Opt. Max. supremum humani generis judicem afferamus.

D I X I.



Bb 2

ORA

ORATIO SECVNDÆ
CLASSIS, RECITATA

ab

*Illustri & generoso Domino, Domino
IOHANNE ALBINO SCHLICK,
Comite in Passau & Veiskirchen.*



DVPLEX animorum atq; natura humana
vis est: una in ratione posita, quæ doceat atq; explanet,
quid faciendum fugiendumq; sit: altera in appetitu, sequi gra-
cè: quæ hominem huc & illuc rapiat. Amba ea lege inter se
iuncta sunt, ut appetitus rationi parent. Ratio enim nil nisi
prudens, iustum, forte, temperans, præscribit, unde omnia officia,
laus, decus, honor, gloria, promanant. Appetitus contrà se-
meritatus, libidinis, iracundia, injuria, ignavia, vel autor vel
minister est. Cui ne obsequamur, admonet nos Brabeum no-
strum, in quo imago cernitur Minervæ Achillem iratum à
crude-

crudeli facinore quod animo conceperat, revocantis ac prohibentis, subiecto hoc Emblemate: Vince animos. Nam ut Homerus lib. 1. Iliados scribit: Cum Achilles dux fortissimus, & pumeq; de rege suo Agamemnone meritis, videret; se in nullo apud eum esse loco: incredibili dolore exarsit. Sic enim conqueritur (autore Homero, interprete Minturno:)

Namque loco nullo numerat me Rex Agamemnon. „

Ipsè habet id quo despectum me munere privat. „

Noverit Atreides, quorum sit causa malorum, „

Contempsisse virum, quo non præstantior alter. „

Iraq; tandem iracundiâ victus, stricto gladio regem adoritur: sed à tergo astans Minerva eum subito capillis apprehensum retrahit, ejusq; furorem ac impetum reprimis ac retardat. Quo insigni exemplo sapientissimus Poëta docet, iram nihil aliud esse, quàm furorem quendam brevem, atq; ut Seneca ait, consultorem pessimum: quæ idcirco Minerva, hoc est, rationis imperio refrenari omniq; studio coerceri debeat. Est enim hæc affectio omnium turbulentissima, atq; etiam nisi cohibeatur, nocentissima. Etenim tam ipsis iratis, quàm aliis hominibus vim ac detrimentum asserre solet. Primum enim perturbat animum, omnemq; rationis usum pervertit, ut mens neq; quid æquum, neq; quid iniquum sit, amplius cognoscere atq; statuere possit. Nam ut sumus offendit oculos, eisq; tenebras offundit, quo minus viam propositam, quæq; in ea se obviam ferunt pericula & incommoda, cernere atq; evitare possint: sic ira impetus mentem, quæ oculus quidam animi dicitur, quasi caligine quadam circumfundit & obscurat, ut nec decus, nec probum, nec emolumentum, nec detrimentum perspicere queat. Verum non animum duntaxat affligit, sed in corpus quoq; suam vim exercet. Nam sanguine in pectus conflante, & quodam quasi assu effervescente, cor intumescit & palpitat, & calor in cerebrum

ac reliqua membra repente diffunditur. Hinc teter & horribilis aspectus: celer & truculentus oculorum motus: color aut pallidus aut igneus: tremor totius corporis: lingua aut hesitans & velut interclusa: aut ad convitia valde praeceps & expedita: clamor infans: impetus furens ac violentus. Non rarò manus antevertis verba, tum pro telo est vel pugnus, vel unguis, vel calces, vel morsus, vel sputum ipsum, & deniq; quicquid primum manibus obtingit: furor nempe (ut quidam ait) arma ministrat. Hinc plaga, vulnera, cades, atq; id genus alia mala, quae ex ira tanquam ex venenato fonte promanant. Liceat ex innumeris exemplis unum & alterum in medium proferre. Alexander Rex Macedonum, cognomento magnus, nutricis suae filium Clytum amicum singularem & innocentem, per iram interfecit: pauloq; post sese recolligens, telum è Clyti vulnere extractum in seipsum convertisset, nisi amicorum interventu prohibitus fuisset. L. Sylla turbo & procella Reipub. Romana, irarum furis agitat us universam urbem, omnes Italia partes atrocissimis civium cadibus ac sanguine cruentavit. Commodus Imperator irā incitatus balneatorem in fornacem ardentem coniecit, quod balneum ingressurus, tepidiusculum id invenisset. Tamberlanes Scytharum rex, cum videret, pueros & puellas candidis vestibus amictos, oleoq; fectis redimitos, pacis exorande causa, sibi obviam mitti, rabiosa irā inflammatus equitatum in eos immisit, omnesq; miserè protrivit & conculcavit, & reprehensus ab amico: Cave, inquit, ne iram atq; furorem Deo temerè accuses. Sed quid longinqua ex veterum annalibus exemplare peto? Convertamus nos ad propinqua, quae aetas nostra vidit, ac etiam nunc non absq; ingenti dolore videt. Quis nescit, quam exitiosa atq; funesta irarum fax, in Belgio & Gallie regno multis ab hinc annis accensa. adhuc ardeat? Quis ignoret tyrannidem Hispanicam? cuius furore multa hominum milia in Belgio, omnibusq; forsitan despoliata, bonis omnibus ex-

usa, carcere, vinculis, equuleo, ferro, cruce, flamma, defossionibus, merfionibus, indicta causa, atq; etiam non raro intempesta nocte, contra usitatam iudiciorum formam, contrucidata sunt. Quis absq; luctu & horrore carnificinam Gallicam recordari queat? in qua circiter triginta hominum millia, paucorum dierum spacio interfecta sunt: non in praelio sed in summa quiete: non armati, sed partim nudi, atq; in lectulis dormientes; partim supplices, atq; sicariorum misericordiam implorantes: non uuum in locum coacti, sed suis quisq; in civitatibus ac domiciliis constituti: non per iudicium ac legitimam questionem, sed rabieq; impetiq; furentis populi: atq; in eo numero quam plurimi morbis affecti: multi senes, multa nobiles matrone, generose virgines, mulieres pregnantes, pueri infantesq; complures, viri deniq; per multi eruditissimi clarissimiq; & ab omni armorum & tumultus suspitione remotissimi, fuerunt. Ex his exemplis facile constare arbitror, nullam esse bestiam truculentiorē, humanog; generi magis perniciosam, quam iram: quippe quæ non solum animū uniuscuiusq; intestino bello vexat: sed fors quoq; prorumpens, turbulentas dissensiones, insidias, caedes, hominum strages, civitatum ac imperiorum everfiones, atq; ad eō omnis generis tum privatas tum publicas calamitates importat. Verum hanc nostram admonitionem non de quavis ira accipi velim. Nam ea quæ rationem in consilium adhibet, bonumq; finem sibi propositum habet, tantum abest, ut vitiosa videri debeat, ut etiam in laude ponenda sit. Est enim naturalis affectio, ad iniurias propulsandas homini attributa: itaq; & Philosophi ejus mediocritatem laudant, eamq; fortitudini tanquam rerum magnarum administrari adjungunt. Quam ob causam veteres Academici, teste Cicerone, irā δυνήν τῆς ἀνδρείας, id est, cotem fortitudinis appellaverunt. Immo vero & sacra littera iram moderatam probare videntur nec enim vetant irasci, sed per iram peccare vetant.

Sic

Sic enim scriptum est: Ita irascimini, ut ne peccetis. Quocirca irasci licet, sed impietati, injustitia, ceterisq; vitiis: sed moderatè, & cum tempus ac locus postulant. Quæ cum ita sint, Auditores optimi, omni studio connitendum nobis est, ut iram rationis imperio coërceamus, diligenterq; caveamus, ne per eam in aliquam turpitudinem prolabamur. Audiamus Aristotelem, qui iram comparat militi, præ alacritate etiam injussu imperatoris ante aciem excurrenti, qui statim revocandus sit. Audiamus Senecam, qui monet, maximum iræ remedium esse dilationem, ut primum ejus fervor relanguescat, & caligo quæ mentem premit, discutatur. Audiamus Athenodorum philosophum, qui ab Augusto tempore discessurus hoc ei præceptum μὴν ὀργῇ οὐκ ὀφείλει reliquit: Ne quidquam iratus aut diceret, aut faceret, nisi viginti quatuor Græcorum literis prius recitatis. Audiamus deniq; & Socratem, qui, Non utimur (inquit) aqua turbata, nisi constiterit: multo minus utendum est animo commoto, antequam ad se redierit. Sic fecisse scribitur Archytas, qui sermo, à quo graviter offensus fuerat, dixerit: Quo te modo accepissem, nisi iratus essem. Quapropter & nos demus operam, ut iram, quantum in nobis est, devitemus, aut si omninò vitari non queat, eam moderemur, & intra rationis doctrinæq; gyrum contineamus, atq; ad eò Achillis Minervam audientis exemplum imitemur.

D I X I.



ORA-

ORATIO TERTIAE CLASSIS, RECITATA

CHRISTOPHORO SCHLAUDERSBACH
NORIBERG.



PRAECLARE *Epicharmus* Deum labore omnia bona hominibus venalia proposuisse ait. Nec minus verè ac sapienter poëtarum rex *Virgilius*, Labor (inquit) omnia vincis improbus. Nihil est enim in rebus humanis tam magnam atq; præclarum, nihil tam arduum atq; difficile, quod virtutis studio, labore & contentione superari ac obtineri non queat. Atq; hujus quidem rei exemplum illustre nobis propositum est in *Hercule*, cujus cum Centauro dimicantis eumq; vincens simulachrum in nomismate nostro impressum effigiumq; habemus, cum hoc Emblemate: Gaudet certamine virtus. Fuit autem *Hercules* Iovis & *Alcmene* filius, qui quum

Cc
primum

primum adolesceret, fingitur exiisse in solitudinem, ibiq, velus
 in Bivio Pythagorico hesitasse ac deliberasse, utram vita viam
 ingredi, & voluptatemne an virtutem consecrari deberet. Tunc
 ei duas sœminas obviam venisse ajunt, quarum una pretioso
 splendidoq, vestitu ornata, & nitore fucato illa viam volu-
 ptatis monstravit; vitamq, ei suavem omniq, deliciarum genere
 circumfluentem, promiserit: altera autem veste vili candidaq,
 amicta, & vultu liberali prœdita virtutis viam, sed laboriosam,
 cum perenni tamen felicitate & gloria conjunctam, ostenderit
 & commendavit. Adolescens itaq, utriusq, oratione accuratè
 perpensa, tandem virtutis viam sibi ingrediendam existima-
 vit. Itaq, duce virtute, comite labore, multa pulcherrima & pra-
 clarissima facinora edidit, quæ à Diodoro, à Livio, à Dionysio, à
 Virgilio, Ovidio, Theacrito alijsq, scriptoribus commemoran-
 tur. Atq, ut de innumeris pauca delibemus: Quum Hercules
 adhuc in cunis vagiret, duos ingentes angues utraq, manu pre-
 hensos restrictosq, interemit. Adultus hydram virulentissi-
 mam multiq, capitibus & colubris insignem interfecit. Leo-
 nem immanissimum nudus manibus apprehensum discerpfit, eiq,
 pellem detraxit. Busiridem Aegypti regem, advenas suos ma-
 ctare & immolare solitum, obtruncavit. Antæum Gigantem
 secum colluctantem compressit ac suffocavit. Cacus Vulcani fi-
 lium, Italiam nefandis latrocinis ac incendiis infestantem de
 medio sustulit. Centauros fregit & subegit. Geryonem Hispa-
 niæ regem tricorpore bello superavit, ejusq, boves abegit. Dra-
 conem in hortis Hesperidum aurca mala custodientem interse-
 cit. Cerberum tricipitem ab inferis extractum necavit. Quid
 multa? Homines maleficos, immanes bestias, horrenda monstra
 propè infinita confecit atq, oppressit. Ideoq, monstrorum domi-
 sor, & *καταδυνος καὶ ἀλεξίνκος*, i. e. egregius victor & malorum
 depulsor appellatus est. Tandem verò multiplici laboris ac sudo-
 ris spacio decurso, pyram in monte Oeta extructam & incensam

conscendit, & quod mortale habebat, combussit: quod divinum, id in calesce domicilium secum evexit. Verum sub huius fabularum involucri latet aliquid gravius, quod explicandum atq; excutiendum videtur. Sic enim nunc statuamus, Herculem nostrum nil aliud esse, quàm ideam quandam omnium virtutum à sapiente vetustate posterù ad imitandum propositam. Nam primò id ipsum varia ipsius nomina indicare videntur. Primum enim appellatus fuit Alcides, à græca voce ἀλκῆ, quæ excellens animi vi, & corporis robur, præsidium virtutum & remedium vitiorum significatur. Deinde dictus est Hercules, quasi ἥρῃς ἡεὶ ὀυκλῆος, id est, heronum gloria: vel quod ille inter ceteros heros, velut Hesperus inter stellas eluxerit: vel quia gloria non ignavos, sed fortes heroës beneq; de humano genere meritos imprimis comitetur. Et quoniam non solum natura doctrinæq; adiumentis, verum etiam singulari divini numinis afflatu ad res præclare gerendas opus est: idcirco fingitur Iovis satù procreatus: susceptus ex matre Alcmena, id est, ex constantia & perseverantia in laboribus, difficultatibus & periculis, virtutis & gloria causa subeundis ac perferendis. Deinde secessus ejus, atq; solitaria cum duabus mulierculis collocutio, nil aliud significat, quàm maturam & tacitam quandam de vita instituenda deliberationem: cui intervenerit ratio & appetitus, cum quibus adolescens aliquandiu quidem victoria contenderit, ad extremum tamen rationem ducem secutus, viam virtutis iniverit, in eaq; ita perrexerit, ut nulla cum neq; animi mollities, neque extrinsecus objecta voluptatis species, neque laborum difficultas, neque periculorum terror revocare ac depellere potuerit. Deinde non monstra & belluas, sed vel latrones & tyrannos (ut quidam putant) vel (ut nos interpretamur) pravas cupiditates ac vitia, quæ serè insensibilissimi humani generis hostes censentur, oppugnavit & superavit. Neq; etiam clavam nodosam, gravem duroq; ex robore constantē gestavit: sed labores immensos sum-

mas difficultates, maxima pericula, quæ clava figmento notantur, in visitorum monstris expugnandis conterendisq; subiit atq; sustinuit. Quod vero nunquam è manibus clavam deposuisse fingitur, id vigilantiam & constantiam ipsius indicat. Pro-
viderat nimirum hoc genus belli non uno alterove anno confici posse: sed perpetuum id esse, multasq; habere vicissitudines, atq; ancipiti victoria sæpenumero pugnari. Exuvium porro leonis, quod illi velut paludamentum assignitur, victoria ex hostibus devictis reportata signum est. Rogus deniq; ardens quem conscenderit, indicat ardentissimum vita melioris desiderium, quo incensus ac inflammatus, se ab hac mortali concretionem, segregavit, atq; ad æthereas illas sedes, ubi virtutis bra-
beum repositum erat, evolavit. Neg, enim mors est interi-
tus omnia tollens atq; delens: sed quadam quasi migratio com-
mutatioq; vita, quæ claris viris ac feminis dux in cælum esse solet. Quemadmodum charus apud Senecam de Hercule Osseo eleganter canit:

” Nunquam Stygias fertur ad umbras
” Incluta virtus. vivite fortes,
” Nec Letheos læva per amnes
” Vos fata trahent: sed cum summas
” Exiget horas consumpta dies,
” Iter ad superos gloria pandet.

Hoc pulcherrimū Herculis æ exemplum, Auditores, de tribus gravissimis rebus nos admonet. Nam primū homini in hanc vitam ingresso duplicē actionū viā proponit: alterā virtutis, principio fortis è diffidit atq; asperam; exitu certè salutarē atq; gloriosam: alteram vitæ, initio planam, facilem, oculisq; jucundam; sed in fine præcipitem, ac deviam, atq; in extremum salutis & famæ discrimen nos adducentem. Deinde reliquum vita cursum multis laboribus, difficultatibus atq; periculis definst, adeoq; ostendit nostram in his terris vitam esse perpetuam quandam
mili-

militiam, in qua cum pravitate animi, cum tetra mentis caligine, cum victorum turpitudine, tanquam cum hostibus continenter nobis consurgendum sit. Postremo egressum quoque, ex hac mortali vita describit, atque animorum à corpore migrationem itidem duplicem nobis ob oculos ponit; quarum una ad premia, altera ad pœna: sempiternas deducat. Quæ cum ita sint, Adolescentes studiosi, exemplum Hercules secuti, primum maturè de vita instituto cogitemus, & pro viribus enitamar, ut à fallaci & exitiosa voluptatis via aversi, semitam virtutis, proborum hominum vestigiis notatâ ingrediamur, ab eâque nulla omnino re nos deterreant aut avocari patiamur. Quia verò maxima ætati nostræ inest imbecillitas, & imperitia atque temeritas, qua fit, ut in delectamentis sæpe fallamur, & errore mentis res noxias tanquam salutes confectemur & amplectamur: idcirco non nostris iudiciis solis mitti debemus: sed viros bonos, prudentes, eruditos, nobisque benevolos in consilium adhibere, cuiusq; tantisper obtemperare, dum ipsi rationibus nostris prospicere & consulere possimus. Deinde quia non satis est, laudabiliter capisse, nisi perseveremus: & verò cum hostium nostrorum magnas sit vis atque calliditas: ideo singularis & vigilantia & constantia adhibenda nobis est: & quoties res postulat, legitime dimicandum, hoc est, præviis cupiditatibus, perversis improborum consiliis, pessimis aequalium exemplis, insidiosis voluptatum illecebris, variis denique, adversa fortuna telis fortiter resistendum est: omnesque cogitationes nostras, omnia dicta & facta ad voluntatem divinam conformanda: donec tandem laborum ac vitæ cursu confecto à Deo agonotheta summo ad premia evocemur, atque perennem felicitatis coronâ ornati avo sempiterno fruamur.

D I X I.

Cc 3

ORA-

ORATIO QUARTAE
CLASSIS, RECITATA

2

IOHANNE VASTERT
NORIBERG



In nomismate nostro, Auditores humanissimi,
expressus est cervus arrectis attentisq. auribus. Estq. hoc Em-
blema additum: Arrecta attentior aure. Quod ut planius ac
plenius intelligatur: breviser tū de auditu, tū de auditoris
officio dicendum videtur. Inter reliquos sensus, quos summus
ille rerum opifex Deus animantibus, tū salutis querenda &
conservanda, tū exitij cavendi & avertendi causa tribuit,
principatum obtinent visus & auditus: quae propterea & λωδε-
γιώτατοι αὐτοῦ ὄψις, ab Aristotele appellantur. Ex his verò duo-
bus uter sit praestantior, dubitari fortasse possit. Nam si vita
commoda atq. disciplinarum inventionem spectemus, Aspectui:
sive-

si verò artes atq. scientias jam quasitas & inventas, quæ opini-
onum sententiarumq. communicatione indies augeri, & magis
magisq. perfici possunt, consideremus, Auditiui prima deferenda
videntur. Nec sanè immeritò. Nam & Aristoteles auditum
ἡρώδης τῆς τοῦδ' ἐκείνης, id est, disciplina sensum appellat: quasi in-
strumentum disciplinæ & tradendis & percipiendis imprimis
accommodatum. Deinde experientia docet, cæcos mutis sur-
disq. plerumq. prudentiores esse: quia aures ad scientiam plus ad-
jumenti quàm oculi conferre soleant. Atq. hac causâ fuit (in-
quit Plutarchus) ut parentes liberos suos amanter complexi, eo-
rum aures inprimis exoscularentur. Sic enim illos ea parte ma-
ximè proficere posse significabant. Sed de præstantiâ hujus sen-
sus aliàs commodior erit dicendi locus. Iam instrumentum au-
ditionis paulisper aspiciamus. Aurium introitus extrâ sibi
appositas habet aurículas, quæ & externas injurias arcere, &
appulsas voces commodius excipere ac retinere queant. Atq.
hæ quidem homini ferè sunt immobiles, quum quoties libet aut
opus est, eas obtegere atq. vestire possit. Cæteris animanti-
bus, ratione & instrumento rationis, hoc est, manu carentibus
mobiles aurícula, quæ faciliè & deprimi & attolli possent, à na-
tura tributa sunt. De cervi memoria proditum est, eos demis-
sis auribus tardioris & hebetioris auditus esse, siquidem exter-
ni aëris appulsus obstantibus auriculis, in aures influere neque-
at: sed arrectis auribus acerrimè audire. Hujus animantis
imago & exemplum, Adolescentes suavisissimi, admonet nos de
officio attenti auditoris: quod quidem in eo positum est, ut men-
tem erectam & aures attentas ad præceptorum explanatio-
nes, ad eruditæ disputationes & orationes, secum afferat. Ni-
hil enim homini studioso utilius & fructuosius, quàm multa
discere: nihil facilius & jucundius, quàm multa audire.

Magna

Magna quidem varia lectionis videtur esse utilitas & voluptas: sed auscultationum iucunditas multo major, fructusq; longè uberior est. Nam ut proverbio dicitur, ζῶντος φωνὴ μαλ' ὀνέσι π' ἐκ' ἔργου, id est, viva vocis longè major est vis. Hac enim penetrat in animum, eumq; magis excitat, atq; etiā ab aliis cogitationibus, quæ legenti plerumq; obstrepere solent, avocat. Itaq; & facilius menti adhærescunt, & firmitus imprimuntur, & diutius retinentur, quæ attentè audiveris, quàm quæ legeris. Deinde magis animos exempla quàm præcepta movent, longèq; gravior viventium quàm mortuorum est autoritas. Contra verò lectio est muta, nec mentem satis penetrat: quin immò, si pertinacius continuetur, legenti languorem affert. Nec sanè studiosis adolescentibus quidquam tam incommodat, quàm assidua inter libros delitescendi consuetudo, & publicarum auscultationum & congressuum neglectio. Nam interim jacet rerum usus, solertissimus vita humana magister, qui multa monet, multa docet, quæ nec in scholis & Academicis, neq; in privatis & solitariis Musæis satis agnosci possunt. Quod cum M. Tullij Cicconis pater intellexerat, maturè filium (ut ipse lib. i. de oratore testatur) ad Scævola[m] deduxit, ut quoad posset acliceret, à senis latere nunquam discederet. Itaq; multa ab eo prudenter disputata, multa breviter & commodè dicta memoria mandavit, ejusq; colloquiis ac consuetudine & melior & doctior evasis. Verum quid hac nostra sit ætas? Pleriq; adolescentes, quamprimum ad publicas acroases admittuntur, statim falsa doctrinæ persuasione insolescunt, studium atq; industriam remittunt, morisiores ac præceptores spernunt. Quo sit, ut quemadmodum Bion dixit, νόστις sit ἐγνωνὴς τῶν ἀποσώσῃς, id est, opinatio sit profectus progressionisq; retardatio & impedimentum. Sic inanis ista arrogantia facit, ut ideò ad sapientiam non perveniant, quia jam se pervenisse eò existimant. Hinc tanta est bonorum ac eruditorum virorum penuria, tantus sophistarum & inuti-

inutilium terræ ponderum proventus, tantum deniq; fidelium
 præceptorum odium atq; contemptus. Quæ cum ita se habe-
 ant, adolescentes charissimi, etiam atq; etiam vos moneo, ut &
 vestros præceptores diligenter assensq; audiat; & hominum
 eruditorum familiaritati & congressibus, quibus & ingenia a-
 cuuntur, & mores corriguntur, & doctrina miris modis au-
 getur, operam detis: atq; tandiu à præceptoribus discendum pu-
 setis, quoad vos (ut Cicero ait) quantum proficiatis, non pœ-
 nitetis.

D I X I.



Dd

GRA-



GRATIARVM ACTIO,
RECITATA

46

ANTONIO HVEBNERO
VVV RTZ BV RG.



QV ANQV AM pro beneficiis, quibus & Deo
Opt. Max. & ornatissima huic corona obstricti tenemur,
pares gratias referre haud quaquam possumus: quantas tamen
animus capere potest maximas & agere & habere debemus.

Primum igitur tibi, aeternae, ac praepotens omnium rerum
moderator Deus, gratias agimus, & habemus immortales, quod
hanc regionem, hocq; virtutum & doctrinarum domicilium,
ejusq; autores & patronos, ab omnibus bellorum, incendiorum,
morborum ac tempestatum periculis, & calamitatibus, haec-
tenus defenderis: & vero, quaecunq; ad studia literarum, ad com-
munem usum, vitag. cultum pertinebant, liberaliter, ac abun-
de sup.

de suppeditariis. Da hoc quaeso bonitati tuae, ut in posterum quoque inter horribiles procellas, savasque tempestates, quibus orbis Christianus jactatur, hanc literarum sedem tuearis, & pro tua in nos benignitate, efficias, ut muneribus & officiis nostris quiete fungamur: atque ita vivamus, ut vita rationem tibi simul & hominibus aliquando reddere possimus.

Deinde vobis, amplissimi ac prudentissimi Domini Scholarchae, vosque reliqui Academia hujus patroni nobiliss. & clariss. vobis, inquam gratias maximas agimus, non solum pro eximia in nos totamque hanc Academiam liberalitate & munificentia: verum etiam pro honorifica vestra presentia, qua hanc panegyrim exornare atque illustrare haud gravati estis. Et quoniam in rebus humanis nihil est tam bene constitutum, quod non vel temporis longinquitate, vel hominum iniquitate deterius fiat, nisi assidua cura atque diligentia sustentetur ac conservetur: idcirco quemadmodum nauta adverso flumine, ac vento, navim remis impellens, nihil de sua industria summaque contentione unquam remittit: sed ibi vehementissime brachia contendit, ubi cursum amnis incitatisimum, ventumque violentissimum animadvertit: ne videlicet impetu illius abreptus, eo quod nolit, deferatur: Sic vos, patroni summi, quibus in tutanda Academiae vestra dignitate, cum humanae conditionis perenni mutabilitate, contraque improbos invidiae conatus contendendum est, providere & cavere debetis, ne de studio, sollicitudine, industria, qua hactenus usi estis, quicquam relaxetis: sed in eam rem omni cogitatione, curaque incumbatis, ut schola vestra, aequabilem dignitatis cursum perpetuo teneat, eumque ad divini nominis gloriam, ad Reipublicae vestrae decus, ad commune humani generis emolumentum dirigat, atque accommodes.

Deinde gratias vobis agimus, Rector Magnifice, vosque ceteri

professores clarissimi, praeceptores summi observandi: pro singulari vestro studio, labore, fide, & industria, quam in nobis erudiendis, & ad omnem laudem confirmandis, effingendisq; adhibuistis. Oramus porro & obsecramus vos, ut deinceps quoque pari amore ac benevolentia nos complectamini: & verò mentes nostras sapientiâ, animos virtute, linguas eloquentiâ instruere, & ornare pergatis. Nos vicissim pro viribus conitemur, ut neq; diligentiam, neq; observantiam & honorem, neq; gratiam vobis debitam innobis desiderare possitis. Ad extremum gratias agimus vobis, Illustris D. Comes, Inclit & generosi D. Barones, vosq; reliqui tum nobilissimi, ac ornatissimi adolescentes: tum hospites, quotquot adestis, longè gratissimi, vobis, inquam, universis gratias agimus singulares, quod Academia nostrae Encenia vestro iucundissimo conspectu, & praesentiâ amplificare, & condecorare volueritis. Nos vicissim studia, officia, & obsequia nostra singulis pollicemur ac deserimus: & etiam atq; etiam à vobis petimus, ut orationis brevitàem & tenuitatem in bonam partem accipiatis.

D I X I



PAN-


XVII.

PANEGYRIS ANNI

1593.

SVB RECTORATU

D. M. IOHANNIS PRAETORII

*Mathematici.**Oratio prima classis, recitata**ab**Illustri & generoso Domino, Domino**IOHANNE ALBINO SCHLICK,**Comite in Passau & Veisenkirchen.*

NEMINEM vestrum esse arbitror, Auditores
 ornatisimi, qui non brevem & planam potius, quam lon-
 Dd 3 gant

gam & futilitatis plenam orationem à me expectet. Sic enim mihi persuasum est, nihil eruditis auribus molestius, atq; odiosius accidere posse, quàm verbosam rerumq; inane concionem. Ne igitur molestiam audiendi, fastidium vobis afferat oratio mea, quàm brevissime planissimeq; potero, Emblemata à Magnifico Rectore nostro mihi impositum, interpretabor: atq; ut olim in vindictiarum lite, in una gleba ad prætorem allata, tanquam in toto agro vindicare solebant: sic ego, cum paucissima attulerò, in ijs tamen pertractandis ita versabor, ut rem universam ob oculos posuisse, atq; explicasse videar. A vobis auditores humanissimi, peto quasq; ut vestra humanitatis fontes, qui cæteris adolescentibus antehac maxime patuerunt, mihi quoq; aperiant, meq; attentè bonaq; cum venia audiatu.

Quanta sit vis, quàm multiplex utilitas honeste disciplinae, & institutionis, ad sciitè atq; eleganter docet Nomisma sive Brabeum nostrum, in quo effigies cernitur avicula, quæ è cavea sua clapsa, fortè incidit in ramos visco illitos, quibus inherescens amplius se extricare non potuit: habetq; adjunctum hoc Emblemata: Effugiens peteo, seu Damnosa libertas. Quid enim aliud est disciplina, quàm veluti septum quoddam quo adolescentes contineantur, atq; tum laudandarum doctrinarum studiis, tanquam suavissimo saluberrimog; animorum pastu alantur, tum legibus & salutaribus institutis, ad officium, omnemq; honestatem informantur, & erudiantur. Ex quo jam illud perspicuum est primum præcipuumq; boni, & ingenui adolescentis officium esse, amare disciplinam, & parentibus, atq; magistratibus, Ecclesiasticis, politicis, & scholasticis obtemperare. Est enim eximia quadam virtus, & singulare bonum, obedientia, quippe, sine qua, nec cælestia, nec terrena, nec publica, nec privata munera, atq; officia rectè administrari possint. Nam, quo pacto, Solis, & Lune, cæterorumq; siderum perennis, atque perpetua motio, naturas inferiores moveret, cunctiq; vim fa-

luta-

lutarem, maximeq; vitalem largiretur, & qua ratione signorū
 ortus, obitusq; definitum quendam ordinem servarent, & die-
 rum & nocturnum, mensium & annorum spatia, ad usus humanos,
 apte & accommodatē distinguerent, nisi universa natura opifi-
 ci, ac moderatori obtemperarent? Quod regnum, qui principa-
 tus, qua civitas, qui pagus, rectē gubernari, diuq; constare pos-
 set, si non cives ac subditi, legibus, & institutis & iustis Ma-
 gistratuum parerent, honestamq; disciplinam morum probitate
 tuerentur? Qua domus rectē constitui, regiq; posset, nisi uxor,
 liberi, servi, ceteriq; domestici, patrū familias voluntati obse-
 querentur, ejusq; mandatis obedirent? Quod bellum feliciter
 suscipi, & geri, quod praelium iniri, qua victoria obtineri posset,
 nisi milites Imperatoris, sive ducis auctoritatem sive imperium
 sequerentur? Quid de scholā atq; Ecclesiis dicam? num absq; di-
 sciplina conservatione statum suum integrum tenere poterunt?
 Minimē omnium Nisi enim auditores, vitam moresq; suos
 ad Doctōris sive Magistri salutarem doctrinam instituant, atq;
 conforment, unā cum disciplina interitu Scholarum, &
 Ecclesia statum turbari & labefactari necessum erit. Relinquitur
 ergo, nullam omnino esse multitudinem, nullum cætum ju-
 re sociatum, qui absq; disciplina, & obedientie præsidiis salutem
 ac dignitatem suam tueri, & conservare possit. Itaq; non absq;
 causā Statius exclamat:

Quid enim terris que poloque parendi. — Sine lege manet?

Es Solon interrogatus, qua ratione Respublica florens,
 & beata servari posset? Respondit: Si cives Magistratibus;
 Magistratus vero legibus obtemperent. Nec minus verē & e-
 leganter Aeschylus: τὴν περὶ ἀρχῶν τῆς εὐνοίας μητέρα, καὶ
 σωτῆρος γυναικα, h. e. obedientiā felicitatis matrē, & Servatoris
 conjugē appellavit. Contrario autē, quā multa mala publica di-
 sciplina cōtētus rebus humanis importet, Imperiorū ruina, rerū

publicarum commutationes, ciuitatum tumultus ac seditiones, scholarum turbae ac dissidia, Ecclesiarum denique distractiones & dissipationes declarant. Quae enim natio quantumvis florentissimae, illiusmodi morbo, tanquam occulto quodam veneno non infecta debilitataque fuit? Legite historias tum sacras, tum prophanas, tam veteres, quam recentes: videbitis profecto, plerasque gentes contemtae obiectaeque disciplinae poenas dedisse. Sed de his aliis commodior forsasse dabitur dicendi opportunitas. Iam temporis ratio postulat, ut quantum privata disciplina valeat, difficiamus. Privatam vero disciplinam hic appello, pulcherrimam illam morum reginam, qua duce adolescentes parentum ac praceptorum imperio obtemperant, atque ex eorum praescripto, consilia actionesque suas dirigunt, & conformant. Atque hac quidem magistra, nihil adolescentiae melius, nihil fructuosius magisque necessarium est. Nisi enim ad ingenium adolescentis diligens institutio accommodetur, non facile ullum virtutis ac doctrinae fructum feret. Nam ut ager, nisi probe colatur, sentibus ac tribulis obducitur: sic animus tenellus, nisi recte instituat,ur, facillime vitii occupatur, atque corrumpitur. Quam admodum vero industrius agricola, agrum noxiis herbis repurgare solet: sic recta disciplina animis adolescentum, pravae opinioniones, & vitiosae cupiditates eripit, omneque animi desiderium, ad virtutem & sapientiam traducit & assuescit. Sic agitur statim, suuvisimi condiscipuli, disciplinam nihil aliud esse, nisi culturam quandam fructuosissimam, qua animi nostri probe subacti, conceptis virtutum ac doctrinarum seminibus, uberissimam sapientiae ac felicitatis segetem proferant, atque tum sibi, tum ceteris usui, & ornamento esse possint. Ex his jam consequitur & illud, parentum ac praceptorum consiliis, monitisque singulari studio obtemperandum esse. Quae egregia virtus, non solum nos probiores & eruditiores, verum etiam fortunatiores facit. Obedientiam enim, vita à plerisque vitiiis flagitiisque

immu-


immunis, benevolentia divina & humana, prosperi optatiq;
 verum successus, & verò lucus huius usura maxime diuturna,
 tanquam fructus pramiarq; divinitus promissa, plerunq; comi-
 santur. Contra verò nihil turpius, ac perniciosius est, quàm
 contumacia, omnis honesta disciplina neglectio, atq; contemptio.
 Nam qui recta institutioni parere recusat, & parentum ac ma-
 gistrorum iussa contemnit, ac praecepta negligit, is effrenata li-
 bidinis plerunq; sit mancipium, suaq; dementia praecepta in omnis
 generis flagitia, & quae horum poena sunt, calamitates & mise-
 rias incidit. Cujus rei exempla propè infinita in omnibus Aca-
 demiis, non absq; magno multorum parentum & amicorum
 dolore, animadvertere licet. Nam quotusquisq; adolescens,
 quãvis domiprobè institutus, in Academias mittitur, qui inge-
 nium suum non muset, ac potius aperiat, suusq; cupiditatibus
 frenum laxet, & quicquid libeat sibi licere putes? Et verò qui
 in multitudine, & pravitate exemplorum, in errorem & frau-
 dem capitalem, non inducatur? Quodcunq; enim exemplo sit,
 id vulgò rectè fieri putatur. Tantag; prava consuetudinis vis
 est, ut etiam bona ingenia, & à flagitiis abhorrentia, saepenum-
 ro corrumpantur. Neg, ulla est Academia, in qua non reperi-
 antur amatores, aleatores, potatores, gladiatores, alijq; id genus
 voluptatum ministri, qui adolescentulus facem, ad omnem libi-
 dinem & turpitudinem praeferrunt, eosq; contagione sua infe-
 ctos, ac depravatos, in maximum probitatis, sanitatis, & fortu-
 narum periculum & discrimen adducunt. Nam adolescens,
 talem ducem & signiferum secutus, à conspectu & consuetudi-
 ne doctorem & bonorum virorum abhorret: disciplinam sa-
 stidiosè respuit, leges contumaciter aspernat, Magistratum
 superbè contemnit, per potationes coniectatur, genio & libidi-
 nibus indulget, turbas rixasq; concitat, nocturnis adium oppu-
 gnationibus, & insanis clamoribus hominum quietem turbat

puerperas, cateramq; imbellem faminarum & puerorum, itemq;
egrotantium multitudinem perterret. Ad hac pecunias, teme-
re in res aut non necessarias, aut turpes, ac perniciosas profun-
dit, grande as alienum contrahit, iniquas solutionis moras in-
terponit, vanisq; promissis creditores ducit, datam fidem violat,
vadimonium deserit, in fugam turpissimam se conjicit, ac cre-
ditoribus damnum, Academia molestias relinquit. Ad ex-
tremum redit domum, quàm abierat indoctior, aut nihilo, quàm
venerat, eruditior, pecuniâ per ignaviam profusâ, etatis flore
nequiter contrito, ore vultuq; impudenti, halitu fetido, facie ci-
catricibus deformata, maxillis & faucibus meretricia scabie ad-
esis, nasus resecto aut decurtato, manu mutilata, membris tre-
mentibus; cujus conspectus parentibus marorem, propinquis lu-
ctum, amicis dolorem affert: & Magistratui offensionem, ci-
vibus risum commovet. Hac nimirum sunt damnose libera-
tû præmia, his præta contemptaq; disciplina fructus. Quapropter
adolescentes ornatissimi, si salus vestra & incolumitas vobis
cura est: si conscientia labem, infamia dedecus, patrimonij
navfragium evitare cupitis: si parentibus honori, amicis jucun-
ditati, Reipublicæ & Ecclesiæ emolumento esse pulchrum puta-
tis: aviculam brachij vestri impressam crebrò aspiciite, eiq; ad-
iunctum Emblemata, etiam atq; etiam cum animis vestris cogita-
te. Ut enim avicula, quàm diu in caveis inclusa tenetur, à peri-
culis tuta & cæta est: at simul atq; evolveris, insidiarum telis
se se proponit, atq; velcateris volucris præda fit, vel ab aucupi-
bus capitur, & oborto collo necatur: sic adolescens, dum hone-
sta disciplina finibus coërcetur, à vitiis plerumq; & flagitiis absti-
net: Quamprimum vero convulsis disciplina officijq; repagulis
solutè libereq; versari caperit: statim corruptelarum illecebris
irretitur, variis erroribus, flagitiis & periculis implicatur. O
felices igitur & fortunatos vos, adolescentes, si parentum ac præ-
ceptorum imperio, & institutioni vos totos comistatis, si disci-
plina.

plina jugum, damnosa libertati anteponatū, idq; tam diu equo-
feratis animo, dum errorum & cupiditatum scopulos praterve-
ētis, virtutis sapientieq; portum assequamini, & mores vitamq;
vestram ex rationis præscepto ipsi regere ac moderari possi-
tis.

D I X I.
O R A T I O S E C U N D A E
C L A S S I S, R E C I T A T A

ab
H E C T O R E K O R N F A I L
in VVutmla Au-
striaco.



IN Brabeo nostro, Auditores Humanissimi,
imago hominis ritè sacrificantis, ob oculos ponitur, estq; ad-
scriptum hoc Emblemata: Mente manuque Quod ut melius in-
telligatur, opera precium fuerit de Sacrificiorum ritu & u-
su nonnihil è sacris Bibliis delibatum in medium proferre.

Sacrificiorum originem antiquissimam esse, inter omnes constat. Nam statim ab initio mundi homines partim natura duce, partim oraculis divinis admoniti, DEO aeterno & prapotentis, rem sacram facere ceperunt. Duo autem summa sacrificandi fuerunt genera: ἱλαστικόν & εὐχαριστικόν. ἱλαστικόν latine expiatorium, in quo animantibus, ritè mactatis, sanguineq; fuso, hominum delicta, & errata expiabantur. Quod genus sacrificij amplius in usu non est: quippe quod Typus duntaxat fuerit vera illius hostia Christi Iesu, qui in ara crucis immolatus, iram Patris placavit, omniaq; perfecit, quæ ad gratiam, & salutem mortalibus restituendam, requirebantur. Εὐχαριστικόν verò animi grati, acceptorumq; beneficiorum memoris testificandi causa institutum fuit: idq; vel animantibus, vel rebus inanimatis, ut rhure, vino, alijsq; terra fructibus constabat. Nam aut pecudes mactabantur, aut frumentum terebatur, aut similia oleo conpersa & in sartagine frixa offerebatur, aut vinum fundebatur, quod libamen dicebatur, aut thus atque odores incendebantur, atq; ad eò quibuscunq; tum mortales poterant rationibus Iehova magnificentiam celebrabant, eiq; & aëris salubritatem, & terra fecunditatem, caterorumq; bonorum copiam & ubertatem acceptam ferebant. Et si autem hoc quoq; sacrificij genus obsolevisse videatur: tamen ejus expressam quandam imaginem intueri licet in novi fœderis sacrificiis, inter quæ principem locum tenet illud sacrosanctum epulum, - quod εὐχαριστία & Cœnam Domini appellamus, in quo corporis & sanguinis Christi communicatione facta, beneficia ejus morte nobis parta commemorantur, animisq; gratis celebrantur. Huc deinde pertinent preces, & gratiarum actiones, quæ pro ceteris beneficiis fieri debent. Sic enim ipse Deus Psal. 50. repudiatis antiquis sacrificiis, hunc novum sacrificandi ritum nobis commendat. Num, inquit, taurina carne vescar, aut hircinum sanguinem bibam? Fac Deo sacrificium laudis: tum rerum ad-

ver-

versarum tempore, me invoca, & te eripiam. Idem planè D. Paulus in Epistola ad Hebraeos à nobis requirit: ut nempe astiduum laudationis sacrificium, hoc est, laborum fructum, nomen ipsius celebrantium, libemus. Est porro sacrificij Christiani genus, Beneficentia & liberalitas in pauperes. Quicquid enim in homines egenos & inopes erogatur, id Christus sibi tributum ait, vicissimq; ejus amplissimam remunerationem pollicetur. Quò pertinet & sui ipsius consecratio, qua nosmetipsos Deo totos offerimus, & consecramus. Quod qua ratione fieri debeat, docet Apostolus, ut membra necemus, nostraq; corpora, hostiam sanctam Deoq; acceptam praelemus, hoc est, acripeccatorum sensu fracti, & prostrati, ad misericordiam divinam confugiamus: naturam nostram vitiosam agnoscamus, & quantum fieri queat corrigamus, ab omni maleficio temperemus, pravas cupiditates comprimamus, & verò totum nostrum animum à sensu studioq; corporis abductum, ad nutum & imperium divini Spiritus convertamus ac conformemus. Sed longiorem de Sacrificiorum generibus orationem, neq; hic locus, nec temporis brevis admissis. Ceterum hoc in primis attendendum est, Deum in omni sacrificio non tam externas actiones, quàm bonam mentem & puritatem spiritus spectare & approbare. Neq; enim mens illa beatissima, & purissima, omnisq; concretionis expers, vel strage pecudum, vel carniū nidore, vel odoribus & unguentis, humano artificio confectis, ducitur ac tenetur: Nec item cantibus, & precibus inaniter & sine mente fufis delectatur. Sic enim Iehova ipse apud Esaiam: Quid, inquit, mihi cum tot vestris sacrificiis? ne deinceps inane fertum admove: à suffitu abhorreo. Et apud Hieremiam negat, se quicquam de sacrificiis praecepisse. At cur tandem negat, cum videamus illa tanto studio fuisse ex illius imperio praescripta? Ut ostendas, nulla sacrificia, nullas ceremonias, nullum

omnino honoris cultum sibi prebari, qui non ex pura mente, veraq; fide profisciscatur. Atq; huc spectat & simulacrum in Brabeo nostro effictum, & expressum, in quo cernitur ara, eiq; impositus ignis ad sacrificia paratus, in quem homo propè astans, oculosq; in cælum attollens, dextra manu thus injicere, sinistra vero pectus tundere videtur. Nam primum ara symbolum est cordis humani: ignis verò mentis, quæ instar flammæ sursum enititur, atq; ad ipsum VNVM, hoc est, rerum universitatis parentem Deum sese extollit. Vt enim pyramis (quæ figura igni tribuitur) ima sui parte latior paulatim in acutum tendit: sic animus humanus Dei amore inflammatus, sursum à terra fertur, suorumq; acumine infinitum à lum divinitatis orbem, cujus centrum ubiq; peripheria nunquam est, attingere, seseq; cum suprema sanctissimi numinis Unitate conjungere conatur. At quoniam cum ea conjungi nequeat, nisi illi sit amicus, nec illi amicus esse possit, nisi ad ejus similitudinem sese conformet; similitudo autem illa in pietatis & sanctitatis studio, & exercitatione tota consistat: Idcirco oculis ad cælum conversis, thus incendendum, lavaq; manu pectus tundendum est. Quod pietatis symbolum, quia obscurum est, paulo distinctius & planius explicandum videtur. Perspicuum est, constatq; inter omnes, thuris vim atq; naturam hanc esse, ut faciliè inflammetur, & odorem suavisimum emitat. Itaq; prisci sacrorum antistites, illud sacrificiis adhibuerunt, ac pietatis nostriq; erga Deum amoris symbolum esse voluerunt. Vt enim thuris fumus, ab igni & ardore excitatur: sic pietas, omnisq; cultus divinus, ab interna amoris divini flammâ suscitatur necesse est. Deus enim non lachrymam arboris, aut externi odoris suavitatem, sed animum rerum cælestium amore flagrantem postulat. Lava dein de manus, pectus tundens, nihil aliud indicat, & innuit, quàm fletu, atq; suspiriis, veraq; animorum ad Deum conversione flagitia concepta expurganda, atq; delenda, omniq; studio conn-

ten.

tendum esse, ut animus à corporis contagio avocatus, in terris
 cœlestem vitam meditetur, atq; imitetur. Quæ cum ita sint
 Auditores humanissimi, etiam atq; etiam elaborare nos decet,
 ut mente manûq; hoc est, non externis, duntaxat gestibus, sed
 multò magis animo à vitiis, pravisq; cupiditatibus repurgato,
 & pietatis atq; amoris divini facibus inflammato, ad religionis
 nostræ sacra accedamus. eaq; oculis mentis nostræ in cœlum sub-
 latis, obeamus, & peragamus, ut tandem Dei Opt. Max. grati-
 am & amorem, huiusq; comitem sempiternam beatitudinem
 consequamur.


D I X I



ORA-

ORATIO TERTIAE
CLASSIS, RECITATA

2
GENEROSO DOMINO
HENRICO BARONE
à VVildenfels.




IN nostro congiario, Auditores, expressa est
effigies & imago Panthera, cum hoc Emblemate: Allicitur
perimat. Est autem Panthera bestia, à feritate & immanitate
sic appellata, facie truculentâ & terribili, pelle maculosâ, no-
tisq; orbiculatis, ac nitentibus tanquam ocellis distincta ac
variata: qua odorem de se mittit longè suavissimum, quo reli-
quas feras ad se allicit, arreptasq; dilaniat, atq; devorat. Quo
simulacro voluptas, domina blandissima, depingitur: quippe
qua simili modo homines illecebris suis delinitos, toto impetu ad
se rapere soleat. Neg, verò omnis voluptas in visio ponenda,
fugiendaq; est. Sunt enim quaedam animi delectationes, qua

ex scientia, & contemplatione rerum, atq; ex virtute recte q; factorum conscientia capiuntur: qua tantum abest, ut sint aspernande, ut omnibus modis expetendae esse videantur. Quadam vero corporis sunt oblectationes, qua a sensibus oriuntur. His quatenus frui liceat, qua non, diligenter nobis cogitandum est. Quae enim ex aspectu, odoratu, & auditu hauriuntur, minus sunt obnoxia turpitudini: dum modo in ijs certatio, moderatioq; adhibeatur. Nam qui perpetuo nitet unguentis, aut ambrosios odores sumtuosius consecatur, aut oculos picturarum & imaginum varietate impensius oblectat, aut musicis concensibus, neglecto praesertim officio, nimio opere vacat, is in vitio est, gravemq; reprehensionem merito incurrit. At qua gustatu, tactuq; percipiuntur voluptates, omnium sunt importunissimae: qua nisi rationis imperio, quantum fieri possit, coercerantur, hominem saepenumero in omne scelerum & calamitatum genus conjiciunt. Itaq; cum omni aetate, tum adolescentia in primis huiusmodi voluptates fugiendae sunt. Hac enim aetate ob sanguinis fervorem, & humorum mutationem, & importunos animi motus ad luxum, & libidinem maxime propendet, ideoq; in maximo, & probitatis, & valetudinis periculo versatur. Nam qui turpes voluptates consecatur, ut primo Deum, qui ubiq; pari intervallo a nobis distat, atq; acutus scelerumq; vindicibus oculis omnia lustrat, gravissimè offendit. Deinde, animi sui statum labefaciat, tantasq; menti tenebras offundit, ut nec modum a Deo, & naturae praescriptum, nec ullum, siue decus, siue probrum, siue emolumentum, siue detrimentum perspicere queat. Praeterea corpori multa mala invehit: cerebrum ledit: vitales spiritus absument, nervosq; debilitat, coloris seditatem, omniumq; virium debilitatem inducit, tandemq; praematurum atq; acerbum vita interitum affert. Rarissime enim voluptuarius ad senectutem pervenit, quippe quibus idem ferè, quod

vernus arborum floribus accidere solet: quorum plerique, antequam maturitatem vel erosionem vermium, vel tempestatibus percunt. Ad hæc fama & existimationi suæ labem aspergit: rem familiarem dissipat & perdit, conscientiam vulnerat, atque ad extremum nihil præter iniustum & impressum dedecus, & gravissimam poenitendi causam, & doloris materiam uberrimam sibi reliquam facit. Hæc nimirum est illa venefica, quæ venenum melle oblitum propinat: hæc est illa pulchra, belleque depicta pyxis, quæ salutaris medicina loco cicuræ & aconitum continet: Hæc est illa bestia pedavægos, quæ blandissimo principio tetrum exitum subtexere solet: Hæc denique est truculenta & immanis illa Panthera, quæ adolescentes, odorû suavitæte ad se invitat, atque dilaniat, hoc est, in exitium præcipites agit, & brevem oblectationem perpetuis miseriis, & cruciatibus compensat. Quæ cum ita sint, Adolescentes optimi, etiam atque etiam providete, ut fœdæ voluptates non modo ne consecemini: sed ultrò quoque, aut ab impuriis & improbiis sodalibus oblatas prudenter declinetis & avertatis. Illudque idcirco perpetuò animû vestrû infixum habete: Allicit ut perimat, & turpi, brevique voluptati, decus virtutis sempiternum antepone: conscientiam bonam cum bona fama coniungite: atque, adeò, quantum fieri potest, cavete, ne turpium voluptatum vinculis constricti eò incidatis, unde aut nunquam, aut non absque summa difficultate evadere possitis. Quin potius imitamini Demosthenem, à quo cum Laus iniquum pretium postulasset, & Νεικὴν τοσότῃ, inquit, μεταμέλειαι, id est, tanti non empoenitere. Cavete contra exemplum Lysimachi, qui cum in Thracia, siti coactus deditionem fecisset, haustu aquæ: ob quantillam, inquit, voluptatem, quantum decus amisimus, quantam cladem accepimus!

114
O R A T I O Q U A R T A E
C L A S S I S, R E C I T A T A

GEORGIO CARLICK DE
Nezetzitz, Bohemo.



INTER reliquas virtutes, quæ hominibus plurimum & commodi, & ornamenti afferunt, Auditores Ornatisissimi, non postremum locum obtinet ea modestia pars, quæ Græcis ταπεινότης, latinis humilitas appellatur. Hac enim præclara est, atq; laudabilis animi affectio, seu virtus, quæ, qui præditus est, is suo se modulo metitur, atq; nec opinione, nec dictis, nec factis sibi plus tribuit, quàm æquitas postulet, ratio præcipiat, conscientia proponat: Ceteros verò sive doctrina, sive honore, aut dignitate aliquâ præcellentes, suspicit ac reueretur. Et si autem Humilitas omni ætati convenit: tamen in primis

Es 2

ado-

adoleſcentiam decet, atq; commendat. Pleriq; enim adoleſcentes, ob ſanguinis calorem, qui audaces facit, & propter imperitiam, temeritatemq; affectuum, ſibi omnium ſapientiſſimi videntur, atq; ut ait Ariſtoteles, ne ſumma quidem ac difficilima quaq; deſperanda ſibi cenſent: qui morbus etiam bonis ingeniiſ familiaris eſſe ſolet. Quamobrem, adoleſcentes ſtudioſi, ſic nobis planè perſuadeamus, nullam eſſe virtutem, quæ maiorem laudem, fructumq; uberiorem aſſerat, quàm humilitatem. Hæc enim cupiditates noſtras coercet ac comprimit, eaſq; rationi obediētes facit: hæc animos à vitiis, quæ ex arrogantia, tanquam à fonte promanant, abducit: hæc amorem, & benevolentiam tum à Deo, tum ab hominibus conciliat, nobiſq; ad omnem laudem, ac felicitatem aditum præmunis ac patefacit. Contra vero nihil intolerabilius, nihil Deo & hominibus odioſius, nihil bonis ingeniiſ nocentius, ac turpius eſt, quàm Arrogantia. Nam qui arrogantè de ſe ſentit, ac loquitur, ſuoſq; unius iudicio fretus, ceteros deſpicit, ac pro nihilo putat: iſ in graviſſimum divini numinũ, & bonorum virorum odium, offeſſionemq; incurrit, & niſi maturè reſipiſcat, meritas pœnas ſuperbia divinitus conſtitutas, tandem ſubire, ac perſerre cogitur. Deinde falſa perſuaſio, & inaniſ arrogantia, omnem induſtriam infringit, ac labefactat. Nam qui præmaturam doctrinam, & ſapientiam, opinionis errore ſibi fingit: iſ plerumq; omnem curam, & diligentiam remittit, atq; vel in primo ſtudioſorum ingreſſu tanquam in ſalebra hæret, vel cerè in medio curſu deſicit, nec ad veram, ſolidamq; eruditionis & virtutis laudem unquam facilè progreditur. E contrario autem quĩ humiliter, ac demiffè de ſe ſentit, atq; vel nihil, vel parum ſe ſcire arbitrat, iſ quotidie magis ad ſcientiæ cupiditatem exardeſcit, & præceptorum, aliorumq; bonorum virorum ope & opera adjuſtus ad altiora paulatim emergit. Atq; id ipſum Nomifmatis quoq; noſtri effigies proponis, atq; demonſtras, in qua aqua e.

qua è fistularum latebrâ in altum erumpens cernitur, addito hoc Emblemate:

Fortior è latebris emergit ad æthera virtus.

Quemadmodum enim aqua, ex longo intervallo, per latentes fistulas dimanans, cum primum nacta est exitum, magno cum impetu exilit, atq; ad varios hominum usus longè lateq; diffunditur: Ita adolescens, qui virtuti doctrinâq; deditus submisit, humiliterq; diu vixit, tandem maturitatem adeptus, è tenebris in lucem evocatur, atq; ad munera publica administrandum, obcundumq; magna cum laude adhibetur. Quæ cum ita habeant, Adolescentes suavisissimi, omni studio in eam curam, cogitationemq; incumbere debemus, ut, si inani doctrina opinione tentemur, ea animum nostrum ne invadat, & occupet: aut si jam invaserit, ut quamprimum inde ejiciatur. Namut vasa liquores non admittunt, antequam aër ex ijs emigret: sic quoq; nec animus noster salutaribus doctrinâs imbui potest, nisi vana persuasio prius expurgetur, ac dimoveatur. Quapropter cum morbus tam pestilens, commodius depelli non possit, quàm in fractione quadam animi, ac demissione: communem profectò sensum amisse videbimur, si non humilitatem omni studio colendam: arrogantiam contrà veluti pestem fugiendam, atq; devitandum esse statuamus.

D I X I,



Ff 3

PAN

PANEGYRIS ANNI

1594.

SUB RECTORATU

D. M. GEORGII SIGELII,

Pastoris Ecclesiae Altor-
phiana.

Oratio prima classis, recitata

2

CHRISTOPHORO SCHLAVDERSPACH

N O R I M B E R G.



Quamquam officium, ac munus quod mihi
nunc assignatum est, Auditores praestantissimi & huma-
nissimi, satis commodè, sat usq; graviter, atq; ex animi mei sen-
tentia ac voluntate sustinere me posse diffidam: Quippe com-
modi-

moditati ingenium, gravitati aetas, voluntati imperitia, reſq;
 propoſita difficultas, itemq; metus, quem partim natura, partim
 ampliffimus hic conſeſſus mihi adfert, & auget, impedimento
 ſunt: animo tamen non deſiciam, aut debilitabor: nec quod cer-
 taratione & conſilio mihi impoſitam eſt, id inconſulta temeri-
 tate recuſabo. ac deprecaber. Nemo enim, ut opinor, tam ini-
 quus ſuſcepti muneris mei aſſimator erit, qui ſi quantum poſ-
 ſum, praſtitero, quod quidam non poſſim, idcirco me reprehen-
 dendum exiſtimet. Quin ſic mihi perſuadeo, me in veſtra
 humanitate, haud modicorem oneris mei levationem inventu-
 rum eſſe: quam meam de vobis ſpem & expectationem ut exi-
 guis temporis attentione ſublevetis, bonaq; cum venia, me
 meoſq; condiſcipulos audiatu, majorem in modum vos oro, &
 obreſtor. In congiario ſeu pramio, Auditores, quo Ampliſſimi
 Domini Scholarcha me ceteroſq; primi ordinis adoleſcentes jam
 donarunt, atq; decorarunt, viri cujuedam in ſella conſidentis, ac
 duorum ſuſurronum ad aures ejus aſſiſtentium; itemq; pueri, ſle-
 xus genibus nitentis, manuſq; ſupplex ſuſum tendentis, ſimu-
 lacrum conſpicitur: idq; totum ad Apellis pictoris nobiliſſimi,
 picturam expreſſum & conſormatum eſt. Hic enim calumniam
 depicturus, primo virum quendā pralongis auribus, & duas ſe-
 minas, ignorantia videlicet, ac ſuſpicionem, ad latera illius ad-
 ſtantes figurabat. Deinde Calumnia egregie quidem ſplendideq;
 comitā: ſed vultu geſtuq; corporis terribile, & truculentā, quip-
 pe, qua manu ſiniſtra facē ardente vibrabat, dextra vero adole-
 ſcente capillis prehenſum. Deiq; immortalis ſide obteſtante ſecū
 raptabat. Ea anteibat vir quidā pallidus, & macilentus: ſed acro-
 titentioſq; oculorū ſenſu præditus, qui Linor dicebatur. Ade-
 rant præterea in comitatu, alia quidam muliercula, nimi-
 rum, Inſidia, Dolus, Fraus, Proditio, quarum hortatu
 domina, ad quidvis audendum incitabatur.

Ad
extre.

extremum penitentia, virgo, pulla veste induta, habituq; plane lugubri & capite reflexo, veritatem è longinquo venientem cum lachrymis ac pudore excipiebat. Ecce tibi veram expressamq; calumnia effigiem: ex qua facile perspicias nullum hominum genus, ut detestabilius, ac perniciosius, ita nec frequentius, aut acceptius esse, quàm Sycophantas & calumniatores: & nihil esse tam sanctum, atq; sincerrum, quod calumnia telis non sit propositum. Caterum ut hujus criminis turpitudine penitus pernoscat, opera pretium est, quidnam illud sit, & unde existat, & quam latè pateat, breviter perquirere, & investigare. Calumnia quidem variis modis describitur. Nonio, est mendax, & malitiosa infamatio. Ciceroni, est nimis callida, & malitiosa juris interpretatio. Et Martino Iuriconsulto autore, calumniari dicitur, qui falsum crimen intendit. A Luciano calumnia definitur accusatio, qua reo absente, & ignorante, facta, alteraq; tantum parte audita, contradicente nemine, creditur. Verum vox *ἡ καλὴ μαρτυρία* latius patere videtur, quàm ut harum descriptionum angustiis comprehendatur. Nam in genere significat criminari, seu verè, seu falsò, seu palàm, seu clanculum maledicere, obrectare, in odium atq; invidiam adducere. Itaq; rectè Calumniator (ut puto) non solum appellabitur is, qui alterum falsò accusat, aut leges malitiosa interpretatione ad privatum commodum, & adversarij incommodum detorquet: sed etiam qui quacunq; alterius scripta, dicta, & facta, de industria pervertit, atq; in deteriore partem interpretatur: quiq; maledictis tam absentes, quàm praesentes, nocendi causa figit & vexat. Sed undenam tam effrenata calumniandi libido? Quis hujus turpitudinis ortum è sacris literis repetunt, ejus autorem statuunt principem illum omnium scelerum architectum Diabolum, qui omnem veritatis, justiciæq; amorem, ac studium in hominum animis opprimit, & extinguit: atq; nefarias mentiendi calumniandiq; cupiditates excitat & in-

& inflammas. Verum qui propiores indagant causas, Calumniam & Invidia filiam esse ajunt.

*Quae duo vitia longè turpissima sunt, maximūq; incommodis omnem vitam rationem perturbant. Etenim insanus amor sui, & quae ex aliena, quam tibi potius censcas deberi, felicitate percipitur agritudo, animum hominis non solum teterri-
mīs tenebris circumfundunt, ut neq; ad verum videndum, neq; ad rectè agendum, vires efficaces habere possit: sed etiam cum ad aliorum hominum perniciem armant, & instigant. Nam qui aliis antecellere cupit, sibiq; plus, quàm par sit arrogat, is ca-
teros non modo contemnit & pro nihilo putat: verum etiam de existimatione eorum praesertim qui aliqua re vulgo praestant, detrudere, & vero virtutem, ac felicitatem ipsorum opprimere, aut certè imminuere & obscurare conatur: usq; adò, ut neque familiaritas, neq; propinquitas, nec ulla deniq; conjunctio à tam immani ac detestabili scelere eum avocare possit. Hinc odia, inimicitia, insidia, omniūq; generis scelera, quaeq; horum comites sunt, infinita calamitates. Quod si igitur procreatrices istae, tot mala rebus humanis important, quid de earum sobole Calumnia, quae suam nativam labem multiplici improbitatis ac-
cessione cumulat, sperare liceat? Nam reliqua duo pestes non in-
finite feruntur, nec quosvis sine discrimine invadunt: & deniq; si non alio remedio, saltem fuga declinari, & evitari pos-
sunt: At Calumnia nullis regionibus, ac finibus sese continet; sed in omnes terrarum oras, virus acerbitalis suae longè lateq; diffundit. Maledictum enim simul atq; jactum est, instar sa-
gitta evolat, & absentem, in quem mittitur, antè vulnerat at-
que occidit, quàm sentiat: neq; ulla medicina moribus ejus praevendus, & avertendis inveniri potest. Itaq; Aelius Alexandri Magni Parasitus, sectatores suos monebat, ut au-
dacter quemvis morderent, quod, tamen si vulnus consanasset,*

vulneris tamen vestigium cicatrix esses remansura. Quod si
hac immanis bellua inter privatos duntaxat, & plebeios homi-
nes politoris humanitatis literarumq; redes versarentur, mi-
nus fortasse mirandum foret. At eam in Politiis, & Scholae
& Ecclesiis irrepisse suaq; tabifica lue homines etiam eruditos,
& publica auctoritate praeitos inficere, id verò maximopere
& admirandum & dolendum est. Etenim (ut singulos ordines bre-
viter, atq; *κατά μέρος* perlustremus) an non in aulis principum
Sycophantae frequentissimi reperiantur, qui ut principibus sese
insinuent, & opes atq; honores, quos furentur appetunt, facilius
consequantur, falsis criminationibus bonos viros in invidiam,
& odium adducunt? In foro deinde, & iudiciis, quanta sit Ca-
lumniae vis, quanta accusationum, & criminationum acerbitas,
quàm crebro iudex vel gratiâ delinitus, vel potentia fractus,
vel pecuniâ adulteratus falsum decernat, quàm saepe falsi fictiq;
testes subornentur, nemo est, qui ignoret. Sed neq; Scholae & A-
cademiae, in quibus mansuetiores Musa florere debebant, nesa-
ria ista turpitudine vacant. Quàm immoderata enim maledi-
cendi libido, hac nostra tempestate animos quorundam velut
morbis quidam persuaseris, argumento sunt virulenta eorum
scripta & dicta, qui conviciis, & contumeliis sese mutuo lacer-
sunt, & lacerant, & alter in alterum non tanquam in hominem
literis deditum, sed velut in barbarum immanissimum, ac te-
rerrimum hostem acerbissimè invehitur: quasi nulla opinionum
contentio, & comparatio, nulla veritatis investigatio, absq;
alterius dedecore & ignominia fieri possit. Inter Theologos deniq;
tantus ubiq; nunc furor exarsit, tanta odiorum acerbitas inter-
cessit, ut alius alium, quem vel dogmate, vel ritu aliquo externo
leviter dissidentem animadvertit, contumeliosissimè stylo, &
voce persequatur: cūq; nō conversum, sed eversum non emendatū,
atq; etiā funditus de medio sublatum cupiat. Quae immanitas,
quàm calamitosa, ac funesta pleriq; Ecclesiis accidat, id mani-
festi-

festius est, quam ut rationibus, aut exemplis demonstrari debeas.

Adq; adhuc, quàm longè lateq; Calumniæ dominatus pateat, breviter ostendimus. Reliquum jam est, ut qua ratione tam truculenta bestia coercenda, aut cavenda & evitanda videatur, difficiamus. Nulla, ut opinor, gens & natio unquam fuit, qua Calumniam leviter ferendam, ac non possum acriter vindicandum, reprimendamq; existimarit, itaq; tam varia, & diversarum generum in eam, à variis constituta reperiuntur. Calumniatores enim vel talionis pœna affectos, vel in insulas amandatos, vel grandi pecunia mulctatos, vel in crucem sublatos, vel horum casus, atq; per urbem circumductos, in exilium pulsos esse, vel eam linguam exactam, vel caput abscissum fuisse, partim historici, tam sacri quam profani, partim lurisconsulti literis prodiderunt. Sed præter hanc severitatem, quam leges postulant, philosophia leniores quasdam Calumniæ effugienda, rationes commonstrat, è quibus nonnulla per quam breviter perstringenda videntur. Ac primum quidem magnopere nobis elaborandum est, ut vitam honestam, omnîq; turpitudinis expertem agamus, & verò cum bona conscientia, bonâ quoq; famam conjungamus. Sic nimirum aut nulla, aut cerè leviora atq; hebetiora Calumniæ tela, in nos conjiciuntur, quæ quidem animo benè conscio fortiter contemnenda, & pro nihilo ducenda sunt. Pusilli namq; est animi, ut inquit Isocrates, maledicos & nugatores & eos, qui illis aures præbent, curare præferimus si tibi sis nullius delicti conscius. Deinde moderandum est lingua, ne ad Calumnias & obscurationes præceptum feratur. Nam qui ferociter maledictus in alios irruit, mutua convicia, & contumelias expectet, necesse est, ὅπως αἰσχρολογία τοῖς ἄλλοις ἐπαυρίσκει, ut Homerus ait.

Sic benè vis dici caveas maledicere: qualis

Clamor adit Sylvas, talis & inde redit,

In primis verò cavendum, ne absentibus detrahendi causa maledicè, contumeliosèq; dicamus. Nam qui adsunt, & audiunt, non solum pejus de nobis existimant, sed plerumq; etiam que audiverunt, spargunt, atq; disseminant, aut ad illos ipsos, quibus maledixeris, deferunt, & vel σοφιστικῶς ea mutilans ac diminuunt, aut συκοφαντικῶς exaggerant atq; amplificanc. Qui bus rationibus non solum in summum odium, sed etiam non raro in extremum honoris, ac salutis discrimen adducimur. Quamobrem de absentibus aut bene loquamur, aut si aliquorum vitio id non liceat, Demosthenicum illud usurpemus : ἐπαινεῖν μὲν εἰς δυνάμει, ἔχειν δ' εἰς βέλομαι, Laudare non possum, vituperare nolo. Ad extremum summo studio providendum nobis est, ne criminationibus, & calumniis temerè fidem adhibeamus. Nam istiusmodi credulitas, non solum in vitio est, ac perquam affinis stultitia, hominum vanitatem, fraudes, & insidias, non attendentis, verum etiam sapenumero perniciem & exitum affert : id quod plurimis exemplis, si tempus ferret, probari possit. Itaq; in audiendis criminationibus primò etiam atq; etiam considerandum est, quis dicat? num vir bonus, prudens, amicus, atq; id genus alia. Deinde quid dicat, utrum id cum honestate, rectaq; ratione consentiat. Tum, cur dicat, utrum suum, suorumq; commodum, an aliorum incommodum spectet. Sed longiorem rei proposita explanationem temporis brevisas non admittit. Cum igitur & calumniari, & calumniis aures præbere fidemq; adungere, æquè vitiosum atq; perniciosum sit : danda nobis est opera, ut utrumq; pariter fugamus, ac devitemus, atq; ad eò non solum linguam refrenemus, ac contineamus, sed etiam animos nostros prudentia, atq; innocentia presidio, ita muniamus, ut nullum calumnia virus aures, mentesq; nostras occupare, atq; pervertere possit. Obsignabo hanc orationem memorabilis sententia Herodoti, quam & Basilii Magnus usurpavit in epistolis. Detractio (inquit apud Herodotum in

Polymnia (Artabanus) res est deterrima: in qua duo sunt, qui injuriam faciunt: unus cui injuria fit. Qui enim calumniatur, in eo est injurius quod non accusat praesentem: Qui detracti credit, is eo est injurius, quod prius credit, quam habeat rem compertam: Et cui detrabitur absenti, huic ob id fit injuria, quod ab altero, ut malus in simulatur, ab altero talis esse putatur.

D I X I.

O R A T I O S E C U N D A E

CLASSIS, RECITATA

à

CHRISTOPHORO FVRER,

N O R I B E R O.



*Quamquam natura brutis animantibus
rationem, & orationem denegasse videatur, eaq. idcirco*

Gg 3

119

ἄλoγa dicantur; tamen simulachra quadam rationes, memoria
 ac providentia hīs inesse, nemo, ut opinor facile negaverit. Quis
 enim ignoret, quanta solertia, & quam multiplex virtutum ac
 virtutum imago, non solum grandioribus bestis, ut Elephantis,
 Leonibus, Equis, Canibus atq; id genus aliis, verum etiam par-
 vis animantibus, ut apibus, araneis, bombycibus, ac similibus in-
 sit? Itaq; natura genius Aristoteles lib. 8. de historia animalium:
 Sunt in plerūq; (inquit) animalibus vestigia morum, animi hu-
 mani incit humanitas, immanitas; Clementia, acerbitas: forti-
 tudo, ignavia: metus, fidentia: ira, malitia: atq; etiam pruden-
 tia imago incit in multis. Inter cetera verò, insigne virtutis
 vestigium, in Aquila, nostro brabea impressa, cernitur, de qua
 Crates Pergamenus, & Stesichorus Poëta hoc exemplum memo-
 rialiterūq; prodiderunt. Cum aliquando complures mēsores si-
 ti, ut sit, laborarent: quendam è suo grege aqua haurienda cans-
 sa ablegarunt: qui cum ad fontem pervenisset, fortuito incidit
 in aquilam, cum immani serpente acerrimè colluctantem cumq;
 animadverteret Aquilam artissimè circumplexam de vita
 periclitari, intrepidè accurrit, & falce messoria serpentem
 dissecuit, alitemq; ab interitu vindicavit. Tum è fonte vicino,
 aquam hausit, atq; ad suos reversus, potum singulis ministravit:
 cumq; iam & ipse bibiturus, urceolum ori admovertes: ecce im-
 proviso advolarit Aquila, eiq; poculum è manibus excussit. Mes-
 sor ira incensus, dum a vera velut ingratam, acceptiq; beneficiū
 immemorem execratur: interim socios suos extremo spiritu
 exangues concidere, & mori videt. Ex quo, ille & fontem
 veneno à serpente infectum, & sibi gratias ab Aquila cumu-
 latissimè relatas esse, intelligit. Hoc egregio exemplo, Ado-
 lescentes studiosi, admonemur de pulcherrima virtute, qua
 jucunda accepti beneficii memoria, cum remunerandi, referen-
 diq; studio conjuncta continetur: & recenti, vocabulo Grati-
 tudo, à veteribus Gratia, & Gratus animus, itemq; Pietas ap-
 pella-

pellatur. Hac autem tū Deo Opt. Max. tū hominibus, bene de hominum genere meritū debetur. Est enim nullam partem divinā in nos liberalitatis non modo referendā, sed ne cogitandā quidem gratiā consequi possumus: tamen gratias ei persolvere dicimur, cum ipsius beneficia assidue in mentem revocamus: bonitatem ejus gratiā, animū, verbūq; prosequimur: & vitam, moresq; nostros ad ipsius voluntatem conformamus, & deniq; ex bonū divinitus in nos collatū quosdam veluti rivulos ad reliquos homines dimanare patimur. Cujusmodi exempla in sacris literis, præsertim in hymnis Davidis vatis sanctissimi, Regisq; potentissimi, adimitandum posteris relictā inveniuntur. Quod verò ad gratiam hominibus persolvendam attinet: primus locus debetur parentibus: nam horum operā in hanc lucem suscipimur, singulari cura enutrimur, multiplici labore educamur, omniq; beneficiorum genere ab ijs afficimur, & cumulamur, quos propterea præcipuo quodam studio colere & observare, omniq; pietate prosequi debemus. Quod si enim Ciconia solā natura incitatione parentes suos senio confectos alit, & quoties migrandi postulat necessitas, eos humeris suis inter volandum sustinet: quod si Merops, quamprimum per ætatem volare potest parentibus suis in specu latentibus victum conquirat, ac subministrat: quanto magis homo, cujus animo, divinæ legis, atque rationis effigies impressa est, erga parentes suos gratum & pium sese præbere debet? Atq; talis quidem fuit Atheniensis filia, quæ patrem extrema ætate in carcerem conjectum fameq; necandum, uberibus suis diu lactavit & aluit. Et Roma (autore Plinio) propepera quadam matrem suam vinculis constrictā, capitisq; sup-

*supplicio afficiendam, lacte suo clam nutritis tantisper, dum cu-
 stos carceris id rescisceret ac patefaceret. Quod pietatis exem-
 plum Magistratui tantam movit admirationem, ut non modo
 matrem è carcere dimiseris, verum etiam utriq; perpetua ali-
 menta curaveris, atq; etiam locum illum Pietati consecrandum
 censueris. Consimile est exemplum apud Lycurgum, de duo-
 bus adolescentibus Catanais, qui ceteris bonis omnibus relictis,
 solum parentem suum per medias Aetnae flammis humeris suis
 extulerunt. Sed plura exempla persequi infinitum foret. Alter
 deinde gratiarum locus debetur cujusq; honesta disciplina ma-
 gistris, ac praeceptoribus, qui salutaribus praeceptis, ac monitis
 animos nostros informant, atq; ad virtutem & sapientiam, om-
 neq; officij munus instituunt & erudiunt, ac propterea animo-
 rum parentes à veteribus verè appellantur, qui tanto majorem
 gratiam ijs persolvendam existimarunt, quando animus corpori
 praestat & antecellit. Et Aristoteles, τῆς Χαλεσσιᾶς, inquit, κοι-
 τωνήσεσι τιμὴν ὑπερβύουσαν ἔκαστος γένοιτο. Itaq; ut animum gratum
 erga Platonem praeceptorem testificaretur: aram ejus nomini
 exstruendam, statuamq; consecrandam curavit, in qua inscri-
 ptum erat, Hunc esse illum, quem meris omnes probi commen-
 dare atq; imitari debeant. Sed Graeca audire praestat;*

*Βωμὸν ἀριστοτέλους ἱδρύσατο τῆνδε πλάτανος,
 ἀνδρὸς ὁμῶς ἀνέμῳ τοῖσι κακοῖσι δέμῳ.*

Hoc est:

Hæc ab Aristotele est diva ara locata Platoni,

Quem vel laude, nefas, si mala lingua vehat.

*Alexander Magnus tam gratus in Aristotelem praepto-
 rem fuisse fertur, ut cum non minus, quàm patrem Philippum
 amaverit, quod ab hoc vivendi, ab illo benè vivendi rationem
 accepisset. M. Tullius quàm gratus erga praeceptorem A. Lici-
 nium fuerit, testatur oratio, quam pro ipso habuit. Trajanus
 Plutarchum in tanto honore habuit, ut eum Romæ consulem cre-
 arit.*

aris. Marci Antonini optimi Imperatoris tam eximia in preceptores fuit pietas, ut ipsorum imagines aureas in larario reconditas asservaret, eorumq; sepulchra hostiis, ac floribus exornaret. Gratianus Caesar Ausonium Gallum consulem fecit, aliaq; beneficia maxima in eum liberalissimè contulit. At quorum hac exempla? quorsum? ut adolescentes insellant, nulla merita pluris aestimanda esse, quàm qua ad animi decus & honestatem pertinent: ac proinde, si non majorem, atq; aequè magnam preceptoribus atq; parentibus gratiam deberi. Cum enim in rebus humanis nihil illustrius, nihil pulchrius & optabilius sapientiâ, & virtute, & qua utriq; comes esse solet, felicitate: consequitur profectò, nemini mortalium nos arctioribus vinculis ad gratias persolvendas, obstringi, quàm ijs, qui ad tam præclara animi bona adipiscendū duces atq; autores nobis extiterūt. Iā sit præstātius, nihil porro in parentū numero habēdi quoq; sunt Magistratus, qui Rerum publicarū, Scholarū atq; Ecclesiarū salutem, & dignitatem consilio, ope, & operâ tuentur, amplificanc, atq; conservant: Ideoq; gratamente, singulari observantia, summoq; studio colendi, & observandi sunt. Postremò grati animi officia ijs etiam præstanda sunt, qui aliis beneficiis, quibuscunq; nos affecerunt & ornarunt; elaborandumq; in primis est, ut munus sive donum acceptum pari & equali, aut etiam majori dono remuneremur. *ὡτ' ὅτ' ὁ μὲν τῷ κρείττονι χάριον*, ut est apud Hesiodum. Quod si enim (ut Cicero ait) agri fertiles multo plus afferunt, quàm acceperunt, quantò magis nos beneficio provocati, vicem rependere debemus? Et certè quo quisq; honestiori est animo, eo cumulatius gratiam referre conatur. Ideoq; veteres tres sinxerunt Gratias, quarum una oculos aversos, reliqua adversos habeant: atq; illa quidem de beneficio collato, hæc verò de duplici gratiâ referenda nos commonesciunt. At quaret quispiam: Quid? Illi quibus aut nulla, aut pertenuēs

sunt facultates, poterunt ne gratiam bene de se meritū referret?
Non difficile id quidem fuerit, si cogites, non uniusmodi ac simp-
plicem, sed varias atq; multiplicem beneficii referendi ratio-
nem esse: Neg, enim existimandum est, in remunerationibus
singularia quadam summiq; munera requiri: quale Darius Rex
Persarum Sylofonti, nempe pro veste olim donata, imperium Sa-
mi: Et Iulius Caesar pro aqua haustu fertiles agros; Et Ludovicus
Imperator pro rapis aureos nummos, dedisse fertur. Sunt enim
hæc $\chi\rho\iota\varsigma\ \alpha\lambda\eta\lambda\omega\upsilon$, ut est apud Homerum. Sed sic statuendum
est, virtutis huius amplitudinem animo potius, ac voluntate
æstimandam, ac definiendam esse, quàm externis illis donis atq;
officiis, quæ gratitudinis quidem nota atq; iudicia sunt, ipsa ve-
rò gratitudo non sunt. Itaq; nemo tam tenuis & afflictæ con-
ditionis est, quin alterius benignitate provocatus gratum sese
præbere possit. Nam vel sine re voluntas à boni viri proba-
tur, & grati memorūq; animi significatio, non minima remu-
nerationis pars existimatur. Quàm necessaria verò hac vir-
tus sit, Athenienses olim optimè mihi perspexisse videntur,
qui sanum Gratiū in media urbe dedicarunt, ut nempe signifi-
carent, omnem civilis societatis rationem, Gratiarū quasi quo-
dam numine contineri. Nullam enim firmitus concordia vin-
culum inter homines cogitari potest, quàm grata mentis remu-
neratio, & studiorum officiorūq; vicissitudo. Gratia namq;
gratiam parit, & animos alios ex aliis necesse, & universos de-
niq; civis singulari quadam benevolentia, & charitate inter se
devincit, & conglutinat. Adhæc ipse Deus egregio premio
proposito, ad huius virtutis studium nos allicit & invitat. Nam
in primo Legis capite, quod hominum convictum ac societatem
spectat: Parentes (inquit) colito, ut diu vivas in terra, quam ti-
bi Dominus Deus attribuet. Par enim esse videbatur, ut, qui
gratus esset in eos, per quos vita communi frueretur, in ea ipsa
vita diutissimè permaneret. Unde colligitur hominibus gratus

nunquam deesse premia, sed eos plerumq. eodem bonorum genere divinitus cumulari, quorum memoriam & gratè, & pie conservant. Quæ cum ita sint, Auditores, omni studio commendandum nobis est, ut in primis Deum, perennem atq. æternum omnium bonorum fontem, deinde parentes ac præceptores: tum Reipublica, Scholarum, & Ecclesiarum curatores: & deniq. ceteros mortales bene de nobis meritos, libenter diligenterq. colamus: beneficia eorum agnoscamus, ac prædicemus: & quacunq. ad gratiam singulis si minus referendam, cerisè habendam agendamq. pertinent, studiosè faciamus: ut non minus verè, quàm bonorificè illud Virgilij de nobis prædicari possit:

Et bene apud memores veteris stat gratia facti.

D I X I.



Hb 2 ORA-

ORATIO TERTIAE
CLASSIS, RECITATA

NICOLAO TAVRELLO.



PErspicuum est constatq; inter omnes, Au-
ditores humanissimi, omnem solidam, perfectamq; scienti-
am tribus potissimum rebus contineri: Naturâ, doctrinâ, &
exercitatione. Naturam appello ingenium, hoc est, tum vim
quandam à natura nobis insitam, atq; ingeneratam, quâ sumus
idonei ad quidvis cognoscendum, ac percipiendum: tum incre-
dibilem quandam sciendi cupiditatem, qua animus noster tan-
quam stimulo incitatus multa conatur, multa molitur, & quod
mirandum est, singulari quadam solertia effingit, atq; perficit.
Hinc videas passim, à rudibus nullaq; arte ex cultis hominibus
in natura obscuritate, in vitâ & moribus, in numeris & sonis,
in Geometria caterûq; id genus rebus, ea saepenumero animad-
verti

verit atq; notari, quæ alius nemo, quantumvis è scholâ politus, facile attenderit atq; perspexerit. Aratus Solensis (de quo Cicero lib. 1. de Orat. meminit) Astrologia ignarus, numero poetico versuq; Astrologiam elegantissime tractavit. Sic Nicander Colophonius ab agro remotissimus, solâ ingenij vi & industriâ excitatus, de rebus rusticis præclarissime scripssit, eritur. Sed ne longius abeamus, intueamur pueros (nam in huius natura indicia melius apprehendi possunt) an non perpetuò quodam agendi discendi ve desiderio incitantur? nonne rebus novis detinentur? spectaculis gaudent? colloquiis delectantur? argumentis facile ducuntur, atq; cum aliis disputant? idq; duce natura absq; ulla arte faciunt. Veruntamen quamvis hæc ita sint, animus tamen compagibus corporis inclusus, atq; errorum tenebris circumfusus, quid in quaq; re verum sincerumq; sit, planè atq; omninò perspicere non potest: Idcirco opus fuit lumine, quo oculus mentis illustratus & longius prospiceret, & penitus omnia pervideret atq; cognosceret. Atq; ad hanc rem viri summimaximòq; ingenio præditi omne suum studium, operam, laborem atq; industriam contulerunt: partim necessitate compulsi, partim admiratione adducti, partim deniq; utilitate, gloriaq; studio excitati, atq; inflammati. Cum igitur hi omnium rerum naturas incredibili mentis sagacitate, atq; solertia pervestigassent: quid in quoq; earum genere præstantissimum, quid cognitione dignissimum, quid usibus nostris commodissimum maximeq; necessarium videretur, diligenter annotarunt, & certa ratione præceptuq; ad usum vitæ accommodatis, conformarunt, posterisq; tradiderunt. Ejusmodi verò præceptiones, in unum collectas, methodoq; descriptas, appellarunt Artem, in qua si animus studiosè, assenteq; versetur, eam assiduâ exercitatione vel ad verum, vel ad adumbratum vitæ usum accommodet, sit tandem, ut certissimâ viâ, quò tendis pervenias: aut cer-

se ab eo, quodcumq; sibi proposueris, minus aberres. Quod si igitur tria illa adiumenta ad uniuscuiusq; artis & scientia cognitionem requiruntur: quid faciendum erit ijs adolescentibus, quibus non discendi cupiditas, sed vel ingenij bonitas, vel institutionis commoditas deest? Id ipsum pulcherrimè docet Brabeum nostrum, in quo Sycomorus Aegyptia cernitur, eiq; ascriptum hoc Emblemata: Defectum industria supplet. Est vero Sycomorus (ut à Dioscoride ac Plinio describitur) arbor procera, patulis diffusa ramis, ficui persimilis, & foliis moro proxima: abundans lacte: quaq; quotannis ter quaterve fructum ferat, non ramis sed caudici adnascens, cumq; copiosum, sed immaturum & insipidum, quiq; non maturescit, nisi aut ungue aut ferro confricetur. Itaq; phyturgus ei appositus conspicitur, qui è pomis cultro incisis, lac elicias, efficiatq; ut citius maturitatem assequantur. Quorsum igitur huius arboris effigies spectas? ut intelligamus, industriam cum ceteris in rebus, tum maximè in studiis literarum plurimum valere: nec ullius ingenium esse tam tardum, & infelix, quod diligentia & laboris assiduitate, ex inscitia salebris eluctari, atq; ad aliquam doctrinae laudem pervenire non possit. Quamquam enim natura, quod in quoq; rerum genere praestantissimum habetur, id maximis plerumq; difficultatibus circumsepserit: animo tamen forti, atq; industrio nulla prorsus difficultas reformidanda, nullus labor, quantumvis durissimus fugiendus est. Nihil est enim tam obscurum tamq; difficile, quod curâ, attentione, studioq; inflammato peruestigari non queat. Hinc praeclare Philemon: Nihil est, inquis, quod invenire non possis, modo quarendi molestiam perferre ne recuses. ἀπαν δὲ τὸ ζητῆμα ὁ ἐρευνῶν κταται, inquit Alexi, οὐ μὴ προσησῇ μὴδὲ τὸν πόνον φύγῃ. Et Menander: τῆς ἐπιμελείας, inquis, δὲλα πάντα γίνεται. Nec sanè mirum, si quidem Demipse laudibiles conatus atq; labores iuvare & allevare, suaq; benignitatis aura ad optatum portum pervenire so-

leat.

leat. Id quod Ethnici quoque non ignorarant. Sic enim Euripides: τῷ γὰρ πορεύτι καὶ θεὸς συμμαχέει. Deus laboranti subvenit, & opitulatur. Huc accedunt uberrimi, suavisissimiq; industria fructus. Non solum enim quod durum fuit pati (autore Seneca) meminisse dulce est: omniūq; labor & molestia incredibili voluptate pensatur: verum etiā cognitio veritatis, virtutis usus, vita tranquillitas, opes, honores, gloria & auctoritas, prae-mia laborum longè pulcherrima consequuntur. Quamobrem non continuò, si quis ingenio hebestore prae-ditus sit, spem suam infringi aut industriam languescere patiatur. Siquidem praeclarum semper fuerit habitum, si prima assequi nequeas, in se-cūdis tertiusve consistere, ut Cicero ait, Imò ne illud ipsum, quod optimum censetur, desperandum est. An non Cleanthes & Xenocrates, cum ingenio admodum hebetes tardiūq; essent, laboris assiduitate tandem persecerunt, ut inter summos atatis sua philosophos numerarentur? Quis nescis Demosthenem plus cura & industria, quàm natura & ingenij ad dicendum attulisse? Cum enim ita balbus esset, ut primam artis suae litteram dicere non posset, & humerū indecorè mo veros, & clamores populi ferre nō posset, & spiritu esset infirmiori: an non omnia isthac incommoda labore diligentiaq; superavit? Nam & balbutiem, calculis lingua subiectis emendavit, & motam corporis stricto gladio de lacunari supra humerum suspensio correxit: & ad fluctuum murmur ventorumq; turbines declamitans, obstrepentes populi clamores contemnere didicit: & spiritus infirmitatem, ad duo ascensu ingrediendo, atque aliquid recitando levavit. Est deniq; tam fuit industrius, ut si quando antelucanā opificum industria victus esset, graviter molestiq; ferret. Itaq; tantam eloquentia laudē consecutus est, ut non solū Demadē naturā ingenioq; superiorem, sed ceteros quoq; totius Graeciae Oratores longo intervallo post se reliquerit: suūq; exemplo probaris, verissimè dictum esse,

ἐκ μελέτης πολλῆς ἢ φύσει ἀγαθοὶ, id est, Plures studio atq; ex-
ercitatione quàm naturā bonos fieri. Hoc igitur præclarissi-
mum exemplum, Adolescentes optatissimi vobis ob oculos poni-
te & imitamini, rectūq; studiū ad laudem & gloriam contem-
dite: atq; si minus ingenio potestū, diligentiam vobis subsidio
comparate: ac prorsus sic statuite, non dissimilem esse rationem
humani ingenij ac stirpium, quæ diligenti culturā & meliores
& pulchriores efficiantur. Nam ut Sycomorus verberibus
pulsata, & lacerata fructuosior evadit, ejusq; pomum cultro in-
cisum, crudoq; succo levatum maturescit atq; dulcescit: Sic in-
genium quantumvis hebes & obtusum, si laboribus acriter ex-
erceatur, tandem erudittonis ac virtutis maturitatem quandā
consequitur, hominumq; generi fructus uberes, jucundos & sa-
luares affert.

D I X I.



ORA-


ORATIO QVARTAE

CLASSIS, RECITATA

A

DANIELE NOTTELIO

MORIBERG.



IN nostro congiario, Auditores humanissimi, impresse efficitq; cernuntur due vipera, venereo complexu inter se vinctæ, quarum altera scæmella, libidine astuans caput maris, ori suo insertum, pracidit, & amputat: cum ipsa quoque gravida facta, vicissim à catulis suis alvum maternam exedentibus interimitur. Qua de re, qui p. & Plinius quid cognoscere cupit, eum Aristoteles, Theophrastus, & Plinius edocere poterunt. Nos quidem hoc in loco, atq; hac temporis brevitate, quorsum imago ista spectet, breviter duntaxat atque summatim considerabimus. Inter reliqua autem vitia, quæ no-

bis in viperis ob oculos constituentur, omnium teterrimum & atrocissimum est, quod animi ingrati crimen, vulgò ingratissimum, stemq; impietas appellatur. Nam qui tam nefario scelere se astringit, ut beneficia, quibus affectus est, aut se accepisse negat, aut dissimulat, aut eorum magnitudinem non ponderat, aut memoriam ipsorum deponit, aut nullam pro ijs gratiam persolvit, aut deniq; maleficio pro benefico reponit. Quo flagitio nil hominum societati perniciosius, ac funestius, nil Deo boniùq; viris odiosius, nil turpius ac fadins cogitari potest. Cum enim Iustitia precipuum humanae consociationis vinculum sit ac firmamentum; nemo autem justus esse possit, nisi in Deum & homines bene de se meritos pius & gratus existat; consequitur, ut, quicumq; gratitudinis, & pietatis expertes sunt omne jus officiumq; pervertant, fidem violent, libertatem extinguant: amicitias dissolvant, atque ad eò omnem generis humani communitatem oppugnans & labefactent. Atque id quidem manifestus est, quàm ut multis rationibus atq; exemplis à me demonstrari debeat. Nam qui tam tetro animi morbo laborat, is nec divinam erga se benignitatem agnoscit ac celebrat, nec patriam grata mente prosequitur; nec parentes ac preceptores colit ac observat, neq; deniq; cuiquam mortalium ullum amoris, aut studij, aut pietatis officium persolvit. Imò verò nonnulli in eam prolapsi sunt impietatem, ut prosperos affectionum suarum successus, non divina bonitati, sed suae sapientiae atq; industria acceptos referre, & Deum ab omni rerum humanarum administratione remove audeant. Deinde quàm multi ci ves patriam suam aut tyrannide oppresserint, aut opprimendam alijs prodiderint, alijs calamitates ei importarint, ista est historia, quae Coriolani, Catilinae, Syllae, nefaria adversus eam consilia, machinationes & facinora commemorat. Confirmatis solum fuerunt multi & parentes, & preceptores, qui à libertate atq; discipulis suis, vel crudeliter caesi, vel alià quavis ratio-
ne in-

ne injuriose tractati sunt. Manasses Rex Isaiam patrem, avum maternū, lignea serra dissecandum curavit. Aristobulus Rex & Pontifex matrem squalore, inediaq; necavit: fratres verò partim in vinculis tenuit, partim insidiis oppressit. Domitius Nero Imperator matrem Agrippinam, & Senecam præceptorem interfecit. Philologus præceptorem Marcum Tullium trucidandum hostibus prodidit. Joannes Scotus Academiae Parisiensis restitutor per celeberrū graphycū puerorū styli compunctus periit. Sed plura exempla nec tempus admittit, nec res ipsa postulat: cū præsertim hac nostra ætate, maxime verò in scholis, & Academia, magnus plerūq; sit eorū numerus, qui suis institutoribus, aut nullam, aut per exiguam, atque etiam interdum pessimam gratiam rependunt. Multi namq; reperiuntur, qui (quod Plato conquestus est) pullos equorum imitantur, qui lacte materno exsaturati, matrem calcibus feriunt, hoc est, præceptoribus benè meritis obrectant, & eorū doctrinā, & institutionem vel temerè exagitant, vel improbè extenuant, vel tam frigide laudant, ut vituperasse præstiteris. Nonnulli præmia, quæ Minerva debebantur, vel non solvunt, vel ita dispersiunt, ut minorem partem Minervæ, majorem Veneri, cæcūq; voluptatum ministrū tribuant. Nec deniq; desunt, qui ob salutarem disciplinā severitatem, præceptoribus insidias struant, & calamitates machinentur. Quod genus omnium est ingratisimum, ac sceleratissimum, veruntamen Haud impūde, ut Emblemata nostrum monent. Nam primum Deus ipse tam immanē scelus meritis supplicio coercet, & ulciscitur: id quod infinitis exemplis, si tempus ferret, notum & testatum facerent. Deinde neminem mortaliū esse puto, qui hominem ingratum non odio prosequatur. Quis enim diligat eum, qui patriam, parentes, præceptores violat? qui ingrati-

tudine sua ceteros ad benè merendum propensos, à libertate deterret, fontesq; benignitatis ita claudit, & obstruit, ut nullus inde rivulus ad tenuiores dimanare possit. Adhuc antiquitas ingratitudinem tanti sceleris loco posuit, ut nullam pœnam ei parem legibus sanciri posse, ideoq; divina ultioni id committendum existimavit. Solon interrogatus, cur nullum statuisset supplicium in eum, qui parentem necasset? respondit, se non putasse, quenquam fore, qui tam immane facinus admitteret. Verùm posterior ætas singulare supplicium excogitavit, ut nimirum parricida una cum cane, gallo gallinaceo, viperâ & simiâ in culeum insueretur, atq; ita in mare seu flumen dejiceretur. Sed præter hanc ceterasq; ingratitudinis pœnas à diversis populis constitutas, est etiam infamia. Nam qui semel ingratus vulgò usurpatur, is nunquam, aut difficulter admodum, pietatis opinionem ac laudem recuperabit. Nulla enim turpitudinis labes & macula in hominis nomine & existimatione facilius inherescit ac difficilius eluitur, quàm quæ ab animo in grato suscipitur. Quapropter, Adolescentes optatissimi, cum Ingratitudo, tam odiosa, detestabilis, & execranda, tam perniciofa ac calamitosa, & tanto deniq; cum dedecore & ignominia conjuncta sit: omni studio providendum & elaborandum nobis est, ut non modo tam nefarium crimen, sed criminis quoq; suspicionem, vitare, & effugere queamus.

D I X I

ORA-

XIX.

PANEGRIS ANNI

1595.

SVB RECTORATV

D.D. PETRI VVESENBECHII

*Iuriconsulti.**Oratio prima classis, recitata*

A

DANIELE KRETSCHMAIR

Bohemo.

Socrates intempestivam sapientia persuasionem, in adolescente Alcibiade reprehensus: ἡ τῆς διανοίας, inquit, ἀρχεται ὅψις ὅτε βλέπειν, ὅταν ἡ τῶν ὀμμάτων τῆς αἰμῆς

ἄνευ πέντε ἡμέρας, id est, Asensu oculus tunc clarè cernit, quando vigor corporalis aspectus decrevit. Nam cum adolescentia propter ætatis, & iudicii infirmitatem, rerumq; imperitiam, acie mentis sua hebeti adhuc, & imbecilla assequi non possit, quæ vix demum in senectâ etiam ingeniosis & diligentibus patent: sapientissimus vir prudenter sanè juvenem itum à magnarum & arduarum rerum tractatione, quas expedire, si in discrimen ea venissent, & de quibus consilium ex tempore capere non potuisset, avocare voluit. Hujus ergo sententiæ Socratica recordatione ipse quoq; à præsentis negotio abstinere, nisi & scholæ nostræ consuetudinem vobis notam esse scirem, & Al. D. Rectoris me huc impelleret observantia, atq; autoritas.

Proinde cum nulla ingenij fiducia, neq; proprio iudicio adductus in hunc locum prodierim, inq; hac spectatissimâ nobilissimorum & clarissimorum virorum corona aliquid mihi proferendum sit: veniam me à vestra benevolentia & humanitate, in qua omnia mihi constituta esse existimo, impetraturum, nec ullam mihi importunitatis, seu arrogantia notam pertimescendam, confido. Dicam igitur de re proposita, sed dicam quàm fieri poteris brevissimè, ut est in formula orationum veteri, quæ sciam poteroq; Ipse Brabeo nostro, quod jam mihi Amplissimorum Scholarcharum munere datum est, expressa cernitur effigies si utraque irruptentis, eaq; sedè devasiantis, cum hoc Emblemate: Pœna comes celeris.

Tradunt autem rerum naturalium scriptores, suillum genus in Arabia non posse vivere: eò, quòd ea regio plena sit odoramentarum, quæ porcis venena sunt, utpote qui satis solummodo, & sordidis rebus delectentur. Similiter scribunt, suem, Amaracum ferre non posse. Est autem Amaracus herbæ genus, Siculorum lingua, à Cynaræ Cypri regis ejusdem nominis filio dictum, quem in hanc herbam conversum fuisse pœ-
tarum

tarum fabulis proditum est. Dicitur eadem Græcis αμαράκη, πικρὰ τὸ οὐνεμ-αμαράκη, reficit enim & recreat spiritus mirificè suavitatem temperati odoris. Vnde & Plinius inter unguenta nobilia, Amaraci quoque facit mentionem: & refert, quendam in Cò insula fuisse laudatissimum: ejus varia ostendit remedia, atque ex eo oleum quoque fieri, quod Amaracinum vocetur. Cum igitur hujusmodi sit Amaracinum; contra suum nihil immundius, nihil sordidum amantius: nihil profecto minus rostro suo illo convenit, quàm deliciae unguentaria, quippe cui id demum suave olet, quod cœnum olet. Et testatur Lucretius, inter unguenta & odores, peculiari quadam naturæ proprietate, Amaracinum maximum inimicum esse suo generi. Sic enim poeta ille:

Denique Amaracinum fugitat Sus, & timet omne
Vnguentum. Nam scitigeris subus acre venenum est.

Hæc igitur antipathia illa est Suis cum rosis & Amaraco, hoc disidium, cujus quidem consideratio duplex institui potest: una Theologica; Philosophica altera. Ac ut de priore primo loco dicamus: Bona fragrantia, inquit Apostolus, sumus Deo in ijs qui salvati sunt, & in ijs qui percutiunt: his quidam odor mortis ad mortem; illis vero odor vitæ ad vitam. Quo quidem maximam illam animarum diversitatem exprimit Apostolus, qua videmus Evangelium à Mundo variè recipi & judicari. Bonus Christi odor sunt Apostoli, atque omnes Evangelij ministri, & sancti viri, suave olentes Deo, dum gloriam ejus provehunt in omni loco, prædicatione verbi, bonis ac sanctis moribus, ac exemplis, ardenti ad Deum precatione pro Regni Dei successu, & patientia in adversis rebus, dum quotidie pro Christo immolantur. His omnibus perij attrahuntur ceu unguentorum odor, ut cum sponsa Christum alacriter ad vitam immortalem sequantur.

sequantur, ubi sempiternum ejus amplexibus fruuntur. Contra increduli, & hostes Evangelij, velut venenata quadam bestia & sues, bonos odores Ecclesie minimè ferentes, Christi odore enecantur, dum universum ejus regnum tanquam rosetum, & viridarium amantissimum, cum omnibus hujus colonis, & hortulanis hostiliter oppugnant, illudq; funditus eversum esse cupiunt. Inter Iudeos enim quamprimum Christus se mundo manifestare cepit, exorti sunt, qui illi contradicerent: & quidem non vulgares homines, sed Scribae, sed Sacerdotes, sed Pharisei, penes quos tum summa erat in sacris autoritas, & qui summam doctrinam, & sanitatis existimationem sustinebant. Quod ut inter Iudeos fieri capit, sic idem postea inter gentes factitatum est, cum inter has Christus manifestaretur. Tunc enim adversus Apostolos & horum successores, philosophi insurrexerunt, qui doctrinam de Christo suis strophis in contemptum, & dubium vocare conati sunt. Iunxerunt cum his operam suam Regum, & imperatorum ministri, qui falsa insuper crimina Christianis hominibus intendant: & nullum tam nefarium, tamq; inauditum scelus est, quod non illis fuerit obiectum. Et ne exteri soli hunc amantissimum hortum vastare viderentur: inter ipsos Christianos haeretici exorti sunt, qui portentosis simul atq; impiis commentis, & plus quam Diabolicam obtrectandi libidine linguis suas adversus Christum, & puriorem veritatis doctrinam solverunt. Et, quod olim factum est, hoc ipsum hodie etiam fit passim. Pergunt enim Christo contradicere Iudei, & ne nunc quidem ejus manum agnoscunt, cujus justo & gravi iudicio sese premi, & in extremas miseras detrusos esse, sentiunt. Miscet cum his suas quoq; blasphemias Mahometani, qui longè maximam orbis terrarum partem occupant. Latrant quotidie adversus Dei Filium Servetianæ canes, & quotquot hodie vel Arij, vel Marcionis, vel Eutychis, vel aliorum haereses postliminio revocant. Imo qui Ecclesie gubernacula sibi

*vendicant, Pontifices & Episcopi se cum rebus suis non posse sal-
 vos esse arbitrantur, nisi Christo per Evangelium nobiscum la-
 quenti contradicant, & illum è folio suo dejiciant. Sub ho-
 rum ductorum signis in lacunis suis grūniunt adversus eundem
 sues verè Bæotica monachi, boant sacrificuli, crocitant Purga-
 toriani corvi, noctuæ sepulchrales ululant; serpentum & angui-
 um instar sibilant moniales & Begutte; rudunt deniq; asini &
 muli Romanenses: Qui simul omnes undiq; tam nobilium,
 quàm plebeiorum turmas atq; cohortes excitant, ut crabro-
 num & muscarum instar vel oppugnent veros Christi præco-
 nes: vel imbelli clamore tantum stridore illis obstrepan. Hi
 sunt ergo spumantes illi apri Christi rosetum & viridarium va-
 stantes: Hic cornigera tauri, Christi Ecclesiam incurstantes: quo-
 rum impetus & furor, nisi divinitus coerceretur jam diu viri-
 darium illud amœnissimum miserè deformatum in situ & squa-
 lore jaceret. Sed Pœna comes sceletis est, ut Emblemata nostrum
 habet: nec impunè ferunt, qui tanta impietate adversus Chri-
 stum & sanctos ejus efferuntur. Constat enim & historiarum
 monumentis, quàm potenter Deus superbiam illorum hostium
 semper ultus sit, quando non graves modo, verum & ignomini-
 osas pœnas superbis infligit, ut illorum insolentes spiritus magis
 coerceret. Ita Sennacherib in templo dei sui à tribus propriis
 filiis miserè occiditur. Ita Antiochus, Herodes magnus, Syl-
 la, & tandem Maximinus, enascentibus ex carne vermiculis,
 qui viventes gravi simul & fædo dolore depascentes, afflixer-
 unt, fædè sunt consumpti. Venio ad alteram, in qua philoso-
 phicam Emblematis nostri explicationem asserre conabor.*

*Aceta Rex Colchorum, ad quem Iason cum sociis suis argo-
 nauticâ expeditione institutâ, olim pervenit, hortum seu viri-
 darium quoddam habuisse fingitur, omnî generis floribus, her-
 bis, arboribus, fragrantissimum, & aspectu odoratûq; jucundis-*

Kk

simum.

simum. Et addunt sapientes, tres fontes per viridarium illud deductos fuisse, quorum primus lacte, medius vino, extremus oleo redundarit.

Quid hoc hortus, & fontibus in eo scaturientibus, aliud, quam Academiam adumbrare voluerunt veteres sapientes, in quam omnium liberalium artium redundarint flumina? Traduntur in scholis primum Logicarum artium, qua lacteo illo fonte representantur, primordia, quibus teneri discuntium animi ceu lacte imbuuntur & nutriuntur. Adduntur deinde sublimiores Ethicorum, Physicorum, & Mathematicorum discipline, quibus ceu vino studiosorum adolescentum ingenia magis roborantur, iudicia acuantur, memoria augentur, & ad summas illas facultates preparantur. Tandem tres illae supremae facultates, sacrosancta Theologia, sapientissima Iurisprudencia, & saluberrima Medicina proponuntur, quibus, qui ceu oleo inuncti sunt, ad omnia munera totius vitae humanae obunda, promptiores, paratiores, & aptiores evadunt.

Scribunt historici, Tempe, montes Theffalia esse amantissimos, perpetui veris temperie gratissimos, arboribus refertos, volucrum concentibus argutos, fontibus irriguos. At quanto praestantiora sunt haec nostra Tempe, in quibus & jucunde, & utiliter, & sine flagitiis, & maxima cum laude vivi potest? Vbi & omnis generis disciplina à doctissimis viris traduntur, & usus earum exercitatione disputationum & declamationum demonstratur, & cum theoria, praxis conjungitur? Addo quòd doctorum virorum consuetudo in magna parte felicitatis numeranda sit. Horum enim colloquutionibus, & ingenia adolescentum acuantur, mores corriguntur, & doctrina perludum & jocum mirum in modum augetur. O felices eos, quibus in hoc amantissimo viridario datum est, inter studiosos & eruditos homines, eosdemq; humanos & dispersos, perpetuò versari, deq; ratione studiorum subinde cum illis conferre! Vt taceam, quan-
ta do-

na delectatio accedat varia lectionis, & scriptiois. Magna
certè res est, & plus quàm regia dignitas, cum sapientissimis
& maximis viris, qui ab orbe condito existerunt, familiariter,
quoties libeat, posse colloqui, eorum consilia videre, præceptis ob-
semperare. Hi sunt flores illi odoratissimi, quos ex viridario
nostro Academico decerpere possumus.

Sed o

— Pauci quos æquus amavit

Iupiter, atque ardens exivit ad æthera virtus.

Dñs geniti, cupidè verumque bonum quætur : tur

Cætera turba lucrum petit: & te fæda voluptas,

Ambitione tumens, sequitur per fasque nefasque.

Habet enim hoc nostrum viridarium, suos quoque porcos,
flores & rosea fæde devastantes. Mistuntur in Academi-
am adolescentes, ut animi ipsorum rudes, bonis artibus infor-
mentur & expoliantur: ad quam rem natura suppeditat vires
ingenij & corporis, mentis ac sensuum integritatem: Parentes
adjuvant victum cultumque corporis, libros comparant, præce-
ptores præsciunt, tranquillum ocium concedunt: Et, quibus hæc
retineantur, sumtus necessarios impendunt. Quid sit? mul-
tos prohi dolor videas degeneres animos, qui celsi hunc hortum
non ingressi modo; verum etiam aliquo usque feliciter in eo pro-
gressi sunt, quin etiam rosas quasdam decerpserunt: quamprimum
tamen harum spinis vel leviter sese confixos sentiunt, manum
retrahunt, & discendi voluntatem unam cum spe per discendi sta-
tim abijciunt. Hinc fit, ut quia se in Academia vivere sci-
unt, sibi quod libeat, lucere statim falsò putant, remotis Ma-
gistris, & ægypti immemores, tunc tunc ad ægyptum non ἀπὸ τοῦ διόλου, α
nonnulli etiam tunc tunc a consuetudine frequentent, cho-
ræ ducant, deambulationes interpestivas repetant, variam ludo-
rum & inaniū oblectationū genera exquirant, non cogitantes, quā

malam rem in:erim gerant, si peregre profusa pecunia, aut nul-
los aut immaturos ex hoc horto fructus domum reportarint.
Vnde postea ex singulis facultatibus singula dedecora tanquam
abortum nasci videmus. Pro theologis enim post illatores qui-
dam exurgunt, qui praeclaros sese Theologos putant, si memori-
ter conciones ab aliis conscriptas recitent, & laxa toga, & inso-
lenti oratione atq; arrectis superciliis sucum rusticis faciant. Pro
Iurisconsultis doctis, rabulas famelicos provenire videmus, qui
pecuniae causa τὸν ἥττω λόγον κρείττω ποιεῖ student, sordidum ho-
minum genus, omni studio in eo elaborans, ut lites ex litibus se-
rat, reos non expediat, sed potius expilet, nunquam quietos esse
sinat. Vnde paulatim honestissima professio, & reipublica fir-
mamentū, & pacis quasi nutricula, in Sycophanticā & Sophisti-
cam conversa, sordidorum istorum porcorum vitio litium quod-
dam seminarium, & ars litigandi esse incipit. Pro Medicis
deniq; agyrtae, & circumforanes passim oberrare cernimus,
quales Venetius, Gedani & Francofurti in nundinis videntur,
qui theriacam & prius ignota semina sive pharmaca venum
exponunt, quorum vires & mirificos in ejiciendis vermibus, a-
liisq; morbis curandis effectus magna vocis contentione, & in-
desessa lingua volubilitate predicant, ut rei novitate attonitos,
& hiantes simplicium rusticorum animos fallant, & eos pecu-
niis emungant. Aegyptij olim suum usque ad eò spurcam belu-
am ducebant, ut si quis vel transiens contigisset, continuo pro-
peraret ad flumen, se pariter ac vestem abluturus. Quanto ma-
gis hi nostri Margita, omni virtute, omni industria carentes,
ut τῶστον ἄχθος ἀπέχθης fugiendi, & omnium contemptui & odio
relinquendi sunt? Nec id quidem immeritò. Hac enim pana
illa est vastati ab ijs pulcherrimi roseti, ut non solum aliis sint
invisi, sed etiam sibiipsis tandem vel maximè displiceant, donec
ad extremum sine honore in glorijs occumbentes, non aliter
quàm sues exitiali rofarum odore interitum sibi accelerent. Sed
relictis.

relictis illis porcis grandinosi, finem dicendi facio, vosq; commilitones optimi, Colophonis loco, sedulo moneo, & obtestor, ut cum jam ex obscuro classicarum molestiarum vepreto in hanc clarissimam lucem, & amantissimum publicarum auscultationum hortum translati simus, omni studio in id mecum incumbatis, ut non tam vastatores, quam cultores pulcherrimi hujus roseti, esse videamur, nec veneficis voluptatum illecebris in Circeos porcos nos transformari patiamur: sed potius ex clarissimis nostris praeceptoribus ea audiamus, & discamus, per quae animus virtute, ingenium sapientiâ, lingua eloquentiâ excolatur & adornetur. Sic enim fiet, ut optimarum literarum praesidijs muniti jucunditate harum perfruamur, commodis gaudeamus, ornamentis afficiamur.

D I X I.



ORA-

ORATIO SECVNDAE
CLASSIS, RECITATA

BALTHASARE PISTORIO.



Nihilunquam praclari sine multo sudore
& labore extitisse, pleni omnes sunt libri, plena sapien-
tum voces, plena exemplorum vetustas, Auditores optimi.
Nam

— nulli sine Marte triumphi,
Et nisi certanti nulla corona datur.

Scientiâ autem literarum quid praclarior? quid gravius?
nam non modo omnibus bonis comparanda, sed etiam omnibus
anteponenda. Hoc dignitas, hoc utilitas, hoc suavis, tanquam
debitum exigit. Quis enim quæso urbes peperit? literarum
dignitas. Quis dissipatos homines in vitæ societatem convoca-
vit? literarum dignitas. Quis eos primò domiciliis, deinde

conjugiis, tūm mercurii permutatione, & sermonis communione junxit? literarum dignitas. Hac nos ab omni contagione vitiorum reprimis, & revocat. Hac dubitare nos cogit, utrum sit efficacius ad recte vivendum, bene institui, aut feliciter nasci. Hac medicina est, qua medetur animis, sollicitudines detrahit, timores pellit, luctus levat. Hac hominum memoriam apud posteros aeterna donat recordatione: ut Tibullus canis:

Quem refectent Musæ, vivet dum robora tellus,
Dum cælum stellas, dum vehit amnis aquas.

Quid in Philosophia est, quod cuiusquam predicatio vel transilire vel prætervehi debeat? quæ ars, quæ artis questio aut utilitate sterilis, aut vacua suavitatem? In hac nihil flammis, nihil senectuti, nihil furibus licet. Tanto itaq; majore cōsensu in venerationem horum omnes boni consurgere debent, quanto magis de his improbi silent. Quia ergo nulla bona studiis optabiliora, nulla præstantiora neq; data sunt mortalium generi, neque dabuntur: nullum vestrum, quem non hac cogitatio subcat, esse puto: literarum scientiam non esse facilem, sed laboriosam, in qua multum opera ponendum, sudandum, vigilandum.

Nec sola tamen industria humana ad consequendam literatæ prudentiæ laudem sufficit. Qui enim ad sua studia Deum non adhibet, sæpè falsa quadam rerum humanarum specie decipitur. Nam ut in aliis rebus gravioribus, minimè in fortuna situm, aut labore, cur res vel bene vel male geramus (Deus enim, ut piè Isocrates ait, τὰ θεῶν ἀνθρώπων δίκαια: Quod & Mardonius apud Herodotum testatur, dicens: ὅτι δὲ γινώσκω ἀπὸ θεῶν ἀπὸ χρηστέων ἀπορροῖται) Ita divini numinis afflatus, vel imprimis in addiscendis literis exoptandus, sineq; hoc, omne studium infeliciter succedit, nullumq; fert fructum.

tam à parentibus & præceptoribus, quàm ab ipsis discipulis tris-
tis illa exclamatio auditur: O spes fallaces, ô cogitationes ina-
nes, ô frustra suscepti labores! Rectè igitur prudenterq; Senatus
Noricius D. Scholarchæ Ampliss & Magn. Academia nostra
Patroni, brabeio nostro, cui navis fluctuantis in æstibus marinis
nota insculpta est, Desuper auxilium, inscripserunt. Sine hoc
enim constare dignitas artibus, virtutibus autoritas, non po-
test: hoc, hoc est, quo favente omnia secunda fluunt. Quem-
admodum enim navis, licet omnibus ornamentis & instrumē-
tis, nautis etiam perstissimis exornata sit: nisi cursum naviga-
tionis ad rationem tempestatum dirigat, portu facile vivento-
rum excluditur, & naufragium facit: ita studia nostra, nisi de-
super Spiritus sancti flatu regantur, non solum vana, & inania
sunt, sed etiam multorum malorum causa existunt.

Quod ut plenè perfectèq; intelligi possit, rem paulo altius
repetam. In navigatione non tam navis, & nautarum, quàm
tempestatum ratio habenda est. Non solum enim varius usus,
sed & ipsa maria diversa, diversas navium formas exigunt. A-
lia enim oneri ferendo idonea, oneraria & frumentaria dicun-
tur: ad equites, ad pedites deportandos alia sunt facta, hæc ponto-
nes, illæ hippagines appellantur. Remis vero quæ aguntur, æ-
tuario nominantur. Aliæ ad præliandum militares inven-
tæ sunt, quibus explorandi causa speculatoria præmittuntur.
Oraria item & celoces suas habent formas, ut alia alias. Qua-
rum omnium licet figura exquisitè ab artifice introducta sit,
tamen & reliquis instrumētis (ut sunt fori, træ, anstrantia, cor-
bis, mātus, antenna, remi, clavus, anchora, aplusra, vela) care-
re minimè possunt. Præterea *ῥεπειθυ* ceterosq; nautas, &
remiges exactè scire oportet, quando solvendum: quando vela
danda, deducenda, aut substringenda: quando cursus obli-
quandus: quando remis incumbendum: procillas item & tem-
pestates providere futuras: latentes scopulos evitare: marinaq;
mon-

monstra arte eludere oportet. Tandem naves optima & nau-
ta peritissimi, nisi tempestate secunda vela faciant: non solum
prospectantur statim a portu sparsa navigia, sed tota navigatio
infelix est. Deficientibus enim in totum ventus, navis in me-
dio cursu resisset; resstantibus rejicietur; vehementius autem sa-
vientibus, tanquam tabula, motu & agitatione iratorum flu-
ctuum, tam diu errabit, donec scopulis allisa vel syrtribus infixa
hareat, rimas agat & naufragium faciat. Ita in hoc nostro
scholastico pelago primo omnium sciendum, non quaviv, sed ido-
nea, & apta ingenia admittere studia, & quidem primam ata-
tem tantum.

Quamquam enim nulla aetas ad discendum sera est, tamen
& multo aptior tenella quam alia ad aliquid memoria insigin-
dum, & ut Diogenes dixit, *νεώτερον καὶ ἁπλοῦς καὶ ῥητόν ἐστιν*. Vnde eleganter Vipianus: Præsumtum est (in-
quit) ea mancipia quæ rudia sunt, simpliciora esse, & ad mini-
steria aptiora & dociliora, & ad omne ministerium habilia: Tri-
ta verò mancipia, & veterana difficile est reformare, & ad suos
mores formare. Deinde in primis necesse est, ut quisq; suum
modulum spectet, ut Pythagoras mones: *ἕκαστος ἑαυτοῦ ἀπὸ τῆς φύσεως*. Quod Propertius eleganter reddidit:

Turpe est, quod nequeas, capiti submittere pondus,
Et pressum inflexo mox dare terga geru.

Quare ea tantum sequenda, ad qua natura & Deus nos i-
doneos esse voluit: summaq; dementia est, aliquid invita, quod
ajunt, Minerva suscipere & persequi. Constans præterea a-
nimus, & assiduus, ut etiam integer, totusq; requiritur. Etenim
nusquam est, qui ubiq; est, inquit Seneca. Qui philosophia das
operam, debet ei se totum committere. Vt enim in peregrinati-
one vitam degentibus hoc evenire solet, ut multis hospitii u-
santur, nullis amicitiis: ita distrahit animum studiorum mul-
titu-

titudo. Tandem prima illa tenera, etas, corporis licet fortunaq; bonis omnibus, tanquam navis saburra ita onerata sit, ut stabilior sit in cursu: legum tamen bonarum magnese opus habet, qui opusatum ex alto portum demonstret: praeceptoribus deniq; fidelibus, qui adversam tempestatem, laboresq; maximos, qui in literas incumbensibus perferendi sunt, monstrent: qui ludorum, & computationum fluētus frangere, qui in ignavia ventos domitare, qui superbia obstantia freta transire, qui & *Αυτῶς* scopulos & syrtes effugere doceant. Haec cuncta multis ad studia faciunt; sed ea non perficiunt. Nisi enim Deus super auxilium veniat, & aura illa divinitus mentibus nostris illapsa ignavia tenebras pellat, ambitionis ventos sedet, totūq; studiorum cursum devio vectore turbatum recipiat, rursumq; dirigat, omnis parentum cura, omnis discentium labor, omne docentium studium vanum & irritum est. Quis enim nostrum est, qui possit

— non quod ante pedes modò est
Videre, sed etiam illa quae futura sunt.

Quare ut navigantes in longinquas terras magnis se laboribus frangunt, tempestate autem secunda tantum solvunt: Ita prudentiss. Senatus Noricus, quia videt studia nostra tanquam in mari immenso vehi, varioq; rerum eventu perpetuo fluctuare, non solum septem ordinum navem, Academiam Altorfianam hanc septem liberalium artium remis instructam, & navalibus Noriciis produxis: sociis navalibus defensoribusq; complevit: panem nauticum stipendiumq; militibus & remisgibus praebeuit: sed etiam omnes, & singulos tam remiges, quam nautas gubernatoresq; presenti hoc Emblemate ad summam diligentiam & studium adhortari voluit, simulq; monere: Laborandum quidem, Desuper tamen Auxilium & sperandum & exorandum esse. A solo enim Deo, ut & cetera bona, ita in primis veram salutaremq; eruditionem expectare debemus. Hic

enim

enim solus est, qui precipitantem vitiorum tempestatem refrenat, studia fluitantia recipit, & sicubi adhuc tenebrarum aliqua obversatur obscuritas, aut resistens undarum infernalium pulsus murmurat, necesse est tamen ad huius nutum dilucescat & sileat. Tu igitur igitur generosa, nobilis, & ingenua juvenis, quæ eandem mecum conscendisti navem, tu quisquis es,
— discite ergo quem te Deus esse

Institit, & humana qua parte locatus es ire:

Noli succumbere ignavia; assuesce laboribus, nam ut nauas tempestatum, & Medicos juvat meminisse morborum: sic dulcis erit aliquando in studiis præteritorum laborum recordatio. Moram itaque averte omnem,

Et propere nec te venturas differ in horas;

Qui non est hodie, cras minus aptus erit.

In præteritum enim subvenire ne Deus quidem vult. noli de via quam tibi Spiritus sanctus, verus studiorum nostrorum Mercurius monstrabit, declinare. Sola enim ea pergendum via, ut Plato in Critone ait, qua Deus nos ducit. Hac rectum tenere clavum studeto. Omnibus quidem eruditionem liceri concessum; diligentibus tantum emere; possidere verò Dei est largitio & donum. Desuper ergo auxilium.


D I X I

Ll , ORA-

ORATIO TERTIAE
CLASSIS, RECITATA

2

SIGISMUNDO ORTELIO
NORIBERG.



IN brabeo nostro, Rector Magnifice, quod
Ampliss. Scholarum munere, mihi caterumq, tertij ordinis
adolescentibus datum est, expressus extat Globus plenus latens
ignis, & sumum foras quacunq, licet, emittentis. Additum
est hoc Emblemata: Quae licet erumpit. Quod etsi varios atq, mul-
tiplices explicatus habere videatur: nos tamen de animi pertur-
bationibus imprimis id accipiendum existimavimus. Ut enim
ignis globo conclusus exasuat, & quacunq, parte potest, sumum
& flammam emittit: Sic ira cateraq, cupiditates, animo huma-
no velut carcere quodam cohibita foras prorumpere, & menti
saliginem offundere, omnemq, vitam temeritate sua perturbare
CONAN-

778

conantur. Emblemate igitur nostro praeclare admonemur, cupiditates animi effusae prouuentes refrenandas, atque rationis imperio diligenter coercendas esse. Animus namque humanus duabus veluti partibus distinguitur, quarum una mens sive ratio appellatur, cum mente divina & muneris similitudine, & caelesti, ut ita dicam, agnatione conjuncta. Altera corpori alligata: in qua tum irarum ardor, tum cupiditas seu voluptatis appetitio dominatur. Atque illius quidem est, & imperare & praecipere, ut quilibet animi motus sive affectus sese intra regionem sibi à natura datam contineat, neque cancellos lege circumdatos egrediatur. Hujus autem est, parere & obedire, & ea omnia quae ratio praeceperit, summa vi persequi. Quod si jam ambae partes legitime consentiant (ut quidem ipsius naturae ordine ac divinae majestatis imperio fieri debet) summa hominis dignitas & admiranda honestatis pulcritudo, & incredibilis tum privata tum communis vitae comeditas & tranquillitas exstabit atque eminebit. Contra vero simul atque animi commotiones, quadam quasi conspiratione inter se inista, seditionem movebunt, & ipsam rationem undique ad motus machinis oppugnare, atque de omni statu deturbare incipient: summa statim omnium rerum confusio & perturbatio consequatur, necesse est. Nam flagitiosa cupiditatis immanitas non solum animum cuiusque intestino bello lacerat & conficit: verum etiam excurrit foras, ut vel infinitis injuriis generis humani societatem violet, vel oculos hominum deformitate turpitudinis offendant, & odia maxima contra se concitet atque inflammet. Hinc igitur turbulenta dissidia, hinc caedes, & insidia, hinc hominum strages, Rerum publicarum everisiones, diraque rerum humanarum exitia nascuntur. Nullum enim tantum bellorum est incendi-um, quod non vel ambitio, vel avaritia, vel libido, vel iracundia, cum magna hominum perniciem plerumque excitare soleat. At

130

O R A T I O Q V A R T A E

C L A S S I S, R E C I T A T A

2

IOHANNE CHRISTOPHORO

Busenreuth Aldorphiano.



IN congiario nostro Auditores humanissimi,
 efficta impressaq; accipitris recta linea sursum evolantis ima-
 go cernitur. Estq; ei adjunctum hoc Emblema: *Tramite re-
 cto. Quod ut planè plenèq; intelligatur, sciendum est, eos qui
 animantium naturas peruestigarunt, in accipitre acerrimum o-
 culorum sensum, & summam alarum pernicitatem, & rectum
 minimeq; flexuosum volatum notasse. Quas ob causas Aegy-
 ptii cum multas res alias, tum inprimis hominem religiosum, &
 sapientia studiis deditum, illius imagine pingendum existima-
 runt. Et rectè quidem ac perquàm ingeniosè. Quemadmo-
 dum, enim accipiter rectè pennis, & contento celeriq; vo-
 latu*

latu tam sublimè fertur, ut etiam nubes superes, ac splendidissimum Solis jubar fixis oculis intueatur: Sic animus humanus religionis, & sapientie studio inflammatus, sese à corporis contagione quoad licet sejungere & interitum cupiditatibus afferre debet, ut rerum divinarum, atq; eternarum contemplationi vacare, omniq; perturbatione solutus cælestem in his terris vitam imitari possit. Quò & divinus Philosophus Plato respexisse videtur, qui hominis animo geminas alas affinxit, hoc est vim duplicem: unam ad verum inquirendum & cognoscendum: alteram ad bonum appetendum, & adipiscendum attribuit. Et in Phædone omnem sapientia paranda vim, & rationem in assidua mortis meditatione ponit: docetq; fieri non posse, ut quisquam sapientiam consequatur, nisi prius mentem à corpore segregarit, & quasi necem corporis sensibus intulerit, ut nihil obset, quo minùs animus è corpore tanquam vinculis exsolutus, vera & sempiterna, sine ullo impedimento perspicere & contemplari queat. Quapropter commilitones suavissimi, pulcherrimum accipitris simulacrum assiduè ob oculos ponere, atq; in id omni curâ & cogitatione incumbere debemus, ut à pravis cupiditatibus, omniq; turpitudine abducti, in cælum evolemus, hoc est, ad veram religionem & cælestem sapientiam contento cursu ardentiq; studio feramur. Atq; in primis DEVM æternum, infinitum, optimum, & quem ille mi sit CHRISTVM IESVM cognoscamus ejusq; sanctissimum numen integrâ purâq; mente veneremur: omniaq; nostra studia, & labores ad illius gloriam, & humana societatis salutem dirigamus: donec tandem summi aterpiq; Parentis beneficio in eum statum, unde nostrâ culpâ excidimus, cum amplificata dignitate restituamur: atq; ipsi locupletemur opibus, quæ neq; insidiis eripi, neq; externâ vi comminui, neq; senio & vetustate corrumpi, neque ulla deniq; calamitate perverti possunt.

D I X I.

P A N.

PANEGYRIS ANNI

1596.

SVB RECTORATV

D. D. PHILIPPI SCHERBII

*Medici.**Oratio prima clāssis, recitata*

a

MICHAELE SCHMID

NORIBERG.



Quanam premia obedientia, & quæ poena
contumacia sint constituta, Auditores humanissimi, do-

Mm

ces

cet effigies nostri nominis; in qua duo equi, columnis alligati cernantur, quorum alter ferox, & indomitus, abruptis vinculis, effrenatè fertur, & caco impetu, ac furore praeceps in vineam incidit, sibiq; ipse exitium, atq; interitum accersit. Alter tractabilis est, freniq; patiens, ideoq; saluus & incolumnis servatur. Estq; additum hoc Emblemata: Disciplina salubris. Illorum autem imagine, nobis ob oculos constituuntur duo adolescentes, quorum alter honestam disciplinam amat, & amplectitur: alter eam contumaciter respuit, & aversatur. Disciplinae amantem appello eum, qui suam imperitiā & imbecillitatem agnoscens, sibiq; ipse dissidens, parentum ac praeceptorum autoritate, iudicioq; nititur, eiq; totum sese instituendum, erudiendumq; tradit, eos colit & observat: salutaribus eorum monitis obtemperat, & necessarias oburgationes & castigationes a quo animo accipit: atq; adeo omnem vitae studiorumq; suorum cursum, ad illorum consilium & arbitrium dirigit, & accommodat. Contumacem verò & disciplinae inimicum nomino, qui ingenii sui confidentia, & arrogantia nixus, ducemq; libidinem, non rationem secutus, parentibus ac praeceptoribus obedire recusat: immò verò eos deridet, contemnit, atq; etiam ob fortuitum aliquod verbum, aut acriorem aliquam admonitionem, summo odio prosequitur, & pro amore inimicitias, pro salutari doctrina, contumelias & obreftationes: pro fide perfidiam, & infidias, & deniq; pro beneficio malefscium, impiè, ac flagitiosè reponit. Atq; ita quidem uterq; adolescens domi est affectus, & constitutus. Attendite porro Auditores, quemnam vitae actionumq; suarum cursum quisq; foris tenere, & qualis tandem eventui utrumq; excipere soleat. Ambo mittuntur in Academias: sed alter pietatem colit, & artibus atq; scientiis animum excolit, atq; exornat: sumtus ac tempus bene collocat; castè, continenter, sobrieq; vivit, cum bonis & eruditis viris amicitias jungit, eorumq; consuetudine & colloquiis ingenium suū

acuit, errores corrigit mores conformat, & doctrinam mirum
 in modum auge: Tandem vero, omni difficultate, & labore
 levatus, omniq; liberali doctrina & morum elegantia perpoli-
 tus, domum revertitur; summa cum civium gratulatione, &
 singulari parentum ac propinquorum laticia excipitur; ab om-
 nibus gratus charusq; habetur, tempestivo, & honesto matri-
 monio locupletatur; ad publica civitatis munera obeunda ex-
 petitur; prudentia & aequitas laude celebratur: atq; adeo fir-
 mo bonæ conscientia & præclara fame præsidio munitus, vitam
 degit felicissimam; & deniq; posteris perennem nominis sui me-
 moriam: patriæ verò exemplum virtutis colenda & exercenda
 laudatissimum relinquit. Alter autem, impietatis scelere ad-
 strictus, omnem religionem, omniq; sacra negligit: virtutis &
 doctrinarum studia spernit, & pro nihilo putat; honestos viros
 hominesq; literatos odit, & fugit: sui similes impure beluones,
 lusores, amatores, grassatores querit, huiusq; omnes vitæ rati-
 ones committit, cum huius florentem suam aetatem nequiter con-
 sumit, patrimonium turpiter profundit; & ocio, nugis, luxui
 ac libidini deditus, in diem ita vivit, ut penè se hominem esse
 obliviscatur: nec deniq; tam miserum turpitudinis jugum ex-
 cutere potest, usq; dum in summas difficultates & misérias con-
 jectus, ut Phœdria Terentianus, prudens sciens, vivus vidensq;
 pereat. Ad extremum verò, pecuniâ dissipatâ, occasione di-
 sciendi amissâ, animo vitii & erroribus depravato, corporis va-
 letudine afflictâ, pudor is omniq; honestatis jacturâ factâ, per-
 ditus iste nepos ad suos redit, estq; parentibus dolori, familia de-
 decori, alienis ludibrio, atq; despectui. Nullus patet ei ad præ-
 stantiû virorû amicitias aditus, nullus ad honores accessus, nulla
 deniq; ad opatas, ac fortunatas nuptias via, & opportunitas. Ex
 quo cõsequitur, ut vitâ miserrimâ & cû perpetuo dedecore & an-
 gore animi cõjunctâ agere cogatur. O fortunatos igitur atq; feli-

ces vos adolescentes, qui parentum ac preceptorum monitis, atq;
preceptis, tanquam vinculis, vos alligandos, & salutaris disci-
plinæ freno tam diu regendos & instituendos præbetis, dum ali-
quando mores & vitam vestram ipsi prudenter & laudabiliter
regere atq; moderari possitis? O perditos verò & miseros, qui
convulsis disciplinæ omnis officii repagulis, solutè & effrenatè
vivitis, omnemq; institutionem & imperium contumaciter &
superbè contemnitis ac repudiatis.

D I X I.

ORATIO SECVNDÆ
CLASSIS, RECITATA

NICOLAŌ VOGT
Vratislaviensi Silesio,



Pudet me Rector Magnifice, in tot præstan-
tissimorum virorum conspectu, confessusq; verba facere. ta-
men

men à me ipso impetrare possum, ut onus, quod mihi imposui-
sti, à me deprecet atq. recusem. Et si enim & loci huius amplius-
do, & ætatis mea ingeniūq. imbecillitas, & rei proposita diffi-
cultas, magnum mihi reprehensionis metum incutiant: ma-
jorem tamen auctoritatis tuæ, quàm existimationis meæ rationem
habendam esse existimo. Interim igitur, dum munere susce-
pto fungor, à vobis, Auditores, peto, contendoq. ut, quæ vestra
est humanitas, benevolè assensuq. me audiat. Mihi vicif-
sim erit cura, ne plus molestia quàm jucunditatis oratiuncula
mea vobis astulisse videatur. Atq. hinc exordiar: In no-
mismate nostro effictæ, atq. expressæ sunt Sirenes, inter cada-
vera & ossa humana confidentes: itemq. adolescens, qui è lon-
ginq. eas conspicatus, pedetèrim accedit: sed ostium conspectu
metuq. perterritus, subito in fugam se conficit, relicto hoc Em-
blemate: At me vestigia tectent. Sirenes autem (ut quidam
scriptores literis prodiderunt) Regina fuerunt insularum Ita-
liæ, quæ in sinu Cumano sita, & auctoribus Ptolemæo & Strabo-
ne, Sireniæse: itemq. ab aliis Sirenium saxa & scopuli nominan-
tur. In his fuit promontorium Minervæ, celebratum in pri-
mis ob literarum studia, quæ ibi primum excitari, atq. coli cape-
runt. Nam in eo extructum fuit Athenæum, sive Gymnasium,
Minervæ sapientiæ artiumq. prædici consecratum, in quo elo-
quentia, ceteraq. disciplina tanta fama celebritate floruerunt,
ut inde fabula illa de Sirenium cantu extiterit. Atq. huius
quidem rei testis est Homerus, qui quæ Musis aliquin tribui so-
lent, Sirenibus adscribere videtur. Nam libro Odysseæ xxi.
eas ad hunc serè modum de se ipsis gloriose loquentes, atq. Ulyf-
sem ad sese invitantes introducitur: Huc huc contende, Ulyf-
ses laudatissime, suamq. navem siste, ut nostram vocem audias.
Nemo enim unquam pratervectus est, qui non prius cantus no-
stri, hoc est, eloquentiæ ac multiplicis doctrinæ suavitatem au-

di verit: qui quē non voluptate plenior, & eruditior à nobis dis-
cesserit. Nihil enim in orbe terrarum geritur aut gestum est,
nihil à doctis tam est reconditum, aut à natura abditum, aut a-
licubi tam abstrusum & neglectum jacet, quod nobis non sis co-
gnitum, & exploratum, quodq; tecum non liberaliter commu-
nicare velimus. Atq; hoc primum fuit Athenæi illius institu-
tum, hæc cantilena Sirenium suavis, hoc est, liberalis ad opti-
mas quasq; disciplinas & scientias perdiscendas invitatio. Ve-
rū posteaquā posteritas tanto bono (ut sit) ad iners & igna-
vum otium, ad luxum & libidines abusi caput, & adolescen-
tes neglectis Musis, comessationes, & scorta consecrati sunt;
& deniq; turpissimum valetudinis & patrimonii naufragium
fecerunt: Gymnasium illud ab exteris malè audire capit: in-
deq; fabella divulgata est de Sirenibus in monstra, supernè vir-
ginis, infernè volucris seu (ut alii volunt) piscis formam habentis
commutatis: qua prætereuntes vocum dulcedine ad se allie-
cere, somnoq; confopitos dilaniare, ac devorare soleant. Quo
figmento antiquitas nil aliud, quā turpium voluptatum, in
primū venerearum illecebras, ac pestes significare, & cū om-
nem utatem, sūm maxime adolescentiam de iū cavendū, fugi-
endūq; admonere voluit. Quid enim tetra sædāq; libidine no-
centius ac perniciosus cogitari potest? Hæc, hæc enim, corpori la-
bem, atq; perniciem infert: hæc si quid virium & roboris homini
inest, (quod certè maximum adolescentibus in primis inesse so-
let) (si quid igitur inest, id omne conficit atq; consumit. Hæc
namq; & vires enervat, & sensus debilitat, & cerebrum labe-
factat, & sædos morbos, acerbos dolores, multiplices molestias
parit. Et tamē hanc multi cupide quarunt, & affectantur. affe-
ctantur verò? imò in eā sese penitus immergunt: cū non modo cor-
poris, sed etiam animo; nec animo tantū, sed etiam fama & ex-
istimationi noceat. Quid enim mentem, quæ in homine princi-
patum tenet, oppugnat & opprimit? Libido. Quid virtutis &
Sapi-

sapientia studiū extinguit? Libido. Quid pudorem exterminat? Libido. Quid dedecus, & infamiam affert? Libido. Multū est turpitudinis in libidine; calamitatis quoq; in libidine multum, adeo, ut qui libidinem expetit, exitium & pestem expetere: e: vel potius qui exitium & pestē expetit, is libidine non expetere videatur. Nam hac ambo tam arctē inter se nexa coherent, ut nunquam divelli atq; distrahi possint, id quod perelegans Platonius in Phadone apologus de mutua doloris, ac voluptatis connexionē testatur, Socrates, n. cum aliquando ē compedibus, crura sua exemptisset, eaq; ex re incredibile voluptatem caperet, dixisse fertur: Quod si Asopo aliquando in mentē venisset, quā propē, molestiā atq; dolorem comitaretur voluptas, huiusmodi fabulam comminisci potuisset: Deos aliquando multū laborasse, ut dolorem, ac voluptatē, hostes acerrimos inter se conciliarēt, atq; conjungerēt: sed eā fuisse utriusq; perviciā, ut id nullo modo nullaq; industria cōsequi potuerint. ideoq; eos excogitasse, ac decrevisse, quoniam natura rerū illos unā esse nō pateretur, ut mutuū saltē finibus & nexis quasi vestigiis ita cōvenirent, ut unius finis, alterius gradus efficeretur. Itaq; veni bil mirū, si abeūte voluptate repētē subeat dolor: & vicissim labore abscedēte, ē vestigio succedat voluptas. An nō igitur insanire merito dicūtur, q; blanda tantū voluptatū initia, nec asperos etiā earū exitus considerāt? & ob exigui tēporis brevē delectatiunculā, tot tantaq; mala, quae evitare licebat, ultriō accersūt atq; attrahūt? Nā si furiosi rectē existimātur, qui corpora moribus suis lacerāt, aut ferro vulnérant; quomodo sanos cōseebimus eos, qui (q; multo gravius est) animū, incitātē libidine, mortiferū vulnus infligūt? O demētes igitur ac miseros, qui gula & inguinis voluptatibus cōstricti tenētur? O sapiētes, atq; felices, qui cōpressa domitaq; corporū libidine omne suū studiū ad animū trāsferunt: & veras illas voluptates, quas virtus & doctrina pcreat, sequūtur? Quantū, n. animus ad similitudinē

di vi-

divinitatis effectus, præstat corpori: tantum voluptas qua ex
 virtute & scientia promanans, animo percipitur, vincit illam,
 qua corporis sensu & agitatione continetur. Illa enim pernicio-
 so opinionis errore appetitur: hac sana mentis iudicio exqui-
 ritur. Ad illam turbulentum motu ac quodammodo inviti ra-
 pimur: ad hanc libera voluntate studioq; ducimur. Illa, cum
 maximè blanditur, evanescit: hac animum nunquam illudit
 aut fallit. Illa semper fastidio adhærescit: Hac satietate animū
 nunquam explet. Illa deniq; sempiternas infamias notas, cum
 acerrimo conscientia moris conjunctas, relinquit: Hac decus
 & laudem perpetuò conservat, & perennem tranquillitatem,
 ac jucunditatem animo conciliat. Illa igitur falsa, fluxa &
 turpis atq; perniciosa est: hac vera & constans, omnī salutis
 & dignitatis præsidio firmata & communita. Quapropter
 Adolescentes jucundissimi, si honestum atq; jucundum vita
 cursum tenere: si miseras & calamitates devitare: si bonam
 conscientiam, bonamq; famam tueri ac retinere: si placidā ali-
 quando leniq; senectute frui: si deniq; hujus vite munere benè
 beateq; persungi cupitis: (omnes autem cupere debetis) atatis
 vestra florem non Bacho, & Veneri, sed Minerva & Musis con-
 secrare: cupiditates vestras Rationis imperio coercete: gulam,
 & ebrietatem, & imprimis Sirenes, hoc est, lascivas puellas, &
 impudicas mulierculas refugite: obscena colloquia & congres-
 sus declinate: atq; ut Vlysses navis malo sese alligasse, & ejus so-
 cii aures suas obstruxisse dicuntur, ne blandis & insidiosis Sire-
 num cantilenis in naufragium illicerentur: ita vos quoq; ani-
 mos vestros sapientia & virtutis præceptis alligate: aures atq;
 oculos vestros cohibete, eisq; omnes ad libidinem vias interclu-
 dite: honestis occupationibus, & laboribus vos exercete: atque
 imprimis ad pietatis & optimarum doctrinarum studia omni
 cogitatione curaq; incumbite: & deniq; ita vivite, ut vite ra-
 tionem Deo simul, & hominibus aliquando reddere possitis.

141

O R A T I O T E R T I A E
C L A S S I S, R E C I T A T A

2
V I T O H E C T O R E
A Streitberg.



IN congiario nostro, Nobilissimi & humanis-
simi Auditores, duo præcipuè effecta cernimus, quorum alte-
rum navigii est species, in alto mari inter medios undarum mo-
tus, interq; immanium scopulorum infestis passim cacuminibus
eminentium, pericula fluctuantis. Alterum verò Delphinus
est, navem ipsam, ducis in modum prænatans, & commiseratio-
ne quasi imminentis hominibus periculi adductus, viam illis è
scopulis evadendi, ductu suo demonstrans: hac inscriptione ad-
dita: Tintius ad portum. Cujus Emblematis interpretatio, quam-
vis eam ingenii & doctrinæ requirat copiam, à qua me longissi-
mè abesse vel primus aspectus mei cuilibet indicio esse possis: Ta-

men impostam mihi abs te At. D. Rector explicationis huius provinciam, timidè quidem, sed libenti tamen animo suscipiā, & quaecunq; hoc meum parendi auctoritati tuae studium, apud lectissimam hanc auditorum coronam me excusaturum esse, de humanitate & benevolentia illorum mihi pollicebor. Mare igitur hoc, ut ordine de singulis agam, ob terribilem fluctuum jactationem, metus & horror è plenum, Mundi huius, & ejus inprimis in quam nostra vita incidit, etatis similitudinem gerit, quam similitudinem facile deprehensurus est is, qui ad praesentem rerum humanarum statum oculos vel paululum reflexerit, quas non modo publicarum calamitatum ceuturbine quodam violento agitari, verum etiam impietatis & injustitiae procellis adeo horrendum in modum exaestuare animadvertet: ut quamlibet vel saevissimam concitati maris tempestatem, praehac, de qua loquor, impietatis & injustitiae tempestate merum ludum & jocum dicturus sit: maxime si illam quidem angustia tantum unius alicujus loci contineri terminis: huius vero fluctibus, omnes (proh dolor) totius orbis angulos inundari: Itemq; illam paucorum tantum bonis & facultatibus, aut ad summum corporibus, vitaeq; huic terrena interitum minari: hac vero animas hominum in sempiterni exitii voraginem absorberi cogitaverit.

Navis vero ibidem expressa species, vita humana conditionem & statum nobis ob oculos ponit: quae vita non modo inter vastissimos fluctus, interq; horribilia omnium generis calamitatum fulmina, & tonitrua: sed etiam inter periculosissimos visitorum scopulos, & in extremam, ac deploranda prorsus vitam, & morum corruptionem, ac depravationem cursum tenere cogitur. In quo cursu, heu, quam saepe aptimum quemq; sublatum ad sidera palmis, exclamare audias: O terq; quaterq; beati, quis ante haec vices rerum, atq; hac tempora dura, contigit oppetere.

Iste vero cursus, atq; hac navigatio cum omni aetatis periculosis-

lofissima est, tū in primis pueritia, atq; adolescentia tanto periculofior esse solet, quanto minus illa ob etatū, & iudicii imbecillitatē scopulos istos pvidere, h. e. vitia, virtutū plerūq; specie facū hominibus facientia agnoscere, vel si agnoverit etiam, voluptatū tamē, quas illa pollicentur, illecebris inescata, resistere illū non potest. Unde simplicis & improvide etatū partē multo maximā, infeliciū vitiorū laqueis, priusquā cavere eos possit, irretitā, in certissimū animi & corporis exitum precipitē ruere quotidie non sine gemitu ac dolore aspicias. Nā quanto expeditior ad omnē prosperitatē via in virtute cōtinetur: tāto certior etiā à vitio & improbitate in miserā & exitiū ruina est. Ac ut navis alicujus, concitatissimo forē cursu in scopulū aliquem incurrenti, jam desperata salus est: ita certē adolescentis quoq; salus, si ū, vel uni vitiorū illorū sese mancipaverit, in qua hac potissimū propendere etas solet, vel omnino desperata, vel certē tā precipiti in loco cōstituta est, ut si ex illū expedire illū vinculū, & ad frugē revocare meliorem coneris, exitum illi sapenumero facilius acceles, quā feliciter & ex voto cogitata perficias. Vnus Dionis Syracusani filius, miserando interitu suo, hac q̄ à me dicūtur verissima esse faciliē cōprobaverit. Illum cū pater (ut Cornelius Nepos auctor est) ab avunculo Dionysio Sicilia tyranno, per summa omnū generis intēperantia & libidinis indulgentiā educatum, turpissimūq; cupiditatibus imbutum, pristino victū deducere conaretur: eo usq; commutatū priorū vita statū ferre filius non potuit, ut ē superiore ad iū parte precipitem sese dare, quā in virtutū & modestia viam redire maluerit. Maximus illorū numerus est, q; ad hosce vitiorū scopulos illi saluti suae naufragiū faciunt: multo tamē major futurus, nisi pclarum & singulare cōtra pestē illā remediū divina cōparasset benignitas: Id q; in infeli & diligenti preceptorū educatione & institutione firmum est. Qui quidem in obcundo munere & officio suo,

aliud nihil, quàm Delphini hujus in numismate nostro expressi
partes agunt. Nam quemadmodum Delphinus, si historico-
rum monumentis credimus, pro celebratissimo suo in homines a-
more, nauis in mari periclitantibus a parere, viamq. per quam
si navem deducant, scopulos sine noxa prater vehantur, demon-
strare solet: Ita bonus & fidelis doctor, non tantum rectam vir-
tutis & officii semitam gregi suo demonstrat, & Ulyssis exem-
plo, salutarium doctrinarum quas cetera, adversus Sirenum can-
tus, aures illius obstruens, contra perniciosas voluptatum illece-
bras animos eorum munit: sed hoc amplius etiam, admonendo,
urgendo, excitando, nonnunquam etiam objurgando & incre-
pando, viam illam capeffere eos cogit: optimus quicq. etiam illo-
rum doctrina & praeceptorum suorum in seipso documenta dat:
& veluti quendam Polycleti canonem seipsum proponens, vi-
am, cujus ipse alius ingrediendi auctor est, primus ingreditur.
Hoc inquam praesentissimum illud est, adversus vitiorum pestem
remedium: quo qui usus fuerit, si contra venenum illorum opti-
mè se munitum intelliget. Nam quamvis apud plurimos, in
media optimorum Magistrorum copia, vitam nihilominus cor-
ruptissimam viuentes, remedium hoc minus videatur efficax:
non in ipso tamen, sed in perversa hominum voluntate hanc
habere culpam, sciendum est, qui veluti eo recusant, vel saltem
venis illud concipi non patiuntur. Quos è vitiorum morbo ex-
plicare se non posse nihil mirum est, cum nec medicamentum
quidem ullum quantumvis presiosum & salubre, nisi intra cor-
pus assumptum, & in venas diffusum, vim suam in sanitatem re-
ducenda, ulla pacto exercere possit. Connitendum igitur etiam
nobis est, & non solum cupida praeceptoribus aures accommo-
danda, sed visâ etiam moribus, ea quae traduntur, effin-
genda & exprimenda: Summa, nostro labore, conatu & dili-
gentiâ, horum medicorum fidelium, adjuvandus labor. *Ps. n.*
naviculatores ita demum è scopulis navem educunt, camq. unâ
secum

*secum incolumem conservant: si monstratam ipsis à Delphino
viam persequantur: nō verò se cum à longe tantum spectantes,
quò ipsorum eos impellis libido, vela faciant: Ita etiam non qui
otiosis tantum auribus saluberrima praeceptorum monita exci-
piunt: sed qui ex inani speculationis umbra in actum ea educe-
re, inq. vita & moribus ex praescripto illorum instituendū ex-
periri annisuntur, q. denum & à visiorum contagio servari, &
verò solidam atq. constantem virtutis acquirere possessionem
solent.*

D I X I.



Nb 3 ORA-

ORATIO QUARTAE
CLASSIS, RECITATA

IOACHIMO STRASBURGERO
Lipsienfi.



IN numismate nostro ex amplissimi ordinis
liberalitate & munificentia, nobis tributo, Nobilissimi & p-
stantissimi audiores, Vinitoris sive agricola imaginem expres-
sam cernimus, vitis folia majuscula revellendo, superfluam illi-
us luxuriam depascens; non solum ut radiis solaribus, nimia
pampinorum antea multitudine exclusis, ad viticulam ipsam
fovendam, animandosq; teneros urvarum illius fetus, conceda-
tur aditus; sed etiam ut succulentius viticula ipsius vigor, per
folia & sarmenta inaniter dispersus, rescitis iis contineatur, &
in fructum ipsum sese penetrando, cum maturisatem illius adju-
vet, sicut etiam numerum atq; bonitatem reddat auctiorem:

Hæc

Hac adjecta inscriptione: Obstacula cedant, Quod Emblemata quamvis non unam recipere explicationem videatur, ego tamen aliis mea sum atatis, sum ingenii vires haud parum superantibus pratermissis, unam duntaxat & instituto presenti, & persona etiam mea magis convenientem asserre conabor. Primum ergo vinitoris nostri imago, fidelis & diligentis praeceptoris personam nobis repraesentat: vitis vero, juventutis praeceptorum informationi commissae picturam continet, cui & ipsi sua quadam haud sanè mediocris inest luxuries: quae ut in arbore aut vite, in stolonum & foliorum se effundit multitudinem: ita in juvenute per variis generis ineptias, maxime verò sursum, aut saltem inanium voluptatum cupiditates erumpit: quae cupiditates non solum, quidquid melioris forte indolis ad producendos virtutum fructus atati illi ingeneratum est, id totum in omnis generis vitiorum alimentum & pabulum convertunt: sed etiam doctrinae & praeceptorum salutarium quasi radiis omnem ad animum penetrandi, illumq; ad edendos virtutis norma congruentes fructus facundandi aditum & facultatem, intercludunt. Ut enim vepres atq; urtica, omnem agri, quem occuparunt, bonitatem atq; pinguedinem, utilioribus herbis, & graminea sementi interceptam exsugunt ipsae, inq; sui augmentum & incrementum convertunt: undè purgamenta mera pro frugibus agrum illum producere necesse est. Itaprofecto voluptatum illicitarum amor & studium, insita à natura teneris adolescentum animis virtutum atq; indolis praeclara semina, veluti umbra sua premeret & suffocare soles, & in omne vitiorum & flagitiorum genus degenerare cogit. Quibus quidem, si in veros virtutum fructus adolescendi suppeditari facultas debet, manibus ac pedibus illud agendum erit, quod rusticus hic noster exemplo

plō nobis suo demonstrat. *Ampusanda* inquam juvenilium
ineptiarum & petulantiarum quiquilia: *refrenandaq;* admo-
nitionum & praeceptorum salutarium habentis immoderata
voluptatum cupiditates, omnesq; adearum illecebras obstruen-
da via: *pracidenda* disturbandaq; occasiones: *contemnenda*
existantes inde in puerorum animis offensiones & querela. *Hac*
inquam, vera est huius, ut ita dicam, agri purgandi, & latissi-
ma virtutum messu obstacula removendi ratio: non solum com-
munibus omnium sapientum vocibus, & suffragiū approbata:
sed etiam recte rationis ipsius lumine demonstrata, utilitatem
potius eorum, quos institucndos suscepit, quā voluntatem a-
stimare iubentis. Nam ut agros nunquam sanaturus est me-
dicus, si morositatē forē aut offensionis illius metu, amariora
illi aliquando miscere pharmaca noluerit: contrā vero, quicquid
flagrantis animi illius concupiverit ardor, illi indulserit: Ita
certē stultitia morbum, qui secundū divina sapientia vocem,
puerorum animos occupatos tenet, non modō nunquam curatu-
rus: sed omnes etiam tam corporis quā animi illorum nervos
fracturus est, qui potiore declinandi praesentis discipulorum
odii, quā solida & constantis eorundem olim comparanda be-
nevolentia, rationem ducens, ad quamlibet illorum libidinem
connixerit, tenerosq; illorum animos vitiorum atq; voluptatū
veluti sentibus, adeo sedē occupari siverit, ut salutaribus do-
ctrina atq; institutionis seminibus, nullus vel in iū agendi, ne
dum in molestia & liberalis eruditionis fructus excresecendi, lo-
cus relictus sit. Quibus quidem iure & merito ea tandem con-
tingere solet merces, ut ex levissima hac gratia puerilis aura,
in gravissimas postea, cum ipsorum illorum, cum omnium bono-
rum odii & indignationis tempestates incidunt. Cū ē diverso
puerilium animorū temere & in consultē suscepta odia, in favo-
rem & benevolentiam summam commutatam experiantur illi,
qui perniciosi illorum desideriis, sapienter obviam eundo, disci-
plina

plina sua habenas plusculum aliquantò intenderint. Quapropter charissimi commilitones (ad vos enim finem jam spectans se convertit oratio) cum charissimos praeceptores nostros in eamunicè curam incumbere, res ipsa facere nos cogat, ut doctrina & morum honestorum laetissima quasi patrimonia nobis relinquunt, divina pariter & humana vicissim à nobis exigis ratio, ut indefessum illorum, in nobis erudiendis & ad veram omnium generis virtutum frugem perducendum studium & curam non modo agnoscamus: sed nostro quoque illis parendi, doctrinaque illorum lucem obuius ulnis excipiendi studio subsequamur: Quo facto ut non ipsi tantum perpetuo gavisiui, sed etiam gaudy huius socios Deum & homines habituri sumus. Ita etiam è contrariis, qui hoc neglexerint, & insani olim & tristi rudis atque vitiis squalore, infelicem aetatem acturi, & debitas contumacia & perversitatis suae poenas daturi sunt.

D I X I.



GRATIARVM ACTIO.

R E C I T A T A

NICOLAO HIERONYMO
BAVMGARTNER NORIBERG.

Mene jubes? ô Aoniz clarissime pubis
Rector, & infirmas premis alto pondere vires?
Scilicet elinguem puerum tam clara corona
Ferre potest, ludûmne facis, cui dona dedisti?
Non ita de tanto liceat sperare parente!
Ardua jussisti; nec cuiquam mollia: sed cum
Sit mandare tuum, parendi gloria nostra est.

D I O.

O qui laetantes solitus non spernere linguas,
Spemq; bonis superas, præcurris vota juvando,
Magne pater rerum, ingenii sator unice nostri,
Te veneror, quæsoq; ut nostris otia semper
Talia suppedient studiis: fera bella facessant,
Barbariesq; procul, sobolesq; impura Getarum
Caucaseas repetat turpi formidine portas,
Strataq; Danubium numerosa cæde coloret.
Vincat id, vivatq; pius, regnetq; Rudolphus,
Priscaq; ad Augusti revirelcat limina quercus
Servatam ob patriam, te te, D E V S, auxiliante.

SENATV

NORI.

In terras cælo redeo, magnumq; Senatum
Appello parvus, submisso poplite civis,
Commendoq; suas (quando persolvere grates
Non potis est animus, nostræq; infantia linguæ)
Has sedes, hæc Musarum celeberrima templa.
O decus Imperii eximium, sapientia cujus
Omnes per terras præclara est didita fama,
Te colimus, te suspicimus, sequimurq; volentes,
Proq; tua facimus solemnia vota salute.

SCHOLAR-

CHIS

Nec vos communi patiar sub nomine abire
Magnæ urbis procures, curatoresq; Lycei,

Cum

Cum vestra exornet nostram præsentia pompam,
 Si nostra est hæc pompa tamen, Vestri ista favoris
 Munera sunt, vestri hi ludi, vestræq; coronæ.
 At gratis servare animis hæc dona, diemq;
 Laus ea nostra manet, cæptis si arripserit æther,
 Ingeniūq; aderit cum ver optabile nostri,
 Nempe etiam vobis texemus lucida fæta,
 Qualia consuevère bonæ contexere Musæ
 Ad juga Parnassi, vel doctæ flumina Cirrhes.

Nec minus ô quorum aspectu recreamur amico, **HOSPITIUS**
 Partibus è variis faustum quicumq; tulistis
 Hæc in tecta pedem, multum salвете, mihiq;
 Atq; meis optate pios æqualibus auctus
 In rebus tam laudatis, morumq; decore.
 Nunc ad te, tuaq; hæc, Rector, benefacta revertor, **RECTOR**
 Te noster canet omnes amor te prospera fata
 Florentem nobisq; diu, Phæhoq; refervent,
 Sepiùs ut teneas hæc sceptra virentia lauro
 Auspiciis bis salva tuis animoque sagaci.

Quò, me quò fessum rapitis, tot clara per orbem **PROFESSOR**
 Lumina doctrinæ? quo vos ego carmine dicam? **RIBVS.**
 Tantarum nam me obnubit incognita rerum
 Congeries, landumque sequacibus obruor undis.
 Præcipuè cum tot juvenes, lætissima corda
 Hic adsint, curâ vestrà, cultuque polita,
 A quibus & grates, & carmina digna Marone,
 Aut Colophonæo vobis debentur Homero.

His ego & his mecum sociorum turba meorum **STUDIOS**
 Officia & studia, & gratum sacramus amorem:
 Quòd nos illustri vultu, facieque benignâ
 Tantopere cohonestarint: cursusque secundos
 Museo in stadio præscripta ad candida calcis
 Exemplo præiète suo, ne inscitia nostra
 Hæreat ad metas, hoc flexu ætatis, iniquas.

τῷ θεῷ δοξα.

Oo s

PAN

PANEGRIS ANNI


1597.

RECTORE D. M.
IOHANNÉ PRAETORIO.

Oratio prima classis, recitata:

à.

NICOLAO VOGT.
Silesio.



Quod si par mea voluntati suppeteret facultas, Auditores humanissimi, alacri certe animo partes dicendi à Magnifico D. Rectore mihi attributas susceperem:
neg.

neg, huius loci auctoritatem, vestramq, praesentiam, & gravissimum conspectum mihi magnoperè metuumdum existimarem. At non est, planè non est ingenii mei, tantum tamq, difficile onus atq, munus sustinere. Itaq, ut vestra de me opinioni atque expectationi respondere, & dignum aliquid vestris politissimis auribus in medium asferre possim, id verò non mediocriter pertimesco. Verum tamen haud leviter me reficit & recreat, sum eximia vestra, erga studiosos adolescentes humanitas, hoc in loco sape cognita atq, perspecta: tum etiam obedientiaratio, cuius tanta vis est, ut neg, subterfugere laborem, aut recusare onus, nec quengquam in crimen & invidiam vocari patiatur. Quamobrem spero, atq, ut jubet me vester conspectus, etiam confido, me benignè attenteq, à vobis auditum iri.

Dicendum est autem de argenteo numo seu premio, quo ego meiq, ordinis adolescentes jam donati ac decorati sumus. Atq, ut hinc initium ducam: In numo nostro primum impressa cernitur effigies ferì indomitiq, tauri ad caprificum alligati, cuius arboris vi omnem feritatem & immanitatem exuere, & planè mansuetus ac propè immobilis consistere cogatur. Qua imago ut planius ac plenius cognoscatur & intelligatur, opera pretium fuerit, Caprifici vim & effectum, quatenus ad rem pertinere videbitur, perquirere & investigare.

Ceteris in rebus in quibus Dei omnium rerum creatoris infinita vis & sapientia, & bonitas eluces, nosq, in sui admirationem allicit & invisat, rectè ut opinor, caprificum quoq, numerabimus. Quid enim admirabilius, quam huius arboris atactu feras atq, immanes bestias domari & mitigari posse?

Cujus rei causa etsi perobscura & explicatu perdifficilis sit, & verò ejus investigatio instituto nostro aliena videatur: iusta tamen, ut spero, reprehensione carebo, si quas ex aliis ejus rei causas cognoverim, breviter commemorem. Reperiuntur, qui

existiment caprifisco vim quandam vagatiliū inesse, qua tan-
rū torporem siue stuporem inferat, atq; ad eō omnem ferocitatem
cohibeat ac reprimat: similiter atq; torpedo limo submersa &
occultata pisces suprà natantes efficit torpidos, & Echinei na-
vem quantumvis magnam, & remis veliq; incitatam sistit &
inhibet. Alii vero arboris illius odore perquam acri & ad-
stringente tauros coerceri & mansuescieri putant. Magna enim
& multiplex odorum via est, quippe qui animantes partim mi-
rifice oblectent & recreent: partim earum vires graviter ladūt
& labefaciunt. Vultures unguentorū, scarabeos rosarum odore
exanimari ajunt. Lucretius amaracinum suisbus acre venenum
esse scribit. Quin etiam sanguinis fluxionem odore efficacior ex-
citat, & sæpè homines ad furorē & insaniam adigit. Itaq; absur-
dū fortasse non fuerit, si taurum quoq; caprifisci odore miscere,
existimetur. Alii deniq; aliis rationibus latentē in obscuro veri-
tatem quasi verunt, quam an invenerint, nec ne, id verò iū cogi-
tandum ac statuendum relinquo, qui rerum in natura abditarū
contemplationi & indagationi vacant. Quorsum autem ejus-
cemoditū belua tū arboris imago spectet, id ipsum docet lē-
mā illud nostrum, Patiunt adversa salutem. Quemadmodum
enim caprifiscus tauro indomito omnem ferocitatem & immani-
tatem detrahīt: sic res adversa homines effrenatos sibiq; prae-
dentes comprimunt. Nam quos neq; ratio, neq; leges, nec discipli-
na, nec deniq; ullum remedium humana ratione excogitatum a
flagitiis avocare potest: eos calamitas avocat, atq; ad moderatio-
nem modestiamq; traducit. Hac enim de fragili hominum natu-
ra de fluxa & caduca vita hujus conditione, de rerum humana-
rum varietate & inconstātia nos admonet, nobisq; varios homi-
num casus, ancipites evensus, diros & miserabiles exitus, ob ocu-
los ponit: atq; ad eō in eam mentē nos impellit, ut nobis nostrisq;
viribus planē diffidamus, ut ne quid temerē & inconsideratē
aggrediamur: ne officio nostro neglecto, alieum appetamus: ne

cuiquam vim inferamus, aut fraudē machinemur: ne quenkquam insolēter spernamus, ac pro nihilo putemus: ne prosperis rebus atq; ad nostrā voluntatē fluentibus efferamur: ne voluptatibus nos constringēdos tradamus: ne falsa gloria umbras cōsectemur: ne deniq; humi defixas cogitationes habeamus, & terrestria rātum ac mortalia spectem⁹: Sed ut animos excelsos & invictos sursum attollamus, omniq; studio enitamur, ut calamitoso huius vita cursu toleranter & moderatē confecto locum in cœlesti domicilio, omniū calamitatū experte inveniamus. Quantū igitur ad salutē cujlibet valeāt, quāq; porrō necessaria homini sint res adversa, verbis exprimi comodē non potest. Videmus qui prospera rerum successibus utuntur, omnibus copiis circumfluunt & abundant, quā difficulter mentis statū tenere queant, quā facile ab officio desciscant, & astu cupiditatum in perniciē & exitium rapiantur nisi interdum rebus adversis tanquā freno quidā injecto, contineātur. Quod mihi videtur Philippus Macedo pbe intellexisse, q. cum tres optatissimos nuncios uno die accepisset, sublati in cœlū manibus, Deos precatus est, ut se aliquo itē malo seu incōmodo afficerent. Significabat nimirum Rex sapientissimus, nihil ad cōprimendā insolentiā, ad refrenādas cupiditates, ad animi labeles eludēdas, ad omnesq; deniq; vitiorū ac surpitudinis fibras excindēdas tam necessariū esse, quā rebus adversis exerceri. Quēadmodū. n. in mari Persico arbores nasci dicuntur, q. ab undis in litore de relicta, sterilecant: fluctib; autē pulsata, atq; etiā tota astitib; marinis optavigeant fructusq; ferant: Sic anim⁹ humanus ab omnibus curis & molestiis vacuus, nullis incōm odiū vexatus, nullis malorum fluctibus jactatus, hebescit & languescit, & pravas plerumq; cupiditates & vitia concipit: rebus autē adversis exercitatus, multiplices & uberes virtutum fructus ex se fundit. Et ne vitis multiplici lapsu & erratico, serpens ferro amputatur, ne sylvescat sarmētū, atq; in omnes partes nimisū fusa fructib; officiat: ita prava opinionēs & vitiosa cupiditates asperitate fortuna

*ut tanquam cultro circumciduntur & amputantur, ne profusa
 visitorum luxurie mentem opprimant, omneq; pietatis & hone-
 statis studium extinguant. Et quæso quid errores evellis, om-
 nemq; levitatem & vanitatem tollis? nonne Calamitas? Quid
 libidines rescas, & insolentiam ac superbiam comprimis? Quid
 temeritatem & audaciam profligas? Calamitas. Quid nefa-
 rios conatus frangis? Quid impetus furentes revocat & refle-
 ctis? Calamitas. Quid ceteras animi affectiones, suis quasq;
 finibus coercet & continet? Calamitas. Quid deniq; animos
 nostros beata & immortalis vita cupiditate incendis? Calami-
 tas. Omorum & disciplina magistra Calamitas! o errorum
 emendatrix, cupiditatum moderatrix, visitorum expultrix! Per
 te ad sapientia omniumq; virtutum disciplinam mirabiliter institu-
 imur & erudimur: per te ab omni maleficio temperamus: per
 te placida & tranquilla mente consistimus: per te deniq; ad æ-
 ternitatem & immortalitatem aspiramus atq; contendimus.
 Prudentes igitur atque felices, qui rebus adversis ad salu-
 tem sempiternam se exerceri intelligunt, easq; æccirco placide &
 moderate ferunt: Dementes contra & miseros, qui vitam mol-
 lem, nullumq; molestis aut miseriis implicatam, turpem verò &
 flagitiosam, acerbæ, calamitosa, & moderata, atq; honesta vita
 anteponunt.*

D I X I.



ORA-

149

O R A T I O S E C V N D A E
C L A S S I S, R E C I T A T A

G E O R G I O F V C H S

à Schvveinhaupten.



DVo sunt, qua in nostro Brabeio potissimum
consideranda videantur: Imago seu effigies, & Emblemata:
De quo utroq; dum verba facio, rogo vos, Auditores optimi, ut
quam sodali meo tribuistis benevolentiam atq; attentionem,
eam mihi ne denegetis. Imago autem est Apollinis, auream bul-
lam ad pectus appensam digito commonstrantis, Bulla verò au-
rea primum fuit ornamentum Regum Romanorum, ab Hetrus-
cis acceptum: quod postea ad pueros nobiles ceterosq;, quorum
patres equo meruissent, translatum est. Cujus rei autor pri-
mus memoratur fuisse Tarquinius Priscus, qui aurea bulla, &
purpurea pratexta, filium suum annos quatuordecim natum, qui
in bello Sabino primus in hostes impetum fecerat, donauit, ut

P p

*ratio sequenti
Emblema emod
impetoris folia*

ais

ait Plinius lib. 33. cap. 1. Cuius exemplum secuti principes Romani, praeexta, bullaq; liberos suos donaverunt, quae ad annum usq; decimum quartum uterentur. Erat hac bulla ferè rotunda, in cordis humani figuram formata. Sic dicta (ut ajunt) à nomine *Εχλιδ*. i. e. consilium, quod hac aetas propter inscitiam atq; temeritatē alieno consilio maximè indigeat. Ceterū ex collo ad pectus ea dependebat, ut pueri ejus aspectu admoherentur & intelligerent, ita demum se homines fore, si (ut Atacrobis inquit) corde praestarent. Cor enim non solum vita atq; affectuum sors est: sed etiā anima, ratio, consiliūq; praeclita domicilium: id quod sum ex sacris literis, quibus traditur, homines habere legem in cordibus inscriptam: & de corde exire cogitationes: tum etiam è philosophorum quorundam scriptis cognoscere licet, qui primariam praeipuanq; animae sedem cor statuunt, eidemq; sapientiam attribuunt. Unde homines vel cordati, id est, homines sapientes & prudentes: vel contrā vacordes, & excordes, hoc est, insipientes ac dementes nominantur. Et P. Scipio Nasica, quod sapientissimus esset, Corculum fuit appellatus. Verum longior hac de re sermo, à me (ut spero) non expectatur. Ad Emblemata nostrum quod attinet, duobus hisce verbis id expressum est: Pectore consilium.

Quod praeclare admonet, omnes actiones certo consilio moderandas, nec inconsulto ac temerè quidquam suscipiendum & agendum esse. Est namque cordati hominis, omnia quae sibi suisq; accidere queant, accuratè praeconsiderari: cum praesertim vita mortalium, eos periculis & difficultatibus circumsepta, totq; fortuna & naturae telis proposita sit, ut saepe medio in cursu obruatur & opprimatur. Videmus quàm perversè ac praeposterè omnia agant, quantam ignominiam subeant, quamq; nefariam pestem sibi & Reipublicae machinentur, qui sine consilio iudicioq; praecipites feruntur. Cum enim rectus virtutum usus, prudentia, consiliūq; ratione contineatur, necesse est,

ne amos prudentia lumine, nec iuste ac liberaliter, nec forsiter, nec temperanter quicquam agere possit. Nam quomodo unicuique suum tribuet, aut injuriam a se depelles? quomodo pro honestate pugnabit, pericula propulsabit, fortunam adversam infracto animo, secundam moderate feret? quomodo modestiam, modum & decus tuebitur, turpes voluptates contemnet, honestum modicè fruesur is qui nec quid, nec, quare ratione & modo, nec, cur aliquid facturum, dicturusve sit, intelligit? Adde quod nihil omnino in vita boni esse queat, si prudentia, consiliū, moderatio sublata fuerit. Etenim, neque vires, neque pulchritudo, nec, opes, nec imperium, nec aliud quid exiis, quae vulgo eximia bona habentur, salutem ac decus asferre possunt eis, qui illis temere & insipienter utuntur. Hinc Cicero, Nihil (inquit) sunt vires sine consilio. Et Salustius: Non viribus aut velocitate corporum res magna geruntur, sed consilio & auctoritate. In Scholiā cersē & Academius (ut de ceteris vitæ generibus nunc taceam) quantum consilii gubernatio valeat, quamque ea necessaria sit, neminem nisi rudem ac imperitum esse puto, qui non animadvertat, Magna in plerisque est vita licentia, multiplices sodalitates, multa depravationis occasiones, pessima exempla, infinita insidiae atque illecebrae. Quotus quique, adolescens in illis reperitur, qui inflammato studio ad eruditionem & virtutem incumbat, atque in his duabus rebus omne studium, maximamque temporis partem consumat? Nonne plerique ignavo otio, nugis, per potationibus & lusionibus magis, quam literarum studiis sunt dediti? & leves scurras, lascivas puellas, impudicas mulierculas, ceterosque id genus voluptatum ministros, potius, quam parentes ac praeceptores sectantur? Sed non satis esse putat, si ipsi omni vitiorum labe fœdati sint, nisi alios quoque turpitudinis suae contagione contaminent. Itaque sit, ut qui domi modeste vixerunt, diligentem operam literis navarunt, simul

ac in Academiis ventum est, de priore virtutis & industria curriculo deflectant, atq; in omne vitiorum genus delabantur. Si unquam fuerunt, nunc profectò talia sunt tempora, quibus adolescentia in summo probitatis & salutis discrimine & periculo versatur.


Quapropter ò Adolescentes, auream bullam ab oculis cōstituite, nostrumq; Emblemam animis vestris insigite: atq; ad res quasq; agendas consilium & prudentiam adhibete. In primis vero circumspicite atq; cavete insidiosas improborum tendiculas, omnesq; voluptatum illecebras, ne earum blanditiis illecti, in omne flagitiorum & calamitatum genus precipites ruatis.

D I X I.

ORATIO TERTIAE
CLASSIS, RECITATA

STEPHANO GEYGER.

N. O. R I B E R G.



ETSI me quoq; R. M. tum pudor meus, tum
senectutis mea conscientia, ad suscipiendā provinciam istā
Oratio periphrasi Emblematis fol. 199
timi-

timidiorem reddis : tamen cum multo gravius me crimen incursum videam, si ad declinandas hasce dicendi partes, plus timorem meum, quam ad eandem obedienter exsequendam, At. T. voluntatem apud me valere patiar : equidem eruditionem & facundiam, quam modestum magistratui meo obtemperandi studium, in me desiderari malo : & quæ de Emblematis in congiario nostro expressi significatione assequi divinando potui, summa quam potero brevitatem explicare conabor. In numismate igitur nostro, Orna. audi. triplex nobis animalium representatur genus, Leo, Asellus & Porcus : ipso corporum positu & gestu, summam indolis ingeniiq; inter eos diversitatem indicantes. Primum enim asellus, unatum porco, humi ambo jacentes, & ab omni opere & labore vacui, otii ignaviaq; turpi voluptate saginantur. Leo verò in pedes posteriores erectus, anterioribus verò lanceam, gladiatoris animosi ritus sublatam, vilibus atq; inertibus animalibus illis intentans, à turpi veterno isto exercitare ea nstitutur, hoc temmate apposito. Pungit inertes.

Quorum omnium significationem si scrutati fuerimus diligentius, ignavo & ignobili illo animalium pari, degenerem & inutilem illam discentium turbam, qui honestissimorum discendi laborum pertasi, infami otii atq; ignavia veterno putrescunt, nobis depingi : Leonis verò pictura, praeceptoris boni & fidelis imaginem nobis representari animadvertemus. Priorum illorū maximā ubiq; copiā, & proventū nimis uberē experimur. Ut enim segetem sine lolio & Zizanis vix invenire licet, ita omnibus, ubiq; locorum, discentium cæcibus suum quoq; lolium, & veluti fucos quosdam ignavos perpetuò admixtos esse videas : quos etsi ex reliquo discentium cætū arcere aut ejicere in praeceptoris manu non fit ; in eam tamen curam incumbere illū decet, ut quo modo leonem hūc erga ignava ista pecora compara-

rese videmus, ipse quoq; in suum illud ignavum pecus sese com-
pareret, hac est, omne remediorum genus, ad depellendum perni-
ciosum istum torporis & pigritiae morbum adhibeat, nec propria
tantum industria atq; alacritatis exemplo discentibus praluce-
at, sed etiam admonitionum, exhortationum, itemq; increpa-
tionum omnes machinas illis admoveat, omne organorum ad
scholastica disciplina regimen pertinentium genus, in auxilium
advocet. Id enim nisi fecerit, ut misera & improvide juven-
tutis salutem & frugem contra officium & fidem proditurus,
ita graves olim, Deo & hominibus, neglecti officii sui rationes
redditurus est: Quamquam, si verum satendum est, non tam in
praeceptoribus, quam in discipulis culpa isthac saepenumero ha-
rere deprehendatur, qui dulci quidem, at exitiali tamen, torpo-
ris & desidia veneno delinisti, non modo remediis nullis quic-
quam loci relinquunt, sed etiam pro maximo salutaris medela
huius beneficio, pessimam saepenumero gratiam illis relata cu-
piunt, & si aliud nequeat, vel parentes suos, aliosq;, quos sui am-
tiores norunt, indignissimo contra praeceptores optime meritos,
aut mereri certe cupientes, odio inflammant; non intelligentes
interim, quam praeceptoribus machinansur fraudem, in propria
ipsorum capita recidere. Dum enim indigna hac, quam prae-
ceptoribus referre parant, gratia, in hac officii parte cunctatior
illos reddunt, ipsimet sibi omnem ad frugem bonam pervenien-
di viam, malitia hac sua, praecludunt, & infestia, morumq; pra-
vorum cano perpetuo immersi haerent, dedecus & infamiam,
& iustissimum bonorum honestorumq; hominum contemptum,
ut meritisissimam perversitatis & improbitatis sua mercedem
reportantes. Quod quidem, charissimi commilitones, ne nobis
quoq; usu veniat, duabus rebus, etiam atq; etiam nobis provi-
dendum est. Primum, ut ipsimet otium atq; inertiam, quanta
possumus contentione, fugiamus, & propter atram illius caudam,
qua nihil est aliud quam certissimum omnium bonarum rerum exitium,
falla-

fallacissima faciei illius blandimenta, impuram & inanem voluptatem dico; excremur. *Contrà* verò laborem & industriam, ut virtutis & honestatis omnis nericulam, identidem amplectamur & exosculemur. Deinde, si nos inter illos forte non esse intelligamus, qui singulari quadam natura bonitate, ad laboris & industria amorem ipsi excitare sese norunt, in illorum saltem inveniamur numero, qui admonitionum, & castigationum stimulis, à magistris & preceptoribus juventutia dmo veri solitis, non recalcitrant, sed æquisimo animo perferunt, illum egrotantium morem imitantes, qui bonæ valetudinis recuperanda desiderio, non modo amarissima quæq; deglutire pharmaca non recusant, sed ustiones etiam, & sectiones, aliæq; acerbissima medicantium tormenta, forti animo sustinent: hæc interim spe certissima nos consolantes, amaritiei illam, quæ laboris & discipline radicibus inesse animadvertitur, incredibili olim dulcissimorum fructuum suavitatem, longè supra spem & opinionem nostram compensatum iri,

D I X I.



ORA-

ORATIO QVARTAE
CLASSIS, RECITATA

SIGISMUNDO KOZEL
à Reifental.



Quaquam in negotio hoc, M. D. R. ab
 auctoritate tua mihi nunc imposito, iustissima imbecilli-
 tatis excusatione uti posse videar: tamen, cum me ad parendum
 in omnibus rebus Magn. Tuae quam devinctissimum agnoscam:
 non committendum mihi puto, ut demandatam mihi à Mag.
 tua provinciam refugiendo, plus pudori meo indulgisse, quam au-
 ctoris tui paruisse videar: cum praesertim ea me spes erigat,
 humanissimos Auditores balbusiem meam favore suo, erga
 quaecumq; hoc Magistratus meo obtemperandi studium, beni-
 gnè subleventuros. Numisma igitur nostrum, Amplissimi Or-
 dinis munificentia nobis tributum, Cedrum arborem nobis ob
 oculos ponit, duabus tantum vuculis hisce circumscriptam: Se-
 rotina

rotina præstant. Breve negotium, & paucarum syllabarum sono confectum, sed profecto rerum ad felicem nostri institutionem maximi momenti significationem sub obscura brevitate ista occultans. Quamut brevissime perstringamus potius quam evoluvamus, duo nobis ex rerum naturalium scriptoribus Cedri arboris observanda sunt genera. Vnum, quod flores quidem, fructum vero adfert nullum: alterum vero, quod flore caret, fructum vero dulcissimi saporis ubertate et copia defectum illius abunde compensat. Quo duplici tamque diverso arboris istius genere, duplex quoque discipulorum seu adolescentum, non minori indolis atque ingenij diversitate inter se dissidentium genus designatur. Quorum priore illi continentur, qui simul ac doctrina & institutionis quasi auram persensiscunt, evestigio in florum & foliorum copiam longè maximam effunduntur, hoc est, inanisima ostentationis & jactantie quasi vento iniamescunt, doctrinaque & eruditionis pendè singularis opinione dementati, fallaci illius fuco passim apud imperitos sese venditant: & præ se unius (ut veterum quidam loquitur) omnes divina & humana sapientia antistites, gentemque omnem cogitam, totumque nomen latinum, rudes & agrestes esse, per summam stulticiam opinantur.

Verum enim vero ut cedrus illa, qua florum amantitate & fragrantia mirè initio superbiebat, hominū postea de fructibus suis spem turpiter destituit, ita istud discipulorum genus, postquam in spem maximorum fructuum, tam ad Ecclesiam, quam ad Rempublicam ex ipsorum olim studiū perventurorum animos hominum arrexerunt, tandem pro amplissimis eruditionis doctrinaque thesauris, vilissimos opinionis & persuasionis inanēs carbones proferunt. Alterum genus illorum est, qui dum in discendi versantur curriculo, diligentissimam modestia & pudoris rationem habent, ac ne vel minimam fastus aut inso-

*lentia suspicionem de se praebeant, omni ratione cavent, minimè
 solliciti, quo pacto ingenij sui opes studij assiduitate partas, aliis
 ostentent, sed potius quomodo vel citra hominum animadver-
 sionem eas adaugeant: & quemadmodum plantas crescere qui-
 dem non videmus, sed crevisse, ita isti quoque, unum illud operam
 dare solent, quo eruditionis & doctrinae opes jam possidere, ma-
 gis quam ad possessionem illarum sollicitè admodum aspirare
 videantur. De hoc ergo, charissimi commilitones (vestri enim
 compellatione finem orationi meae imponere places) de hoc in-
 quam, duplici adolescentum in studiorum liberalium palaestra
 versantium genere, congiarj nostri intuitu admoniti, in eam
 curam nos excumbere decet, ut à priore illo genere quàm lon-
 gissimè nos sejungentes, posteriorum istorum similes esse stude-
 amus, hoc est, fastum omnem, & inanem de nobis ipsis persua-
 sionem, omni contentione fugiamus, intra verècundia & mo-
 destiae fines, summa cura nos contineamus. Id enim si feceri-
 mus, ut certissimam studiorum pestem, ejusque individuum comi-
 tem justissimum bonorum omnium odium, effugiemus: ita è di-
 verso non modo felicium in studiis progressum magnum adju-
 mentum & praesidium, sed etiam veri amoris & benevo-
 lentiae hominum conciliatricem no-
 bi comparabimus.*

DIXI.



EMBLE.

E M B L E M A T V M I N H O C

L I B R O E X P O S I T O R V M

C A T A L O G V S.

A Cuit ut penetret. 80. b.	Pax aurea secli 16. b.
Ad astra vel rastra. 93.	Pectore consilium 149. b.
Adde parum parvo. 49	Perfer & obdura. 50. b.
Allicit ut perimat. 112. b.	Pietas tutiss. virtus. 46.
Amar victoria curam. 4. 40.	Procul hinc, latet anguis. 91.
Arrecta attentior aure. 103. b.	Pungit inertes. 511.
Ars regula vitæ 34	Qua licet erumpit. 134.
Cælesti numine vincor. 26.	Stat gratia facti. 119.
Conscientia. 95. b.	Saucius erro. 77. b.
Damnosa libertas 107.	Serotina præstant, 153.
Defectum industria supplet 122. b.	Sobrietas victrix veneris. 11.
Desuper auxilium 132. b.	Studio & perseverantia. 56.
Disciplina salubris. 137.	Stultus amor nostri. 30. b.
Et labor & virtus. 60.	Splendescit in usu. 84.
Fortior è latebris. 114.	Tolle moras. 32. b.
Gaudet certamine virtus. 101.	Tramite recto. 136.
Haud impune feret. 115.	Tutus ad portum, 141.
Improbis poena sui. 17.	Vanitas. 69
In se contexta recurrit. 44.	Veritas premitur nō opprimit.
Ingenium superat vires. 13	Vestigia terrent. 139.
Mentis Venus improba clades, 28.	Vigiliis ac moderatione. 35. b.
Nobilitatis virtus non stemma character. 6.	Vince animos. 98. b.
Nulla salus bello 13.	Virtus post fata superstes. 20. b.
Nullis fraus tuta latebris. 41. b.	Virtutem doctrina parat.
Obstacula cedant. 144.	1. 61. b.
Officium natura docet. 38.	Virtutis merces sudore paratur. 64. b.
Pæna comes sceleris. 127.	Virtutis gloria merces. 66.
Pariunt adversa salutem. 147. b.	Virus aurib. haurit. 115. b.
Paulatim 71. b. 91	Vivitur ingento. 9.
	Vt desint vires. 74. b.
	Vtrog; clarescere pulchrū 107

INDEX ALPHABETICVS

RERVM ET VERBORVM

memorabilium.

A damus ab ignis flamma non leditur. 51.	Calumnie descriptio. 119. b.
Adolescens pulcher, nobilis sed rudis, à Carolo. V. vocatur pulchra statua: 7.	Eius magna vis. 16.
AEmulationis honesta utilitates. 92.	Contra illam remedia: 16.
Alexander Magnus multum delecta- tus lectione Homeris. 1. b.	Cervi proprietates aliquot. 43.
Alexander Magnus noctes ad officia tripartita dividebat. 40.	Cervi simplicis & serpentis callidi naturale odium. 16.
Androdam servus à leone quodam de- fenditur: 78.	Cervi arrectu aurib. acutus audiunt. 105.
Animalium quorundam mira inter se inimicitia. 75. b.	Ciconia multarum virtutum simu- lachrum. 47.
Apellus de calumnia pictura explica- tur. 116.	In primis vero pietatis. 16.
Aquila pullos qui radios solis perse- runt, pro legitimis agnoscit. 7.	Chinenses populi doctiss. viros aliis omnib. in gubernationib. praefrunt. 98.
Ardea cum falcone pugna. 23.	Civitas sine consilio, est corpus sine anima. 13. b.
Cadmea illarum victoria. 16.	Cleanthus lucerna proverbium. 39. b.
Aristophani lucerna proverbium. 39. b.	Columba in Arca Noë typus Ecclesia. 16.
Armis & consilii orbis terrarum de- fenditur: 61. b.	Concupiscentia laxius habentis auri- gatur.
Arrogantia nihil turpius. 114. b.	Corporum nostrorum figura nos ad pacem non bellum factos in- dicat. 23. b.
Athenienses quare Gratiis sanum media urbe consecrarint. 121. b.	Consuetudo vis. 97.
Autores enumerantur qui de reb. ge- stu Hercules scripserunt. 101. b.	Critici unde dicti. 81.
Basilisci historia adhuc incerta. 17. b.	Demosthenes abstemius & vigilans. 39. b.
Eius acerrimum venenum. 16.	Demosthenis ad mirabili & sermo incredibili exercitatio. 84.
Belli calamitates. 23. b.	Disciplina in omni genere vitae ma- xima utilis. 108.

Est quasi.


Est quasi quoddam septum iu- venitatis	107. b.	Imperatorum erga praeceptores gra- tutudo & venerationis.	121
Disciplina privata quae?	108.	Improbis nocentiss., ferro ac igne violentior.	19. b.
Doctus ab indocto differt quantum dies à nocte.	1. b.	Ingenium parit doctrinam, hac vir- tutem, virtus gloriam, inde im- mortalitas.	10.
Doctrina & studia in intrag., fortuna instat fortiss. clypeis.	34. b.	Ingratus ut vipera detestandus.	126. b.
Draco puerum servavit.	79. b.	Ira impotentis exempla memora- lia.	99.
Eloquentia praeipuum ingenii de- cus.	81.	Ira remedium potiss., mora & dilatio.	100. b.
Episteti lucernula post mortem ma- gno precio divendita.	39. b.	Labore omnia bona veniunt.	66.
Fabula de certamine Aquila & te- ludini expositio.	91. b.	Libertatis damno se praemia.	109. b.
Fridericus Oenobarbi vigilantia ad divinas laudes celebrandas.	40.	Lingua latina & graeca feres omnia eruditionis.	59.
Fridericus II. scripsit de Aucupio: qui liber nuper impressus est.		Litteris & eruditione nihil praestan- tius.	94.
Galenus se Basiliscum nunquam vi- disse fatetur.	18.	Luscinia luculenta descriptio.	73.
Gratitudinis commendatio.	120.	Maximilianus. I. scripsit Sylvarum ex- perientiarum, teste Iacobo Spie- gelio.	3.
Gratia & remuneratio vinculum Concordiae.	79. b.	Maximilianus. II. dicitur in suis the- sauris habuisse exsiccatum Basili- scum.	18.
Gratia à brutis quoque reddita.	ib.	Mendacium nullum senescit.	14. b.
Grues observant excubias noctur- nas.	38.	Moderationis fama iuvenib. inpr- mis observanda.	37.
Proprietates & ordo in volando.	39.	Musarum sectatores tres hostes ha- bent, ventrem somnum & venerem.	
Hercules quos representet.	65.	Musella naturalis hosti serpentis.	41.
Herculis varia nomina.	102.	Ruta se munis contra eum ante pugnam.	ib.
Herculis colloquium cum virtute & voluptate: et illius allegoria.	ib.		
Hesperidum horti quales fuerint.	65.		
Homines universi laudi cupidi.	87. b.		
Ignavia comites egestas & contem- ptus.	93. b.		

Narcissus ex nimio amore in florem
 mut. 24. 31
 Naturalium rerum omnium mira
 vicissitudo. 45. b.
 Natura humane duplex vi. 98. b.
 Neglectio etiam optima corrumpit,
 exercitatio confirmat. 83.
 Nihil flagitiosius aut nocentius im-
 puris libidinibus 29.
 Nobilitas generis & pulchritudo
 corporis sine virtute ac doctrina
 nihil sunt. 7.
 Nobilitas malis & improbis plane
 inutilis. 7. b.
 Obedientia singulare bonum.
 Occasio diligenter observanda 33.
 Apud veteres quomodo pingatur. 11. b.
 Olea pacis signum. 16.
 Panthera descriptio. 182. b.
 Peregrinationes unde tam grata sint
 hominib. 59.
 Philantia ingens malum Ecclesia &
 Reip. 31.
 Philantia omnium malorum fons
 secundum Platonem. 32.
 Philosophia laus. 16.
 Qualis illius summa perfectio in hac
 vita. 27
 Plato vult potentiam cum sapientia
 coniungi. 2.
 Platonis specus plenum opinionum
 speculis. 7.
 Principes docti alii praeferendi. 1.
 Plures eorum nominatim recensentur.
 Prometheus fabula ethica explicatur.
 96. b.

Puerorum institutio quam sit laboriosa. 51.
 Pueri duo maxime necessaria, laudis
 studium, & modestia. 70. b.
 Pueri ingenium quale laudet Quin-
 tilianus. 86. b.
 Quatuor impediunt homines ne ma-
 gnas ac praeciores res consequan-
 tur. 57.
 Res magne ut plurimum non tam
 viribus quam consilio geruntur. 19.
 Rhinocerotus cum Elephanto pugna. 4.
 Rosa elegans descriptio. 20.
 Rosa centifolia Theoph. 22.
 Rosa in sicco locu odoratior quam
 humidis. 21. b.
 Sapientes septem in civitatib. suis
 gubernationem obtinuerunt. 94.
 Scientia trib. completur. Natura
 Doctrina & exercitatione. 122. b.
 Scribendi Cacoëthes nostro tempore
 nocentis, ac frequentis. 31.
 Semper fieri est nunquam secundum
 Platonem. 45.
 Serpens hieroglyphicum signum an-
 ni. 44. b.
 Serpens salivam hominum ieiunii fugit
 & illius os inmissa moritur. 1.
 Socrates natura stupidus labore &
 assiduitate plurimum profecit. 52.
 Stephanus Rex Polonorum sapientiss.
 ac fortissimus Moschos devicit. 4. b.
 Suillum genus in Arabia ob odores
 non vivit. 127. b.
 Sua amaracum non fert. 113.
 Sycomori descriptio. 123.
 Tardior

<i>Tardior saepe celeriore</i> vincit. 98.	<i>Virtus & ars circa difficilia versan-</i> <i>tur.</i> 61.
<i>Theologia omnium scientiarum re-</i> <i>gina.</i> 27.	<i>Virtus duplex, moralis & intellectu-</i> <i>va.</i> 65.
<i>Tigris quantopere amet fortum.</i> 93.	<i>Virtus affectuum stimulus excitatur.</i> 136. b.
<i>Venerem vincit sobrietas & illius an-</i> <i>tidotus temperantia.</i> 11. b.	<i>Visus & auditus inter sensus praei-</i> <i>pui.</i> 103. b.
<i>Veritatu & vanitatis descriptio.</i> 79.	<i>Visus an auditus praestantior.</i> ib.
<i>Veritatis radus contra mendacia in</i> <i>victus.</i> 14. b.	<i>Vita sine libris obscura & imperfe-</i> <i>cta.</i> 60. b.
<i>Veteres sua scripta diu & studiose</i> <i>emendarunt.</i> 35. b.	<i>Vita apud Gellium ferro confectur.</i> 66. b.
<i>Victoria nulla expers cura & laboris.</i> 4. b.	<i>Vita vigilia secundum Plinium.</i> 5. b.
<i>Vigilia decent bonarum Artium stu-</i> <i>diosos.</i> 37.	<i>Vita voluptaria detrimenta plurima.</i> 11. b.
<i>Vipera acerrimus hostis lusciniæ.</i> 75	<i>Voluptatum turpium descriptio.</i> 90.
<i>Virtus excellens sine litteris & eru-</i> <i>ditione parari nequit.</i> 1. b.	<i>Voluptates ex gustu & tactu imper-</i> <i>tunissima.</i> 119.
<i>Virtus & doctrina cum homine non</i> <i>intereunt.</i> 9. b.	<i>Voluptas vipera confectur.</i> 76. b.

F I N I S.



N O R I B E R G Æ.

Excudebat Christophorus Lochnerus.

ANNO dñi 1597.

1. The first of these is the
2. second is the
3. third is the
4. fourth is the
5. fifth is the
6. sixth is the
7. seventh is the
8. eighth is the
9. ninth is the
10. tenth is the

21212

THE
OF THE
AND
OF THE







